

Ilanngussaq B



Uunga: Inatsisartut Aningaasaqarnermut Akileraartarnermullu
Ataatsimiititaliaat
Uunga: Sakarias Amondsen.

Aningaasaqarnermut Akileraartarnermullu Ataatsimiititaliap AIS2017-imut apeqqutaanut Naalakkersuisut akissutaat

Allakkap ullua: 12-10-2016
Suliap nr.: 2016 - 4607
Allagaatip suussusia 3541813

Aningaasaqarnermut Akileraartarnermullu Ataatsimiititaliap AIS2017-imut
apeqqutaanut Naalakkersuisut akissutaat tamarmiusut allakkami matumani
takuneqarsinnaapput. Apeqqutit allakkatigut, j.nr.: 01.31.11-00016, ulloq 7.
september 2016 Naalakkersuisunut nassiunneqarput.

P. O. Box 1037
3900 Nuuk
Oqa. (+299) 34 50 00
Nassitsigasuaat (+299) 34 63
50
E-mail: oed@nanoq.gl
www.naalakkersuisut.gl

2. Oqaasertaliussat

2.1. Naalakkersuisunut – Suliassaqarfik 10 - 89 - Nr. 6-imut.

- a) Aningaasanik immikkoortinneqartunik annertussusiliinertik
Naalakkersuisunit qanoq ingerlappaat?

Akissut: Ajornartoomerni inuit inuunerannik annaassiniarluni ilassutitut
aningaasaliissutissanik utaqqeqqaartariaqanngitsumik sukkasuumik
iliuuseqarnissami Naalakkersuisut suliaqarnissaannut aningaasartuutit qummut
killissaannik missingiinertut aningaasat isigineqassapput. Pisumut taama ittumut
assersuutitut taaneqarsinnaavoq umiarsuup ilulissamut aporluni umiiarnerata
kingorna annassimasunik annaassiniarnissaq siunertaralugu qulimiguulimmik
attartorneq. Taamaalilluni piginnaatitsissut taamaallaat pisuni ajornartoorfiusuni
atorneqarsinnaavoq, tassa Naalakkersuisut siumoortumik
aningaasassaartoqarnersoq eqqarsaatigeqqaarnagu qanorluunniit
pisoqaraluarpat iliuuseqartussaagamik.

- b) Ataatsimiititaliap itisilertikkusuppaa kia aalajangertarneraa
ajornartorsiortoqarnerani iliuuseqartoqarnissaanik
pisariaqartitsisoqarnersoq?

Akissut: Soorunami ajutoornerup qanoq isikkoqarnera aamma pisumi pissutsit
suunersut apeqqutaapput piginnaatitsissutip atorneqarnissaanut
aalajangiinissamut kina akisussaasuussanersoq. Kalaallit Nunaanni
upalungaarsimanissamut pilersaarut atuuttoq naapertorlugu
Upalungaarsimanermit ataatsimiititaliap qinnuiginninneratigut Naalakkersuisut
Siulittaasuat tassaasinnaavoq tamanna pillugu aalajangiisusaaq.
Upalungaarsimanissamut pilersaarut uani link-imi nassarineqarsinnaavoq:
<http://beredskabsinfo.gl/Beredskab/~media/439DEA528F144D0AB0210A1CB21F2010.ashx>

Ajutoornerit oqaasertaliussami imatut ilaatigut nassuiarneqarput umiarsuit
umiusut, timmisartut ajunaartut, pinerliiniat saassussinerat, pinngortitami
ajunaarnersuaqarneq, qaartoorerit pisartullu allat siumut
naatsorsuutigineqareersinnaanngitsut ajunaarnersuartut pissuseqartut, inuit

inuunerat nalillillu pingaarutillit isumannaarniarlugit sukkasuumik iliuuseqarfigineqartariaqartut.

Pisunut taakkununga tamanut pingaaruteqarpoq aningaasaqarnikkut pissutsinik erseqqinnigitsunik pissuteqartumik annaassiniarnissap unitsinneqannginnissaa, kinguartinneqannginnissaa ajorseriartinneqannginnissaaluunniit.

- c) Oqaasertaliussaq matumani pineqartoq aammalu konto pingaarnermut 20.11.50-imut oqaasertaliussaq qanoq imminnut ataqatigiippat?

Akissut: Oqaasertaliussat taakku marluusut pisunut assigiinnigilluinnartunut marlunnut sammititaapput. Oqaasertaliussami matumani siunertarinqarpoq nunami maani nunattalu imartaani sukkasuumik siunnerfeqartumillu annaassiniarnissap qulakkeerneqarnissaa. Taamaalilluni oqaasertaliussaq assersuutigalugu Syriami innuttaasut imminnut sorsuunneranni ikiuiniarnermut atatillugu suliniutinut atorneqarsinnaanngilaq. Akerlianik konto pingaarnermut 20.11.50-imut oqaasertaliussaq periarfissiivoq nunarsuarmi tamarmi nunat tamalaat ikiuiniatigiiffiit ikiorsiinissamat.

- d) Oqaasertaliussaq una naapertorlugu aningaasanik atugassanngortitsinissap Aningaasaqarnermut Akileraartarnermullu Ataatsimiititaliamit siumoortumik akuersissutigineqarsimanissaata oqaasertaliussami matumani piumasaqaataannginneranut suna pissutaava?

Akissut: Konto pingaarnermut matumunnga oqaasertaliussaq nr. 6 atorneqassappat Aningaasaqarnermut Akileraartarnermullu Ataatsimiititaliaq akuersiteqqaarneqartariaqarpoq, taamalu oqaasertaliussaq siunertanik naammassinnissinnaanani taamaalillunilu isumaarulluni. Pissusissamisuumngilluinnassaaq assersuutigalugu pinerliiniat Nuummi saassussinerisa kingorna ajoqusersimasunik qimarngussuinissamik Naalakkersuisut aallartitsinngippata, tassani Aningaasaqarnermut Akileraartarnermullu Ataatsimiititaliap aningaasaliissutissanik qinnuteqaammik suliaqarnerata inerneranik utaqqinissaq pissutiginnarlugu. Piumasaqaat taama ittoq inuunermik pingaarutillitullu naleqartitanik annaasaqarnermik kinguneqarluarsinnaavoq, aamma illersuisinnaatitaanerup nalinginnaasumik nassuiaataa malillugu Naalakkersuisut qanorluunniit pisoqaraluarpat ajornartoornermi piumasaqaammik taama ittumik avaqqutsisinnaanaviannngillat, tassa iliuuseq inunnik pigisanilluunniit annertuumik ajoqusertoqarnissaa pinngitsoortinniarlugu iliuuseq pisariaqartinneqartutut isigineqarpat iliuuseq nalinginnaasumik pineqaatissiissutaasinnaasoq pillaatissiissutaassanngilaq.

2.2. Konto pingaarnermut 30.10.37-mut – Nuna tamakkerlugu meeqqanut inuusuttunullu ulloq unnuarlu paaqqinniffiit

Atuinerussutinik atuinikinnerussutinilluunniit nuussisarneq Naalakkersuisunit qanoq iluarsiivigineqartarpa?

Akissut: Atuinerussutit atuinikinnerussutilluunniit ukiup tulliani ulloq unnuarlu akigititaasussat aqutugalugit nuunneqartarput. Tassa atuinerussutaasimasut atuinikinnerussutaasimasulluunniit paaqqinniffiit tamarmiusut ulloq unnuarlu akigititassaannut agguallugit nuunneqartarput, taamaalilluni missingersuutinit

tamarmiusunit ilitersuinermit qanoq aningaasassaqaarneq naapertorlugu akigititat qaffanneqartarput/apparneqartarput.

2.3. Konto pingaarnermut 30.13.07-imut – Danmarkimi Kalaallit Nunaannilu inissiinernut qitiusumik immikkoortitat

Nr. 3-mut

- a) Danmarkimut inissiisarnertit ikilisarneqarnissaat Naalackersuisunit sulissutigineqalersaarpa, taamaassimappallu suna tunngavigineqassava?

Akissut: Naalackersuisut sulissutiguarpat Danmarkimi inissiinissamut pisariaqartitsisarnermik annikillisaaniarlutik nunatsinni neqeroortissaqartitsisarnissaq. Tamanna anguneqassaaq pingaartumik ulloq unnuarlu paaqqinniffinni naleqquttunik neqeroorteqartarnissap ukkatariuarneratigut.

- b) Konto pingaarnermut 30.13.41-mut tunngatillugu aalajangersakkamik taamaaqataanik sooq ilanngussisoqanngila?

Akissut: Apeqqummi erserterluppoq aalajangersagaq sorleq matumani innersuussutigineqarnersoq.

3. Nalinginnaasumik nassuiaatit

Allamik allassimasoqartinnagu quppernertut innersuussutit danskisuaanut innersuussutaapput.

3.1. Immikkoortoq 3. Aningaasaqarnikkut inissisimaneq. qupperneq 93

2016-imi BNP-mi 5 %-imik annertutigisumik ineriartortoqarnerunissaa naatsorsuutigineqartoq Naalackersuisut paasissutissiissutigaa. Ineriartornerup taassuma ilaa qanoq annertutigisoq aalisarnermut sanaartornermullu tunngasunik pissuteqarpa?

Akissut: 2016-imi ineriartorneq uuttuutit arlallit tunngavigalugit nalilerneqarpoq 5 pct.-isut annertutigissangatinneqartoq, uuttuutitut ilaatinneqarput aalisarnerup ineriartornera, aalisakkanut raajanullu akigititat, sanaartortoqarnerulerneru, suliffissarsiorlut amerlassusaat, pisiniarfiit kaaviiartitaat pisortallu qanoq atuitiginerat. Ukiut kingullit marlussuit ingerlaneranni uuttuutigineqartut taakku pitsaasumik ineriartorsimapput, taamaattoq piffissami kingullermit pingaartumik raajanut akigititat unikaallakkiartorsorinarput.

BNP-mi ineriartortoqarneranut pingaarnertut pissutaavoq aalisartoqarnerulersimanera. Pingaartumik 2015-imiit 2016-imut raajartassat amerlisimanerat aningaasaqarnikkut ineriartornermut tamarmiusumut annertuumik sunnuteqarsimavoq. Sunnuteqarnerpaatut tulluuttoq tassaavoq sanaartortoqarnerulersimanera, pingaartumik Nuummi parnaarussivissamik umiarsualivissamillu sanaartortoqarneranut atatillugu. Taamatuttaaq ineriartornermut tapertaaqataapput raajanut aalisakkanullu akigititat qaffasinnerat aamma inuinaat pisortallu isertitaqarnerulersimanerat, tamatumalu malitsigisaanik pisortat atuinerulersimanerat.

3.2. Immikkoortoq 3.1. Akiitsoqarnerup nikerarnera, qupperneq 94

- a) Akiitsunut tamarmiusunut qup. 95-imi takussutissiami Namminersorlutik Oqartussat suliffeqarfiutaat suliffeqarfiillu imminnut aquttut tamarmik ilaappat?

Akissut: Suliffeqarfiit imminnut aquttut, soorlu Nukissiorfiit, Mittarfeqarfiit aamma Asiaq, namminneerlutik taarsigassarsisinnaangillat taamaammallu ernialersugassanik akiitsoqaratik. Nukissiorfiilli sanaartortitsinerminni Nunatta Karsianut akiitsoqarput akiitsut naatsorsorneqarnerannut ilaatinneqanngitsunik, taamaattoq tak. konto pingaarnert 73.94.04 aamma 73.94.05. Aktiaateqarluni ingerlatseqatigiiffiit marluk Namminersorlutik Oqartussanit pigineqartut akiitsut tamarmiusut naatsorsorneqarnerannut ilaatinneqanngillat. Greenland Oilspill Response aamma Kalaallit Airports pisortat akiitsuinik naatsorsuisarnermut siusinnerusukkut ilanngunneqarneq ajorsimapput, siunissamili naatsorsuisarnissamut ilanngunneqartalissallutik. Greenland Oilspill Response 2015-ip naanerani 264.377 kr.-nik akiitsoqalaarsimavoq tigorianaartullu uninngasuutigisimavai 2.850.702 kr.-t. Allatut oqaatigalugu ingerlatseqatigiiffik tigorianaarnik ilanngaasariikkanik aningaasaateqarluarpoq. Kalaallit Airports 2016-imi aatsaat pilersinneqarpoq, taamaammallu ulloq 31/12 2015 akiitsoqaranilu tigorianaarnik uninngasuuteqanngilaq.

- b) Mittarfiit nutaat nalunaarsukkanut ilaatinneqassappata akiitsoqarnerup nikerarnera qanoq ittussatut naatsorsuutigineqarsinnaava?

Akissut: Mittarfissat nutaat ilanngullugit naatsorsorneqartalermissaat eqqarsaatigalugu akiitsussatut naatsorsuutigineqartut tamarmiusut qanoq ingerlanissaat annertuumik nalornartortaqrpoq. Siullertut pissutigalugu mittarfissat ataasiakkaat sanaartorneranni akigititassat suli nalornissutaasorujussuunerat. Aappaattut suli ilisimaneqanngilaq qanoq annertutigisumik namminersorlutik piginnittut aamma pisortat namminersortullu suleqatigiinnerisigut aaqqiissutaasinnaasut pisortat akiitsuinik aamma suliniuteqarnernut atatillugu Namminersorlutik Oqartussat aningaasaqarnerannut kingunerluutaasinnaasunik apparsaaqataasinnaanerat.

- c) Kommunit siunissami akiitsoqarnikkut inissisimanagerat pillugu kommunit Aningaasaqarnermut Naalakkersuisoqarfimmit oqaloqatigineqareeripata ilisimatinneqarnissaq ataatsimiititaliamit kissaatigineqarpoq.

Akissut: Kommunit siunissami akiitsoqarnikkut inissisimasarnissaat pillugu ilisimatinneqartarnissamik Aningaasaqarnermut Akileraartarnermullu Ataatsimiititaliap kissaataa Naalakkersuisut tusaatissatut tiguaat.

- d) Akiitsunut periusissaq naapertorlugu akiitsornissamut killissarititaasoq qanoq qanitsigineqarpa?

Akissut: Taarsigassarsinermi Nordisk Investeringsbankimik (NIB) isumaqatigiisummi maanna piumasaqaataasuni takuneqarsinnaavoq Nunatta Karsiata ilanngaaseereerluni akiitsuisa patajaallisakkat, tassa Nunatta Karsiata ilanngaaseereerluni akiitsui ernialersorneqartut aamma ingerlatseqatigiiffiit Namminersorlutik Oqartussanit pigineqartut ilanngaaseereerluni akiitsui ernialersorneqartut, Nunatta Karsiata isertitaasa tamarmiusut annerpaamik 75 %-ii sinnersimassanngilaat. 2015-ip naanerani Nunatta Karsiata ilanngaaseereerluni akiitsui patajaallisakkat 1.771 mio. koruuninik amerlassuseqarput.

Taakkunanga -719 mio. kr.-t tassaapput Nunatta Karsiata ilanngaaseereerluni akiitsui ernialersukkat sinneruttullu 2.490 mio. koruunit tassaallutik ingerlatseqatigiiffiit anginerit aqqanillit akiitsui. Ilangaaseereerluni akiitsut patajaallisakkat Nunatta Karsiata isertitaasa tamarmiusut 26 %-iisut annertussuseqarput, tassaallutik 6.821 mio. koruunit. Nunatta Karsiata ilanngaaseereerluni akiitsui ernialersukkat, tassa akiitsut ernialersorneqartut Nunatta Karsiata aningaasaatai tigorianaanaat ilanngaatilugit Nunatta Karsiata isertitaasa tamarmiusut annerpaamik 20 %-ianit annertunerussanngillat. 2015-ip naanerani Nunatta Karsiata ilanngaaseereerluni akiitsui ernialersukkat -719 mio. koruuninik annertussuseqarput. Taakkunanga 1.293 mio. koruunit tigorianaanartut uninngasuutigineqarsimapput aamma 574 mio. koruunit tassaasimallutik akiitsut ernialersukkat. Ilangaaseereerluni akiitsut ernialersukkat Nunatta Karsiata isertitaasa tamarmiusut -10,5 %-iisut annertussuseqarput.

Taarsigassarsinermi isumaqatigiissutit atuuttut naapertorlugit Namminersorlutik oqartussat taarsigassarsiarisinnaasaat sinneruttut qularnanngitsumik Ilulissani, Nuuummi, Qaqortumi, Tasiilami aamma Ittoqqortoormiini mittarfiit allineqarnissaannut eqqarsaatigineqartut tamaasa kiisalu nunap immikkoortuini mikinerusuni mittarfiit sanaartornissaasa aningaasalersornissaannut naammassanngillat. Mittarfissat nutaat saniatigut imaatigut kabelip kiisalu uulia atorunnaarsikkiartorniartorlugi innaallagjamik kiassarermillu pilersuinerup annertusarneqarnissaannut aningaasaliissuteqarnissaq pisariaqartinneqarpoq. Taakku saniatigut Namminersorlutik Oqartussat Nunatta Karsiata aningaasaataanit tigorianaannit sillimmateqarnissamik aamma pisariaqartitsipput kiisalu pisunut naatsorsuutiginniganut sukkasuumik taarsigassarsinissamut periarfissaqarnissamik pisariaqartitsillutik.

Naatsorsuutigineqarpoq Kalaallit Airports aamma/imaluunniit Nunatta Karsia mittarfiliornissamut taarsigassarsissasut aamma/imaluunniit pisortat namminersortullu suleqatigiiffigisaannik isumaqatigiissuteqassasut. Taamaammat Aningaasaqarnermut Naalakkersuisoqarfiup NIB-mut ulloq 15. marts 2016 allakkami oqaatigaa maanna taarsigassarsiaasuni taarsigassarsinissamut piumasaqaatit isumaqatiginninniutigeqqinneqarnissaat pisariaqartinneqartoq. NIB taamatut oqaloqatigiinnissamut piareersimavoq, tassa taarsigassarsinissamik pisariaqartitsinerit mittarfinnullu tunngatillugit pilersaarutip tamarmiusup allaaserineqarnissaa pillugit paasisaqarfigineqarneruppata.

e) Qasigiannguani Aasiannilu nukissiorfinnik nutarterinissamut pilersaarutit suli atuuppat?

Akissut: Tamaasa ataatsimut isigalugit Qasigiannguani Aasiannilu nukissiorfinnik nutarterinissamut pilersaarutit allannguuteqanngillat. Illoqarfinni taakkunani marluusuni tamakkiisumik ilaannakortumilluunniit nukissiuutinik mingutsitsiffiunngitsunik pilersuilermissamut qanoq siunertamut naapertuunnerusumik pilersitsisoqassanersoq suli nalorminartinneqarpoq. Periarfissat assigiinngitsut eqqarsaasersuutigineqarput, taakkununga ilaallutik erngup nukinganik nukissiuuteqarsinnaaneq, seqerngup qinngorneranik nukissiuuteqarsinnaaneq, anorip nukanic nukissiuuteqarsinnaaneq,

innaallagissiorfiit ikuaallaaviillu nukimmik sipaaruteqarfiusinnaasut. Periarfissat misissoqqissaarneqarnerisigut erseqqissaaffigineqassaaq pilersueriaatsit sorliit iluanaarfiunerpaasinnaanersut. Misissuineranut Namminersorlutik Oqartussat neqerooruteqartitsinermut nittartagaatigut tamanut saqqummiunneqartunut neqeroorutissat tunngavissaat sananeqareerput.

f) Akiitsut tamarmiusut erniaannut aningaasartuutit tamarmiusut qanoq amerlatigippat?

Akissut: Nunatta Karsiata Nordisk Investeringsbankimit taarsigassarsianut marluusunut erniatigut aningaasartuutigisamigut akiitsui katillugit 600 mio. koruuningajalluinnaasut 2017-imi 8,7 mio. koruuniulissasut naatsorsuutigineqarpoq. Taarsigassarsiat siulliit aalajangersimasumik ernialersorneqarnerat taarsigassarsiallu aappaasa allanngorartunik ernialersorneqarnerat pissutigalugit aningaasat qanoq annertutiginersut eqqoqqinnaartumik siumut oqaatigineqarsinnaanngillat. Aktiaateqarluni ingerlatseqatigiiffiit Namminersorlutik Oqartussanit pigineqartut akiitsuinut tunngassuteqartut eqqarsaatigalugit akiitsut ernialersorneqarnerisigut aningaasartuutissat naatsorsuutigineqartut aamma aningaasaatit tigorianaanaat erniatigut isertitaqarfiusussat naatsorsuutigineqartut paasissutissiissutigineqarneq ajorput. Ingerlatseqatigiiffiit ataasiakkaat ilanngaaseereerluni ernianut aningaasartuutaat ukiumoortumik nalunaarusiami takuneqarsinnaapput.

g) Namminersorlutik Oqartussat ilanngaaseereerluni pisassarisaat ukiuni tulliuuttuni ilanngaaseereerluni akiitsunnngornissaat Naalakkersuisunit naatsorsuutigineqarpoq. Tamatumunnga Naalakkersuisut tunngavilersuutigaat Nukissiorfinnut Illuut A/S-imullu taarsigassarsiaritit appariaataannit annertunerusumik ingerlatseqatigiiffimmut mittarfiliortussamut pisussaaffiit qaffannissaat. Tamatuma itisilerneqarnissaa ataatsimiititaliamit kissaatigineqarpoq.

Akissut: Namminersorlutik Oqartussat aningaasaataat tigorianaanaat akiitsunut sanilliullugit maannakkut amerlanerupput. 2015-ip naanerani akiitsut 0.6 mia. koruuniupput aningaasaatillu tigorianaanaat 1,3 mia. koruuniullutik. 2016-imi Nunatta Karsia 200 mio. koruuninik Kalaallit Airportsimut aningaasaliissuteqarpoq, naatsorsuutigineqarporlu ukiuni aggersuni aningaasaliissuteqaqqittoqassasoq, Nunatta Karsiata aningaasaataanik tigorianaannarnik appaasinnaasumik imaluunniit Nunatta Karsianit taarsigassarsinissamik pisariaqartitsilersumik. Aamma Sanaartugassanut Iluarsagassanullu Aningaasaateqarfiup uninngasuutaasa appaaffigineqarneratigut Nunatta Karsiata aningaasaatai tigorianaanaat ikilisinneqassapput. Nukissiorfiit eqqarsaatigalugit ingerlatseqatigiiffiup akiitsui ukiuni kingullerni ikilisimapput, 2016-imullu tunngatillugu tamanna taamatut ingerlaannassaaq: tassa siusinnerusukkut 200 mio. koruuninik taarsigassarsisitsinissamut neriorsuut utertinneqarsimammat. 2017-imi aamma 2018-imi Nukissiorfiit ilanngaaseriikkanik taarsigassarsiteqqinneqassapput, Qorlortorsuarmi engup nukinganik nukissiorfiup allilerneqarnissaa pissutigalugu. Tamatuma kingorna naatsorsuutigineqarpoq Nukissiorfiit 2019-imi aamma 2020-mi Nunatta Karsianut akiitsuni appartissagai. Illuut A/S-imut tunngatillugu ukiuni

kingullerni malunnaatilimmik sanaartortoqarunnaarsimavoq, ukiunilu aggersuni ingerlatseqatigiiffimmi sanaartortitsisoqarnissaanik pilersaaruteqartoqanngilaq.

3.3. Immikkoortoq 3.2.1, Missingersuutit pillugit kommuninik suleqateqameq, qupperneq 96

- a) Naalakkersuisut paasissutissiissutigaaq sulinerup nalaani paasinarsisoq paasissutissanut tunngaviliussat uuttuutunut arlalinnut tunngatillugu pitsaassutimikkut massakkut atorsinnaangitsut, tak. qup. 98. Paasissutissat tunngavigineqartut atorsinnaangitsut qanoq akeqarsimanersut paasissutissiissutigineqassasoq ataatsimiititaliamit kissaatigineqarpoq?

Akissut: Taakku akeqarsimanngillat, tassa kommunit aningaasaqarnermik aqutsissutaattut, Naatsorsueqqissaartarfittut, kommunit il. il. sulinermit atortorissaarutitut ittunit nalunaarsuisimanerni paasissutissat atuutereersut matumani pineqarmata.

- b) Kommunit aningaasaqarnermik pitsaanerusumik aqutsinissamik ataatsimoortumik tapiissutinik tunniussinermut atatillugu piumaffigineqartariaqartut ataatsimiititaliaq isumaqarpoq. Tamanna Naalakkersuisut qanoq oqaaseqarfigiumavaat?

Akissut: Naalakkersuisut tamatumunnga isumaqataalluinnarput. Taamaammat aamma suliniutit arlallit kommunit - Namminersorlutillu Oqartussat - aningaasaqarnermik aqutsinerannik pitsanngorsaasussat aallartinneqareerput. Kontut suliassaqarfinnut assigiinngitsunut tunngassuteqartut pissarsiariuminartullu atuutsinneqalerput, taakku kommunit Namminersorlutillu Oqartussanut ataatsimoorussaapput, aningaasaqarnermik aqutsinerup iluani pisortat aningaasaqarnermullu akisussaasut piginnaanngorsaqqinneqarnerat sulissutigineqarpoq, aningaasaqarnermik aqutsissut (ERP) nutaaq atuutsinneqalerpoq aamma Namminersorlutik Oqartussani kommunitilunilu aningaasaqarnermik suliaqartut tamarmik sanilliussilluni nalilersuisarneq aqutugalugu ukiap ingerlanerani misissuiffigineqassapput. Misissuineq aqutugalugu aningaasaqarnermik aqutsinerup pitsaassusaa qulaajaaffigineqassaaq aamma ajornartoorfimmi ajornannginnerusumik siunnerfilersuisoqartalissaaq.

- c) Naligiissaareriaasissamik nutaamik suliaqarnermi kommunit tamarmik ilaatinneqarpat?

Akissut: Aap.

- d) Suliaq tamanna pillugu ingerlaavartumik ilisimatinneqartarnissani ataatsimiititaliap kissaatigaa.

Akissut: Arlaannik ilisimatitsissutigineqartariaqartumik susoqarpat ataatsimiititaliaq ilisimatinneqassaaq.

3.4. Immikkoortoq 3.3. Ingerlatseqatigiiffinni Namminersorlutik Oqartussanit pigineqartuni tallimani annerpaani ineriartorneq, qupperneq 98

- a) Ingerlatseqatigiiffinni kukkusumik aningaasaliisoqartarnersoq Naalakkersuisunit nakkutilliivigineqartarpa?

Akissut: Ingerlatseqatigiiffiit ataasiakkaat aningaasaliissuteqartarnerat Naalakkersuisunit toqqaannartumik nakkutilliivigineqarneq ajorpoq, Naalakkersuisulli ataatsimeersuartarnerit, siulersuisut aqutsisullu akornanni akisussaaffinnik piginnaasanillu agguaassisarneq pillugu ingerlatseqatigiiffinnut inatsit aallaavigalugu sulisarput. Ingerlatseqatigiiffinni pigisanik nalilinnik akiligassanillu aqutsineq ingerlatseqatigiiffiit ataasiakkaat akisussaaffigaat, taamaammallu Naalakkersuisut toqqaannartumik akuleruttannginnissartik attatiinnarlugu tamanna ingerlatseqatigiiffiup susassa qarfiatut isigivaat.

b) Tele Greenland A/S qanga pisisartunik nutaamik aqutseriaaseqalerpa?

Akissut: Tele Greenland A/S-ip 2015-imut ukiumoortumik nalunaarusiamini ilisimatitsissutigaa ukiumi naatsorsuuteqarfiusumi matumani pisisartunik aqutsissut nutaaq atuutsinneqalissasoq.

3.5. Immikkoortoq 3.4, EU-mik aalisarneq pillugu isumaqatigiissut, qupperneq 100

a) Nunatsinni aalisarneqarneqarsinnaasut sipporlugit aalisarnerup EU-mit pitsaanngitsutut isigineqarnera Naalakkersuisunit qanoq isigineqarpa?

Akissut: EU-p aalisarnermut tunngatillugu politikkimini tunngavigivaa piujuartitsinermik tunngaveqarluni aalisarnermi mianersortumik periuseqarnissaq. Kalaallit Nunaata aalisarnermut tunngatillugu politikkimini taamatuttaaq tunngavigivaa ilisimatuussutsikkut illersorneqarsinnaasumik aalisakkanik iluaquteqarnissaq kiisalu aalisarnermik inuussutissarsiuteqarnerup iluani aningaasaqarnerup sulisussa qarnerullu eqqarsaatigineqarnissaat. Naalakkersuisut taamaalillutik takusinnaanngilaat EU-p nunattalu aalisarnermut tunngatillugu politikkiisa akornanni malunnaatilimmik aporaaffeqartoqarnerisq.

b) EU-p aalisarnissamut pisinnaatitaaffiisa nunatsinnit tamakkerlugit aalisarneqarnissaat Kalaallit Nunaata qanoq pissarsissutigisinnaavaa?

Akissut: EU-p aalisarnissamut pisinnaatitaaffii nunatta nammineerluni aalisarsinnaagunigit avataasiorlutik aalisartut kaaviiartitaqarnerulissagaluarput. Tamatumali kinguneranik suleqatigiinnissamik isumaqatigiissummit isertitaasartut kiisalu aalisarnermi suleqatigiinnissamut isumaqatigiissut atorunnaassapput. Nalilerneqarpoq EU-mut pisassiissutinik taakkunanga nunatta **nammineerluni** aalisarneratigut avataasiorlutik aalisartut kaaviiartitaqarnerulerannit EU-mit isertitaasartut tamarmik naleqarnerusut. Aalisarnermi suleqatigiinnissamut isumaqatigiissut ukiumut 120 mio. kr.-nik Nunatta Karsianut iluanaarutaasarpog suleqatigiinnissamillu isumaqatigiissut 200 mio. kr.-nik iluanaarutaasarluni. Tassa matumani pineqarpoq EU-mit toqqaannartumik tapiissutaasartut 320 mio. kr.-t missaanniittut ukiumut annaaneqartarnissaat.

Aalisarnissamut pisinnaatitaaffiit avataasiortunik aalisartitseqatigiiffinnut nuunneqaraluarpata Nunatta Karsianut taamaallaat isertitsissutaassapput aalisartut aningaasarsiaannit akileraarutinut A-nut akiliutit aamma ingerlatseqatigiiffiit ukiumoortumik akileraarutaat akitsuutinullu akiliutaat. Ingerlatseqatigiiffiit akileraarummut akiliisinneqarsinnaapput sinneqartoortoqarnerinnaatigut.

3.6. Immikkoortoq 3.5, EU-mik peqateqarnissamik isumaqatigiissut, qupperneq 101

- a) Angusassat eqquutsinneqannginnera missingersuutitut tapiissutinik tunniussinnermut qanorpiaq sunniuteqarpa?

Akissut: 2015-imi angusassat eqquutsinneqarsimannginnerat pissutigalugu Namminersorlutik Oqartussat missingersuutitut tapiissutitigut ukioq manna annaassavaat EUR 1.940.957.

- b) Angusassat eqquutsinneqannginnerat maannamit anguniagarineqartunut qanoq sunniuteqassappat, qanoq angusaqarnerunissaq anguniarneqassava?

Akissut: Missingersuutitut tapiissutit Nunatta Karsianut nakkartinneqartarput taamalu ilinniartitaanermut tunngasunut aningaasassat sunnerneqartaratik. Naalakkersuisoqarfiup EU-mik suleqateqarneq aamma takussutissat nalunaarusiornitsinni ilannguttakkavut pillugit kommunit ilinniartoqarfiillu oqaloqatigiuarpai. Taamatuttaaq Ilinniartitaanermut pilersaarummi il-mi suliniutit aqqutigalugit meeqqat atuarfiat ilinniartitaanermullu tunngassuteqartut pitsanngorsaaffiginiarlugit sulineq suli ingerlanneqarpoq.

- c) c) Kingunissai kisitsisinngorlugit aningaasartai qanoq amerlatigippat ukiunilu aggersuni anguniakkanik naammassisaqarnissaq eqqarsaatigalugu aningaasatigut kingunissai qanoq takorloorneqarpat?

Akissut: EU-mit missingersuutitut tapiissutaasartut 20 %-iinut apeqquataapput anguniagassatut aalajangiunneqartunit (peqatigiilluni) angusarisimasat. 2016-imi 2017-imilu tapiissutit nikerartut annerpaaffigivaat EUR 6.226.000 aamma EUR 6.326.000. Tapiissutit tunniunneqartussat annertussusissaannut apeqquataapput takussutissat ataani pineqartut naammassineqarsimanersut. Aningaasanut inatsimmi nalinginnaasumik 75 %-inik naammassisaqarsimanissaq missingersuusiortarparput.

No.	Takussutissat	Oqimaassutsit 2016	Tunngavik 2013	Anguniagaq 2016	Anguniagaq 2017
EU3	7th grade test	0,20	56,25	56,25	56,75
EU4	Transition rate to education 1 year after elementary school	0,20	35,6%	39,0%	42,0%
EU8	Number of completions	0,20	960	1050	996
EU11	Transition rate to education 2 years after drop-out	0,20	41,4%	44,5%	45,0%
EU13	Expenditure on education as percentage of total public expenditure	0,20	25,8%	25%	25%

3.7. Immikkoortoq 4, Attanneqarsinnaasumik aningaasarsiornikkut siuarsaanissamullu pilersaarutip malitseqartinnera, qupperneq 102

- a) Aningaasaqarnerup ineriartornissaanut Naalakkersuisut naatsorsuutigisaat akiitsullu imminnut qanoq ataqatigiippat?

Akissut: Aningaasarsiornikkut pissutsit pitsaasumik ineriartomerisa nassataannik piffissami qaninnerusumi Namminersorlutik Oqartussat kommunillu aningaasaqarnerat pitsaanerulissaaq. Pingaartumik kommunit aningaasaqarnikkut pissutsit pitsaanerulerinerisigut iluanaaruteqangaatsiassapput, tassa inummur akileraarutitigut isertitat 74 pct.-iisa missaanniittut kommuninut tuttarnerat

pissutigalugu. Tamatuma saniatigut sulisoqarnerulernerata isertitaqarnerusoqarnerulerneratalu nassataannik annertussusileriikkanik ikiorsiissuteqartarneq pisortallu ikiorsiissuteqarnerat annikillissapput. Taamaalilluni pisortat aningaasaqarnerat pingaartumillu kommunit aningaasaqarnerat pitsaanerulissaaq, piffissamilu qaninnerusumi akiitsoqalertarnerit ikileriassapput aningaasallu atugassat amerlanerulerlutik. Aningaasaqarnikkut pissutsit pitsaanerulertarnerat piffissap ingerlanerani aningaasaqarnikkut pissutsinik ajornerulersitsisunik taarserneqartarput. Tassa piffissani iluanaaruteqartarnerup annertusiartorfiini pisortat aningaasaqarnerat isumannaallisarneqartariaqarpoq, tassa iluanaaruteqartarnerup annikilliarnerani pissutsit ajorluinnartumik kinguneqartinnaveersaarniarlugit taamalu pisortat suliassaataannik suliaqartarneq ajorpallaanngitsunik ineriartortissinnaangorlugu.

- b) "Suliffinnik qorsunnik" pilersitsinerup siuarsarneqarnissaanik assersuutip itisilerneqarnissaa ataatsimiititaliamit kissaatigineqarpoq, tamatumani pisortat namminersortulluunniit suliffissanik nutaanik pilersitsissallutik? Takuuk qupperneq 102.

Akissut: "Suliffinnut qorsunnut" tunngatillugu assersuutissaavoq suliffissaaleqisut ikilisarnerlugit immikkut ittumik suliniut 2014-imi aallartinneqartoq. Tamatuma nassataannik avatangiisinut tunngassuteqartut 44,5 mio. kr.-nik ilassutitut aningaasaliiffigineqarput, nunami eqqaavissuarni assigiinngitsuni 18-iusuni saliinissamut atugassanik. Tassa immikkut aningaasaliissutit taakku avatangiisitigut pitsaaneruserumik suliniuteqarnissamut suliffinnillu amerlaneruserumik pilersitsinissamut immikkoortinneqarput. Suliap nassataannik suliffinnik nutaanik pilersitsisoqarsimavoq – avatangiisinik pitsanngorsaaneq matumani pineqarmat - taakku taaneqakkajuttarput "suliffiit qorsuusut".

Pisortat suliffinnik qorsuusunik pilersitseqataasimanerannut assersuutaalluarsinnaasoq alla tassaavoq eqqakkanut ulorianartunut tigooraaveqalerneq. Kommunit eqqakkanik ulorianartunik isumaginninnissamut tigooraavinnik pilersitsinissamut ukiut arlallit ingerlaneranni tapiissutisarsimapput. Eqqakkanik ulorianartunik tigooraavimmik pilersitsinissamut aningaasaliissuteqartoqaraangat avatangiisit pitsaaneruserut suliffiillu nutaat pilersinneqartarput. Avatangiisileriffimmi eqqakkat ulorianartut isumagineqassapput (immikkoortiterneqassapput naleqquttumillu pooqartillugit assartorneqarnissaannut poortorneqassallutik), tamatuma kingorna atoqqitassanngorlugit imaluunniit nungutigassanngorlugit nassiunneqassallutik.

- c) Inuit suliffissaaleqisut, sulisinnaajunnaarsimasut ilinniagaqartullu ilanngullugit naatsorsorneqarneranni pilersuisinnaasut qaqugukkut ikippallaalertutut Naalakkersuisunit isigineqassappat?

Akissut: AIS 2017-imi qupperneq 103-mi pilersuisussat pillugit titartagaqarpoq (grafen) inuit ikinnerusut amerlaneruserumik pilersuisalertussaanerannik takutitsisumik. Oqaatigiuminaappoq qaqugu najummassimanartunngussanersoq, soorunami pilersuisussat maanna killiffiat eqqarsaatigalugu ullumikkutut atugarissaartuunitta attanniarneqarnera siunissami ajornarnerulissaaq.

3.8. Immikkoortoq 4.1.1, Ilinniartitaanerit, qupperneq 104

- a) Atuarfimmi suliniuteqarfissanik, kommunit nakkutiginnittussaanerisa nukittorsaavigineqarnissaa ilinniartitaanermullu pilersaarutip sulissutigeqqinnissaa Naalakkersuisunit taaneqarput. Ilinniartitaanermut Aqutsisoqarfik tamatumani pingaarutilimmik inissisimassasoq ataatsimiititaliamit maluginiarneqarpoq. Ataatsimiititaliamittaaq maluginiarneqarpoq atuarfik pillugu inatsimmik nutarterineq suliarineqartoq. Kommunit akisussaaffiup ilaanik isumagisassaminnik isumaginninnissaannut Naalakkersuisut qanoq naatsorsuuteqarpat aammalu atuarfimmik ingerlatsinermik suliassamik kommunit ingerlatsinerat Naalakkersuisunit qanoq ikiorsiiffigineqarniarpa?

Akissut: Naalakkersuisut soorunami naatsorsuutigaat inatsisit malillugit kommuninut suliakkiutigineqartut aamma akileraarutinik akiliisitsiniartarneq ataatsimoortumillu tapiissutit aqutugalugit aningaasalersorneqartut kommunit naammassisinnaassagaat. Tamatuma saniatigut Naalakkersuisut paasisimavaat kommunit atuarfimmullu tunngasuni qitiusumik oqartussat akomanni sunniiveqatigiittoqarnerunissaanik pisariaqartitsilluinnartoqartoq. Paasinninneq tamanna pingaarnertut pissutaavoq Ilinniartitaanermut Aqutsisoqarfiup Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup ilitersuinissamut piginnaatitaaffiata ataanut toqqaannartumik inissinneqarneranut, tassa nalilerneqarmat pisariaqartoq kommunit kissaataat eqqarsaatigalugu naammaginartumik ”sullitat isiginiarneqartarnissaasa” aamma politikkikkut anguniagassatut aalajangiussat ikorfartorniarlugit toqqaannartumik ilisimatitsissuteqartoqarnissaata qulakkeerneqarnissaat. Tamanna siusinnerusukkut ilinniartitaanermut aqutsisoqarfiup (taamanikkut Inerisaavik) Ilisimatusarfiup ataaniikkallarneranit taamalu Naalakkersuisut ilitersuinissamut piginnaatitaaffiisa avataaniikkallarneranit allaaneruvoq.

Ullumikkut Ilinniartitaanermut Aqutsisoqarfiup pingaarnertutaanut suliassaanullu tunngatillugit Ilinniartitaanermut Naalakkersuisoqarfik, Ilinniartitaanermut Aqutsisoqarfik aamma kommunini sisamaasuni Ingerlatsiviit pisortai ataqatigiissaaralutik ataatsimeeqatigiittarput. Naalakkersuisut isumaqarput oqaloqatigiittarneq tamanna Namminersorlutik Oqartussat suliaasa kommunillu suliaasa akomanni sunniiveqatigiittoqarnerulerneranik pilersitsisalereersoq, sunniutaasartorlu tamanna ukiuni aggersuni annertunerulissasoq. Naggasiullugu oqaatigineqassaaq Naalakkersuisut 2016-ip affaani kingullermi kommunit peqataatillugit marloriarlutik workshopertitsiniartut. Taakkunani meeqqat atuarfiat pillugu inatsit nutaaq aamma meeqqat atualersussat paaqqutarineqartarnerat pillugu inatsit sammineqassapput.

- b) Naalakkersuisut paasissutissiissutigaa anguniagassatut akuersissutigineqartut kommuninut ataatsimoortumik tapiissutit ilaata annertussusissaannut apeqqutaatinneqalersinnaasut. Ataatsimoortumik tapiissutit ikilinqarsinnaanerit kajumissuseqalersitsisinnaasutut Naalakkersuisunit taaneqarpoq. Tamanna kommuninut atuarfik pillugu suliassaminnik kivitsinissaminnik ajornartorsiuteqareersunut qanoq

kinguneqarsinnaanersoq Naalakkersuinit naliliiffigineqarsimava misissoqqissaarneqarluniluunniit?

Akissut: Ataatsimoortumik tapiissutissatut isumaqatigiissutip aamma anguniagassatut aalajangiussat anguneqarnerisa akornanni ataqatigiissitsineq pissusissamisoorluinnarpoq, tassa taamatut ataqatigiissitsineq anguniagassat taakku anguneqarnissaannut kommunit tapersiinissaminnut erseqqissumik kajumissuseqalersinnaammata. Ataatsimoortumik tapiissutissat isumaqatiginninniutigineqarnerannut atatillugu tamanna aporaaffiusimangilaq, tassa kommunit meeqqap atuarfiata pitsaassusaanik qaffaanissamut siuarsaanissamullu aamma namminneq soqutigisaqarmata. Meeqqat atuarfiannut tunngasutigut suleqatigiinnissamik isumaqatigiissummi aamma ataatsimoortumik tapiissutissat pillugit kommuninik isumaqatigiissummi anguniagassat anguneqarnissaannut taamatut kajumissuseqalersitsinissaq immikkut ittumik misissoqqissaarneqarsimangilaq, tamanilli ilisimaneqarpoq anguniagassat anguneqarnissaannut aningaasatigut kajumissaasiisarneq sunniuteqartartoq. Pingaaruteqarporli anguniakkat sulinermi tunngavigineqartut naapertuuttuunissaat aamma naammaginartumik pingaartinneqarnissaat, tassa naapertuutinnigitsut imaluunniit annikitsuararpassuarnik ilaqartinneqarpallaartutut misinnannginniassammata. Tamakkua saniatigut taamatut suliniuteqarneq akisussaaffiup piginnaatitaaffiullu akornanni pitsaanerusemik ataqatigiittoqarnissaanut pitsanngorsaataassaaq. Aamma suliniut meeqqat atuarfiannik pitsanngorsaalluni suliniutinut allanut atatillugu isigineqassaaq, aamma tak. apeqqummut 3.8.a-mut akissutigineqartoq.

- c) Nuna tamakkerlugu angajoqqaat siunnersuisoqatigiiviniq toqqaasarnissap sooq kommuninut qinersinermut peqatigitillugu pisarnissaanut suna tunngaviua?

Akissut: Inaarutaasumik inatsisissatut siunnersuummi toqqaasarneq kommuninullu qinersisarneq ataatsikkut ingerlanneqartarunnaassapput. Kommuninut qinersinermut peqatigitillugu toqqaasarnissamut aallaqqaammut tunngavigineqarsimavoq ullut qinersiviusussat imminnut atatinneqarnerisigut qinersimut aningaasartuutaasartut ikilisinneqarnissaat.

- d) Danmarkimi Kalaallillu Nunaanni efterskolimik aaqqissuussinerit assigiippat, taamaassimappallu tamatumunnga suna tunngaviua?

Akissut: Efterskolip aaqqissugaanera immikkuullarissumik danskit atuarfimmik aaqqissuussaraat, aaqqissuussaq nunatsinni ilinniartitaanerme aamma atorluarneqalereersimavoq. Assigiinngissutiginerpaasaat tassaavoq Danmarkimi efterskolit Efterskolit Peqatigiiffiata inuinnarnit ingerlanneqartup suliniuteqarneratigut Danmarkimi efterskolit pilersinneqartartut akerlianik nunatsinni efterskolit qitiusumik politikikkut kissaatigineqartut suliniutigineqartullu aallaavigalugit pilersinneqarnerusarnerat. Efterskolinut atuartunullu nunat akornanni tapiissuteqariaatsit assigiinngissuteqalaarput.

- e) "Efterskolimik ilusiliisimaneq" malillugu 11. klassenik pilersitsinissaq ilinniartuat ineqartinneqarneranni pissutsinut qanoq naapertuutsigiva?

Akissut: 11. klassini atuartut ilinniagaqarniartorpassuit allat assigalugit "ilinniartut ineqarfiinut" innersuunneqarsinnaanngillat . 11. klassimi

atuartoqartalernissaa tamanut atuuttussaangitsutut atuutsinneqalissappat efterskolimi atuartut ineqarfissaannik sanaartortoqassaaq.

f) Efterskolit maanna marluusut ilusiligaanerat assigiippa?

Akissut: Efterskolit taakku marluusut assigiimmik ilusilersorluarneqarsinnaapput, namminersortitatulli efterskoliummata Naalakkersuisut efterkolemilu siulersuisut akornanni tamatumangga oqaloqatigiissuteqarnissaat pisariaqarpoq.

g) Atuarfimmi ilinniartitsisut piginnaasassaattut piumasaqaatit assingi soq efterkolini atuutinngillat?

Akissut: Efterskolit atuarfiupput namminersortitat, namminneq isumartik malillugu sulisut piginnaasaqarfisassaattut piumasaqaatissatik perorsaariaaserlu malitassartik pillugu ilusilersuisinnaasut.

h) Tuluit oqaasiinik ilinniartitsinerup pingaarnerusunngortinneqarnera atuartunut ilinniartitsisunullu qanoq kinguneqartussatut Naalakkersuisunit naatsorsuutigineqarpa. Taamaaliornikkut atuartut sanngiinnerit atuartunut atuagarsornermut pikkorissunut sanilliullutik sulijornerusumik inissisimalernissaat aarleqqutigineqarsinnaanngila? Taamatut pingaarnerusunngortitsineq tamanna atuarfiit tamarmik naammassisinnaassavaat? Tamanna maanna ilinniartitsisussaaleqinermut qanoq kinguneqassava?

Akissut: Naalakkersuisut naatsorsuutigaat tuluit oqaasiinik ilinniartitsinerup pingaarnerusunngortinneqarnerata nassataanik meeqqat atuarfiini meeqqat amerlanerit tuluttut danskisullu ilikkagaqassasut, tassa atuartut atuagarsornermik piginnaasaqarnerit aamma atuagarsornermik piginnaanikinnerit ilikkagaqassasut. Maanna ilinniartitsisuuusunut tunngatillugu piffissami sivikitsumi pingaarnertitsilluni salliutitsisinnaaneq inatsisissamik piareersaalluni suliaqarnermi misissoqqissaakkatut ilanngunneqassaaq, tassa allannguisoqartinnagu.

i) Nuna tamakkerlugu angajoqqaat siunnersuisoqatigiivini pilersitsiniarneq ingerlatsinerlu qanoq aningaasartuutitaqassava?

Akissut: Aningaasartuutitassai inatsisissatut siunnersuummut nassuiaatini takuneqarsinnaapput.

3.9 Immikkoortoq 4.2.1, Inuussutissarsiutinut suliffinnullu tunngassuteqartut, qupperneq 110

a) Suliffeqarfiit ikiliartornerat sulisullu amerliartornerat qanoq imminnut ataqatigiippat?

Akissut: Suliffeqarfiit pioreersut suliarisartakkatik annertusisimavaat taamalu sulisut amerlineqarnissaannik pisariaqartitsineq pilersissimallugu.

Angutit suliffeqanngitsut Majoriamik naammassinnikkaangamik suliffinnik qanoq ittunik suliffeqalissasut naatsorsuutigineqarpat?

Akissut: Majoriaq piginnaasanik qaffassaasarpog – atuagarsorneq sulinerlu eqqarsaatigalugit. Inuit ataasiakkaat pillugit iliuusissatut pilersaarutinit atatillugit piginnaasanik qaffassaasooqartarpoq, qaffassaaneq

ilinniagaqaqqinnissamut suliffeqalernissamulluunniit aqputaasinnaavoq. Atorfiit angutit pisortatut atorfigilersinnaasaattut naatsorsuutigineqartut – inuit ataasiakkaat pillugit iliuusissatut pilersaarutinut attuumassuteqarluinnassapput.

- b) Takornarianut sullissivinni nutaani misigisassat suut takornarianut neqeroorutigineqartassappat aammalu misigisassatut neqeroorutit qanoq ataqatigiissaarniarneqarpat?

Akissut: Takornarianut sullissiviit ataasiakkaat Kalaallit Nunaanni pinngortitamik kalaallilu kulturiannik nutaaliaasumik saqqummiussillutik misigisaqartitsinissaq neqeroorutigisassavaat. Sullissiviit ataasiakkaat sanaartorneqarnerannut atatillugu saqqummiussinermi najoqqutassat ataasiakkaat ineriartortinneqassapput. Saqqummiussinermi najoqqutassat ineriartortinneqassapput najukkami nunanilu tamalaani suliamik ilisimasalinnit paasissutissiissutigineqartut aallaavigalugit. Misigisaqartitsinissamik neqeroorutit ataqatigiissaakkamik ineriartortinneqarnissaasa qulakkeerneqarnissaat siunertaralugu Naalakkersuisut UKA16-imi inatsisissatut siunnersuut saqqummiutissavaat.

- c) Suliffeqarfinni sorlarni sulisut amerliartorpat?

Akissut: Aalisarnermik, piniarnermik nunalerinermillu, niuernikkut kiffartuussinermik inuussutissarsiuteqarfiusuni kiffartuussinermillu inuussutissarsiuteqarfiusuni allani pingaarnertut suliffigisat agguaqatigiissillugit qaammammut amerlassusaat piffissami 2010-mit 2014-imut (kisitsisit kingullit) amerleriarsimapput. Suliffiit taakku pingasuusut 2010-mi ataatsimut 6.380-inik pingaarnertut suliffeqartitsippat, akerlianik 2014-imi 6.744-nik pingaarnertut suliffeqartitsisimallutik, 364-inik sulisut amerleriarsimapput. Taamaattoq suliffissaaleqisut taamanikkornit ikileriaqqinnerusimapput.

- d) Inuusuttut sullitassat Majoriap suliassaqarfiata avataaniittut Naalakkersuisunit qanoq iliuseqarfigineqarpat?

Akissut: Majoriap suliassaqarfiata avataaniittunut tunngatillugu Naalakkersuisut kommunini isumaginnittoqarfiit suleqatigalugit inuusuttut sullitassat assigiinnigitsutigut suliniuteqarfigisimavai. Erseqqissaassutigineqassaarli Inuusuttunut sullitassanut tunngatillugu suliniutit amerlanerpaartaat Majoriami ingerlanneqartartut.

- e) Naalakkersuisut qupperneq 113-imi oqaatigaat inuussutissarsiutinut ingerlatseqatigiiffinnullu inatsisaasut nuna tamalaani atorneqartunut naapertuuttunngortinneqarnissaat anguniagaasoq. Nunani tamalaani atorneqartut suut pineqarpat?

Akissut: Kalaallit Nunaanni inuussutissarsiutinut ingerlatseqatigiiffinnullu inatsisit danskit inuussutissarsiutinut ingerlatseqatigiiffinnullu inatsisaannut EU-p inatsisaannik annertunerusumik tunngaveqartunut naapertuuttunngortinneqarnissaat anguniagaavoq.

UKA2016-imi ilaatigut Inatsisissatut siunnersuutigineqartup nassataanik Kalaallit Nunaanni suliffeqarfiit immikkoortortaqaarfiillu siunissami Qitiusumik Suliffeqarfinnik Nalunaarsuisarfimmi nalunaarsorneqartalissapput aamma Kalaallit Nunaanni Inuussutissarsiutinik Nalunaarsuiffik matuneqassaaq.

Qitiusumik Suliffeqarfinnik Nalunaarsuisarfimmi nalunaarsuisalernissaq siullertut aqutissaavoq nunatsinni suliffeqarfiit immikkoortortaqaqarfiillu digital atorlugu atsiorsinnaatitaalernissaannut. Tamanna nunatsinni inuussutissarsiuteqartut ujartortarsimavaat.

- f) Inuit Majoriamiittut suliffissaaleqisut pillugit kisitsisitigut paasissutissani ilaatinneqarpat?

Akissut: Naamik.

- g) Takornarianut sullissiviit takornariaqarnermik nunap immikkoortukkaartumik ataqatigiissaarinissaannut nittarsaassisarnissaannullu qanoq piumasaqaateqartoqassava?

Akissut: Takornarianut sullissiviit nunap immikkoortuini takornariartitsinissamat ataqatigiissaarisarnissaannik nittarsaassisarnissaannillu suliakkinneqartarnissaat eqqarsaataangilaq. Suliassat taakku pitsaanerpaamik isumagineqarsinnaapput nunap immikkoortuini takornariartitsinermik inuussutissarsiuteqartunit namminersortunit kiisalu nunap immikkoortuini nunamilu tamarmi pisortat suliffeqarfiinit takornariartitsisarnermik nittarsaassisartunit – taakkununga ilanngullugu soorunami Visit Greenlandimit qulliunerusutut oqartussaasumit.

3.10. Immikkoortoq 4.2.2, Aalisarnej, quppernej 113

- a) Aalisakkanik suliffissuarni sulinermi pissutsit pitsaanerusut qanoq atuutilersinneqarsinnaappat?

Akissut: Sulisitsisorpassuarnit aalisakkerivinni sulinermi pissutsinut akisussaaffeqartunit paasissutissanik Naalakkersuisut pissarsisinnaasimangillat.

- b) Naleqassutisimik misissueqqissaarnerup 2016-imi ukiakkut tamanut saqqummiunneqarsinnaangorlugu piareernissaanik Naalakkersuisut paasissutissiissutaat piviusungussava?

Akissut: Nunatsinni aalisakkanik tunisassiat naleqassusaannik misissueqqissaarnej oktober 2016-ip naanerani Naalakkersuisunut saqqummiunneqassasoq naatsorsuutigineqarpoq. Tamatuma kingorna tamanut saqqummiunneqarsinnaassaaq. Institut for Fødevare- og Ressourceøkonomi, Københavns Universitet Naatsorsueqqissaartarfik sinnerlugu misissueqqissaartuuvoq.

- c) 2017-imi akuersissutit qassit tunniunneqarumaarnersut Naalakkersuisunit paasissutissiissutigineqarsinnaava?

Akissut: 2017-imi akuersissutit qassit tunniunneqarumaarnersut maannakkorpiaq eqqortumik oqaatigineqarsinnaangilaq.

- d) Akuersissummik pigisaqartut amerleriamerika kingunerisaanik sinerissamat qanittumi aalisarnerup imminut akilersinnaassusiata apparnissaanik naatsorsuutiginninneq Naalakkersuisunit itisilerneqarsinnaava?

Akissut: Sinerissamat qanittumi aalisarnerup imminut akilersinnaassusia akuersissummik pigisaqartut amerleriamerika nassataanik appariassasoq naatsorsuutigineqarpoq, tassa aalisartut aalisagartassat killeqartut

avittussaammatikkitt. Aalisartut amerlanerit aalisagartassanik killilinnik avitseqatigiippata naatsorsuutigineqartariaqassaaq aalisartut ataasiakkaat ikinnerusunik aalisagassaqaalernissaat, tamatuma kinguneranik akuersissummik pigisaqartut ikinnerunerannut sanilliullugu aalisartut ataasiakkaat aalisarnerminni agguaqatigiissillugu isertitakinnerulissapput.

- e) Inuusunnerusut aalisarnermik ingerlatsilersut aalisarnerullu iluani nunami suliffeqalersut amerliartornissaat Naalackersuisunit qanoq siuarsaavigineqalersaarpa?

Akissut: Naalackersuisut Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersoq aqputigalugu aalisartut inuusunnerusut periarfissippaat sineriammut qanittumi aalisarsinnaanermut akuersissummik pissarsisalernissamut.

- f) Tunisassiassatut tunineqartut amerliartornerat nunami aalaakkaasumik tunisassiornissamik kissaateqarnermut tassungalu ilanngullugu sulisussaaleqinermit qanoq oqimaaqatigiissarneqassava?

Akissut: Nunami aalaakkaasumik tunisassiornissamik kissaateqarnek aamma tunisassiassatut tunineqartut amerliartornerat imminnut naapertuuttumik ingerlanneqarput. Unammillernartuusinnaavorli piffissani ulapinnerpaaffiusuni tunisaqarujussuortoqariarluni piffissani ulapaarfiumngitsuni tunisaqartoqarpallaarneq ajornera. Tunisassiat amerlassusaasa nikerarnerat sumiiffiit ilaasa ukioq naallugu suliffissaqartitsiniarnerannut unammillernartuuvoq.

- g) Akuersissutit tunniunneqartut ikiliartortinnissaat Naalackersuisut siunertaraat?

Akissut: Maannakkorpiaq akuersissutit tunniunneqartartut ikiliartortinneqarnissaannik Naalackersuisut siunertaqanngillat..

- h) 2012-imioqqooqaaq aalisarnermi aningaasat kaaviiarnerat sukuiarneqarpoq (værdikædeanalyse). Taamani suliaq ataatsimiititaliamut nassiunneqarnissaa kissaatigineqarpoq.

Akissut: 2012-imi aningaasanik kaaviiartitanik sukuiasoqanngilaq.

- i) Maanna suliarineqartoq nutaaq qaqugu Inatsisartunut saqqummiunneqassava?

Akissut: Apeqqummut 3.10 b)-mut misissueqqissaarnermut tassunga tunngassuteqartumut akissut innersuussutigineqarpoq.

3.11. Immikkoortoq 4.3.2, Pisortani aaqqissuussaaneq, qupperneq 117

- a) KANUKOKA-mik suleqateqarnek Naalackersuisunit qanoq naatsorsuuteqarfigineqarpa?

Akissut: Naalackersuisut KANUKOKA-p inissisimanagera eqqummaariffigivaat. Naalackersuisunit naatsorsuutigineqarpoq KANUKOKA-mik kommuninillu suleqateqarluarneq sulii ingerlanneqassasoq. Kattuffiup siunissaa pillugu KANUKOKA-mit nalunaarutigineqartut tunngavigalugit Naalackersuisunit utaqqimaarneqarpoq, kommunit suleqatigiinnerisa siunissami ilusissaa pillugu

siulersuisut aalajangiinissaat, naatsorsuutigineqarpoq tamanna ukiup naanerani pissasoq.

- b) Kommunit maanna aaqqissuussaanerannik pilersaarutit malinneqarsimappat aammalu kommunit suliaasaattut naatsorsuutigineqartut piviusunnigortinneqarsimappat?

Akissut: Kommunit maanna aaqqissuussaanerat pisortat suliaasaqarfiinik aaqqissuusseqqinnissaq pillugu inatsit 2007-imi Inatsisartunit akuerineqartoq malillugu atuutsinneqalerpoq.

Suliasanik Namminersorlutik Oqartussat kommunillu akornanni nussuinermi aaqqissuussaaneramik aaqqissuusseqqinnissap piareersarneqarnerani siunertaasutut piffissaq atorneqartussa q malinneqarsimanngilaq nussukkallu amerlavallaarsimanatik. "Malitassat allattorsimaffiannik" sulinermi malitassanik siumoortumik aalajangersaasoqarsimanngilaq, suliasanilli kommuninut nussuinissaq pillugu isumaqatiginninniarnermi pingaartinneqarsimavoq kommunit suliasanik nutaanik isumaginninnissaminnut tigooraaveqarnissaat. Naalackersuisut ilusissamik maanna suliaqarput, tassani ataatsimoortumik tapiissutit isumaqatiginninniutigineqarnerannut atatillugu suliaasaqarfiit nuunneqarsinnaasut pillugit isumaqatiginninniartarnissaq ilanngunneqarluni.

Tassunga atatillugu ingerlatsinissamik pilersaarut Naalackersuinikkut Ataqaatigiissaarisartoqaatigiinni Namminersorlutik Oqartussat kommunillu isumaqatigiissutaat malillugu suliasanik nussuinissaq piareersarlugu sulineq aallartinneqarsimavoq, pingaartumik ukiuni aggersuni nussuinissaq eqqarsaatigalugu sanaartornermut tunngassuteqartut aamma piniarnermut aalisarnermullu tunngatillugit suliasanik nussuinissaq.

- c) Suliaasat kommuninut tiguneqartussatut naatsorsuutigineqartut eqqarsaatigalugit kommunini piginnaasat qanoq ippat?

Akissut: Naalackersuisut 2015-imi Kommunit Kattuffiata Siunnersorteqarfia KKK nalunaarusiortippaat, qulequtalimmik: Namminersorlutik Oqartussat aamma kommunit, piginnaasanik pisariaqartitsineq aamma allannguinnissamut piareersimaneq. Nalunaarusiami siullertut aningaasaqarnermik aqutsinissamut tunngatillugu piginnaasat misissoqqissaarneqarput. Nalilerneqarpoq suliffeqarfiit misissuiffigineqartut amerlanersaat aningaasaqarnermik aqutsinissamut piginnaasanik isumalluutit sunnuteqartumik atorneqarnissaannik qulakkeerinnittussanik amigaateqartut.

Aammattaaq suliffeqarfiit misissuiffigineqartut tamaasa eqqarsaatigalugit pingaarnertut nalilerneqarpoq piginnaasanik amigaateqarneq pitsaanerusumik aningaasaqarnermik aqutsinissamut akornutaasoq.

Kiisalu nalilerneqarpoq suliffeqarfiup angissusaa aningaasaqarnermik aqutsinermik eqqummaarinninnissamut pingaaruteqartoq. Suliffeqarfinni mikisuni inuit ikittuinnaat aningaasaqarnermik aqutsinermi piginnaasaqarmata piginnaasanik amigaateqartoqariaannaavoq. Tamassuma kinguneranik suliffeqarfinni sulisut katitigaanerannik annikitsuinnarnilluunniit allannguinnikkut aningaasaqarnermik aqutsinermi piginnaasanik tamarmiusunik annertuumik allannguisoqarsinnaavoq.

Taamaammat naalackersuinikkut ataqatigiissarisartoqatigiinni suleqatigiinneq naapertorlugu Naalackersuisut kommunit suleqatigalugit tamanna malitseqartippaat.

Aamma ilanngunneqassaaq suleqatigiissitaq kommuninit Namminersorlutillu Oqartussanit peqataatitaqartoq pilersinneqassammat, suleqatigiissitap siunnersuummi borgmesterit pingasut suliffinnik Nuummit nussuinissaq pillugu ukiumi matumani siusinnerusukkut saqqummiussaanni periarfissanik siunertamullu naapertuuttunik qulaajaanissaq suliassaraa.

d) Immikkoortumut pilersaarutit suliarineqartussat kommunini suliarinerat sumut killippa?

Akissut: Kommunit immikkoortunut pilersaarutitik Naalackersuisut immikkoortunut pilersaarutaanni suliassaqarfinnut naapertuulluinnartunik suliaqarsimangillat. Namminersorlutik Oqartussat kommunillu akornanni pisortat akimorlugit suleqatigiinnermi isumaqatigiissutigineqarpoq Naalackersuisut kommunit ilaatigut oqaloqatigalugit immikkoortunut pilersaarussiaat kommunit immikkoortunut pilersaarussiaannut sinaakkusiissasut. Taamaakkaluartoq kommunini immikkoortunut pilersaarusiortoqareerpoq, kommunit pilersaarutaanni suliniutissatut taaneqartut ilamininngui: Kommunit sisamaasut suliniuteqarfissaasa eqikkarneqarnerat imaappoq (pingaarnersiorlugit tulleriiaarnagit): Nungusaataanngitsumik ingerlatsineq, avatangiiseq pinngortitarlu; inuussutissarsiutitik inerisaaneq; ilinniartitaanermik aqqissuussaqaq tamanut sammivilik; ilusilersuinermit politikki; illoqarfiit inissiallu inuuffigissallugit pitsaasut; porsarsimassuseq kinaassuserlu; peqqissuseq pitsaaliuinerlu; IT tamallu oqartussaaqataanerat; kiisalu attaveqaatit, mittarfinnut nutaanut naleqqussaaneq. Kommunit pilersaarutaat aamma pilersaarusiomermit periusissiat uani takuneqarsinnaapput <http://pilersaarusiorneq.gl/da/Fysisk-planlaegning>.

Immikkoortunut pilersaarusiomerup ingerlanneqarnerata ititsilerlugu nassuiarneqarnera 2016-imut nuna tamakkerlugu pilersaarusiamut nassuiaammi takkuttussami takuneqarsinnaavoq.

e) Kommuninik avitseqqissinnaaneq pillugu taasisitsisoqassappat apeqqudit qinigassallu suut innuttaasunut saqqummiunneqartariaqassappat?

Akissut: Tamanna inaarutaasumik akissuteqarfisigissallugu ajornakusoorpoq, tassa taamatut ingerlatsinissamik Naalackersuisut suliaqarsimangimmata. Pissusissamisuuksaarli aningaasaqarnikkut kingunerisassat pillugit kisitsisit eqqortut saqqummiunneqarnissaat aamma tamanna innuttaasunut ataasiakkaanut qanoq sunniuteqassanersoq paasissallugu. Aamma pissusissamisuuksaaq innuttaasut qinersinnginneranni kinguneqaatissat assigiinngitsut oqallisigilluarneqarnissaat, taamaalillutik aalajangiisussat innuttaasut qinersitinneqarnissaat pillugu aalajangiisoqartinnagu pitsaanagerusumik tunngavissaqalersillugit. Assersuutigalugu innuttaasut najukkami oqartussaaqataanermik naammaginninngitsut ilisimatinneqartariaqarput kommunip avinneqarnera najukkami oqartussaaqataanerulernissamik qanoq qulakkeerinnissinnaanersoq. Aamma pingaaruteqarpoq tikkuussisumik innuttaasunik taasisitsineq pineqarnersoq pillugu innuttaasut

ilisimatinneqarnissaat, tassa taasisitsineq naammagisimaarinninnermik takussutissatut uuttuutissatulluunniit atorneqarsinnaasoq imaluunniit taasisitsinerunersoq pinngitsoorani malinneqartussaq. Tamanna qinersisut amerlassusaannut sunniuteqarsinnaavoq.

3.12. Immikkoortoq 4.3.3, Sanaartornermi immikkoortunut pilersaarutit, qupperneq 120

Immikkoortumut ingerlaavartumik pilersaarusiortarneq qaqugu piviusunngortinneqartussatut naatsorsuutigineqarpa?

Akissut: Immikkoortunut ingerlaavartumik pilersaarusiortarneq atuutsinneqalissappat Namminersorlutik Oqartussat immikkoortunut pilersaaruteqartariaqarput. Taakku kommunit pilersaarutaannut sanilliunneqartassapput. 2016-imut Nuna tamakkerlugu pilersaarusiamut nassuiaammi takuneqarsinnaassaaq naalakkersuisoqarfiit amerlanerulaartut immikkoortunut pilersaarusiortnerminni angusaqarnerulaarsimasut, tamarmilli anguniakkap anguneqarnissaanut sulii ulapputissaqaqaat.

2015-imut Nuna tamakkerlugu pilersaarusiamut nassuiaatip pisortallu akimorlugit isumasioqatigiittarnerit 2014-imiilli ingerlanneqarsimasut nassataannik ataqatigiissaareqatigiittarnermik, pingaarnersiueqatigiittarnermik suleqatigiittarnermillu paasinninnerulertoqarpoq. Ullumikkut ukiumi 2016-imi oqartoqarsinnaanngilaq immikkoortunut ingerlaavartumik pilersaarusiortarneq atuutsinneqalersimasoq. Ingerlanneqarpoq kisianni kissaatigineqartutut annertutiginnitsumik. Naalakkersuisut taamaammat immikkoortunut pilersaarusiortarneq salliutillugu ukkatariniarpaat. 2017-imut nuna tamakkerlugu pilersaarusiamut nassuiaammi killiffiit sammineqaqqissapput, matumani naatsorsuutigineqarluni malunnaatilimmik siuariartoqarsimassasoq.

3.13. Immikkoortoq 4.3.4, Siusissukkut pitsaaliuilluni suliniuteqartarnissap tunngavigineqarnissaa, qupperneq 121

Assigiinngitsunik suliallit ataatsimeeqatigiittarnerat qanoq akulikitsigisumik pisassava?

Akissut: Assigiinngitsunik suliallit assigiinngitsunik arlalinnik oqallissuteqartarput Peqqissutsimut Naalakkersuisoqarfiup peqataaffigisartagaanik. Ilinniakkat akimorlugit ataqatigiissaarisooqatigiit - Pitsaaliuinnermut Qitiusumik Ataatsimiititaliap ataani inissisimasut - ukiumut pingasoriarlutik ataatsimiittarput Pitsaaliuinnermullu Qitiusumik Ataatsimiititaliami ataatsimiittoqarnissaa ullunik 14-inik sioqqullugu ataatsimiittarlutik. Tasiilap illoqarfiani nunaqarfiinilu tallimaasuni assigiinngitsunik suliallit immikkut ittumik suliniuteqarlutik aallartissimapput. Ilinniakkat akimorlugit ataqatigiissaarisooqatigiit Kommuneqarfik Sermersooq suleqatigalugu ullumikkut suliniutaasartut assigiinngitsut ataatsimut katersorpaat, katersukkallu imminnut ataqatigiissillugit suliniutitut ataatsitut ingerlatilerlugit.

Suleqatigiinnerup tamatuma saniatigut Peqqissutsimut Naalakkersuisoqarfiup peqqissutsimut tunngasut arlallit pillugit Kommuneqarfik Sermersooq suleqatiginissaanik isumaqatigiissuteqarfigaa kiisalu Kullorsuarmi Qaasuitsup

Kommunianiittumi suliniutissanut ikorfartuiniarluni assigiinningsunik suliallit ataatsimiinnerinut peqataasarluni.

Inuuneritta II-mut tunngatillugu Peqqissutsimut Naalackersuisoqarfik kommunini pitsaaliuinermi siunnersortinik suleqateqarpoq. Kommunini pitsaaliuinermi siunnersortit Peqqissutsimullu Naalackersuisoqarfik ukioq allortarlugu nuna tamakkerlugu ataatsimeeqatigiittarput. Pitsaaliuinermi siunnersortit tulliani nuna tamakkerlugu ataatsimeeqatigiinnissaat Nuummi ulluni 20. - 24. februar 2017 pissasoq pilersaarutaavoq.

3.14. Immikkoortoq 4.3.7, Utoqqarnut tunngasut, qupperneq 123

a) Puigortunngortarneq pillugu periusissamik Naalackersuisut suliaqarsimappat?

Akissut: "Puigortunngornermik nappaatilinnut pilersaarummut siunnersuut 2013" Naalackersuisut 2013-imi agguappaat periusissiarlu uani nassaarineqarsinnaalluni www.peqqik.gl. Peqqissutsimut Naalackersuisoqarfik pilersaarusiormermit akisussaasuvoq, pilersaarut naalackersuisoqarfinit arlalinnit suliamullu tunngatillugu suleqatigiissitamit tunngavissiiisoqareerneratigut ilusilersorneqarpoq, Isumaginninnermut Naalackersuisoqarfik kommunillu peqataatinneqarput. Pilersaarut aningaasaliiffigineqanngilaq, pilersaarutilli immikkuualuttortai peqqinnissaqarfimmut attuumassuteqartut nammineq aningaasaatinit aningaasaliiffigalugit atuutsinneqalerput. Peqqinnissaqarfik misissuisuvoq, tamatuma kingorna kommunit suliasamik ingerlatsilissapput.

b) Suliassaqarfimmi tamatumani kommunit ikiorneqarnissamik pisariaqartitsinerat qanoq annertutigiva?

Akissut: Kommunit puigortunngornermik nappaatilinnut pilersaarummut tunngatillugu akisussaaffimmi iluini ikiorneqarnissamik pisariaqartitsinersut pillugu Peqqissutsimut Naalackersuisoqarfik maannakkorpiaq tamakkiisumik takussutissaateqanngilaq.

3.15. Immikkoortoq 4.3.8, Innarluutilinnut tunngasut, qupperneq 124

a) Najugaqatigiiffinnik pisariaqartitsineq qanoq annertutigiva suliassaqarfimnullu tamatumunnga Naalackersuisut pilersaarutaat suuppat?

Akissut: Najugaqatigiiffinnik nakkutigineqartussanik pilersitsinissaq kommunit susassarivaat, taamaassimavorlu 1994-imili.

Najugaqatigiiffik nakkutigineqartoq inersimasunut ulloq unnuarlu ikorfartorneqarnissamik pisariaqartitsillutik annertuumik innarluutilinnut ineqarfiuvoq. Taakkunanga pisariaqartitsineq naapertorlugu kommunit najugaqatigiiffinnik nakkutigineqartussanik pilersitsissapput. Najugaqatigiiffiit nakkutigineqartut maanna qanoq amerlatiginerat innarluutilinnik suliaqarfiup killiffia pillugu Naalackersuisut nassuiaataanni takuneqarsinnaavoq, nassuiaat aggestusip qaammataani Inatsisartunut tunniunneqarpoq.

Isumaginnittoqarfiup annertusarneqarnissaa pillugu kaajallaasitaq nutarterneqartussanngorpat eqqarsaatigineqartariaqarpoq ilaatigut innarluutilinnut najugaqatigiiffiit ilanngunneqassanersut.

3.16. Immikkoortoq 4.3.9, Peqqissutsimut pinaveersaartitsinermullu tunngasut, qupperneq 124

- a) Pisuusaartitatut takussutissiaq aqqutigalugu suliniuteqarfissat suut siunniunneqassanersut Naalackersuisunit maannangaaq takorloorneqarpat?

Akissut: Pitsaaliuinnermut tunngasutigut anguniagaavoq nerisassat, timimik aalatitsisarneq, pujortartarneq aalakoornartorlu kiisalu imminormissamut pitsaaliuisarneq pillugit suliassa qarfinni annertuumik iluatsilluartumillu pitsaaliuinissaq anguniagaavoq.

- b) Tassunga atatillugu Tasiilaq qanoq inissisimava?

Akissut: Tasiilap illoqarfia nunaqarfiilu tallimaasut immikkut ittumik suliniuteqarnermi misiligutissatut toqqarneqarput. Kommuneqarfik Sermersuup Suliaraqfiillu akimorlugit Ataqtigiissaarisartoqatigiit suleqatigiinnerisa qulakkiissavaat naalackersuisoqarfiit tamarmik imaluunniit akisussaasutut oqartussaasut suliniuteqarnissaat Tasiilami nunaqarfinilu ilaqtariinnik sullissinerup ataatsimoortumik ataqtigiissumillu kivinneqarnissaa anguniarlugu. Pitsaaliuinnermut Qitiusumik Ataatsimiititaliami suliniuteqartoqarnerata saniatigut Tasiilami isumaginninnikkut aamma suliniuteqartoqarpoq, ilaatigut kingullermik nakkutilliarortoqarnerata malitsigisaanik. Suliassa qarfiit akimorlugit ataqtigiissaarisarneq qulakkeerniarlugu isumaginninnikkut suliniutit Pitsaaliuinnermut Qitiusumik Ataatsimiititaliami suliniutigineqartunut ataqtigiissinneqarput.

- c) Suliarineqarnissaminnut utaqqisut pillugit kisitsisit killiffillu ataatsimiititaliamut nassuiarneqaqquneqarput.

Akissut: Tabelit marluk ataaniittut september 2016-imi suliaritinnissaminnut utaqqisut qanoq inissisimanerannik takutitsipput. Tabelip aallartinnerani takuneqarsinnaapput napparsimasut utaqqisut allattorsimaffianni maanna inissisimasut, tabelip ataatungaani takuneqarsinnaallutik napparsimasut suliaritinnissamut innersuunneqarnerminnit suliaritinnissaminnut qanoq sivilutigisumik utaqqisimanersut.

Utaqqisunik taakkunanga naatsorsuinerup takutippai napparsimasunik immikkoortitaarinerit taakkorpiaat siusinnerusukkat allattukkatut nassiuunneqarsimasut, taakkunani pilattaanerit utaqqisut ikilisarneqarnissaannut aallaqqaammut aningaasaliissutigineqarsimasunit aningaasaliiffigineqarsimapput. 12 mio. kr.-t taakku utaqqisut ikilisarneqarnissaannut siusinnerusukkat atugassiisutaasimasut siunertamut tassunga atugassaajunnaarsimapput. Paarlattuanik pilattaanerup nalinginnaasumik ingerlanneqarnissaanut ilassutitut ni mio. kr.-nik aningaasaliissuteqartoqarpoq, tassani siunertarineqarluni pilatsinnissamut utaqqisut siunertamut naapertuutinningsumik amerleqqinnginnissaasa qulakkeerneqarnissaat.

Maannakkorpiaq utaqqisut allattorsimaffiata aamma utaqqinerup sivilussusaata qanoq isikkoqarnerannut takussutissaagaluartut Nuup avataanut immikkut ilisimasallit ukiup qanoq ilerpiamerani tikeraartarnerat malillugu allanngorartarput,

taamaattoq paasinarsivoq utaqqisut amerlassusaat ikiliartortut piffissarlu utaqqiffiusartoq annikiliartortoq. Tassa utaqqisunik ikilisaanerup utaqqisut naammaginartumik ikilisissimavai, taamaalilluni ullumikkut pilattaasarneq napparsimasunut tikerartunut malinnaalersimalluni tamannalu peqatigalugu utaqqisarnerup sivisussusaa annikilisinneqarsimalluni. Siunertarineqavinngilaq utaqqisut allattorsimaffiannik atorunnaarsitsinissaq, taakkumi pilatsissimasunut immikkoortorta qarfiup sunniuteqarluartumik ingerlanneqarnissaa qulakkeereqataaffigisarmassuk taamalu isumalluutininik pioreersunik isumatusaartumik atuisoqalersillugu.

Taamaattoq maannakkorpiaq inissisimanermit takussutissaq pineqarmat kisitsisit nangaanartoqartinneqassaput.

Napparsimasut suliaritinnissamut utaqqisut immikkut ilisimasalinnut agguataarneqarsimasut amerlassusaat (Napparsimasut utaqqisut allattorsimaffianniittut = napparsimasut ullormi pineqartumi suliaritinnissamut misissortinnissamulluunniit innersuunneqarsimasut amerlassusaat)

	Sept 2011	Sept 2012	Sept 2013	Apr 2014	Jan. 2015	Sept 2016
Seeqqukkut siffiakullu suliaritittut	309	156	227	247	288	235
Saanernik pilattaanerit allat	169	58	125	119	93	95
Timip ipiutaasartaanik pilattaanerit	393	388	366	337	373	388
Pinnersaalluni pilattaanerit (plastik)	21	11	22	16	22	5
Amat nappaataannik katsorsaaneq	120	137	172	138	176	70
Isitigut ajoqutit	565	457	272	440	360	245
Siutikkut, qingakkut qungatsikkullu ajoqutit	404	259	272	278	276	222
Katillugit	1.981	1.466	1.456	1.575	1.588	1.260

Sap. akunnerini agguaqatigiissillugu utaqqinerit

	Sept 2011	Sept 2012	Sept 2013	Apr 2014	Jan. 2015	Sept 2016*
Seeqqukkut siffiakullu suliaritittut	146	131	128	88	71	78
Saanernik pilattaanerit allat	68	72	99	50	52	40
Timip ipiutaasartaanik pilattaanerit	50	50	47	38	43	45
Pinnersaalluni pilattaanerit (plastik)	91	81	74	44	32	28
Amat nappaataannik katsorsaaneq	29	24	21	19	18	20
Isitigut ajoqutit	64	68	80	87	66	20
Siutikkut, qingakkut qungatsikkullu ajoqutit	119	92	72	54	55	44

3.17. Immikkoortoq 4.3.10, Akiitsoqarneq akiitsoqalernissamillu pitsaaliuineq, qupperneq 126

- Anisitsinerit 255-it qanoq akeqarpat?
- Taakkunannga inisseqqinneqartut qassiuppat illoqarfinilu sorlerni inisseqqittoqarnerusarpa?

Akissut: Aningaasaqarnermut Naalakkersuisoqarfik Ini A/S-imit paasissutissanik pissarsisimavoq apeqqutinullu qulaani pineqartunut marlunnut Ini A/S-ip akissutai pissarsiarisimallugit.

Taakkunani takuneqarsinnaavoq Iserit A/S 2015-imi katillugit 37-inik anisitsisimasoq. Taakkununga aningaasartuutigineqarsimasut imatut missingerneqarput:

Politiet udførte for Iserit A/S i alt 37 udsættelser	
Gebyr til Politi: 300 kr. pr. sag, i alt	11.100,00
Administration (arbejdstid m.v) 37 x 1020	37.740,00
I alt	48.840,00
Drift af genhusningsboliger i 2015	848.468,00
I alt	897.308,00

Akiliutissap 300 kr.-usup politiinit akileqquneqartartup saniatigut nalunaaquttap akunnerata ataatsip missaa suliassanik katersuinerumut suliassamillu politiinut nassiussinermut atorneqartarpoq aamma anisitsinermi suliamut ataatsimut nalunaaquttap akunnerata ataatsip missaa atorneqartarpoq (piffissamilli atuneq suliamiit suliamut aamma sumiiffimmiit sumiiffimmut nikerarsinnaavoq).

Taakku saniatigut arlallit inisseqqinneqartarput, taakku inissisimanerat tunngaviusarpoq politiit anisitsinissaannut. Taakkununga aningaasartuutit 2015-imi 850 tusind koruuningajalluinnaasimapput.

Taamatutaaq Ini A/S 2015-imi 218-inik anisitsisimavoq – aningaasartuutigisallu imatut naatsorsorsimallugit:

2015-imi politiit INI sinnerlugu 218-inik anisitsisimapput	
Politiinut akiliutigineqarput 300 kr x 218	65.400,00
2015-imi inisseeqqinnerit	6.062.839,12
Katillugit	6.128.239,12

Tassunga ilanngullugu isumalluuteqarpoq Ini A/S-ip iluani isumaginninnissamut atugassanik, ilimanarpoq Iserit A/S assigalugu suliamut ataatsimut isumalluutinik atuisoqartassasoq.

Iserit A/S-ip inisseeqqinneq pillugu ilisimatitsissutigai. 2015-ip naanerani inuit /inoqtigiit qulit illoqarfinnut ukununga agguataarlugit inisseeqqinneqarsimapput

Genhusning ultimo 2015	
Nuuk	2
Paamiut	4
Tasiilaq	3
Ittoqqo	1
I alt	10

Taamatutaaq Ini A/S-ip

2015-imi inisseqqippai	
Nanortalik	6
Qaqortoq	26
Narsaq	38
Paamiut	10
Nuuk	5
Maniitsoq	15
Sisimiut	1
Kangaatsiaq	0
Aasiaat	10
Qasigiannugit	18
Ilulissat	24
Qeqertarsuaq	0
Uummannaq	0
Upernavik	1
Qaanaaq	0
Tasiilaq	0
Ittoqqortoormiit	0
Katillugit 2015	154

Anisitsinerit 218-iusut inisseqqinneqartullu amerlassusaasa nikingassuteqarnerannut pissutaasorineqarpoq pineqartut namminneerlutik inissaminnik allamik nassaarsimanissaat.

- c) Akiitsoqalernissamut pitsaaliuinnermut tunngasuni pitsaaliuinnermik iliussissat annertusisat ersarinnerusullu pisariaqartinneqartut Naalakkersuisut paasissutissiissutigaa. Oqaluuserisassani immikkoortup UKA 2015/96-ip suliarineqarneranut atatillugu Aningaasaqarnermut Akileraartarnermullu Ataatsimiititaliaq allannguutissat siunnersuummik, siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik imaqartumik saqqummiussivoq. Nalunaarusiaq 2016-imi ukiakkut ataatsimiinneq nallertinnagu naammassineqartussaavoq. Taassuminnga suliarinninnertik Naalakkersuisut sumut killinneraat paasissutissiissutigineqassasoq ataatsimiititaliamit kissaatigineqarpoq?

Akissut: Nalunaarusiamik suliaqarneq naammassineqangajalerpoq, naatsorsuutigineqarporlu november 2015-ip aallartinnerani Inatsisartunut tunniunneqarnissaa siunertaralugu qaammatip matuma ingerlanerani tusarniaassutigalugu nassiuunneqassasoq. Nalunaarusiaq annertoq paasissutissarpassuarnik katersisimanermik aamma soqutigisaqaqatigiinnik assigiinngitsunik oqaloqateqarsimanermik tunngaveqartoq pineqarpoq. Naalakkersuisut tusarniaasoqareernerata kingorna oktobarip naanerani inaarutaasumik workshoppertitsilersaarput, tassani siunertaralugu akiitsunut taakkulu malitseqartinneqarnissaannut atatillugu ilaatigut akiitsunut

tunngatillugu siunissami siunnersuisarnissamut aamma ineqarnermut tunngasutigut siunertamut naapertuunnerusumik aqutsisarnissamut siunnersuutip erseqqissaaffigineqarnissaa.

- d) Naalakkersuisunit ilisimaneqarpa inoqarmat ullut 14-ikkaarlugit akissarsialinnik qaammammut akiligassamik ilaannik qaammatip ulluini siullerni 14-ini akissarsiaminnit akiliinissaminnut periarfissaqanngitsunik, taamaattumillu qaammammi ullut 14-ikkaarlugit akissarsinerminni kingullermi qaammammut akiligassaminnik matussusiinissaminnut ajornartorsiuteqalersartunik? Taakku atugaasa pitsannorsarnissaannut Naalakkersuisut periarfissaqarpat?

Akissut: Ajornartorsiut akiitsut akiitsoqalernissamullu pitsaaliuineq pillugu nalunaarusiornermi ilaatinneqarpoq, naatsorsuutigineqarporlu ajornartorsiut workshopertitsinermi inaarutaasumillu nalunaarusiornermi qaqilerneqassasoq.

3.18. Immikkoortoq 4.4. Atugarissaarnikkut sullissutinik, akileraarusersueriaatsimik ineqarnermullu tunngasunik aaqqissuusseqqinnikkut imminut pilersorsinnaanerup annertusarnera, qupperneq 126

- a) Soraarnerussutisiaqarnermik iluarsaaqqinneq soraarnerussutisiaqartut eqqornerlunneqarnerannik kinguneqanngitsumik qanoq iliorlutik Naalakkersuisut ingerlanniarpaat?

Akissut: Pinngitsoorani soraarnerussutisiaqarnissamut ileqqaagaqartalerup qulakkiissavaa siunissami soraarnerussutisiaqartalersussat soraarnerussutisiaqalernerme ukiorititat angugunikkut isertitaqarnerulemmissaat, tassa ileqqaakkat tunniunneqartartussaammata. Taamaammata aallaaviatigut soraarnerussutisiallit eqqugaassanngillat - akerlianilli iluanaaruteqassapput.

- b) Soraarnerussutisiassanut akiliutit atuisartunut akigititanut qanoq sunniuteqassappat?

Akissut: Soraarnerussutisiassanut akiliuteqarnerusalernikkut atuisunut akigititat malunnaatilimmik sunnerneqarnissaat naatsorsuutigineqanngilaq.

- c) Ingerlatseqatigiiffinnut akileraarutit appartinneqarnerat atuisartunut akigititanut qanoq sunniuteqassava?

Akissut: Ingerlatseqatigiiffinnut akileraarutit appartinneqarnerisigut atuisunut akigititat malunnaatilimmik sunnerneqarnissaat naatsorsuutigineqanngilaq.

- d) Ingerlatseqatigiiffinnut akileraarutigittinneqartup apparneqarnera aningaasaqarnikkut qanoq kinguneqassava?

Akissut: Ingerlatseqatigiiffinnut akileraarutigittinneqartup apparneqarneratigut imaassinnaavoq ingerlatseqatigiiffiit akileraarutaasigut iluanaarutaasartut ikilerartut, tassa akileraarutip pct.-imik ataatsimik apparneqarnerani 9,3 mio. kr.-t nalingannik. Nunanilli allanit misilittakkat takutippaat iluanaarutit amerlanerusut tunniunneqartalernerisa, sinneqartoorutit amerlinerisa aamma aningaasaliissuteqarnerusalernerup malitsigisaannik iluanaarutit appariartarnerat annikinnerusartoq. Aamma ingerlatseqatigiiffiit akileraarutaannit iluanaarutit amerlanersaat ingerlatseqatigiiffinnit tamakkiisumik ilaannakortumilluunniit Namminersorlutik Oqartussanit pigineqartunit pissarsiarineqartarput.

- e) Suliffeqarfiit akomanni tapiiffiqeqatigiittarnermik misissueqqissaarneq qaqugu naammassineqartussatut naatsorsuutigineqarpa?

Akissut: 2017-ip aallartinnerani. Ingerlatseqatigiiffinnit Namminersorlutik Oqartussanit pigineqartut ilaannit paasissutissanik pissarsiniarneq unammillernartuusimavoq, taamaammat sulineq kinguaattoorfiusimalluni

- f) Naalackersuisut qupperneq 130-mi paasissutissiissutigaat ullumikkut suliaasaqarfiit ilaanni sunniiveqatigiinnermi ajornartorsiuteqartoq, innuttaasut ilaasa akiitsoqalersoornerannik kinguneqartartumik. Tamatuma itisilerneqarnissaa ataatsimiititaliamit kissaatigineqarpoq.

Akissut: Pisortanit ikiorsiissutit utertitsinissamut pisussaaffiliilluni tunniunneqarsinnaanngillat. SIK-mit oqaatigineqarpoq utertitsisussaataanerup pisut ilaanni kingunerisinnagaa sulinerup imminut akilersinnaannginnera, tassa utertitsisussaataaneq pissutigalugu ilanngaaseereerluni iluanaarutit annikitsuaraasinnaagamik ilaannikkullu amigartoornermik kinguneqarsinnaallutik. Naalackersuisut naatsorsuutigaat ukiap ingerlanerani akiitsut pillugit nalunaarusiaq saqqummiunneqassasoq aamma isumasioqatigiissitsisoqassasoq, ilaatigut akiitsut pisortallu ikiorsiissutaasa akomanni sunniiveqatigiittarneq erseqqissaaffiginiarlugu.

- g) Atornerluisunik katsorsaanermtu atillugu katsorsartittussanik qulaajaaviginneriaaseq qanoq ittoq atomeqalersaarpa?

Akissut: Innersuussisarneq ullumikkut kommunimi sullissisumut imaluunniit assersuutigalugu Namminersorlutik Oqartussanut HR-llu immikkoortortaqarfiani sulisitsisunut allanut saaffiginnikkut pisarpoq. Innersuussinermtu atillugu kommune/HR-p immikkoortortaqarfia katsorsaasoqareernerata kingorna pisussanik pilersaarusiussaaq, pilersaarummi katsorsaanerup naammassineqareernerani ikorfartuutissat imaluunniit pilersaarutaasutut suliniutissat allaaserineqassapput. Najukkami atornerluisuunermtu katsorsaavinnik pilersitsinermtu tassunga innersuussisoqartassaaq, taamaattoq kommune, sulisitsisoq aamma/imaluunniit peqqinnissaqarfik immikkut ittumik suliniuteqarnissamik pisariaqartitsisoqaraangat aamma katsorsaanerup naammassineqarneranut atillugu suli akulerutsinneqarsinnaapput.

- h) Suliffeqarnermtu ilanngaat akileraartarnermtu ineqarnermullu aqqissuusseqqinnissap ilaatut Naalackersuisunit qupperneq 127-mi taaneqarpoq. Tamanna Naalackersuisut qanoq piviusunnngortilersaarpaat?

Akissut: Suliffeqarnermtu ilanngaattissatut siunnersuut Naalackersuisut UPA18-imi saqqummiutissallugu sulissutigaat. Pingaarnertut anguniagaavoq akileraarutitigut oqilisaanissaq, tassani isertitakitsut akunnattumillu isertitaqartartut iluaquserniarneqarput. Ilanngaat aqqutigalugu sulineq aningaasatigut iluanaarnerulissaaq, naatsorsuutigineqarporlu tamatuma amerlanerit sulinerulersissagai.

- i) Illuut A/S-ip inissiaataanik tunisinissamik Naalackersuisut isumaliuteqarnerannut suna tunngaviua aammalu Illuut A/S-imi attartortut anginerit ilaattut Peqqinnissaqarfik immikkut soq taaneqarpat?

Akissut: Naalackersuisut anguniagaraat innuttaasut pisinnaasut inissianik imminnut pilersortalernissaat. Namminersorlutik Oqartussat maannamut katillugit 800 mio. kr.-nik illuut A/S ernialersugassaanngitsunik akilersugassaanngitsunillu taarsigassarsitissimavaat. Taamaalilluni Illuut A/S-ip aningaasaataani aningaasarpasuit pisussaaffiligaapput, Illuut A/S-ip inissiaatiminik tunisaqarnerani atugassanngortinneqarsinnaasut. Peqqinnissaqarfik Illuut A/S-imi attartortunit annersaavoq.

- j) Illuut A/S-imi illuutininik tunisineq Namminersorlutik Oqartussat aningaasaliisartutut suleqatitut akuerisaanerannut iluaqutaasinnaanerarlugu oqarnerup itisilerneqarnissaa ataatsimiititaliamit kissaatigineqarpoq.

Akissut: Illuut A/S-imi illuutininik aningaasaliisartutut ingerlatsisarfinnut tunisinerup nassataanik periarfissaalissaaq "suliassamik" saqqummiussinissaaq, tassa aningaasaliisartutut ingerlatsisarfissuaq nunatsinni suliniummut aningaasaliissuteqarsimappat taamaaliormigullu Kalaallit Nunaanni pisariaqartinneqartumik aningaasaqamikkut naalackersuinikkullu patajaatsumik ingerlatsisoqarneranik tatiginninnerminik takutitsilluni.

3.19. Immikkoortoq 5, AIS 2017-imut atatillugu Naalackersuisut salliutitaat, qupperneq 132

Aaqqissuusseqqinnissat assigiinngitsut attartornermut akinut qanoq sunniuteqassappat?

Akissut: Namminersorlutik Oqartussat illuutaannut tunngatillugu Immikkoortunut pilersaarutit Naalackersuisut suliaralugit ingerlappaat. Taamaalilluni ingerlatsinermik pisariillisaanermut atatillugu siullermik alloriartoqarpoq. Naalackersuisunit aamma neriuutigineqarpoq allaffissornermik pisariillisaasoqarnissaa, tassa ingerlatsinermi allaffissornermilu aningaasartuutaasartut appartinniarlugit taamalu pisortat inissiaataanni attartortittakkani ineqarnermut akiliutigisartakkanut tamanna pitsaasumik sunniuteqalersinniarlugu, tassa ineqarnermut akiliutaasartut appasinnerulersinniarlugit. Aningaasaliissutinit iluanaarutaasartut siunissami annertussusissaat eqqarsaatigalugit tamatumunnga Inatsisartuni naalackersuinikkut isumaqatiginninniarnert apeqqutaassapput. Aningaasaliissutinit iluanaarutaajumaartussat ullumikkumut sanilliullugu annertunerussappata (sananermi akiusup 1,5%-ia) ineqarnermut akiliutigineqartussat qaffassapput.

3.20. Immikkoortoq 5.1.1, Inissianik iluarsaaneq, qupperneq 133

Immikkoortumut pilersaarutini piffissaq qanoq sivisutigisoq atorneqassava aammalu immikkoortumut ingerlaavartumik pilersaarusiortalernerup kingunerissavaa immikkoortumut pilersaarutit ukiut tamaasa nutarterneqartarnerat?

Akissut: Namminersorlutik Oqartussat illuutaannut tunngatillugu immikkoortunut pilersaarutit, maanna suliarineqartut, aqqutigalugit Namminersorlutik Oqartussat ilaqutariinnut arlalinnut inissiaataat imatut avillugit immikkoortiterneqarput:

- Illuutit ukiut 30-t sinnerlugit piusinnaasut
- Illuutit ukiut qulit 20-llu akornanni piusinnaasut

- Illuutit ukiut tallimat qulillu akornanni sivikitsunik piusinnaasut
- Illuutit ukiut tallimat iluanni isaterneqartariaqartut

Immikkoortunut pilersaarummi suliassat aalajangersimasut suliarineqassasut pillugit inassuteqaatit takuneqarsinnaassapput. Immikkoortunut pilersaarutit ukiut tamaasa iluarsineqartassapput, tassa suliat ingerlanneqarsimasut arlaat malitseqartittarniarlugit imaluunniit pissutsit allat ukiuni aggersuni suliassat arlaat salliutinneqarnissaanut sunniuteqarsinnaasut atuuppata iluarsineqartassapput.

3.21. Immikkoortoq 5.1.2, Ilinniartut ineqarfiinik sanaartorneq ilinniartullu ilinniarfii, qupperneq 133

Inissiat siunertanut assigiinngitsunut atorneqarsinnaasut ilinniartunut inissiat atorneqarnissaannik Naalackersuisut pilersaaruteqarpat, taakkumi ilinniartunut inissiat atorneqarnissaat pisariaqartinneqarunnaarpat inissiat allat atorneqalersinnaammata?

Akissut: Naalackersuisut pingaartippaat nutaajunerusunik inissialiortiternermi inissiat tamatigoortut siunertanut arlalinnut atorneqarsinnaasut pilersaarusiorneqarlutillu sanaartorneqarnissaat. Taamaalilluni Nuummi ilinniartunut ineqarfiit ilaatigut siunertaq tamanna malillugu pilersaarusiorneqarsimasut atuleqqammerput. Aamma ilisimatitsissutigineqassaaq ilinniartut ineqarfissaat nalinginnaasut sanaartorneqarnissaat maanna pilersaarusiorneqarmata, ilaatigut najugaqatigiittarnerup allanngortinneqarsinnaanera tassani eqqarsaatigineqarpoq.

3.22. Immikkoortoq 5.1.3, Attaveqarneq – umiarsualiviit mittarfillu, qupperneq 135

- a) Nunat immikkoortuini mittarfinnik piffissap ingerlanerani timmisartunut pax-19-inut sullissisussanik pilersitsinissaq qanoq piffissalersugaava?

Akissut: Suli nalunarpoq timmisartunut pax-19-inut sullissinissamut nunat immikkoortuini ineriartortitsinissaq pillugu periusissioinnissamut pilersaarutip piviusunngortinniarnissaanut aamma mittarfinnik arlalinnik pilersitsinissamut piffissamik qanoq atuisoqassanersoq, tak. UKA2015/167 pillugu Inatsisartut aalajangiinerat qanoq pissanersoq. Mittarfiit ineriartortinneqarnissaannut aaqqissuussaasumik sinaakkusiaq tamarmiusoq Naalackersuisut ukiunut qulinut atuuttussamik immikkoortunut pilersaarusiorkaat. Misissoqqaagassat arlallit, sanaartornermi teknikkimut tunngasut minnerunngitsumillu aningaasalersueriaatsimut tunngasut piffissami aggersumi pilersaarummut atatillugit misissorneqassapput. Mittarfeqarfiit aaqqissugaanerisa ilaatut assartuinnermi aningaasaqarnikkut pissut maannakkorpiat naatsorsorneqarput.

- b) Sakkutooqarfimmit aammalu upalungaarsimanermut atatillugu Kangerlussuup atorneqarnera eqqarsaatigigaanni Kangerlussuup mittarfeqarfittut nalinginnaasutut siunissami atorneqarnissaa qanoq ippa?

Akissut: Naalackersuisut pingaartippaat Kangerlussuup siunissami attaveqaateqarnermut tamarmiusumut ilaatinneqarnissaa aamma mittarfiup atuutsiinnarneqarnissaa. Mittarfiup ingerlanneqarnera angallanermi pisariaqartitat sukkulluunniit atuuttut eqqarsaatigalugu akisussaassuseqartumik naleqqussarneqartassaaq. Naalackersuisut piffissaagallartillugu danskit sakkutuui

USAF-ilu ullumikkut Kangerlussuamik kiffartuussisuusut Kangerlussuarmi aamma Kalaallit Nunaanni sumiiffinni allani siunissami suliassaat pillugit oqaloqatiginiarpaat.

- c) Narsarsuup mittarfiata allilerneqarsinnaaneranut pilersaarutit titartakkat, mittarfeqarfiit tunniunneqarnerannut atatillugu angallannikkut attaveqaatinik annertusaanissamik siusinnerusukkat pilersaarutitut atatillugu amerikamiunit suliarineqartut qanoq isikkoqarpat?

Akissut: Naalakkersuisut piumasarineqartoq tunngavigalugu sammisaq taanna pillugu paasissutissamik allanik pissarsiniarsinnaapput, nunami attaveqaatit ineriartortinniarlugit pilersaarummut tamarmiusumut, Inatsisartuni amerlanerussuteqarlutut aalajangiussimasaannut, Narsarsuarmi atortut tallineqarnissaat/allilerneqarnissaat ilanngikkaluartut.

- d) Mittarfiit ataasiakkaat sanaartorneranni suut tunngavigineqarsimappat?

Akissut: 2015-imi ukiakkut katersuunnermi sammisap itisilerlugu suliarineqarnera innersuussutigineqarpoq. Naatsumilli oqaatigalugu Naalakkersuisunit kissaatigineqarpoq attaveqaatip nunamik tamarmik - ukioq tamaat attaveqartitsisoq patajaatsorlu, ullutsinnut naleqquttoq ataqatigiissorlu pilersinneqassasoq. Tamatuma saniatigut takomariartitsisarnermik inerisaanerup iluani ilippanaatilinnik piviusunngortitsiniarnissaq kiisalu naammassisaqarsinnaassuseq angalanermilu aningaasartuutissat immikkut oqaluuserineqassapput.

- e) Narsarsuarmi mittarfik qanoq pilersaaruteqarfigineqarpat?

Akissut: Naalakkersuisut pingaartippaat Narsarsuarmi mittarfiup attaveqaateqarnermut tamarmiusumut ilaatinneqaannarnissaa, ingerlanneqarnerali angallannermi pisariaqartitanut atuuttunut naleqqussarneqartassaaq. Kangerlussuaq assigalugu takomariaqartitsineri ilippanaatillit il. il. piviusunngortinneqarnissaasa qulakkeerneqarnissaa aamma mittarfimmik ingerlatsineri sukkulluunniit sammisassat taakku naammassineqartarnissaat Naalakkersuisut ukkatarat.

- f) Umiarsualivinnut immikkoortumut pilersaarutip 2016-ip naanerani naammassineqartussatut naatsorsuutigineqartup assilineraneramik pissarsitinneqarnissaq ataatsimiititaliamit naatsorsuutigineqarpoq.

Akissut: Naalakkersuisut uppernarsarsinnaavaat Umiarsualivinnut immikkoortumut pilersaarutip suliarineqarnera naammassippat assilineramik Ataatsimiititaliaq tigusaqassasoq.

3.23. Immikkoortoq 5.2, Sillimmatit aamma missingersuutitik iluarsinerit, qupperneq 135

- a) Sillimmatitut immikkoortitat assigiinngitsut ukiup aningaasanut inatsiseqarfiup naanerani atorneqaratik uninngaannanginnissaat ataatsimiititaliap neriuutigaa?

Akissut: Naalakkersuisut tamanna aamma neriuutigaat. Tamannali Ingerlatsineriut sillimmatit pillugit konto pingaarnermut 20.11.50-imut atuutinnigilaq, tassa aningaasat taakku naatsorsuutiginnngisamik aningaasartuutitut atugassiaammata aamma kikkulluunniit aningaasartuutit

taama ittut soorunami pinngitsoorusuttarpaat. Aningaasat assersuutigalugu Suliniutinut nutaanut sillimmatit pillugit konto pingaarnermi 20.11.70-imi uninngasuutigineqartut atugassangortinneqarnissaasa pisariaqanngitsumik kinguartinneqannginnissaat Naalakkersuisut sulissutiginiarpaat.

- b) "Ilinniartitaanermut periutsimi nutaaliorneq" 2017-imi 1,3 mio. kr.-nik immikkoortitsivigineqartoq Naalakkersuisut paasissutissiippat. Suliniummut taama pingaaruteqartigisumut aningaasaliissutigineqartut naammattutut Naalakkersuisunit isigineqarpat?

3.24. Immikkoortoq 5.3, Pisortat suliaqarfiini pisariillisaaneq, qupperneq 138

- a) Digitalinngorsaaneermut ukiuni kingullerni qulini aningaasartuutit qanoq amerlatigippat?

Akissut: Naalakkersuisut ajoraluartumik apeqqut taanna akissuteqarfigisinnaanngilaat, tassa digitalimut tunngatillugu siunertarineqartoq qanoq paasisaasaneersoq erseqqissumik takuneqarsinnaanngimmat. Digitalitigut suliniutinut assigiinngitsunut aningaasartuutit konto pingaarnernit arlalinnit aamma suliaqarfinnit tamarmiusunit akilersorneqarput. Tamatuma saniatigut kommunini digitalinngorsaalluni suliniutinut assigiinngitsunut aningaasartuuteqartoqartarnissaa ilimanarpoq, Naalakkersuisunit ilisimaneqanngitsunik.

- b) Ataatsimoorussamik nutserinermi aaqqissuussap atorneqarnera qanoq misilittagaqarfigineqarpa?

Akissut: Digital atorlugu nutserisummik atuinermik misilittagarilerneqartoq pitsaasuvoq. Atuineq ataatsimoorussamik paasissutissaateqarfimmuut immersueqataavoq, taamaalilluni naammassisaqarfiiunerusumik nutserisoqartalerpoq. Atortorissaarut Kommune Kujallermi, Kommuneqarfik Sermersuumi aamma Qeqqata Kommuniani atuutsinneqalereerpoq.

3.25. Immikkoortoq 5.4, AIS 2017-imi aningaasartuuteqarnerunerit, qupperneq 139

- a) AUL-ip amigartooruteqarnissaanut qularnaveeqqusiineq ukiuni arlalinni ingerlaannartussatut Naalakkersuisunit naatsorsuutigineqarpa?

Akissut: Aap, taamaattoq naatsorsuutigineqarpoq amigartooruteqarnissamut maannamut qularnaveeqqusiisarneq Royal Arctic Linemut kiffartuussinissamik isumaqatigiissummik ulloq 1. januar 2017 atuutilersussamik taarserneqassaaq. Taamaalilluni naatsorsuutigineqarpoq Arctic Umiaq Linep / Sarfaq Ittuup suliarisartagaanik Royal Arctic Line ingerlatsilernissaanik isumaqatigiissuteqarfigineqassasoq.

3.26. Immikkoortoq 6.1, Inatsisitigut pisussaaffigalugit aningaasaliissutit, qupperneq 139

- a) Namminersorlutik Oqartussani akissarsiaqarnerpaat qanoq amerlatigisunik isertitaqartarpat?

Akissut: Namminersorlutik Oqartussani akissarsiaqarnerpaat ilanngaatisat ilanngaatigineqartinnagit akissarsiani ukiunut aalajangersimasunut isumaqatigiissuteqarnermut tapit saniatigut qaammammut 102.544 kr.-nik isertitaqartarput.

- b) Namminersorlutik Oqartussani akissarsiakinnerpaat qanoq amerlatigisunik isertitaqartarpat?

Akissut: Allaffimmi fuldmægtigit ilinniakkaminik naammassinneqqammersoq SIK naapertorlugu ilanngaatisat ilanngaatigineqartinnagit qaammammut isertitaqartarpoq 22.155 kr.-nik.

3.27. Immikkoortoq 6.2. Isertitat, qupperneq 139

- a) Nuna tamakkerlugu akileraarutinit isertitassatut ilimagisanik qaffaanerminni Naalakkersuisut tunngavilersuutigisaata itisilerneqarnissaa ataatsimiititaliamit kissaatigineqarpoq?

Akissut: Nuna tamakkerlugu akileraarutinit iluanaarutissatut naatsorsuutigineqartut qaffanneqarnerannut pingaarnertut pissutaapput akileraarutinit A-nut ingerlaavartumik akiliutigineqartut amerliartornerat, PAL akileraarutinit iluanaarutaasartut qaffakkiartornerat, procentinut tapiliussanit iluanaarutaasartut qaffakkiartornerat aamma iluanaarutinit akileraarutinit iluanaarutinit annikitsumik iluarsisimanerit kiisalu ukiup siuliani akileraarutinit akiligassat sinnerinut akiliuteqarsimaneq.

Ingerlaavartumik akiliutigineqartut qaffakkiartornerisa tunngavigivaat annikitsumik siumut naatsorsuisimaneq, siumut naatsorsuisoqarpoq isumaqatigiissutit nutaat il. il. tunngavigalugit nalinginnaasumik aningaasarsiat qaffanneqarnerisa kiisalu nunani allani soraarnerussutisiaqarnissamut aningaasaateqarfinnut / ingerlatseqatigiiffinnut pensionisiassatut akiliutigineqartut akileraaruserneqartalermissaasa siuartinneqarnissaannik Inatsisartut aaljangernerisa kinguneranik iluanaarutaanerisunit Nunatta Karsiata pissarsiaqarsimanerata malitsigisaannik.

PAL akileraarummit iluanaarutissat 2016-imut aningaasanut inatsisissatut siunnersuutip akuerineqarneranut atatillugu annikillisinneqarput, annikillisisoqarpoq 2015-imi danskit soraarnerussutisiaqarnissamut aningaasaateqarfiini / ingerlatseqatigiiffiutaanni iluanaaruteqarpallaartoqannginnissaannik naatsorsuutiginninnerup malitsigisaannik aamma soraarnerussutisiaqarnissamut aningaasaateqarfinni / ingerlatseqatigiiffinni "nalinginnaanerisumik" iluanaaruteqartoqarnissaannik naatsorsuutiginninnerup malitsigisaannik 2017-imut aningaasanut inatsisissatut siunnersuusiormut atatillugu ukiut siuliinit qaffasissutsimut naapertuuttumik qaffaasoqarnerup malitsigisaannik.

Procentinut tapiliussat tassaasut akileraarutissat sinnerinut tapiliusseq kiisalu ingerlatseqatigiiffiit akileraarutaannut tapiliusseq kiisalu akileraarutissat sinnerinut akileraarutinullu A-nut kingusinaarluni akiliuteqarnermut atatillugu ernianut akiliutigineqartussat naatsorsuutit kingulliit kisitsisitaat tunngavigalugit missingersuusiorneqarput, tassa 2015-imi iluanaarutigineqartut allannguuteqangaartussaangitsut naatsorsuutigineqarmat.

Kiisalu ukiup siuliani akileraarutit iluanaarutigineqarnerannit tigusassat akiligassallu sinneruttut 2015-imi angusarineqartut tunngavigalugit missingersuusiorneqarlutik.

b) BNP-p 5 %-imik annertuseriarnissaanik naatsorsuutiginnineq soq piviusorsiorlutut Naalakkersuisunit isigineqarpa?

Akissut: BNP-p annertussusaanut tunngatillugu apeqquummut 3.1.-imut qulaaniittumut akissutigineqartoq innersuussutigineqarpoq. Akit qaffasissusiisa allanngorernerannut takussutissat arlallit uppersarsarpaat aningaasaqarneq pitsaasumik siuariartortoq. Suliffissaaleqisut ikiliartortut niuertarfinni kisitsisit qaffakkiartorput. Akileraarutitigut isertitat eqquusuinermullu akitsuutit ukiup kingulliup ingerlanerani qaffassimapput, avaleraasartuunut akitsuut eqqaassanngikkaanni pisuussutinut akitsuutit qaffasipput, raajanik, qaleralinnik saarullinnillu tunisaqarneq 2016-imi qaammatini arfineq marlunni siullerni 2015-imi piffissamut pineqartumut sanilliullugu annertuseriarsimavoq. Timmisartunut ilaasut amerlanerulersimapput aamma akunnittarfinni unnuisoqarnerulersimavoq. Royal Arcticip Kalaallit Nunaannut Kalaallillu Nunaannit userisartagai annertusiartorput. Aningaasaqarnermut Siunnersuisoqatigiit naliliinermut isumaqataallutik oqaaseqarsimapput.

c) Ilanngaassivimmut tunngavigineqartup taassumalu innuttaasunut allaffissormermullu kingunerisassaasa erseqqinnerusumik itisilerneqarnissat ataatsimiititaliamit kissaatigineqarpoq.

Akissut: Pisortanut akiitsorineqartut tamarmiusut 900 mio. kr.-t missaanniittut eqqarsaatigalugit nassuerutigineqartariaqarpoq akiisut amerliartunnginnissaat qulakkeerniarlugu piffissarlu ungasinnerusoq eqqarsaatigalugu akiitut ikilisinniarlugit periutsit nutaat atorineqartariaqalernerat.

Ilanngaassiviup innuttaasut akiliisinnaassuseqanngitsut nutaanik akiitsoqalersinnaanerat pinngitsoortissinnaanngilaa, aaqqissuussatigulli qulakkeerniarneqarpoq akiliisinnaassuseqaraluarlutik akiliiumanngitsut pisortanut akiitsoqalinnginnissaat.

Aaqqissuussaq oqartoqartarneratut talartitut isigineqarsinnaavoq, tassa sulisitsisut sulisut ilanngaattissat ilanngaatigineqartinnagit akissarsiaat kontumut ikisarpai, tamatuma kingorna ataasiakkaat siumoortumik naatsorsuisimanerannit paasissutissat tunngavigalugit aaqqissuussap akileraarutissat naatsorsortarpai.

Tulliullugu kommunit, Nukissiorfiit, INI-p allallu noqqaassutaat tunngavigalugit ineqarnermut imermut, kiassarnermut, meeqquerivimmut il. il. akiliutissat aaqqissuussatigut ilanngaatigineqartarput.

Tamatuma kingorna akiliutigivallaarsimasat utertinneqannginneranni aaqqissuussatigut misissomeqartarpoq pineqartoq pisortanut akiitsoqarnerasoq, taamaaliortoqareeraangat aningaasat akiitsunut matussutissatut ilanngaatigineqartarput. Tassunga atatillugu ilisimatitsissutigineqassaaq akiitsut matussutissaannik ilanngaasoqartinnagu qulakkeerneqartussaammat inuuniarnikkut atugarisatigut illersugaaneq pillugu malittarisassat malinneqarnerisut, tassa innuttaasut ataasiakkaat ulluinnarni naammaginartumik atugaqarnissaat qulakkeerniarlugu naammattunik aningaasaateqarsinnaaqullugit.

Innuttaasut pisortanut akiitsoqanngitsut allannguutit annertuut maluginaviangilaat, taamaallaat malugissavaat meeqqerivinnut, ineqarnermut allanullu akiligassat aningaaseriviit akiligassat akilemissaannut sullississutaat atornagu Ilangaassivilli aqqutigalugu maanna akilerneqartalernissaat, soorunami sullississut aqqutigalugu akiliutigineqartut taakku atorunnaarsinneqassapput.

Innuttaasut akiitsullit siusinnerusukkut akiitsuminnut tunngatillugu toqqaannartumik ilangaaffigineqartarnissartik malugissavaat. Innuttaasut akiitsuminnik naafferaallutik akilersuinissamut isumaqatigiissuteqarsimasut aningaasat toqqaannartumik ilangaatigineqartut eqqaassanngikkaanni allanngortoqarneranik malugisaqassanngillat, maannakkulli naafferaalluni qaammammut akiliutissatut isumaqatigiissutigineqartoq namminneerlutik akileriarortassavaat.

Innuttaasut allanngortoqarneranik malugisaqarnerusussat tassaapput innuttaasut annertunerusumik annikinnerusumilluunniit ilisimaarinnillutik akiligassaminnik akiliiumanngitsut, taakkuuppummi assersuutigalugu akiliisitsiniartarfiit saaffiginnissutaannik soqutiginninnginnermikkut imaluunniit aningaasarsiat ilaannik ilangaateqartarnissamik akiliisitsiniartarfiup pineqartup sulisitsisuanut qinnuiginnissimanera pissutigalugu allamik suliffittaarnermikkut ”toqqorsimanissamut” periarfissaqarunnaartut.

Taamaammallu Ilangaassiviup iluaqutigissavaa pisortanut akiitsoqarnermi nammineq inuttut aningaasaatigisanut sulisitsisut akuliuttussaannnginnerat.

Kiisalu Ilangaassivik tapersiissaaq akiitsut ikilisarneqarnissaannut minnerunngitsumillu akiitsoqarneq pillugu suliassat amerlassusaasa ikilisarneqarnissaannut, taamaalilluni akiliisitsiniartarfimmi sulisut periarfissagissaarnerulissapput akiligassalinnik ataasiakkaanik ullumi pisartunut sanilliullugu ikiorsiinerunissamut ilitersuinerunissamullu.

4. Suliassaqarfik 10 - 12 Naalackersuisut Siulittaasuat

4.1 Konto pingaarnaq 10.01.27 Saammaateqatigiinnissamut Isumalioqatigiissitaq

Saammaateqatigiinnissamut Isumalioqatigiissitap ingerlataasa suliniutaasalu killiffiat pillugu takussutissiap tigusissaa ataatsimiititaliamit kissaatigineqarpoq. Akissut: Saammaateqatigiinnissamut Isumalioqatigiissitap killiffik pillugu nalunaarusiaq Inatsisartunut tamarniusunut tunniutissallugu naatsorsuutigaa, nalunaarusiap imaanut ilaatinneqassapput UKA 2016-ip ingerlanerani Aningaasaqarnermut Akileraartermullu Ataatsimiititaliamit apequtigineqartut.

4.2 Konto pingaarnaq 10.06.10 Partiit qineqqusaarnissaannut tapiissutit

- a) Piffissaq aningaasanik tunniussiffik partiit aningaasaqarnerannut pisariaqanngitsumik artukkeeqqunagu kommuninut qinersinermut

tapiissutininik partiinut tunngatillugu aqutsineq Naalakkersuisunit eqaannerulersinneqarsinnaava?

Akissut: Kommunitinut qinersinermut atatillugu tapiissutininik aqutsinermi malinneqartussaavoq partiinut tapiissutit pillugit inatsimmi § 6, imm. 1, tassani allassimavoq partii ataaseq kisimiilluniluunniit qinigassanngortittoq imaluunniit kattusseqatigiillutik qinigassanngortittut tapiissutininik pissarsissagunik qinersinermut peqataassasut. Tamanna imatut paasineqassaaq, qinigassanngortitanik nalunaaruteqarnissamut piffissaliussap naanissaa sioqqullugu aamma Qinersinermi siulersuisut qinigassanngortissinnaasunik akuerseqqaartinnagit tapiissutininik tunniussisoqarsinnaanngitsoq.

b) Apeqqut a)-mut nangissutitut ataatsimiititaliamit paaserusunneqarpoq tapiiffigineqarnissamik qinnuteqarnissamut killissaritinneqartup naleqqussarluarneqarsinnaaneraniq ataatsimiititaliap isumaqarneranut Naalakkersuisut isumaqataanersut?

Akissut: Tapiiffigineqarnissamik qinnuteqarnissamut killissarititaq partiinut tapiissutiti pillugit inatsisip § 7-iani aalajangersagaavoq. Naalakkersuisut tunngavissaqanngillat killissarititatuq allassimasoq inatsisip akuersissutigineqarneratigit Inatsisartunit aalajangersarneqartoq allatut isummerfiginissaanut. Qinnuteqarnissamut killissarititaq qinersisoqareernerata kingorna qaammatit marluk tikillugit atuuppoq.

c) Kingullermik kommunimut qinersinermi taasinerit agguataagaanerat tunngavigalugu tapiissutit taasinerimut ataatsimut 50 kr.-nik annertussuseqartut nuna tamakkerlugu qineqqusaarnerup ingerlanneqarnissaanut naammattutut Naalakkersuisunit isigineqarpat?

Akissut: AIS 2017-imi missingersuutininut ilanngussani takuneqarsinnaavoq 2014-imi Inatsisartunut qinersinermi taasinerit agguataagaanerat tunngavigalugu Inatsisartunut qineqqusaarnerup ingerlanneqarnissaanut tapiissuteqartoqassasoq. Taasinerimut ataatsimut partiit 2014-imi pissarsiarisaannut 100 koruunit tapiissutigineqarput. Taassuma saniatigit partiit tamarmik tunngaviusumik 100.000 kruuninik tapiissutisissapput.

Taamatuttaaq AIS 2017-imi missingersuutininut ilanngussani takuneqarsinnaavoq 2013-imi kommuninut qinersinermi taasinerit agguataagaanerat tunngavigalugu kommuninut qineqqusaarnerup ingerlanneqarnissaanut tapiissuteqartoqassasoq. Taasinerimut ataatsimut partiit 2013-imi pissarsiarisaannut 50 koruuninik tapiissuteqartoqassaaq. Aamma partiinut tamanut tunngaviusumik tapiissutit 50.000 koruunit tunniunneqartarput.

Nuna tamakkerlugu Inatsisartunut qineqqusaarnerup ingerlanneqarnissaanut aamma kommuninut qineqqusaarnerup najukkani ingerlanneqarnissaanut tapiissutigineqartartut piumasqaatinut ukiuni arlaqartuni partiit qineqqusaarissaannut tapiissutissat missingernissaannut tunngaviusartunut naapertuupput. Aningaasaliissuteqartarnermut tunngatillugu siunnersuutip ilusilersorneqarnerani tapiissutit naatsorsorneqartarnerannut tunngaviusumut allannguutissat siunnersuuteqarnissamut Naalakkersuisut tunngavissaqanngillat.

4.3 Konto pingarneq 10.13.10 Iluanaarutit, aktianit piginneqataaffinniit piginneqataassutit tunisinerillu

- a) Isertitat 2016-imit 2017-imut ikileriaateqarnissaannik aammalu ukiut missingersuusiorfiusut ingerlaneranni isertitat amerleriarnissaannik Naalackersuisut naatsorsuutiginninnerat sumik pissuteqarpa?

Akissut: Isertitat 2016-imiit 2017-imut ikileriaateqarnissaannut pissutaavoq GrønlandsBankenip aktiaataanik Greenland Holding A/S-imut 2017-imi tunisisoqarnissaata naatsorsuutigineqannginnera, isertitali 2018-2020-mi amerleriarnissaannik naatsorsuutiginninnermut pissutaavoq Royal Greenland A/S-ip iluanaarutitik tunniussaqaangaatsiarnissaanik naatsorsuutiginninneq.

- b) Grønlandsbankenimi aktiaatit Greenland Holdingip nunattalu karsiata akomanni kingullermik niuerutigineqarnerat pineqartunit qanoq pissarsissutigineqarpa?

Akissut: GrønlandsBankenip aktiaatai ukiumut iluanaarutaangaatsiartussatut naatsorsuutigineqartut Greenland Holding A/S-imit tiguneqarput, aktiat tunineqarnerisigut Nunatta Karsia aningaasanik ataasiakalaartumik pissarsivoq.

4.4 Konto pingarneq 12.01.01 Kalaallit Nunaata Københavnimi sinniisoqarfia

Københavnimi sulisut qulit missaat Nuummi Naalackersuisoqarfinnut aqutsisoqarfinnullu suliassanik isumaginnittuusut Naalackersuisut oqaatigaat. Suliassat taakku Kalaallit Nunaanni ingerlanneqarsinnaannginnerat sunik pissuteqarpa?

Akissut: Ataani takuneqarsinnaavoq Kalaallit Nunaata sinniisoqarfiani maannakkorpiaq sulisut amerlassusaat:

- Naalackersuisut Siulittaasuata Naalackersuisoqarfia: sulisoq ataaseq (soraassaaq ulloq 31.12.2016).
- Ilaqutariinnermut Naalackersuisoqarfik: sulisut marluk (sulisoq ataaseq soraassaaq ulloq 31.12.2016).
- Inuussutissarsiornermut Naalackersuisoqarfik: sulisut marluk (Nunat allamiut pillugit inatsit kiisalu IBA-nalunaarusiat).

Erseqqissaassutigineqassaaq Kalaallit Nunaata Københavnimi Sinniisoqarfia, Ingerlatsineq pillugu konto pingarneq 12.01.01 naapertorlugu sulisut naalackersuisoqarfinnit ataasiakkaaneersut Kalaallit Nunaata sinniisoqarfianit atorfinitsitaanngimmata, taakkulu naalackersuisoqarfiit attuumassuteqarfisamika ataani toqqaannartumik inissisimapput.

Naalackersuisoqarfiit ataasiakkaat pisut ataasiakkaat nalilersorneqarnerat tunngavigalugit, ilaatigut danskit ministeeriaqarfiinut pisunut attuumassuteqartunut tunngatillugit ilisimasat piginnaasallu kiisalu qanimut suleqatiginerat annaajumanagit sulisut Kalaallit Nunaata Københavnimi sinniisoqarfiani piffissami sivikinnerusumi sivilunerusumiluunniit sulisinneqarnissaat aalajangersimavaat.

Naalackersuisut Siulittaasuata Naalackersuisoqarfiani sulisumut tunngatillugu ilisimatitsissutigineqassaaq atorfik pineqartoq 1. januar 2017 aallarnerfigalugu atorunnaarsinneqassammat tiguneqarluniluunniit.

Naalakkersuisunut ilaasortat, Inatsisartunut ilaasortat, qitiusumik allaffeqarfimmeersut, Namminersorlutik Oqartussat suliffeqarfiutaanneersut kommunineersullu Københavnimiinneranni sullinneqarnerat sooq Kalaallit Nunaannit ingerlanneqarsinnaanngila?

Akissut: Sullissinermi ilaatigut isumagineqartarput ataatsimeeqatigisassanik isumaqatigiissuteqarneq, sulisut Kalaallit Nunaanneersut malittarineqarnerat, Danmarkimi ministeeriaqarfinnut attaveqartuarneq, Wildersgademi inissiamik ingerlatsineq aserfallatsaaliuinerlu il. il..

Sullissinerup Kalaallit Nunaannit ingerlanneqartarnissaanut ajornakusoortitsinnaasut ilaatigut tassaapput Kalaallit Nunaata Danmarkillu akornanni nal. akunnerisa nikinganerat, nunat taakku imminnut ungasittupilussuunerat kiisalu Danmarkimi soqutigisaqaqatigiiffippassuarnut attaveqartuarnissaq.

Naalakkersuisoqarfiit pineqartut Københavnimiinneranni Kalaallit Nunaannit sullissinissap ingerlanneqarnissaa ajornarpasippoq siunertamulluunniit naapertuunnani aamma piffissaq atugassaasoq aningaasaqarnerlu eqqarsaatigalugit siunertamut naapertuutinnigilaq.

Aamma sullissineq pineqartoq Kalaallit Nunaata Sinniisoqarfiani suliassarpassuit isumagineqartartut ilagiinnarpaat.

5. Suliassaqaarfik 20 - 24 Aningaasaqarnermut Aatsitassanullu Naalakkersuisoq

5.1 Konto pingaarneq 20.01.10 ASIAQ (Misissueqqaarnerit/Grønlands forundersøgelse)

- a) Suliassat ingerlanneqartussat pilersaarutigineqartut allannguutigisinnaasaat itisiliivigeqqullugit Naalakkersuisut qinnuigineqarput?

Akissut: Suliassat ingerlanneqartussat pilersaarutigineqartut pingaarutilimmik allannguutitaqannigilat, oqaatigineqassaarli aningaasaliiffigineqarnissamit allanit aningaasaliiffigineqarnerusarnissaq anguniarlugu Asiaq ingerlatsinerminik allannguisarmat. Taamatuttaaq eqqarsaatigineqarpoq oqaluuserisap aappasaaneerqarnerani Asiamut 1,0 mio. kr.-nik ilassutitut aningaasaliissuteqarnissamut allannguutissatut siunnersuummik saqqummiussinissaq, siunertaralugu immikkoortunut pilersaarutini il. il. paasissutissat nunap sananeqaataanut tunngasut sumiiffiillu pillugit kisitsisit pingaarnerit piffissami sivirusumi saqqummiuttuarneqarnissaannik pisariaqartitsisarnissat naammassisinnaajumallugit NunaGIS-imik atuinerup toqqammavissillu arnerunissaa.

- b) Aningaasaliissutit amerleriarnernannik kinguneqanngitsumik suliassami kisitsisit amerlanersaat qaffariartut ataatsimiititaliamit maluginiarneqarpoq. Pissutsit taamaannerannut suna pissutaava?

Akissut: Ukiuni kingullerni aningaasaliissutaasartut appariartortinneqarnerisa kingunerannik Asiaq pisariillisaasimavoq suliassaqaarfinnilu allatut

aningsaasalersorneqartuni suliarnik annertusisimalluni. Matumani pineqarput niuernermit atatillugu sullissinerit ilisimatusarnerillu aningsaasaateqarfinit aningsaasalersorneqartut.

Aamma sammisat inissisimanermik siunissami pitsanngorsaasinnaasut, pingaartumik Nioqqutissat tuniniarneqartarnerannut IT-mullu tunngassuteqartut (Sumiiffinni internetsikkut il. i. paasissutissiinermut atortut) 2015-17-imi immikkoortinneqarlutik amerliartortitat Asiamit atorneqarput. Tassa suliat 2015-imi ingerlanneqartut amerlaqataannik suliagarnissaq anguniarlugu.

5.2 Konto pingarneq 20.05.20 Kommuninut ataatsimoortumik tapiissutit

- a) Kommuninut ataatsimoortumik tapiissutit pillugit qaqugu isumaqatigiissuteqartoqarnissaa naatsorsuutigineqarsinnaanersoq paasissutissiissutigineqassasoq ataatsimiititaliamit kissaatigineqarpoq?

Akissut: Naatsorsuutigineqarpoq kingusinnerpaamik oktober 2016-imi isumaqatigiissuteqartoqassasoq.

- b) Kommuneqarfik Sermersuup ataatsimoortumik tapiissutinit isertitaanit ukiumoortumik 90 mio.-it kommunit sinnerinut agguateqqinneqartarnissaannik aalajangerup saniatigut suliassaqarfik pillugu siunissami qanoq anguniagaqarnissartik Naalakkersuisut naatsorsuutigaat?

Akissut: Naalakkersuisut suliassaqarfimmut tunngatillugu politikkerat kommuninut ataatsimoortumik tapiissutit suliniuteqarfissatut isumaqatigiissutaasunut ikorfartuutissatut salliutillugit atorneqarnissaat. Tamanna pissaaq kommuninut ukiumoortumik isumaqatigiissutaasartut aqqutigalugit, taakku piffissamut ungasinnerusumut pilersaarusiortoqarneq iluaqusissuaat kajumissuseqarnerulersitsissallutillu, taamaalilluni Namminersorlutik Oqartussani kommuninilu atuisinnaatitaanerup ataqqineqarnera ilutigalugu – pisortat suliassaataat sunniuteqartumik siunertamullu naapertuuttumik naammassisinnaanarlugit. Suliniutinut taama ittunut tunaartatut atorneqassapput piffissaq ungasinnerusoq eqqarsaatigalugu siuarsaanissamut iliuusissanullu pilersaarut, assersuutigineqarsinnaappullu meeqqat atuarfiannut tunngatillugu suliassaqarfinnik salliutitsilluni pitsanngorsaaniarluni suliniutit imaluunniit inuusuttunut tunngatillugu suliniutit pitsanngorsaaffigineqarnerat. Naalakkersuisulli suliniutinik pitsanngorsaanissaq kisiat kissaatiginngilaat, siunissamili anguniagassatut aalajangiunneqartunit anguneqartut kommuninut ataatsimoortumik tapiissutissat ilaasa qanoq annertutiginissaannut aamma apeqqaataatissinnaanngorusuppaat.

Tamatuma saniatigut ataatsimoortumik tapiissutinut suli tunngavigineqarput DUT-mi tunngavittut taaneqartartoq (Oqimaaqatigiissitsilluinnarnissamut tunngavik), tassa kommunit suliassaqarfinnik nutaanik tigusigaangata kommunit Nunatta Karsianit aningsaasunik tuneqqinneqartarput, akerlianillu suliassaqarfiit atorunnaaraangata ataatsimoortumik tapiissutit ikilisinneqartassallutik.

- c) Kommuninik nutaamik agguataarisogarsinnaanerata kingunerisinnaasai pillugit sulineq Naalakkersuisunit ingerlateqqinneqarpa?

Akissut: Naalakkersuisut isumaqarput kommunit avinneqarnerat Nunatta Karsianut aningaasartuutaassanngitsoq. Aningaasaqarnikkut kingunerisassat allat BDO-p "Qaasuitsup Kommuniata avinneqarnissaa" pillugu ulloq 3. juni 2016 allakkiaani misissoqqissaarneqarput.

5.3 Konto pingaarneq 20.05.31 Kommunini aningaasartuutaanerusussanut immikkoortitat

Isumaginninnikkut suliassaqarfimmi suliassanik sularinnittarnerup nukittorsaavigineqarnissaa sillimmatinut kontop matuma siunertaraa, taamaaliornikkut isumaginninnermut siunnersortit suliassaasa amerlassusiisa sulisullu amerlassusiisa akornanni oqimaaqatigiinnerup pitsaanagerusup pilersinneqarnissaa siunertarineqarluni. Taama suliniuteqarnissaq aningaasanut inatsisissatut siunnersuummi matumani ilaatinneqanngilaq. Tamanna ajornartorsiummut taaneqartumut qanoq kinguneqassava?

Akissut: Naalakkersuisut september 2016-imi ilassutitut aningaasaliiffigineqarnissamik qinnuteqaat Aningaasaqarnermut Akileraartarnermullu Ataatsimiititaliamut nassiuppaat, tassani qinnutigineqarpoq aningaasat katillugit 6 mio. kr.-t kontumit 20.05.31-mit atorneqassasut 2016-imi 1,5 mio. kr.-t, 2017-imi 3,0 mio. kr.-t aamma 2018-imi 1,5 mio. kr.-t kommunini sullissinerup pitsanngorsaaffigineqarnissaanut. Aningaasat atugassanngortinneqarput siusinaartumik soraarnerussutisiaqartitsisarnerup iluarsartuuteqqinneqarnerata malitsigisaanik siusinaartumik soraarnerussutisiaqartitsisarnermi sullissinerup pitsanngorsaaffigineqarnissaanut kommunillu tassunga kommuninut ataatsimoortumik tapiissutit aqqutigalugit aningaasaliiffigineqarlutik. Tamatuma saniatigut AIS 2017 aqqutigalugu kommunimi sulisut Piginnaasanik ineriartortitsinermut aningaasat immikkoortitat pillugit konto pingaarnermut 20.30.02-mut attuumassuteqartut piginnaannngorsaqqinneqarnissaannut 1,5 mio. kr.-nik ilassutitut aningaasaliissuteqartoqarpoq, tak. konto pingaarnermut missingersuutinut ilanngussat .

5.4 Konto pingaarneq 20.05.40 Naalagaaffiup ataatsimoortumik tapiissutai

Ataatsimoortumik tapiissutit iluarsiiisuteqarfigineqarnissaat ataatsimoortumik tapiissutit amerlassusiannut taamaalillunilu aamma nunatta karsiata isertitaanut qanoq sunniuteqassava?

Akissut: Naatsorsuutigineqarpoq ataatsimoortumik tapiissutini akinut akissarsianullu iluarsiiisutissat akigititat aningaasanut inatsimmi ingerlatsinermut tapiissutitullu aningaasaliissutit iluarsineqarnissaannut atorneqartussat annertoqqataattut iluarsiiisoqassasoq. Akinut akissarsianullu iluarsiiisutit taakku akissarsiat akigititallu naatsorsuutigisatut ineriartornissaasa malitsigisaanik ukiuni aggersuni annertuallaannginnissat naatsorsuutigineqarpoq.

5.5 Konto pingaarneq 20.05.44 EU-mik suleqateqarnissamik isumaqatigiisummit isertitat

- a) Aningaasaliissutit amerlinerannut aningaasat naligisassaattut missingersuutigineqartut kisimik pissutaappat?

Akissut: Piffissami 2014-2020-mi 217 mio. Euronik immikkoortitsisoqarsimavoq. Aningaasat ukiut tamaasa tunniunneqartussat immikkoortinneqartartut EU-p tigorianaannarnik aningaasaatai apeqqutaatillugit nikerarsinnaapput. Ukiuni siullerni aningaasat tunniunneqartartut appasissimapput, taamaammallu ukiuni aggersuni tunniunneqartartussat amerlissallutik.

- b) Aningaasanut inatsisissatut siunnersuummut nassuiaatit naapertorlugit siunniussimasat 2015-imi 68 %-iinnaanerannut pissutaasut itisileqqullugit Naalakkersuisut qinnuigineqarput?

Akissut: Siunniussimasani angusaqarnermut apeqqutaapput siunniussat tallimat iluini ukiumut angusat tamarmik 20 %-iusimanissaat. Tabelimi ataaniittumi takuneqarsinnaasutut "EU3 7. klasses trintest" aamma "EU11 Transition rate 2 år efter drop-out" pillugit 2015-imi anguniakkavut angunngitsoorpavut. Angusaqanngitsoornermut pissutaavoq "EU3 7. klasses trintest" pillugu 2015-imi angusat 2013-imi tunngaviumik naleqartitanit appasinnerusimanerat, takussutissarlu taannaanaq tunngavigalugu tunniunneqartussat 20 %-ii annaallutigit.

No.	Takussutissat	Oqimaa ssutsit 2015	Tunnga vik 2013	Anguni agaq 2015	Angus at 2015	Achievement*	Contribution**
EU3	7th grade test	0.20	56.25	56.25	55.75	0	0
EU4	Transition rate to education 1 year after elementary school	0.20	35.6%	38.6 %	41.0 %	1.8	0.2
EU8	Number of completions	0.20	968	1,020	1,085	2,08	0.2
EU11	Transition rate to education 2 years after drop-out	0.20	41.4 %	44.5 %	42.7 %	0.42	0.08
EU13	Expenditure on education as percentage of total public expenditure***	0.20	25.8 %	25 %	26.7 %	1,07	0.2
Tranche							0.68387

- c) Ilassutitut isumaqatigiissut naapertorlugu EU-p ukiumut aalisarnissamut pisinnaatitaaffii Naalakkersuisut nalinginnaasumik nassuiaatini qupperneq 100-101-imi nalunaarsorpaat. Tassani paasissutissiissutigineqarpoq isumaqatigiissut tamakkiisumik atornerqarpat nunatta karsianut ukiumut 146,9 mio. kr.-nik isertitsissutaasinnaasoq. Aalisarnissamut pisinnaatitaaffiit taakku atorlugit aalisakkat nunatsinnit nammineq aalisarneqarnissaat qanoq isertitsissutaasinnaava?

Akissut: 2016-2016-imut isumaqatigiissut naapertorlugu pisassiissutit (tamakkiisumik atuineq) EU-mut tunineqartut Kalaallit Nunaata nammineerluni aalisassappagit naatsorsuutigineqarpoq tabelimi takutinneqartut isertitarineqassasut.

Pisortat isertitaat	Mio.kr.
Aalisarnermut	38,6

akitsuutit	
Ingerlatseqatigiiffinnut akileraarutit	18,7
Akileraarutit A-t	50,7
Katillugit	108,0

d) Aningaasaqarnermik aqutsinikkut iliuusissatut pilersaarutip siuarsarneqarnissaa pillugu Naalakkersuisut EU-llu akomanni isumaqatigiissusiortoqartoq Naalakkersuisut qupperneq 102-mi oqaatigaat. Tassunga atatillugu aqqiivigisariaqakkat 6-it taaneqarput. Tamanna erseqqinnerusumik itisiliiffigeqqullugu Naalakkersuisut qinnuigineqarput.

Akissut: Aningaasaqarnermik aqutsinerup siuarsarneqarnissaa EU-mik isumaqatigiissuteqarnermut atatillugu saneqqunneqarsinnaanngitsumik piumasqaataavoq. Aningaasaqarnermik aqutsinikkut iliuusissatut pilersaarummi suliassaqarfiit arfinillit tassaapput:

- Kommunit aningaasaqarnerannik nakkutilliisarnerup pitsaanerulersinnissaa
- Suliffeqarfiit namminersortitat nalunaarusiami ilanngussatut ilaasut: Namminersorlutik Oqartussat aktiaateqarluni ingerlatseqatigiiffiutai – Ukiumoortumik Inatsisartunut nassuiaasiorneq
- Akileraartarnermut Aqutsisoqarfimmit ukiumoortumik nalunaarusiaq
- Nioqqutissanik kiffartuussinernillu pisineq
- Illup iluani nakkutilliineq pitsanngorsaaffigineqassaaq
- Qaammatit pingasukkaartumik missingersuutit pillugit nalunaarusiornerit

e) Tamatuma peqatigisaanik EU-mut nalunaarusiortarnissaaq pillugu immikkoortoq itisiliivigeqqullugu Naalakkersuisut qinnuigineqarput.

Akissut: Namminersorlutik Oqartussat ilinniartitaanermi anguniagassatut isumaqatigiissutaasimasut nalunaarusiussavaat, aningaasaqarnermik aqutsinermi suliassaqarfiit qulaani pineqartut arfinillit pillugit aamma naalakkersuisut aningaasaqarnermut tunngatillugu politikkiat Aningaasaqarnikkut Ingerlatsineq pillugu Nalunaarut kiisalu Aningaasaqarnermut Siunnersuisoqatigiit Nalunaarusiaat aqqutigalugit nalunaarusiussavaat.

5.6 Konto pingaarneq 20.05.45 Kommuni Kujallermi attaveqaatinik annertusaaneq

Kommune Kujalliup aningaasanik atuinissaani piumasqaatit isumaqatigiissutigineqartut assilineri nassiuteqqullugit Naalakkersuisut ataatsimiititaliamit qinnuigineqarput.

Akissut: Kommune Kujalliup aningaasanik atuinissaa pillugu isumaqatigiissut ujjartorneqartoq TB-suliap nr. 12-597-imut ilanngussatut ilanngunneqarpoq. Isumaqatigiissut ataatsimiititaliamut nassiuunneqassaaq.

5.7 Konto pingaarneq 20.10.11 Ilanngaaseereerluni erniat

Mittarfeqarfiit Nukissiorfillu suliassaqarfiini aningaasaliinissat suliffeqarfiit taakku marluk aningaasanik tigorianaannarnik aqutsinerannik sukaterinissap isumaliutigineqarnissaanut tunngavissiippat?

Akissut: Suliffeqarfiit namminersortitat aningaasaatiminnik tigorianaannarnik nalinginnaasumik aqutsinerannut Naalakkersuisut akulerunneq ajorput. Maanna siunissamilu aningaasaliissuteqartarnissamut tunngatillugu Naalakkersuisut nalinginnaasumik aningaasaatinik tigorianaannarnik aqutsinermut attuumatinngagit aningaasaliissutinik suliaqartarput.

5.8 Konto pingaarneq 20.10.22 Isertitat allat

- a) Nuummi inissianik attartortittakkanik nutaanerusunik tuniniaanikkut ukiumut 2 mio. kr.-t isertinneqartarnissaat Naalakkersuisunit naatsorsuutigineqartoq missingersuutitut ilanngussami allassimavoq. Ukiumut inissiat sisamat tunineqartarnissaat naatsorsuutigineqarpoq. Inissiat nammeneq pigisat Nuummi niuernermini akii atuuttut eqqarsaatigalugit tamatuma itisilerneqarnissaa ataatsimiititaliamit pisariaqartinneqarpoq?

Akissut: Immikkoortumi tassani allassimavoq "Inissiat tassaannerussapput Tuapannguaniittut Natsiamiittulluunniit. Isertitat Illuut A/S-imut inissianik piginnittuusumut taarsigassarsiaritinneqartut aamma piginnittunut nutaanut paarlaanikkut taarsigassarsiaritinneqartut akornanni nikingassutaasut aqutagalugit pissarsiarineqarput, taakkulu 20/20/60- atorlugu taarsigassarsianut naapertuupput. Tassunga itisiliissutitut oqaatigineqassaaq inissiat Namminersorlutik Oqartussanit pigineqanngimmata taakkunangalu tuniarnegaratik, Illuut A/S tassaavoq inissianik piginnittoq tuniniaasorlu.

- b) Nuummi inissianik tunisinermi akit suut Naalakkersuisunit atorineqartarpat?

Akissut: Naalakkersuisut Nuummi inissianik tunisigaangamik niuerfinni akisut malittarpaat.

- c) Illuut A/S-ip inissiaatai tamarmiusut maanna qanoq naleqarpat?

Akissut: Illuut A/S-ip 2015-imut ukiumoortumik nalunaarusaani allassimavoq, ingerlatseqatigiiffiup inissiaatai toqqaviutaalu naleqartut til kr. 1.334.832.000.

5.9 Konto pingaarneq 20.10.42 Kommuninut taarsigassarsiarititat, akilersuineq

Piffissami missingersuutitut ilanngussami taaneqartumi akiitsuminik akilersuinissamut Kommune Kujallip periarfissai Naalakkersuisunit qanoq naatsorsuuteqarfigineqarpat?

Akissut: Naalakkersuisunit naatsorsuutigineqarpoq kommunip pisussaaffini naammassissagai, maannalu kommunip siunissaa pitsaanerusutut isikkoqarsorinarpoq, tassami kommunip nammeneq akileraarutitigut iluanaarutai (inaarutaasumik akileraarusiineq 2014-imit 2015-imut 5,5 %-ingajalluinnarmik qaffassimagamik kiisalu 2015-imi piffissamut tassunga sanilliullugu ukioq manna ingerlaavartumik akiliutigineqartartut 4 %-it sinnerlugit amerlanerullutik. Tassa Naalakkersuisunit ilimagineqanngilaq kommune isumaqatigiissummik naammassinninniarnermi ajornartorsiuteqassasoq.

5.10 Konto pingaarneq 20.11.51 Aaqqissuusseqqinnerit sunniutaat

- a) Aaqqissuusseqqinnissat siumut sammisut tallimat Naalakkersuisunit taaneqarput. Iliuusissat taakku piffissani taaneqartuni ingerlanneqarsinnaanissaat Naalakkersuisunit qanoq qulakkeerneqalersaarnersoq paasissutissiissutigineqassasoq ataatsimiititaliamit kissaatigineqarpoq.

Akissut: Aaqqissuusseqqinnissat angusaqarfiuniartussat pineqarput. Aaqqissuusseqqilluni suliniutissani ataasiakkaani takuneqarsinnaavoq aaqqissuusseqqinnerit pineqartut Inatsisartut katersuunnerini sorlerni Inatsisartunut saqqummiunneqarnissaannik Naalakkersuisut naatsorsuutiginninersut. Attassisinnaanissamut Siuarsaanissamullu pilersaarummut UPA2016-imi saqqummiunneqartumut ilassutitut aaqqissuusseqqinnerit isigineqassapput. Naalakkersuisut ukkatariniarpaat aaqqissuusseqqinnerit salliutinneqarnissaat taakkunungalugu isumalluutissatut pisariaqartitat ingerlaavartumik immikkoortinneqartarnissaat aamma pisariaqartitsinermi avataanit sulisunik peqataatitsisarsinnaaneq. Aaqqissuusseqqinnerit Aningaasaqarnermut Naalakkersuisoqarfimmi inatsisilerinermit tunngatillugu suliaqarfiup nukittorsarneqarnissaannik pisariaqartitsilersitsinnaapput.

- b) Inatsisit tunngavigisassat suli akuersissutigineqanngitsut iliuusissat ukiunut ataasiakkaanut aningaasaqarnikkut sunniutissaat pillugit naatsorsuinissamut tunngavissat pisariaqartut Naalakkersuisunit qanoq qulakkeerriarneqarsimappat? Ukiumut aningaasanut inatsiseqarfimmi 2017-imi ukiunilu missingersuusiortfinni kisitsisit allassimasut nassuiaatigineqarnissaat ataatsimiititaliamit kissaatigineqarpoq. Quppernermi 242-mi suliasami kisitsisinut takussutissiaq ataatsimiititaliamit innersuussutigineqassaaq.

Akissut: Aaqqissuusseqqinnerit aningaasaqarnikkut sunniutissaat siusinnerusukkut naatsorsuisimanermit tunngaveqarput. Aaqqissuusseqqinneq erseqqissaaffigineqarpat naatsorsuinerit sukumiinerulissapput paasissutissallu nutaajunerpaat atorneqarsinnaalerlutik. Kisitsisit konto pingaarnermi 20.11.51-imiittut tassaassapput sulinermi aallaavigisassat.

5.11 Konto pingaarneq 20.11.56 Missingersuutininik iluarsineq, allaffissorneq

Digitalikkut pilersaarusiortnermut aammalu pisortat ataatsimoortumik nutserinermi atortuannut sipaarutissatut naatsorsuutigineqartut ukiumik ataatsimik kinguartinneqarnut suna pissutaava?

Akissut: Nutsigassanik suliaqarnissamik ujartuineq annertusiartuinnavissimavoq naatsorsuutigisamik naammassisaqarnerunissamik siunertaqarnermut akornutaasumik. Nutsigassat amerliartuinnarnerisa malitsigisaannik sipaaruteqarnissaq kinguartinneqarsimavoq.

5.12 AI 2016 Konto pingaarneq 20.11.61 Ilinniartitaanermit sillimmatit

Konto pingaarneq taanna aningaasanut inatsisissatut siunnersuummi matumani ilaangilaq. Tamanna ima paasineqassava; ilinniartitaanermit immikkut ittumik suliniuteqarnissamut aningaasaliussat tamarmik atugassiissutigineqarsimasut?

Akissut: Aap. AI2016-imi aningaasat ukiuni missingersuusiorfiusuni atugassat konto pingaarnermut matumunnga ilanngunneqartut AIS2017-ip suliarineqarnerani Suliassaqaarfik 40-p ataani suliniutissanut atugassanngortinneqarput.

5.13 Konto pingaarneq 20.11.70 Suliniutinut nutaanut sillimmatit

Suliniutit siumut sammisut arfineq pingasut Naalackersuisunit taaneqarput. Suliniutissat taakku piffissani taaneqartuni ingerlanneqarsinnaanissaat Naalackersuisunit qanoq qulakkeerneqalersaarnersoq paasissutissiissutigineqassasoq ataatsimiititaliamit kissaatigineqarpoq.

Akissut: Aningaasat suliniutissanut taakkununnga immikkoortinneqartut suliassaqaarfiit assigiinngitsut pillugit inatsimmik akuersissuteqarnermut aalajangiiffigisassatullu siunnersuuteqarnermut imaluunniit suliniutissatut salliutitassanut ilassutitut atorneqassapput. Naalackersuisoqarfittut akisussaasuusut tamanna malitseqartissavaat, tassa aningaasat sillimmatinut kontumit tassannga atugassanngortinniarlugit sulisinniarlugillu. Aningaasaqarnermut Naalackersuisoqarfittuq sillimmatinut kontumut akisussaaffeqartutut siuarsaanissaq pisariaqartinneqartoq qulakkeerinneqataaffigissavaa.

5.14 Konto pingaarneq 20.11.71 Tulleriarinerermut toqqortat

a) Tamanna ataatsimiititaliamit ima paasineqassava; aningaasartuutissatut aningaasanut inatsisissatut siunnersuummi missingersuutigineqartut 0,15 %-ii suliniutissat nutaat pillugit aningaasanut inatsisissap isumaqatiginninniutigineqarnissaani kisimik atugassiissutigineqartut?

b) Tulleriarinerermut matumani immikkoortitat sumut atorneqarsinnaanerit pillugu Naalackersuisut aalajangersimasunik isumassarsiaqarpat?

A-mut b-mullu akissutit: AIS2017-imi nutaatut tulleriarinerermut toqqortassatut immikkoortitsisoqarpoq suliassanut suliniutissanullu aalajangersimasunut siumut atugassiissutaanngitsunik. Toqqortaateqalernissamut ilaatigut danskit aningaasanut inatsisaanni suliniutit immikkut ittut aningaasalersorneqarnissaannut immikkoortitsisarnermit danskit partiivisa akomanni isumaqatigiissuteqarnikkut atugassanngortinneqartartunit isumassarsiaavoq.

Tulleriarinerermut toqqortat taamatuttaaq partiit akomanni ammasumik isumaqatiginninniutigisassanngorlugit saqqummiunneqarput, Naalackersuisunilli siumut oqaatigineqareerpoq toqqortat siunertanut piffissami ungasinnerusumi aningaasaqarnerup attanneqarsinnaanerani siuarsaasussanut atorneqartariaqartut. Tassa Nunatta Karsiata ingerlatsinermit nalinginnaasumik aningaasartuutigisartagai piffissaq ungasinnerusoq eqqarsaatigalugu ass. siuarsaataasumik aningaasaliissuteqartarnikkut ikilisarneqassapput. Naalackersuisut toqqortat sumut atorneqarnissaat tigussaasumik isummerfiginngilaat.

Suliniutitut nutaatut politikikkut isumaqatiginninniutigineqartarnissaannut tunngatillugu Naalackersuisut isumaqarput aningaasaliissutit maanna annertussusaat naapertuuttoq. Toqqortat 10 mio. kr.-t sinnerlugit annertunerusimasuuppata ukiunut sisamanut aningaasanut inatsimmi sinneqartoorutissatut aalajangiunneqartut attanneqarnissaat ajornassagaluarpoq.

Ilisimaneqartutut ukiut sisamat ingerlaneranni 0,1 mio. kr.-nik sinneqartooruteqarnissamik missingersuusiortoqarsimavoq. Assersuutigalugu ukiumut 20 mio. kr.-nik immikkoortitsisoqartarnissaanik aalajangiisoqarsimasuuppat piffissami pineqartumi 40 mio. kr.-nik amigartooruteqartoqassagaluarpoq. Taamaammatt aamma pingaaruteqarpoq erseqqissaaffigissallugu; toqqortani aningaasartuutissatut missingerneqartut aningaasanut inatsisip inerneranut tamarmiusumut ilanngunneqareernikuusut. Aningaasanut inatsimmi aningaasartuutissanut aningaasaliissutit ilaat allat aningaasaliissutillu allat aamma isumaqatiginninniutigineqarsinnaapput, tamatumani pisariaqassaaq aningaasartuutissatut nutaatut siunnersuutigineqartut aningaasartuutissat amerlaqataannik isertitassatut siunnersuuteqarnikkut matussuserneqarnissaat. Aningaasanut inatsisissatut siunnersuutip siullermeerlugu sularineqarnerani oqaatigineqartutut tamanna Inatsisartut Naalakkersuisullu akisussaaffigaat. Naalakkersuisulli 2017-2020-mi ukiuni sisamani Aningaasanut Inatsimmi sinneqartooruteqarnissaanik anguniagaqarneq avaqqunniangilaat. Akit qaffasissusaasa maanna inissisimanerat eqqarsaatigalugu akisussaassuseqannginnerusaaq ingerlatsinermut aningaasartuutaasartut qaffanneqarnissaat amigartooruteqarnissamillu missingersuusiornissaq. Tamatuma nassataanik akit qaffasissusaat allanngoqqippata aningaasaqarnikkut pitsanngilluinnartumik unittoortoqassaaq isumalluutinillu annertuumik ikilisaasoqarluni.

5.15 Konto pingaarneq 20.12.12 Aningaaseriveqartitsineq

- a) Teknologikkut aaqqiissuusaanikkullu aaqqiissutissat kiffartuussinissamik isumaqatigiissuteqartariaqarnermut annikillisaataasinnaasut ingerlanneqarnerat sumut killippa?

Akissut: Digitaliseeriinermut Aqutsisoqarfik maannakkorpiaq suleqatigiissitamik pilersitsiniarluni sulissuteqarpoq, nunaqarfinni maanna aningaaseriveqartitsinermut paarlaallugu digital aqqutigalugu atortorissaarummik naleqquttumik nassaarnissaq anguniarlugu. Digitaliseeriinermut Aqutsisoqarfiup Grønlandsbanken aallarniutitut oqaloqatigisimavaa. Naatsorsuutigineqartariaqarporli aaqqiissutissat siusinnerpaamik januar 2018-imi aallartittumik sunniuteqalersinnaanerat. Tassa 2017-imi KNI-mik Grønlandsbankenimillu kiffartuussinissamik isumaqatigiissutit sivitsorneqarnissaat pisariaqalersinnaavoq.

- b) Illoqarfinni nunaqarfinnilu aningaaseriveqartitsinermik ingerlatsinerup ingerlateqqinneqarnissaanut kiffartuussinissamik isumaqatigiissuteqarniarneq Naalakkersuisunit ingerlateqqinneqarpa?

Akissut: 2016-imi nunaqarfinni aningaaseriveqartitsinissaq pillugu Naalakkersuisut 2016-imi marsip qaammataani isumaqatigiissuteqarput. 2017-imumut kiffartuussinissamik nutaamik isumaqatigiissusiornissap oqallisigineqamera Digitaliseeriinermut Aqutsisoqarfimmit aallartinneqareerpoq. Suli naatsorsuutaavoq ukiup matuma ingerlanerani nutaanik isumaqatigiissuteqartoqassasoq.

5.16 Konto pingaarneq 20.16.01 Naatsorsueqqissaartarfik

- a) 2016-imi suliassanut pilersaarutit arlallit missingersuutitut ilanngussami Naalakkersuisunit taaneqarput. Suliassat taakku Naatsorsueqqissaartarfimmit 2017-imi ukiunilu missingersuusiorfinni nanginneqarnissaat Naalakkersuisunit siunertarineqarpa?

Akissut: Inatsisartut inatsisaanni nr. 11, 29. oktober 1999-imeersumi § 6, imm. 2 naapertorlugu siulersuisut tassaapput Naatsorsueqqissaartarfiup siunissamut ungasissumut pilersaarutaanik ukiumoortumillu suliassatut pilersaarutaanik akuersissuteqartussat. Piffissamut ungasissumut pilersaarut suliffeqarfiup pilersaarutaani takuneqarsinnaavoq, ukiumoortumilli suliassatut pilersaarutit tunisassiornissap allattorsimaffiani takuneqarsinnaallutik. Suliffeqarfiup pilersaarutai tunisassiornissamullu allattorsimaffiutai Naatsorsueqqissaartarfiup nittartagaatigut ugguuna tamanut saqqummiunneqartarput www.stat.gl. 2017-imi tunisassiornissamut allattorsimaffik november 2016-imi inaarutaasumik akuersissutigineqassaaq, AIS2017-imi qulequttat naammattutut suli ilimagineqarput.

- b) Amerlanerusunik aningaasaliissuteqarnikkut Naatsorsueqqissaartarfiup patajaallisarneqarnissaanik Naalakkersuisut pilersaaruteqarnersut paasissutissiissutigineqassasoq ataatsimiititaliamit kissaatigineqarpoq?

Akissut: Naamik, missingersuutitut ilanngussami allassimasutut 2016-imut aningaasaliissutitut sanilliullugu 2017-imi ukiunilu missingersuusiorfiusuni ukiumut 90.000 kr.-nik sipaaruteqartoqartarnissaa AIS2017-imut ilanngunneqarsimavoq.

5.17 Konto pingaarneq 20.30.02 Piginnaasanik ineriartortitsinermut aningaasat immikkoortitat

Immikkoortitat aningaasartaat najukkani sulisussarsiniartarnerup nukittorsarneqarnissaanut, sulisut sulisoriinnarnissaanik sulisullu naammagisimaarinninnerannik annertusaanissamut atorneqassasut missingersuutitut ilanngussami allassimavoq.

- a) Suliniuteqarfissanut taakkununga uuttuutissanik Naalakkersuisut suliaqarsimappat?

Akissut: Sulisut naammagisimaarinninnerat Naalakkersuisut atugarissaarnermik misissuineq aqqutigalugu uuttortartarpaat. Sulisut naammagisimaarinnittut sulisut sulisoriinneqartartut amerlisittarpaat najukkamilu sulisussarsiornissamut tunngatillugu avataanit isigineqarneq pitsaanerulersittarlugu. Naalakkersuisut sulisut taarsaannerannut tunngatillugu najukkamilu qanoq sulisussarsiortigisoqartarneranut uuttuuteqaningillat. Naalakkersuisoqarfinni immikkoortortaqaqarfinnilu ataasiakkaani sulisut taarsaannerisa annertussusaa takusinnaajumallugu Naalakkersuisut suliamik aallartitsisimapput.

Naalakkersuisut najukkami sulisussarsiortarneq pitsaanerulersinniarlugu sulisussarsiornermi periusissatut pilersaarut 2016-imi allartissimavaat. Periusissatut pilersaarut najukkami maligassiusut aqqutigalugit najukkami sulisinnaasunut saaffiginnittuuvoq.

- b) Suliniuteqarfiit taakku ukiut kingulliit ingerlaneranni qanoq angusaqarfiusimappat?

Akissut: Naalakkersuisut 2015-imi Qitiusumik allattoqarfimmi atugarissaarnermik misissuititsipput. Misissuinerup pingaarnerusutigut takutippaa sulinermik nuannarinninneq, naammagisimaarinninneq, kajumissuseqarneq, sulerusussuseqarneq, tatiginninneq ilumoorfiginninnerlu, suleqatigiinneq suliatigullu/inuttullu nalinginnaasumik ineriartorneq pitsaanerulersimasut. Suliatiqut inuttullu inerisaanerup pitsaangorsaaffigineqarneranut tunngatillugu Qitiusumik allattoqarfiup 2015-imi pikkorissaanerit 65-it ullunilu 1.467-imi pikkorissaanerit konto pingaarnemit 20.30.02-mit aningaasaliiffigineqartut ingerlappai. Ulloq pikkorissarfiusoq ataaseq ullormi ataatsimi sulisup pikkorissarneratut naleqarpoq.

5.18 Konto pingaarneq 20.30.05 Nutaangorsaaniissat suliassallu

- a) Akissarsianut aningaasartuutit allanngunngitsut sulisorisassat amerleriarnissaannik naatsorsuutiginninnermut suna tunngaviua?

Akissut: Ilumoorpoq akissarsianut aningaasartuutissat annerusutut oqaatigineqarsimasussaagaluarput, tassa sulisunik pingasunik atuinissaq naatsorsuutigineqarmat. Sulisunik amerlanerusunik atuiarnermut pissutaavoq suliffimmi nutaaliormi suliniutit aqqutigalugit piginnaasanik annertusaanissaq attassiinnarniarnerlu. Ingerlatsinermi aningaasartuutit allat appartinneqarnerisa annertoqqataannik aningaasaliissuteqarniarneq atuutsiinnarniarneqarpoq.

- b) Innuttaasunik sullissivik KANUKOKA-mi aallaaveqassasoq paasissutissiissutigineqarpoq. KANUKOKA-mi kingullertigut ineriartorneq aaqqissuussinermut tassunga sunniuteqassava?

Akissut: Aap. Pisortat Ataatsimoorlutik IT-qarnikkut Aqutsisoqatigiivini isumaqatigiissutaavoq, Naalakkersuisut allattoqarfiani, KANUKOKA-mit kommuninillu sinniisuutit tamarmik peqataaffigisaanni, Sullissivik aaqqissuussaarnermigut Digitaliseeriinnermut Aqutsisoqarfirmut inissinneqassasoq. Immikkoortortat marluusut suliassanik naammassinnittarnerannut tunngatillugu pitsaasumik sunniuteqassasoq naatsorsuutigineqarpoq.

5.19 Konto pingaarneq 20.30.07 Boligstøtte, ernianut akilersuutitut tapiissutit

Konto pingaarneq 20.11.51, Aaqqissuusseqqinnerit sunniutaannut tunngasoq, naapertorlugi aaqqissuusseqqinnissat konto pingaarnermut matumunnga qanoq sunniuteqartussatut naatsorsuutigineqarpat?

Akissut: Aallaaviatigut konto sunnerneqassanngilaq. Ineqarnermut tunngassuteqartunik aaqqissuusseqqinnissarsuarmut atatillugu pissusissamisussaag ineqarnermut tapiissuteqartarnermik aaqqissuussamik nutarterinissaq.

5.20 Konto pingaarneq 20.30.09 Sulisunik utaqqiisaasumik najugaqartitsisarneq

Konto pingaarnermi matumani suut isertitarineqartarpat?

Akissut: Isertitanut ataani pineqartut pingasut tunngaviusarput.

1. Aningaasanik atuiluarnissaq qulakkeerniarlugi utaqqiisaasumik inissianik utaqqiisaasumillu najugaqarfigineqartartunik atuinissamut ingerlatseriaasissaq suliarineqarsimavoq Immikkoortortat piffissaliunneqartunik malinninngikkunik inip inoqannginnera namminneq akilissavaat.

2. Allatut utaqqiisaasumik inissiigallarnermut atatillugu inigisamut akiligassaq aningaasarsianit ilanngaanikkut akilerneqassaaq.
3. Inigisat qimanneranni eqqiarneqassapput. Eqqiaasoqarsimangippat eqqiaanermut atatillugu aningaasartuutit naalackersuisoqarfittut akisussaasumut akileqquneqassapput.

5.21 Konto pingaarneq 20.40.02 Nuna tamakkerlugu digitalinngortitsisarnissamut periusissiap atuutsilernera

Konto pingaarneq una naapertorlugu suliniutit malunnaatilimmik angusaqarfiusimasut aammalu aningaasat Naalackersuisunut pissarsiffiusut Naalackersuisunit isigineqarpat?

Akissut: Aap. Naalackersuisut isumaqarput Digitalinngortitsinissamut periusissiap atuutsin角度alernera iluatsiffiulluarsimasoq aamma Naalackersuisut aningaasanik atuinnerminni pissarsisimasut. Suliniutit sipaaruteqarnermik nassataqartut arlallit Missingersuutitut iluarsisutit, allaffissorneq pillugit konto pingaarnermi 20.11.56-imi pineqartut Digitalinngortitsinissamut periusissiamik tunngaveqarput.

Digitalinngortitsinissamut periusissiami suliniutitut ataatsitut assersuutigineqarsinnaavoq tunngaviusumik paasissutissanut programmi. Tunngaviusumik paasissutissanut programmi digitalinngortitsinissamut periusissiami sammisat arfiniliusut ilagaat. Sammisat tamarmiusut missingersuutitut ilanngussami taaneqarput. Naatsorsuutigineqarpoq suliaq naammassineqarpat pisortat ingerlataqarfiini tamani tunisassiortoqarnerulerlunilu pitsaassuseq qaffassasoq. Tunngaviusumik paasissutissanut programmimut tunngatillugu anguniagaavoq tunngaviusumik paasissutissat eqqortut sumiiffimmi ataatsimi nutarterneqartarnissaasa tamanillu akeqanngitsumik atorneqartarnissaasa qulakkeerneqarnissaa. Tunngaviusumik paasissutissat oqartussanut suliffeqarfinnullu sunniuteqarluartumik qularnaatsumillu siamarterneqartassapput, taamaalilluni tunngaviusumik paasissutissanut programmi pisortat ingerlataqarfiini pisariillisaanermut, nutarterinermut pitsaanerusumillu aqutsinissamut kiisalu namminersortut suliffeqarfiini ineriartortitsinermut tunisassiornerulernermullu taperseeqataassaaq. Programmip nalunaarsuisarnissamik suliniutit pingaarnersiukkat tallimat imarigallarpai:

- Najukkanik nalunaarsuiffik
- Suliffeqarfinnik Qitiusumik Nalunaarsuiffik
- Qitiusumillu inunnik nalunaarsuiffik
- Inissianik illunillu Nalunaarsuiffik
- Nunap assinginik sumiiffinnillu nalunaarsuiffik.

Programmi naammassineqassanganerpoq 2017-ip naanerani imaluunniit 2018-ip aallartinnerani.

5.22 Konto pingaarneq 24.01.15 Pisassanut allanut siusinnerusukkat isumakkiikkanut akiliutit

Akiligassat akileqquneqareersut akilerneqareersullu qanoq annertutigisut kukkusumik akiliisitsissutiginiarneqartarpat?

Akissut: Akileraartarnermut Aqutsisoqarfiup akiliisitsiniartarnermut immikkoortorta qarfianni qanoq annertutigisumik kukkusoqartarnersoq pillugu Naalakkersuisut kisitsisitigut paasissutissaateqanngillat.

Imaangilaq kukkusoqartanngitsoq, kukkusoqartarpormi. Amerlasuutigut kukkussutigineqartarput akiliisoqareersoq imaluunniit akiligassanik akileqquneqarsinnaanngitsunik akiliisitsiniartoqartarnera, tassa akiligassallip pineqartumik kiffartuunneqarsimannginnera imaluunniit kiffartuussinermut pineqartumut tunngatillugu akiligassamik tigusaqarsimannginnera pissutigalugit, taamalu innuttaasup kiffartuussinermut pineqartumut akiliinissaq periarfissarisimanagu, soorunami aamma nalinginnaasumik inuit kukkunerisa malitsigisaannik kukkusoqartarpoq.

Akilerneqareersimasunik akileeqqusinermut atatillugu kukkussutigineqartarput kommunit akileeqqusissutaat nassiunneqareersut kingusissupilussuakkut aningaasanik ikisisoqartarnera, ilaatigullu suliat pineqartut utertinneqarnissaannik / unitsinneqarnissaannik kommunit Akileraartarnermut Aqutsisoqarfimmut nalunaaruteqarsimanngikkaangata akiliisitsiniarnermut atatillugu periusissiat nalinginnaasut aallartinneqartarput.

5.23 Konto pingaarneq 24.10.10 Nuna tamakkerlugu akileraarut

N 2015-ip aamma AI 2016-ip akornanni appararneq sumik pissuteqarpa?

Akissut: Aaallarniutigalugu oqaatigineqassaaq 2016-imut aningaasanut inatsisissatut siunnersuut suliarineqarlunilu Inatsisartunit akuerineqarpoq 2015-imut naatsorsuutit suli ilisimaneqanngitsut, taamaammat kisitsisit taakku marluusut imminnut assersuunneqarsinnaanngillat.

2015-imi nuna tamakkerlugu akileraarummit iluanaarutigineqartut 2015-imut aningaasanut inatsimmi iluanaarutissatut missingerneqartunut sanilliullugit 5 %-it missaannik annertunerupput. Iluanaaruteqarnerunermut pissutaanerupput naatsorsuutigisamit ingerlaavartumik akilersuisoqarnerunera, 2014-imi akiligassanik sinneruttunik akiliisoqarnerusimanera, procentinut tapiliussap annertunerusimanera (aamma takuuk apeqqummut 3.27a-mut akissut). Kiisalu 2014-imi inaarutaasumik akileraarusiinermut atatillugu naatsorsuutigisamit annikinnerusumik ammut iluarsisuteqartoqarsimavoq.

Ukiumi pineqartumi akileraarutitigut isertitassanik missingersuusiornermut atatillugu naatsorsuutit kingullermik ilisimaneqartut nalinginnaasumik tunngavigineqartarput, taamaaleriarluni naatsorsuutit ilanngullugit kisinneqarnerannit inatsisitigut allannguutaasinnaasut sunniutaat ilanngunneqassapput, soorlu sanaartukkat annertuut nutaat malitsigisaannik iluanaarutissatut naatsorsuutigineqartut imaluunniit sanaartukkat annertuut unitsinneqarnerisa malitsigisaannik iluanaarutissatut annaaneqartut ilanngunneqassasut.

Tulliullugu nalinginnaasumik ineriartornerup malitsigisaannik annertunerusumik / annikinnerusumik iluanaaruteqarnissaq eqqarsaasersuutigineqassaaq, minnerunngitsumik aalisarnerup ineriartornera aalisarnermullu

naatsorsuutiginninnerit eqqarsaatigalugit, tassa aalisakkanut/raajanut akigitat, ukiuni aggersuni TAC-mut naatsorsuutiginninnerit il. il.

Kiisalu eqqarsaasersuutigineqarput sulianit nutaavinnit iluanaarutissat, assersuutigalugu misissueqqaarnerit nutaat, aatsitassarsiornerit nutaat il. il. Pitsaanngitsumik tupaallatsinneqarnissamut paarlaallugu pitsaasumik tupaallatsinneqarnissamik eqqarsaateqarneq tunngavigalugu pisuni taama ittuni nalinginnaasumik allannguinaveersaarluni missingersuusiortoqartarpoq.

Nuna tamakkerlugu akileraarummut konto pingaarneq arlalippassuarnik aningaasartuuteqarfiusarpoq, nalinginnaasumik aningaasartuutit ilaanni pitsaasumik nikingassuteqartoqartarpoq aningaasartuutillu ilaani ajortumik nikingassuteqartoqartarluni, taakku amerlasuutigit imminnut nalimmassartarput.

2015-imi aningaasartuutit pitsaasumik nikingassuteqartut amerlanerusimapput, tamanna amerlasuutigit ukiumi inuiaqatigiit aningaasernerata pitsanngoriarfiani pisarpoq. Naatsorsuutigisamit akileraarutigit isertitaqarnerulersitsisarpoq, amerlasuutigullu eqqussuinermi akitsuutigit, motorinut akitsuutigit, naqissusiinermut akitsuutigit il. il. iluanaarutigit takuneqarsinnaasarluni.

Akerlianik ukioq manna pitsaanngitsumik allanngortoqarneratigit akileraarutigit isertitakinnerusoqaannassanngilaq, aammali innuttaasut mianersomerulermerisa ukiunilu nalinginnaanerusuni aningaasaatiminnik atuvallaannginnerisa malitsigisaannik akitsuutit pillugit kontunit allanit isertitakinnerusoqartarpoq.

5.24 Konto pingaarneq 24.10.11 Nuna tamakkerlugu immikkut akileraarut

- a) Ingerlaavartumik isertitani aammalu ingerlatseqatigiiffiit akileraarutaanni ukiuni kingullerni arfineq marlunni qanoq agguataarsimanagerat ippa kiisalu qanoq ililluni isertitaajumaartussat ikilinissaat ingerlatseqatigiiffiit akileraarutaanni appariarnemik pingaarnerusutigit pissuteqarpa?

Akissut: Piffissami 2009-miit 2015-imut nuna tamakkerlugu immikkut akileraarutinit iluanaarutit tabelimi ataaniittumi takutinneqarput:

1.000 kr.	N 2009	N 2010	N 2011	N 2012	N 2013	N 2014	N 2015
Ingerlaavartumik akiliutigineqartut	-61.031	-84.850	-71.040	-65.170	-68.855	-68.877	-71.736
Ukiut siuliini akiliutigineqartut sinneri	4.548	4.560	-12.693	5.982	5.342	815	3.293
Ingerlatseqatigiiffiit akileraarutaat	-24.195	-23.067	-65.047	-49.722	-49.872	-48.444	-48.732
Nalikilliliinerit / akitsuutit	0	0	134	1.314	214	-45	2.235
Katillugit	-80.678	-103.357	-148.646	-107.596	-113.171	-116.551	-114.940

Ingerlatseqatigiiffiit akileraarutaasa kommunit aggornerisa avataaneersut amerlanerpaartaat Greenland Contactors-ip Pituffimmi suliaaneersunik

pisuupput, tamannalu pissutigalugu Thule Air Base-mi kiffartuussinissamik isumaqatigiissutip annaaneqarneratigut ingerlatseqatigiiffiup taassuma akileraarutigisartagaasa annaasaqarnissaat naatsorsuutigineqarsinnaavoq.

Ingerlatseqatigiiffiup allap ingerlatseqatigiiffiit akileraarutaasigut iluaqutaanissaa naatsorsuutigisariaqarpoq, siunissamili kiffartuussinissamik isumaqatigiissutissat annikinnerusumik akiliuteqartoqartarnissamik tunngaveqartussaassammata ingerlatseqatigiiffinnit akileraarutitigut iluanaarutissat annikinnerulernissaat naatsorsuutaasariaqarpoq.

- b) Isertitat ukiuni kingullerni arfineq marlunni aalaakkaasimasut ataatsimiititaliap maluginiarpaa. Kiisalu ataatsimiititaliamit maluginiarneqarpoq isertitat annertuumik ikileriarnissaat ilimagineqartoq. Ikiliartuinnarnissaasa pinngitsoortinnissaanut Naalakkersuisut qanoq periarfissaqarpat?

Akissut: Nuna tamakkerlugu immikkut akileraarutit aqutigalugit iluanaarutit annertunerpaartaat Pituffimmi sulinermi inummut aamma ingerlatseqatigiiffinnut akileraarutineersuupput.

Pituffimmi siunissami kiffartuussinissamik isumaqatigiissutissanut tunngatillugu qanoq pisoqassanersoq suli assut nalorninarartoqarpoq. Naalakkersuisut ineriartortoqarnera malinnaavigeqqissaarpaat, allatulli aaqqiissuteqartoqarnissap tungaanut, assut ajornakusoorpoq appararneq naaperiarniarlugu suliniutinik immikkut ittunik tikkuanaanissaq.

Massakkut nalorninarartoqarnera tunngavigalugu kontumi pingaarnermi matumani iluanaarutissat Naalakkersuisut assut qanganisarsiornerut missingersorniarlugit toqqarsimavaat.

5.25 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfiutaat

Isertitat taama malunnaateqartigisumik ikileriarnerrannut suna tunngaviua?

Akissut: Kontumi pingaarnermi matumani suliassanut kisitsisini kukkusoqarsimanera Naalakkersuisut paasisimammassuk aallarniutigalugu oqaatigineqassaaq, tamatumunnga pissutaavoq 18.278.000 kr.-nit iluanaarutit taaneqartut Royal Greenland A/S-imiittutut nalunaarneqarsimammata, eqqortuussappallu Royal Arctic Line A/S-imi nalunaarneqartussaasimagaluarlutik. Tamanna soorunami iluarsineqassaaq.

Iluanaarutissat ikileriarfiunerannut pingaarnertut pissutaavoq Greenland Holdingip Greenland Contractorsimi piginneqataanerata kingunerisaanik iluanaarutissaasa ikileriamissaannik ilimasussimaneq, tassanimi Pituffimmi kiffartuussinissamik isumaqatigiissutip annaaneqarneratigut kaaviiartitat isertitassallu ikileriassasut ilimagineqarsimammata.

Isumaqatigiissut 2015-imi 2016-imilu sivitsoqqinneqartarsimavoq, tamatumalu 2017-imi annerusumik iluanaaruteqarfiunissaa naatsorsuutaavoq, taamaammallu

kontumut tassunga allannguutissatut siunnersuummik Naalakkersuisut saqqummiussiniarput.

5.26 Konto pingaarneq 24.11.11 Qamutininut motoorilinnut akitsuutit

- a) Qamutit motorillit oqimaatsut suliffeqarfissuillu maskiinarsuisa immikkut akileraaruteqartinneqalernissaat Naalakkersuisunit isumaliutigineqarsimava?

Akissut: Akitsuutinut akigitinneqartunut aamma akitsuuteqartitsiffiusunut arlalinnut nalilersuinermut iluarsiiinerit aqutigalugit qamutininut motoorilinnut akitsuutit pillugit inatsit ukiut ingerlaneranni ingerlaavartumik iluarsineqartarsimavoq.

Naalakkersuisut inatsisinut maannakkut atorneqartunut allanngortitsinissamik massakkut eqqarsateqanngillat, tassami ukiut arlaqanngitsut qaangiuppata susasaqarfimmi tassani nutaanik inatsisiliortoqarnissaa naatsorsuutaammat, taamaalisoqarneranilu maannamut inatsisinut atorneqartunut sanilliullugu inatsisit avatangiisinut innarliinnginnerunissaat siunertaammat.

- b) Qamutit motorillit nunalerinermi atorneqartut akileraarutitigut akitsuutitigulluunniit akikillisaavigineqarnissaat Naalakkersuisut pilersaaruteqarpat?

AKISSUT: Naamik.

5.27 Konto pingaarneq 24.11.12 Raajanut akitsuut

Tuluit EU-mit aninerat raajanik avammut tunisinermut qanoq kinguneqartussatut Naalakkersuisunit naatsorsuutigineqarpa?

Akissut: Tuluit Nunaat raajanik uutitsikkanik qalipaajakkanillu pisiortornerpaanut ilaavoq, raajallu taakku akitsuusersorneqarsimangillat akitsuut tamanna raajanut kalaallit tunisassiorfiinut tunisassiassatut tunniunneqarsimangitsunut taamaallaat atorneqartarmat.

Tuluit EU-miikkunnaarnerisa kingunerisaanik raajat uutitsikkat qalipaajakkallu nunarsuarmi niuerfinni akimikkut qanoq apparfiunissaat apeqqutaalluni raajat qaleruallit nunarsuarmi niuerfinni akiinut sunniuteqarnissaat ilimagisariaqarpoq, tamannalu raajanut akitsuut aqutigalugu iluanaarutit apparfiunissaannik kinguneqartussatut naatsorsuutigineqarsinnaavoq, tassami akitsuut kaaviiartitanik tunisinermilu akinik tunngaveqarmat.

5.28 Konto pingaarneq 24.11.13 Umiarsualivimmiinnermut akileraarutit

AIS 2016-ip suliarineqarnerani ataatsimiititaliaq ima apeqquteqarpoq:

- c) ”Angallatit motorillit angallatillu tingerlaatillit mikinerit nammineq pigisat umiarsualivimmiinnermut akileraaruserneqarnissaat kissaatigineqarpa”

Naalakkersuisut taamani paasissutissiipput apeqqut suli isummerfigisimangikkitsik. Apeqqut ataatsimiititaliamit uteqqinneqassaaq Naalakkersuisullu qinnuigineqarput apeqqut akeqqullugu.

Akissut: Naalakkersuisut apeqqummut suli isummersuuteqanngillat, taamaammallu 2016-imut aningaasanut inatsisissatut siunnersuutip Aningaasaqarnermut Ataatsimiititaliamit sularineqarnerani apeqqummut 6.18-imut akissutigineqartoq innersuussutigineqarpoq.

Naalakkersuisulli nalunaarutigisinnaavaat umiarsualivimmiinnermut akileraarutit pillugit inatsit ukiuni qaninnerni akileraarutit akitsuutillu aqqissuuteqqinnissaanni ilanngunneqarumaartoq ilimagineqassammat.

5.29 Konto pingaarneq 24.11.21 Tipsernermi lottornermilu akitsuutit

Nunatsinni tipsernermit lottornermillu kaaviiartitanut atatillugu aningaasanik peqquserluutinik malunnarunnaarsaasoqartarneranik Naalakkersuisut ilisimasaqarpat?

Akissut: Akileraartarnermut Aqutsisoqarfimmi ilanngaaserisut oddsernermi kuponinik atugassanik arlaleriarlutik arsaarinnissuteqartarsimapput, tassungalu pissutaavoq isertitanik sumit pisuunersunik nalorninartortalinnik pasitsaassisoqartarsimammat, taamaammallu Naalakkersuisut taamatut pisoqartarnera ilisimavaat.

5.30 Konto pingaarneq 24.11.22 Sulisoqarnermut akitsuut

Isertitat ilaat qanoq amerlatigisut lærlingit akissarsiaannut aningaasartuutitut kiisalu ilinniartut ilinniarnersiuteqartinneqarnerannut atorneqartarpat?

Akissut: Konto pingaarneq manna sulisoqarnermut akitsuutinik akiliisitsiniarnermut taamaallaat atorneqarpoq. Akitsuut assersuutigalugu lærlingit akissarsiaannut sulisitsisut aningaasartuutaannut kiisalu ilinniarnerni arlalinni ilinniartunut tapiissutitut namminersorlutik oqartussat aningaasartuutaannut aningaasalersuinermit tunngaviusunut ilaavoq.

Qulaani taaneqartut saniatigut sulisoqarnermut akitsuutip inuussutissarsiutitigut ilinniarnerni sulisut ilinniarsimasut ilinniagaqanngitsullu ingerlaqqiffiusumik ilinniarnernut atasumik pikkorissartinnissaat aningaasalersorpai.

Ilinniartunut tapiissutitut aningaasartuutit allallu konto pingaarneq 40.02.06 Ilinniartunut tapiissutit meeqqanullu tapit aqqutigalugu akilerneqarput, tassanilu 2015-imi aningaasartuutaasut 194,5 mio. kr.-iusimallutik.

5.31 Konto pingaarneq 24.11.26 Aalisakkanut ikerinnarsiortunut akitsuut

Avaleraasartuunut akitsuut ukioq manna qanoq annertutigisumik isertitaqaataasussatut naatsorsuutigineqarpa aammalu Naalakkersuisut isumaqarpat avaleraasartuunut akitsuummit aappaagu isertitarineqartussatut naatsorsuutigineqartut N 2015-imut sanilliullugit piviusorsiorturnik annertussusilerneqarsimasut?

Akissut: Avaleraasartuunut akitsuut 2016-imi 49,6 mio. kr.-inut missingersuusiorneqarpoq. 2016-imi 42,6 mio. kr.-inik isertitsissutaanissaa naatsorsuutaavoq. Konto pingaarneq 24.11.26 Aalisakkanut ikerinnarsiortunut akitsuummi avaleraasartuunut, ammassassuarnut ammassanullu akitsuutit ilaapput. Nutaamik akitsuusiisoqarnerani aamma saarullinnut, kullerinit, suluppaakkanut sejnillu akitsuutit ilaapput. 2017-imi iluanaarutissatut ilimagineqartunut allannguutissatut siunnersuuteqartoqarumaarpoq.

6. Suliassaqarfik 27 - Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

6.1 Konto pingaarneq 27.01.02 Bruxellesimi Sinniisoqarfik

Nunanut allanut niuernermut aammalu nunat tamalaat aningaasalersuisarnerannut tunngasutigut naalakkersuinikkut oqartussaaffiit immikkut ittut Namminersorlutik Oqartussat allaffeqarfiani sumi isumagineqartarpat?

Akissut: Inuussutissarsiornermut, Suliffeqarnermut Niuernermullu Naalakkersuisoqarfiup nunanut allanut niuernermut tunngasuni aamma inuussutissarsiornermikkut pilersaarutit nunanit tamalaanit aningaasalersorneranni naalakkersuinikkut piginnaatitsissutit isumagisarai. Taamaalillunilu Inuussutissarsiornermut, Suliffeqarnermut Niuernermullu Naalakkersuisoqarfik ukiuni arlaqalersuni nunani tamalaani inuussutissarsiuutit nittarsaannerannik takornariaqarnerullu nittarsaanneranik aqqissuussaqaqartarpoq - taakkunanilu ilaavoq Vest Norden Travel Mart 2017-imi Nuummi ingerlanneqaqqittussa.

Tamatuma saniatigut naalakkersuisoqarfik ukiuni arlaqalersuni kalaallit inuussutissarsiuutillit nunani tamalaani aningaasaliisartunut isersinnaanissaasa qulakkeernissaanik sulissuteqartuarsimavoq. Naalakkersuisoqarfiup danskit erhvervs- og vækministeriaqarfianik suleqateqarnerata inernerivaa Vækstfonden massakkut Kalaallit Nunaanni inuussutissarsiuutitigut pilersaarutit aningaasalersornissaannut piareersimatitaalermat, ilaatigut kisimiilluni - ilaatigullu Greenland Venture aningaaseriviillu namminersortut peqatigalugit. Taamatut nutaamik iliuuseqartoqarniarnera 2015-imi inatsimmik allanngortitsinermik tunngaveqarpoq, tamannami aqutigalugu kalaallit savalimmiormiullu suliffeqarfiutaat nalaagaaffiup aningaasaliisarnermut aningaasaateqarfianit aningaasalersornissaat ammaanneqarmat. Vækstfonden takornariaqarnerup iluani inuussutissarsiuutitigut suliassat aningaasalersornerisigut Kalaallit Nunaanni sulilereerpoq, soorluttaarlu aningaasaateqarfik aatsitassarsiornermi pilersaarutinik misissuilereersimalluni.

EKF Danmarks Eksportkredit pillugu inatsimmi 2016-imeersumi EKF Danmarks Eksportkredit-imi savalimmiormiut kalaallillu suliffeqarfiutaasa allanngorneqanngitsumik sullinneqarsinnaanissaat siunertarineqarpoq. Suliffeqarfiit Savalimmiuniittut aamma Kalaallit Nunaanniittut danskit suliffeqarfiutaannut piumasarineqartut assigalugit EKF Danmarks Eksportkredit-imit aningaasalersorneqarsinnaanissaat siunnersuutigineqarpoq.

Siunnersuummi savalimmiormiut kalaallillu suliffeqarfiutaasa danskit suliffeqarfiutaannut sapinngisamik naligiissinnissaat siunertaavoq. Oqaatigineqassaaq Savalimmiunut imaluunniit Kalaallit Nunaannut avammut nioqquteqarnermut atatillugu savalimmiormiut kalaallillu suliffeqarfiutaasa EKF Danmarks Eksportkredit-imiit aningaasalersugaanerisigut danskit suliffeqarfiutaat EKF Danmarks Eksportkredit-imiit aningaasalersorneqartut eqqorneqartussaannimmata, tamatumunngalu pissutaavoq Savalimmiut aamma

Kalaallit Nunaat tassunga atatillugu nunat allamiut assigalugit pineqartussaammata.

Tamatuma saniatigut Nordisk Investerings Bank 2015-imi nutaatut 500 mio EURO-nik issittumi taarsigassarsititsinnaalerpoq, aningaasallu taakku issittumi aningaasaliisoqarnissaanik soqutiginnilersitsissapput. Nunani avannarlerni baltiskiusuni inerisaanermut, ineriartortitsinermut unammillersinnaanermullu iluaqutaasinnaasunik, pilersaarutinullu avatangiisinut immikkut illersuisunut pingaarnertigut tapiissuteqartoqartarpoq. Taarsigassarsiaritinneqartut pingaarnertigut attaveqaasersuinernut, isumannaatsumik nukissiorfiliortitsinermut assigisaannullu atugassatut tunniunneqassapput.

Den Europæiske Investeringsbank (EIB) pilersaarutinut, pingaartumik EU-p iluani, illersorneqarsinnaasunut aningaasaqarnikkullu illersorneqarsinnaasunut taarsigassarsititsillunilu qularnaveeqqusiisarpoq. EU-p avataani taarsigassarsititsinerni qularnaveeqqusiinernilu EIB isumaqatigiissutit europami ineriartortitsinermut suleqatigiinnermullu politikkerineqartut aqqutigalugit atsiorneqartut atorlugit sulivoq. 1. januar 2016-imiit EIB-p Europæiske Fond for Strategiske Investeringer (EFSD) aqutarilerpaa, taannalu qularnaveeqqusiisarnermut aningaasaateqarfiuvoq ilaatigut EU-mi missingersuutit (16 mia. euro) ilaatigullu Den Europæiske Investeringsbank (EIB) (5 mia. euro) aqqutigalugit aningaasalersorneqartoq. EIB aamma afrikami, caribiami nunanut aamma nunanut Manerassuarniittunut (ACPs) aamma nunanut allanut (OCTs) taarsigassarsititsisarpoq.

Assersuutigalugu EIB-ip ACP-mut aamma OCT-mut 2015-imi EUR 1,086 milliardit taarsigassarsiaritissimavai. Tamatuma saniatigut EUR 1,303 milliardit piareersarneqarsimapput.

Kalaallit Nunaanni EIB maannakkut Hudson Resourcesip aatsitassiorneranut White Mountain-imut Kangerlussuup eqqaaniittumut aningaasaliisimavoq - taarsigassarsiaritinneqartussanillu 14 mio. EURO-nik qinnuteqarsimalluni.

6.2 Konto pingaarneq 27.01.03 Northern Periphery and Arctic-imut Kalaallit Nunaata tapersiissutai

Suliassami kisitsisit aningaasat sunut tunniunneqartarnerannik nassuiaataasut ataatsimiititaliamit ujarorneqarpat.

- a) Aningaasaliissutinit ullumikkut pissarsissutaasartut Naalakkersuisunit qanoq nalilerneqarpat?

Akissut: NPA-pilersaarummi peqataanitsigut aammalu NPA-mi nunat allat pilersaarutinut suleqatiginerisigut kalaallit namminersorlutik suliffeqarfiuteqartut pisortallu suliffiutaat inuussutissarsiutinik ineriartortitsinissaminnut nutaaliornissaminnullu tapiiffigineqarsinnaassapput: Pilersaarutit tassaasinnaapput nioqqutissiamik aalajangersimasumik ineriartortitsineq aamma sullissinermik nutaaliorneq, kisiannili aamma ilisimasanik avitseqatigiinneq, piginnaasanik ineriartortitsineq aamma suliatiqut attaveqatigiinneq taanneqarsinnaapput. Pilersaarutit iluini suleqatigiinneq aqqutigalugu Kalaallit Nunaata ilisimaligai tamarmiusut aallaavigalugit aamma Kalaallit Nunaata nunat tamalaat suleqatigiinnerinut peqataanerulernera aallaavigalugu pilersaarutit aningaasaqarnikkut suliatiqullu pissarsiatut isigineqassapput. 2014-imiit 2020-

mut pilersarusiorfimmi NPA-mi pilersaarummi ulloq manna tikillugu pilersaarutit pingaarnerit 25-it akuersissutigineqarsimapput, taakkunanngalu 6-iusuni kalaallit peqataapput.

b) Kikkut allat nunatta peqataaneranut aningaasanik tapeeqataasarpat?

Akissut: (EU-imi naalagaaffiit ilaasortaasut (MS) pilersaarutitut peqataanerat aningaasalersorneqarpoq ERDF-aningaasat aqutigalugit, paarlattuaningitsoq EU MS aamma "nunaat ilaasortaangitsut" ilanngunnagit, soorlu Kalaallit Nunaat Savalimmiullu, taakku namminneq konto-nut immikkut ittunut aningaasaliissuteqartartut. Kalaallit Nunaata akiliutai (AIS aningaasaliissutit) taamaasillutik atorneqartarput kalaallit pilersaarutitut peqataanerinut aningaasalersuutitut.) Kalaallit Nunaata pilersaarutitut peqataaneranut aningaasaliineq taamaasilluni pisarpoq pilersaarummit NPA qinnuigineqartarmat aningaasartuutit 65 procentiinut tapiiffigeqqunikkut. Tassa imaappoq kalaallit aningaasaatinit aningaasat saniatigut pilersaarummit pilersarusiornermut aningaasartuutit 35%-ii nassaarineqassasut pisortat ingerlataasa arlaannit (assersuutigalugu namminermit, pisortanit ingerlataagunik). Tamatuma saniatigut EU-p ERDF-imi (Europæisk Regionale Udviklings Fond) aningaasaataasa pilersaarummiittut 20 %-ii angullugit kalaallinut pilersaarummi peqataasunut illuartinneqarsinnaapput, taakkua aningaasaataat nungussimappata. Tamatumalu kinguneraa uagut nammineq aningaasaatigut nungussimatillugit EU-mi naalagaaffiit ilaasortat kalaallit peqataanerannut aningaasanik tapiisarnerat, taamaalillutillu kalaallit peqataaginnarnissaat qulakkeertarlugu. Kalaallit Nunaanni pilersaarutit 2007-2013-imit pilersarusiorfiusumi aningaasartuutit affaasa missaannik ERDF-imi aningaasat aqutigalugit tapiiffigineqarput. NPA-mi februar 2016-imi ataatsimiittoqarnerani kalaallit peqataaffigisaanni pilersaarutit allat marluk akuersissutigineranni Kalaallit Nunaata nammineq aningaasaliissutaat pilersarusiorfiup sinneranut illuartinneqareersimapput, taamaammallu ERDF-imi aningaasaatinik pissarsisinnaaneq pilersarusiorfiup sinneranut atuuttussanngoreersimalluni. Taamaasilluni kalaallit pilersaarutini peqataasut ERDF aqutigalugu 9,5 mio. EUR-nik atugassaqalerput

c) Aningaasaliissutigineqartut qanoq naatsorsorneqartarpat?

Akissut: Kalaallit Nunaat piffissami pilersaaruteqarfiusumi kingullermi (2007-2013) pilersaarummut aningaasanik ikinnerpaanik illuartsisimavoq, Savalimmiuniit 40 %-init ikinnerusunik, taakku ikinnerpaat tulliullutik. Tamannalu tunngavigalugu, NPA-llu annertusiartuinnartumik EU-p issittumi politikeqarneranut atugassanngortitsineratigut, pilersaaruteqarfiusumi nutaami (2014-2020) tapiissutaasartut ukiumut 646.000 kr.-iniit ukiumut 1.060.000 kr.-inut qaffanneqarput. Taamaasilluni 2014-2020-mut pilersaaruteqarfimmi Kalaallit Nunaat pilersaarummut 6,55 mio. kr.-nik (878.294 EUR) aningaasaliisussaassaaq. NPA-mut tapiissutit taakku nunanut allanut peqataasunut sanilliutissagaanni Kalaallit Nunaat pilersaarummut suli tapiinikinnerpaasarpoq.

6.3 Konto pingaarneq 27.01.09 Kalaallit Nunaata Washington D.C.-mi Sinniisoqarfia

- a) Washingtonimi sinniisoqarfiup maannamut angusai sorpiaappat? Taasarialinnik angusaqartoqarsimangippat sinniisoqarfiup ukioq manna maannamut ingerlataasa nassuiaatigineqarnissaat taarsiullugu kissaatigineqarpoq.

Akissut: Sinniisoqarfiup aallartitat arlallit ikiorsinnaasarsimavai, taakkununnгалu ilaapput naalackersuinikkut, inuussutissarsiornikkut, niuernikkut allatigullu Kalaallit Nunaannut aningaasaliisinnaasut aammalu Kalaallit Nunaanni inunnik suliffeqarfinnillu attuumassutilinnik ataatsimeeqateqarnissanik ikuuttarsimalluni. Kingullermik amerikamiut nunanut allanut ministeriat John Kerry juunimi Kalaallit Nunaannukartinnera iluatsissimavoq.

Sinniisoqarfiup 2014-imiilli Kalaallit Nunaat amerikkami (massakut aamma canada-mi) soqutigisaqartunut assigiinngitsorpassuarnut nittarsaanniarlugu pilersaarutiginiarlugulu sulissutigisimavaa. Kalaallit Nunaata inuussutissarsiutitigut aningaasarsiornikkullu pingaartitaanik sinniisoqarfik massakut ingerlatseqatigiiffinnik aningaasaliisartunillu sinniisoqarfik pilersaaraluni suliurpoq.

Taamaattorli uparuarneqassaaq sinniisoqarfik nammineerluni isumaqatigiissutissanik isumaqatiginninniarsinnaananilu atsiornissamik piginnaatinneqanngimmat - paarlattuanilli soqutigisallit Kalaalillu Nunaanni oqartussaasut ingerlatseqatigiiffiillu eqqortut akornanni attaveqaataalluni.

- b) b) Washington D.C.-mi sulisut Bruxellesimi sulisut amerlaqatigigaat Naalackersuisut paasissutissiippat. Sinniisoqarfiup Kalaallit Nunaannut pingaaruteqassusianut sanilliullugu tamanna eqqortumik tulleriarinertut Naalackersuisunit isigineqarpa?

Akissut: Massakut inuk ataaseq tikisitatut sulisarpoq. Naalackersuisut tulluarnepaatut isigaat sinniisoqarfinnik nunani allanniittunik iluaquteqarniarutta Bruxellesimi periuserineqartoq atorneqassappat. Bruxellesimi periuserineqartoq sulisoqarnermut tunngatillugu aamma kalaallit naalackersuinikkut, inuussutissarsiutitigut aamma aningaasarsiornikkut soqutigisaat erseqqinnerusumik takutinneqassappata tulluarnepaasoq paasineqareerpoq.

- c) Nunani allani sorlerni sinniisoqarfeqarnikkut Nunarput iluanaaruteqarsinnaanissaa Naalackersuisut takorloorpaat?

Akissut: Naalackersuisooqatigiinnissamik isumaqatigiissummi 2014-imeersumi Kalaallit Nunaannut nunat tamalaat soqutiginnikkaluttuinnarnerisa inuussutissarsiornermut aningaasaqarnermullu periarfissaqarnerulersitsinissaat Naalackersuisut pingaartissimavaat, taamaammallu Kalaallit Nunaat massakut naalackersuisooqatigiinnermi nunanut sanilerisatsinnut qaninnernut naalackersuinikkut attaveqalertariaqarluni, tassanilu Island ilaavoq. Washington D.C.-mi Sinniisoqarfik Canadamut ilanngutereersimavoq, Islandilu pisortatigoortumik aallartitaqarfinnik Nuummi 2013-imi ammaasimavoq. Ukioq taanna taamanikkut Naalackersuisunut siulittaasuusoq aamma islandimi nunanut allanut ministeriusoq siunissami Kalaallit Nunaata Islandillu suleqatigiinnissaat pillugu Ataatsimoortumik Nalunaarummik atsiugaqarput. Reykjavikimi sinniisoqarnikkut Islandimut naalackersuinikkut niuernikkullu pingaarutilimmik, taamaalillunilu Kalaallit Nunaannut aningaasaqarnikkut iluaqutaasumik attaveqarnissaq pilersinneqarsinnaavoq. Peqatigitillugu aasiami

pissaanilissuit Kalaallit Nunaannut eqqaanullu soqutiginninnerat annertusiartuinnarpoq, taamaammallu aasiami nunanut attaveqarnerit ingerlatiinnarnissaat ineriartortinnissaallu pingaartinneqarpoq. Tamanna pingaartumik immikkorluinnaq Kinamut atuuppoq. Piffissaq ungasinnerusoq eqqarsaatigalugu Kinami sinniisoqalernissaq isummerfigineqarsinnaavoq.

- d) Washington DC-mi sulisut amerlineqassappata sorpiaat anguneqarnissaat Naalackersuisut takorloorpaat, suliassat suut annertunerusumik suliarineqarsinnaangussappat?

Akissut: Kalaallit sinniisuutitaat USA-mi massakut sulisinneqarpoq, kisiannili november 2015-imiit taanna Canadamut aamma sullissilerpoq. Pinngortitami pisuussutitut, takornariaqarnermut, aatsitassaqaarnermut allanullu tunngatillugu Naalackersuisut pingaartitaanni inuussutissarsiutitigut periarfissat ilanngullugit Kalaallit Nunaata pilerisaarutiginnissaa sinniisoqarfiup pingaartitaanut ilaavoq. Sulisut amerlineqarpata anguniakkat tamakku sulissutiginerunissaat periarfissaalissaaq. Massakut sulisorineqartup ataasiinnaap susassaqaarfinni assigiinngitsuni arlalinni Kalaallit Nunaannut tunngassuteqartut suugaluartut suliarisarpai. Sulisut amerlineqarpata suliassat agguarneqarsinnaalissapput, taamaalillunilu sulineq sunniuteqaarnerulersillugu.

7. Suliassaqaarfik 30 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoq

7.1 Konto pingaarnaq 30.01.01 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoqarfik

- a) Kommunit ingerlatsinnerminni isumaginninnikkut inatsisini maleruagassanik malinneqqullugit sulisut ilitersuutunik periutsinillu ilitersorneqarnissaat Naalackersuisunit qanoq qulakkeerneqartarpa?

Akissut: Susassaqaarfimmut inatsisinik nutaanik akuersissuteqartoqareerpat tamannalu pillugu pikkorissartitsinerit pinngitsoorani peqataaffigisassat aallartinneqassapput. Taamatuttaaq susassaqaarfik pillugu pikkorissartitsisamerit ingerlanneqartassapput.

- b) Suliassat meeqqanut inuusuttunullu tunngasut pillugit kommunini sulianik ingerlatsisunik siunnersuisarneq ilitersuisarnerlu Naalackersuisut qanoq misilittagaqarfigaat?

Akissut: Qitiusumik Siunnersuisarfik (QS) 2015-imi novembarip 2-ni pisortatigoortumik ammarpoq, ullorlu manna tikillugu Qaasuitsup Kommuniani aamma Kommune Kujallermit annertuunik suliniuteqartoqarsimavoq. Tamatuma saniatigut kommunini sulianik ingerlatsisut siunnersuisarnermut, ilitersuisarnermut, avitseqatigiittarnermut tarnikkullu imajaaffiginissamut tunngatillugu QS-imut attaveqartuurtarput.

Aammattaaq QS Angalaqatigiittartunik meeqqanut inuusuttunullu kinguaassiuutitigut atonerlugaasunut katsorsaasarnermik suliaqartussanik pilersitsisimavoq.

QS aamma pikkorissartitsinermik ingerlatsisarsimavoq, soorlu meeqqanik oqaloqateqarsinnaanermut tunngasoq kommunini sulianik ingerlatsisunut ilaqutariinnullu sullissivinnut sammititanik.

QS-ip ilisimaneqarnerulernissartik kommuninilu sulianik ingerlatsisunit atornerqarnerulernissartik sulissutiguarpa.

- c) Immikkut nakkutiginnittartut suliassanik kivitsinissamut naammattunik sulisoqarnissaat Naalackersuisunit qulakkeerneqarsimava?

Akissut: Nakkutilliisartoqatigiit kommunit isumaginninnermik inatsisini malittarisassanik eqquutitsinersut inatsisitigut pisussaaffigalugit nakkutilliartortarput, saniatigullu ulloq unnuarlu paaqqinnittarfinnik Namminersorlutik Oqartussanit pigineqartunik kiisalu ulloq unnuarlu paaqqinnittarfinnik kommuninit pigineqanngikkunik imminut pigisunik inatsisitigut pisussaaffigalugu nakkutilliartortarlutik. Ulloq unnuarlu paaqqinnittarfiit katillugit 25-iupput, taakkualu saniatigut Kalaallit Nunaanni 5-nik najugaqatigiiffeqarpoq Nakkutilliisartoqatigiinniit nakkutigineqartussanik.

2014, 2015-imi aamma 2016-ip affaanni siullermi kommuninut meeqqanut inuusuttunullu susassaqarfimmik soorluttaarlu innarluutilinnullu susassaqarfimmik annertuumik sumiginnaasimasunut nakkutilliartortoqarsimavoq. Tamatuma kinguneraa kommuninik nakkutilliisarneq aamma kommunit isumaginninnikkut sulisinnaassusiat nakkutigissallugit suli pisariaqartinneqassammat, peqatigitillugulu isumaginninnikkut malittarisassanik allanik kommunit qanoq atuisarnerat nakkutiginerussallugu aamma pisariaqarluni. Taamaaliortoqartariaqarpoq suliassaqarfimmi tassani aaqqissuusseqqinnerit allartinneqarsimasut eqqarsaatigalugit (utoqqalinermi pensionisiat, siusinaartumik pensionisiat aamma ineqarnermut tapiissutit).

Tamatuma kinguneraa Nakkutilliisartoqatigiinnut piumasarineqalermat kommunini tamani kommunit illoqarfigisaanni nunaqarfigisaannilu ikinnerpaamik ataatsimi ukiumut ataasiarluni nakkutilliartortunik tikeraartoqartassasoq, peqatigitillugulu Naalackersuisut pinngitsooratik qinigaaffimmi ulloq unnuarlu paaqqinnittarfirmut nakkutilliinissamik inatsisitigut pisussaaffeqarlutik.

Nakkutilliisartoqatigiinni katillugit 6-nik atorfeqartitsisoqarpoq kommunini isumaginninnikkut nakkutilliartortussanik kiisalu ulloq unnuarlu paaqqinnittarfinnut suliassaqarfimmik tamarmiusumik nakkutilliartortussanik. Nakkutilliisartoqatigiit immikkut pilersitat aatsaat januaarimi aallartipput, tamannalu pissutigalugu sulisussanik allanik pisariaqartitsisoqarnerasoq naliliiffigissallugu siusippallaarluni.

7.2 Konto pingarneq 30.01.03 Isumaginninneq pillugu pikkorissartitsinerit ilinniartitseqqinnerillu

- a) Pikkorissarnerit pikkorissartunit suliartigut pissarsissutaanissaat aammalu ilikkakkaminnik sulinerminni atuinissaat qanoq qulakkeerneqartarpa?

Akissut: Pikkorissartitsinerit ataasiakkaat naammassineqareeraangata peqataasut nalilersuiffissamik immersuisarput, taannalu ilaatigut pikkorissartitsinermit qanoq pissarsiaqarsimanermit, sutigullu pitsaanerusumik iliortoqarsinnaaneranut apeqqutinik imaqarpoq. Tamatuma saniatigut QS-ip kommuninik attaveqarnertik aamma kommunini sulinertik nalilersortuarpaat, tamatumani pikkorissartitsinerit iluaqutaasimanersut imaluunniit allanngortitsisoqassanersoq nalilersorneqartarluni.

- b) Suliassami kisitsisinut takussutissiame ”Isumaginninnermi siunnersortit ilinniarteqqinneqarnerat”-ta nalaani sooq 0 (nul) nalunaarneqarsimava?

Akissut: Suliassanut kisitsimmi atorneqartumi 20 atorneqartussaavoq, kukkunerlu tamanna AI2016-imit ingerlateqqitaavoq. Tamanna iluarsineqarumaarpoq AI2017 katiterneqaleripat.

- c) Isumaginninnikkut anguniakkat pillugit isumasioqatigiinnerit ataatsimeersuarnerillu suut ingerlanneqarsimappat?

Akissut: Kommunalbestyrelsini inunnik isumaginninnermut ataatsimiititaliani ilaasortat siulittaasullu Danmarkimut isumassarsioriarlutik angalasimapput. Angalanermi suliffeqarfiit isumaginnittoqarfiusut kiisalu meeqqanut sulianik ingerlatsisut takusarneqarput. Danmarkimi inissiisamerit suliarineqartarnerisa nunatsinnit isumagineqalernissaat pillugu isumasioqatigiittoqarsimavoq.

- d) Angerlarsimaffiup avataanut inissiinissaq pinngitsoorniarlugu Naalakkersuisut qanoq iliuuseqartarpat?

Akissut: Ilaqutariit isumasioqqaartarnissaasa atorneqalernissaanik Naalakkersuisut aallartitsisimapput, tamannalu inissiisoqassatillugu allatut atorneqarpoq. Tamatuma saniatigut ilaqutariit suleqatigiissinnaanerannut ilaqutariinnut sullissivinni pikkorissartitsisoqarpoq. Ilaqutariinnut sullissivinnut ukiumut tapiissutaasartut atorlugit sullissiviit siusissukkut suliniuteqarsinnaanerit aamma ilaqutariinnut katsorsaataasumik suliniutit qulakkeerneqarput, taakkualu meeqqat angerlarsimaffimmiinnarnissaannut aamma iluaqutaapput.

7.3 Konto pingaarneq 30.01.12 Danmarkimi eqqartuunneqarsimasunik oqaloqatiginnittartoqarneq

- a) Oqaloqatiginnittartut kalaallisut oqaasillit taama malunnaateqartigisumik ikileriarnernannut suna pissutaava?

Akissut: Ilaqutariinnermut, Naligiissitaanermut Isumaginninnermullu Naalakkersuisoq Københavnimi Kalaallit Illuutaannut oqaloqatiginnittartunut aqqissuussinermik aqutsisuusunut attaveqarsimavoq. Taakkulu nalunaarput oqaloqatiginnittartut kalaallisut oqaasillit ikileriarsimanerannik takussutissaqaratik. Massakkut parnaarussanut 54-iusunut oqaloqatiginnittartut sulisut 32-iupput. 32-iusuniit 25-it marluinnik oqaaseqartuupput kalaallisut allassinnaallutillu oqalussinnaasut. Oqaloqatiginnittartut 7-k danskisut oqaluttuugaluarlutik kalaallisut paasisinnaapput.

AIS2017-imi ajoraluartumik kukkusoornermik ilanngussisoqarsimagunarpoq kalaallisut oqaaseqartut qassiunerinut tunngatillugu. Kukkuneq AI2017 katitigaalerpat iluarsineqarumaarpoq.

- b) Kalaallinut Danmarkimi najugalinnut oqaloqatiginnittartut pillugit danskit naalackersuisuisa suliaqarnerat sumut killippa, Nunatsinnit suna piumasagaataasimava?

Akissut: Danmarkimi oqaloqatiginnittartut danskit aningaasanut inatsisaat aqqutigalugu aningaasalersorneqarput.

Naalackersuisut inassutigereerpaat Kalaallit Nunaannut Pinerluttulerinermik Inatsit naapertorlugu oqaloqatiginnittartut ivertinnissaat pillugu Nalunaarummi oqaloqatiginnittartut akissarsiaat iluarsiivigineqassasut, taamaalillunilu oqaloqatiginnittartut Kalaallit Nunaannut Pinerluttulerinermik Inatsit naapertorlugu ivertinneqartut oqaloqatiginnittartut danskit pillakkanut inatsisaat malillugu assinganik akissarsiaqartissinnaangorlugit.

Naalackersuisut kaammattuutaat Justitsministeeriaqarfiup akuerisimavaa, tamatumalu kingorna Danmarkimi kalaallinut oqaloqatiginnittartut siunissami anginerusunik akissarsiaqartinneqalissapput.

Konto pingaarneq 30.10.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqarneq.

Eqqarlerisanut inissinneqarsimasut eqqarlerisanillu meeravissartaarnerqarsimasut qanoq amerlatigippat?

Akissut: Tamanna pillugu massakkut paasissutissanik peqartoqanngilaq.

7.5 Konto pingaarneq 30.10.36 Erninermi ullormusiat

- a) Erninermut atatillugu ataataasut sapaatit akunnerini pingasuinnarni ullormusiaqartinneqartarnerannut suna tunngaviua?

Akissut: Erninermut atatillugu sulinngiffeqartarneq Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaanni nr. 14 af 7. december 2009-meersumi iluarsiivigineqarsimapput. Inatsimmi § 8 malillugu ataataasoq meeqqap erniunerata kingornatigut sapaatit akunnerisa siulliit 15-it imaluunniit 19-it iluanni sapaatit akunnerini pingasuni sulinngiffeqarsinnaatitaavoq. Ataataasumik oqarnermi pineqartoq tassaavoq meeqqat inatsiseqartitsinikkut inissisimanerat pillugu inatsit naapertorlugu inatsisilerinikkut ataataasutut isigineqartoq.

Taamaalillunilu ataataasunut ernereernerup kingorna sulinngiffeqarsinnaatitaaneq sapaatip akunnerinik 3-nik sivisussuseqarpoq, piffissarlu taannaavoq erninermi ullormusianik aningaasaliiffigineqarsinnaasoq.

7.6 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

- a) Kommunit akeqartitseriaatsip isornartorsiorneqarneranik Naalackersuisut ilisimasaqarpat?

Akissut: Ulloq unnuarlu paaqqinnittarfinnut inissiierni 100 %-imik akiliuteqartitsinikkut akeqartitseriaaseq apeqqummi pineqarunarpog.

Kommunit namminneerlutik 100 %-imik akiliuteqartitsisoqarnissaanik kissaateqarsimanerat oqaatigissallugu pingaaruteqarpoq. Akeqartitseriaatsimut kommunit Namminersorlutik Oqartussanut isornartorsiuusimangillat.

b) Ulloq unnuarlu angerlarsimaffinnik kommunini amigaateqarneq qanoq annertutigiva?

Akissut: Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfik ulloq unnuarlu paaqqinnittarfinni inissanik tamarmiusunik neqeroortigineqartunik misissuitsilluni aallartisisimavoq, taakkunungalulu ilaapput ulloq unnuarlu paaqqinnittarfinni kommuninit namminersortuniillu pigineqartuni inissat. Peqatigitillugu ulloq unnuarlu paaqqinnittarfinni inissanik qanoq pisariaqartitsisoqartiginera misissuiffigineqalersimavoq, taakkunungalulu ilaallutik inissat qanoq ittut pisariaqartinneqarnersut. Matumani neqeroortaaqat piumaneqartullu imminnut naapertuuttuunersut erseqqissumik paasineqarnissaat siunertarineqarpoq.

Misissuinerit naatsorsuinerillu taamaattut ukiuni aggersuni ingerlanneqartartussaassapput, tassanilu siunertaavoq ulloq unnuarlu paaqqinnittarfeqarnermi neqeroortoqartarnissaata aamma eqqortunik neqeroortoqartarnissaata qulakkeerinniffiginissaat.

c) Inissiisarnermik suliaqarfimmi periutsit pitsaanerpaat paasiniarlugit misissueqqissaartoqarsimava?

Akissut: Ulloq unnuarlu paaqqinnittarfeqarnermut immikkoortortaqarfik inissiisarnerni periutsit pitsaanerpaat paasiniarneqarsimanerannik ilisimasaqanngilaq. Paarlattuanik ulloq unnuarlu paaqqinnittarfeqarnerup Deloittemit misissoqqissaarneqarsimanera nalilersuiffigisimaneralu februar 2011-meersoq innersuussutigineqarpoq. Nalunaarusiami inassutigineqartut ilaat pingaarutillit ulloq unnuarlu paaqqinnittarfeqarnerup iluani ineriartortitseqqinnerit aqqutigalugit piviusunnigortinneqarsimapput, taakkunungalulu ilaavoq;

- 100%-imik akiliuteqartitsisarneq.
- Nakkutilliisartoqarnerup nakkutigineqarnerunera.
- Inissiisoqarsimatillugu iliuusissatut pilersaarutitik suliaqartarnerup nakkutigineqarnerunera.
- Danmarkimut inissiisarnerni angerlartitsisarnellu nakkutigineqarnera.

d) Unnuakkut sumiiffissaaleqisartunik meeraqarnera eqqarsaatigigaanni inissat 160-it naammattut Naalakkersuisunit isigineqarpat?

Akissut: Ulloq unnuarlu paaqqinnittarfinni inissat unnuiffissaaruttarnerillu imminnut ataqatigiinngitsutut isumaqarfineqarmata apeqqutigineqartoq ersarlummat erseqqissumik akineqarsinnaanngilaq.

Meeqqat unnuakkut sumiiffissaaruttarnerannut apeqqummut tunngatillugu nalunaarutigineqassaaq sineriak tamakkerlugu meeqqanut inuusuttunullu sumiiffissaaruttunut orninneqarsinnaasunik pilersitsisoqarnissaa sulissutigineqarmat, siullermillu Upernavimmi Kullorsuarmilu pilersitsisoqarniarpoq.

e) Matu-p qanoq pineqarnissaa paasissutissiissutigineqassasoq ataatsimiititaliamit kissaatigineqarpoq?

Akissut: Ulloq unnuarlu paaqqinnittarfiup Ajap ataaniittoq siusinnerusukkut Matu-mik taagorneqartoq juli 2016-imi matuneqarpoq, tamatumunngalu pissutaavoq paaqqinnittarfiup initamigut tulluartsuuserlugu. Matu-mut taarsiullugu inuusuttunut suliniummik tassunga assingusumik pilersitsisoqarnialerpoq, taannalu "Kaassassuk"-mik taaguuserlugu 2016-imi septembarip naalernerani ammarniarneqarpoq.

7.7 Konto pingarneq 30.10.45 Meeqqat inuusuttullu immikkut ittumik suliniuteqarfigineqarnerat

- a) Matumani aningaasaliissutit immikkut suliniummut inuiaqatigiinni pisariaqartinne-qartumut naammattutut nalilerneqarpat?

Akissut: Piareersartoqarnera massakkut kommunini sisamaasuni pisoq kiisalu suliassaqarfimmi tassani piginnaasanik ineriartortitsisoqarnera tunngavigalugit amerlanernik tapiissuteqartoqarnissaa pisariaqartinneqalersimavoq, matumanilu tapiissuteqartoqarnissaanik qinnuteqaatinut attuumassutilinnut tamanut tapiissuteqartoqarsinnaaqqullugu. 2016-imi immikkut 5 mio. kr.-inik tapiissuteqartoqarnissaanik kissaateqartoqarsimavoq.

Aningaasat ilaat Qaasuitsup Kommuniani immikkut ittumik suliniuteqartoqarnissaanut toqqaannartumik attuumassuteqarsimapput. Taakkununga tapiissutissat tassunga immikkut ittumik suliniuteqartoqarnissaanut immikkoortinneqartunut killiliussat iluanni nassaarineqarput. Qinnuteqaatit sinnerinut killiliussat iluanni nassaartoqarpoq, soorluttaarlu 2016-imi ilassutitut aningaasaliissutit 1,0 mio. kr.-nit Naalakkersuisut iluatsissimallugit.

2017-imi konto pingarnermut 30.10.45-mut aningaasaliissutigineqartut 2016-imi aningaasaliissutigineqartut assigai.

- b) Arnat persuttarneqarsimasut aammalu nuna tamakkerlugu qimarnguiit annertunerusumik suliniuteqarfigineqarnissaat pisariaqartinneqartutut Naalakkersuisunit isigineqarpat?

Akissut: Suliassaqarfinni annerusumik suliniuteqartoqarnissaa pisariaqartinneqartoq nalilerneqarpoq. Tamatumunnga ilaatigut pissutaavoq Illernit pilersinneqarmatali (nuna tamakkerlugu qimarngui) Illerninut najugalernissamat utaqqisunik allatsittoqartarsimammat. Tassungalu ilaavoq naatsorsuutigineqarmat Illernit 2017-ip qiteqqunnerani nalilersorneqalissasoq. Taamatut nalilersuinerit kingunerisinnaavaat 2017-imi suliqaarfimmi aningaasartuutit qaffattariaqalernerat. Tamatuma saniatigut Kalaallit Nunaanni annersaasarnermut innarliisoqartarneranullu misissuinerni kingullerni paasinarsivoq suliassaqarfimmi sulisoqarnissaa tunngaviatigut assut pisariaqartinneqartoq.

- c) Ilaqutariinnut sullissivinni sulisut amerlanerusut pisariaqartinneqarpat?

Akissut: Apeqqummut tassunga erseqqissumik akissuteqarnissaaq ajornakusoorpoq, tamatumunngalu pissutaavoq sulisut amerlassusaat ilaqutariinnut sullissivinni sulinerimut attuumassuteqarnissaat pisariaqanngimmat. Ilaqutariinni sullissivinni suliniutigineqartut, taakkunungalu atatillugu

piginnaasat piginnaasanillu pisariaqartitsinerit nakkutiginerunissaat pingaerneruvoq.

Ilaqutariinnut sullissiviit nalunaarput katsorsaasoqartarneranut sulisut amerlanerit pisariaqartinneqartut, soorlu terapeutit psykologillu kiisalu sulisut suliamut attuumassutilimmik ilinniagallit, taakkuugamimmi ilaqutariinnik sullissinerminni inunnik amerlasuunik tarnikkut allatullu ikiorneqarnissamik pisariaqartitsisunik sullissisussat. Suliat tungaasigut piareersimanagerunissap kingunerisinnaavaa kontu-mut pingaernermit matumunnga aningaasat amerlanerit pisariaqartinneqalissammata.

d) Sinerissami ilaqutariinnut sullissiviit ilaqutariinnullu højskolit atornerarannut kisitsisit qanoq ippat?

Akissut: 2016-imi Ilaqutariinnermut, Naligiissitaanermut Isumaginninnermullu Naalakkersuisoqarfik ilaqutariinnut højskolertitsinissanut qinnuteqaatinik katillugit 22-nik tigusaqarsimavoq.

Ilaqutariinnut Sullissiviit saaffiginninnernik, oqaloqateqarnernik isumaginninnikkullu suliniutinik imá amerlatigisunik isumagisaqarsimapput. Kisitsisit 2015-imut ukiumoortumik nalunaarusiamit pisuupput

Illoqarfik	Saaffiginnissutit amerlassusaat
Qaanaaq	Kisitsisoqarsimanngilaq
Upernavik	136
Ummannaq	Aallartisarnermiippoq
Ilulissat	186
Qeqertarsuaq	Kisitsisoqarsimanngilaq
Qasigiannugit	112
Kangaatsiaq	186
Aasiaat	138
Sisimiut	135
Maniitsoq	Kisitsisinik ersarissunik soqanngilaq
Nanortalik	Kisitsisinik ersarissunik soqanngilaq
Qaqortoq	771
Narsaq	641
Kommuneqarfik Sermersooq	146

e) Kommunit sorliit ilaqutariinnut sullissiveqarnissamik aammalu ilaqutariinnut højskoleqarnissamik immikkut pisariaqartitsippat aammalu suliniutit sorpiiát ingerlanneqarsimappat?

Akissut: Kommunit tamakkerlutik ilaqutariinnut sullissivinnik pisariaqartitsippat. Tamanna aamma ilaatigut erseqqinnerulerpoq 2006-imi tapiissuteqartarneq aallartimmalli illoqarfinni tamani ilaqutariinnut sullissivinnik pilersitsisoqarsimammat. Illoqarfiit mikinerusut ilaanni, soorlu Qaanaami

Tasiilamilu, sulisunik ilinniarsimasunik suli pisariaqartitsisoqarpoq ilaqutariinnut sullissivinni suliassanik kivitsisinnaasunik.

- f) Pikkorissartitsinermi siunnersortinut Naalackersuisoqarfimmi atorfeqartitanut aningaasartuuteqartoqartoq Naalackersuisut paasissutissiissutigaat. Aningaasat taakku kontonut pingaarnernut allanut nuunneqarsinnaappat aammalu aningaasat qanoq amerlatigisut pineqarpat?

Akissut: Kommuni suliassat isumaginissaannut inunnik ilisimasalinnik sulisunillu ilinniarsimasunik amigaateqarneq tunngavigalugu pikkorissartitsinermi siunnersortinik atorfinitsitsisarneq pisariaqartinneqarpoq.

Pikkorissartitsinermi siunnersortit atornerisigut sammisassanut assigiinngitsunut kommunit neqeroorfigineqarsinnaapput, soorlu ilaqutariit højskolertinnissaannut aamma suliniutinut ilaqutariinnut iluaqutaasussanut, paarlattuanik tamanna pisinnaavoq ilaqutariit højskolertinnissaannut tapiissutinut aningaasanut killiliussat aamma ilaqutariinnut inissiisarnerni suliniutit iluini.

Siunnersortinik naalackersuisoqarfinni toqqaannartumik atorfinitsitsisarnermik aaqqiineq siunnersortinik avataaneersunik sulisussarsiortarnermiit akikinnerujussuvoq. Taamaammat taamatut aaqqiinermi aningaasanik ikigisassaangitsunik sipaartoqarsimavoq.

- g) Sulianik meeqqanut tunngasunik sularinnittarnermi immikkut suliniuteqarneq qanoq ingerlava?

Akissut: Qitiusumik Siunnersuisarfik (QS) illoqarfinni ataasiakkaani meeqqanut sularni sularnik ingerlatsinermik ilinniartitsisarsimavoq, ilaatigullu sularnik ingerlatsisunik sanileqarluni ilinniartitsinikkut sularinllu ingerlatsinermik sulariarnermi ikiuinikkut.

Tamatuma saniatigut sulariat meeqqanut inuusuttunullu tunngassuteqartut sularisarneranni tapersersuisarnissaq siunertaralugu kommunini tassangaannartumik sulisoqartussangortillugu sulisussanik QS ikinneqisunik piareersimasoqartitsisarsimavoq. Taamaalillunilu ilaatigut isumaginninnermik siunnersortinik QS-imeersunik aamma Ilaqutariinnermut, Naligiissitaanermut, Isumaginninnermut Inatsisinillu Atuutsitsinermut Naalackersuisoqarfimmeersunik sulariartortitsinissaq pillugu Kommune Kujallermit suleqatigiinnissamik isumaqatigiisummik atsiortoqarsimavoq, tassanilu siunertaavoq sulariat meeqqanut inuusuttunullu tunngassuteqartorpassuit sularinissaat.

7.8 Konto pingaarneq 30.10.46 Qitiusumik Siunnersuisarfik

- a) Telefonikkut siunnersuisarfik qitiusumik siunnersuisarfiup ataaniittoq sumi inissisimava?

Akissut: Telefonikkut siunnersuisarfik QS-ip ineeraataasa ilaanni inissisimavoq. QS-ip ineeraataa uaniippat: Niels Hammekensvej 41, 3900 Nuuk.

- b) Suliniutinut kinguaassiutitigut atornerluinermik pinaveersaartitsiniarnermik siunertaqartunut aammalu kinguaassiutitigut

atornerlunneqarsimasunut atornerluisunullu katsorsaanissamik neqeroorutunik pilersitsinissamut tapiissuteqartarnermik suliassaq Naalakkersuisoqarfiup suliassaatut Naalakkersuisunit isigineqarpa?

Akissut: Suliamik paasisimasaqarnerulernissaq ikiorsiissutinillu neqeroorsinnaaneq anguniarlugu suleqatigiittoqarnissaa pisariaqarpoq. QS ulluni makkunani pilersaarummik ukiumi nutaami atorneqalersussamik suliqaarluni aallartissimavoq, tassanilu siunertarineqarpoq kommunini ilaqtariinnut sullissiviit meeqqanik inuussuttunillu kinguaassiuutitigut atornerlunneqarsimasunik, inuussuttunullu innarliisimasunut sullissinissaminni piareersimanerunissaat.

c) c) Sullissisunut assigiinngitsunut pikkorissartitsinerit pillugit suliassami kisitsisit sooq 0-inngortinneqarsimappat?

Akissut: Susassaqarfiit akimorlugit Pikkorissartitsisarnerit Qitiusumik Siunnersuisarfiimut/Saaffik-mut nuunneqarsimappat. Suliniuteqartarnek taamaalilluni massakkut QS-imiippoq.

d) Kontumut pingaarnermut oqaasertaliussanik nutaanik ilanngussisoqarpoq. Kontomut pingaarnermut nutaamik oqaasertaliussisoqarpoq. Tamanna aningaasanut inatsisini oqaasertaliussanik atuinerup annikillisarneqarnissaanik Naalakkersuisut suliniuteqarnerannut naapertuuppa?

Akissut: Nakkutilliisartoqatigiinnik pilersitsinerup, taassumalu sulinerata kingunerannik QS-imi nukissat piffissap sivikitsuinnaap ingerlanerani allatut pingaarnersiornissaat pisariaqalersimavoq, taamaalillutik kommunit meeqqanut inuussuttunullu sulianut suliarineqarsimanngitsunut arlalinnut pisariaqartinneqartumik ikiorneqarsinnaalissammata. Suliap taassuma ilaa ukiumi aningaasanut inatsiseqarfiusumi tullermi tamakkiisumik suliarineqalissaaq. QS-imi suliarineqartut tassanngaannartumik pisariaqartitsisoqalerpat ingerlaavartumik allanngortittassapput. Taamaammata ukiuni tulliuttuni ukiut aningaasanut inatsiseqarfiusut akimorlugit aningaasaliisoqartarnissaa pisariaqassaaq.

e) Oqaasertaliussat aningaasanut inatsimmi ilanngunneqartut ukiumut ataasiinnarmut atuuttuupput. Oqaasertaliussap nutaap taassuma ukiup ataatsip qaangiunnerani peerneqarnissaa ataatsimiititaliamit naatsorsuutigineqarsinnaava?

Akissut: Isumaginninnermut tunngasuni suliniutit arlalissuit piviusunngortinneri aningaasanut inatsiseqarfiusunut ukiunut arlalinnut tunngasuupput, tamatumalu kinguneralugu sanaartornermi aningaasaliissutit assigalugit aningaasaqarnermut ukiut ataasiakkaat iluanni piffissanut immikkoortiterisoqarsinnaanani.

Manna tikillugu nuussisinnaannginnerit kingunerisimavaat pilersaarutini pitsaassutsip pilersaarusiormerullu pisariaqartup qulakkeerneqarnissaa annertuumik ajornakusuulersimanerat, taamaalillunilu suliniutit kinguneqarluartinnissaasa aamma aningaasat atorneqarnissaasa qulakkeerneqarnissaat ilaavoq, taamaalilluni suliniutit annertunerpaamik sunniuteqarneri iluanaaruteqarfigineqarnerilu qulakkeerneqarlutik.

Peqatigisaanik ilassutitut aningaasaliissutit aqqutigalugit suliniutinut pilertortunut akuttunngitsumik aningaasaliisoqartarpoq, kingornalu paasineqartarluni naatsorsuutiginngisani kinguaattoortoqartarluni, assersuutigalugu sulisussarsiornerup sivitsorneqarnera, inissanik assigisaanillu nassaarnissap ajornakusoornera pissutigalugit.

7.9 Konto pingaarneq 30.11.10 Ineqarnermut tapiissutit

Aaqqissuusseqqinnissat aggersut ineqarnermut tapiissutinut qanoq sunniuteqassappat?

Akissut: Ineqarnermut tapiissutinut susassa qarfiup aaqqissuusiffiqineqarsinnaanera pillugu inatsisitigut piareersaalluni sulineq sulii aallartinneqarsimangilaq, taamaammallu aaqqissuusseqqinnermi imaritinneqarsinnaasut sulii isummerfigineqarsimanatik.

7.10 Konto pingaarneq 30.12.08 Utoqqalinermi pensionisiat

Aningaasaliissutit ikilinerannut suna tunngaviua?

Akissut: 2017-imi aningaasaliissutit ikilinerannut pissutaavoq pensionisiaqalernissamut ukioritinneqartut 65-iiit 66-inut allanngormata.

7.11 Konto pingaarneq 30.12.09 Siusinaartumik pensionisiat

Suliat qassit maanna suliareqqinneqarpat?

Akissut: Siusinaartumik pensionisiallit tamarmik 60-t ataallugit ukiullit naliliiffiqeqqinnissaannut ukiut 5-t atorneqartussatut immikkoortinneqarput. Ulloq 1. august 2016 siusinaartumik pensionisiallit 1572-it sulii naliliiffiqeqqinneqarsimangillat. Tamakku 1. juni 2021 nallertinnagu naliliiffiqeqqinneqassapput. Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfik siusinaartumik pensionisiallinniit qassit maanna naliliiffiqeqqissanersut pillugit paasissutissanik peqanngilaq.

7.12 Konto pingaarneq 30.13.07 Danmarkimi Kalaallit Nunaannilu inissinernut qitiusumik immikkoortitat

a) N 2015-imi isertitaqartoqarsimanerata nalunaarneqarsimaneranut suna pissutaava?

Akissut: Isertitaqartoqarneranut pissutaavoq aningaasat 2011, 2012 aamma 2013-imeersut kukkusumik immikkoortinneqarsimammata.

b) Aningaasartuutit ilaat qanoq amerlatigisut meeqqat inuusuttullu isigiarsuttut nunatsinniittut ilitserorneqarnerannut atorneqarsimappat?

Akissut: 2015-imi Kalaallit Nunaanni meeqqanut inuusuttunullu isigiarsuttunut ilitseruinernut 559.540 kr.-nit atorneqarsimapput. 2017-imi tamatuma missaannik atuisoqarnissaa naatsorsuutaavoq.

c) Paaqqinniffik inukitsillugu paaqqinniffinni sulisut sulisoriinnarnissaannut aningaasaliinissap qulakkeerneqarnissaa siunertaralugu piffissami killiligaasumi paaqqinniffinnut immikkut ilisimasaqarfiusunut konto aqqutigalugu nuussisoqarsinnaasoq Naalakkersuisut paasissutissiissutigaat. Tamanna qanoq ingerlanneqartarpa?

Akissut: Piffissani paaqqinnittarfiit inukitsillugit paaqqinnittarfiit ataasiakkaat piffissamut aalajangersimasumut tapiiffigineqarnissartik pillugu Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfimmu qinnuteqaateqarsinnaapput. Qinnuteqaat naalakkersuisoqarfimmiit KANUKOKA-miillu akuersissutigineqassaaq.

7.13 Konto pingaarneq 30.13.41 Innarluutilinnut angerlarsimaffiit

Innarluutilinnut angerlarsimaffinni sulisut pikkorissarnissamik qanoq annertutigisumik neqeroorfineqartarpat?

Akissut: Ukioq manna ilaatigut makku neqeroorutaasimapput;

- Ulloq unnuarlu paaqqinnittarfinnut sammititamik SPS aqputigalugu ilinniagaqanngitsunut pikkorissartitseqattaarnerit 8-nik modulillit.
- Diplomalimmik ilinniameq ukiuni 2-ni ingerlanneqartoq.
- "Nukittunerunissamut pikkorissartitsineq" pillugu pikkorissartitsineq sakkortuumik pissusilersortartunut sammititaavoq.
- I.A. aqputigalugu ulloq unnuarlu paaqqinnittarfinniittunut aamma peqqissaaveqarfimmiittunut modulit 3-t atorlugit atornerluisuunermut qitiulluni katsorsaasunngorniameq aallartinneqartoq.

Tamatuma saniatigut paaqqinnittarfinnut ataasiakkaanut sammititamik pisariaqartitsineq naapertorlugu ukiumut 3-4-riarluni paaqqinnittarfinni ataasiakkaanni pikkorissartitsisoqartuarterpoq.

Ukiut marlukkaarlugit forstaderinik isumasioqatigiissitsinerni pisariaqartitsineq naapertorlugu aamma atuartitsisoqartarpoq, soorluttaarlu paaqqinnittarfiit ataasiakkaat anguniagaqarfiusumik pikkorissartitsinissamik qanoq pisariaqartitsitiginersut nalilersorneqartarluni.

7.14 Konto pingaarneq 30.13.43 Nuna Tamakkerlugu Innarluutilinnut Sullissivik

Suliassami kisitsisit pillugit takussutissiami takuneqarsinnaavoq innarluutilinnut kiisalu sulianik ingerlatsisunut allanullu innarluutilinnik suliqaartunut siusissukkut suliniuteqarnermut kisitsisit N 2015-ip kingorna appariarsimasut. Tamatumunnga suna tunngaviua?

Akissut: Innarluutilinnut kiisalu sulianik ingerlatsisunut allanullu innarluutilinnut sullissisunut tunngatillugu siusissukkut suliniuteqarnissami suliassanut kisitsisini kukkusoqarsimavoq, tamannalu iluarsineqassaaq. 2017-imut suliassanut kisitsisaajunnartut N 2015-imiittut assigaat.

Innarluutilinnut Sullissivissami siusissukkut suliniuteqartarnissaq suliassat pingaarnerit ilagissavaat. Taamaaliornikkut innarluutillit amerlanerit pisariaqartinneqartumik suliniuteqarfiginissaat qulakkeerneqassaaq, tamannalu aqputigalugu paaqqinnittarfimmiilernissaat pisariaarutinngikkuni allatigut akisuumik sullittariaarutissammata. Tamannalu pissutigalugu suliassanut kisitsisit qaffasinnerusut najukkani pisariaqartinneqartussaassapput.

Innarluutilinnut Sullissivik suliassanut kisitsisinut amerliartuinnartunut nukissaqarnaviangilaq, kommuni taamatut pisariaqartitsigaluarpalluunniit. Kommunit namminneerlutik tassunga nukissanik ujarlertariaqarput.

7.15 Konto pingaarneq 30.14.29 Isumaginninnermi suliniutit

- a) Eqqugaasinnaasut, soorlu meeqqat inuusuttullu, innarluutillit, utoqqaat ilaqutariillu inooqatigiinnerminni ajornartorsiutaat pillugit paasisitsiniaanermut aningaasaliissutit aamma atorneqarsinnaasut missingersuutitut ilanngussami allassimavoq. Siunertamut tassunga aningaasat qanoq amerlatigisut atorneqartarpat taakkunungalu aningaasanik qinnuteqarsinnaanermut periarfissaqarnera qanoq siuaruarterneqartarpa?

Akissut: Kommunit, Peqatigiiffiit suliniaqatigiiffillu qaammarsaanissaminnut aningaasanik qinnuteqartarput, soorluttaarlu Naalackersuisut namminneq aningaasaatiminnik qaammarsaanissaminnut atuisartut. 2016-imi Naalackersuisut sammisassaqaarfimmiit tapiissutitut qinnuteqaatitut 0,8 mio. kr.-inik aningaasaliissuteqarsimapput. Qinnuteqarsinnaanermut periarfissat Naalackersuisut nittartagaat aqqutigalugu paasineqarsinnaapput.

- b) Missingersuutitut ilanngussami nakuusertarnermut akiuiniarneq pillugu immikkoortup ataani allassimavoq iliuusissatut pilersaarummi suliniutit 31-iusut pingaarnertut anguniakkanut tapersiinissamut tunngatinneqartut. Tamatumani iliuusissat suut pineqarpat?

Akissut: Suliniutit 31-iusut 2014-2017-imut Naalackersuisut annersaaneq akiomiarlugu periusissaannut iliuusissatullu pilersaarutaannut ilanngunneqassapput, taakkulu Inatsisartut 2013-imi ukiakkut ataatsimiinneranni saqqummiunneqarput. Taanna uani aaneqarsinnaavoq www.naalackersuisut.gl:

<http://naalackersuisut.gl/da/Naalackersuisut/Departementer/Familie-Ligestilling-og-Sociale-anliggender/Socialomraedet/Strategier-og-sociale-indsatser/Strategi-mod-vold>

7.16 Konto pingaarneq 30.14.31 Meeqqat pisinnaatitaaffii pillugit suliffik

Telefonikkut siunnersuisarnermut MIO aningaasanik amigaateqarpa, taamaassimappallu tamanna Naalackersuisunit qanoq aqqiivigineqalersarpa?

Akissut: Aap, MIO telefonikkut siunnersuisarfiup ingerlannissaannut aningaasanik amigaateqarpoq. MIO telefonikkut siunnersuisarfimmik pilersitsimmalli aningaasaateqarfinnut assigiinngitsunut Naalackersuisunullu aningaasanik qinnuteqartarsimapput. 2016-imi MIO konto pingaarneq 30.14.29 aqqutigalugu telefonikkut siunnersuisarfiup ingerlannissaanut tapiissutitut katillugit 0,3 mio. kr.-inik pissarsisimavoq.

Ilanngullugu nalunaarutigineqassaaq telefonikkut siunnersuisarfinnik qulaajaasoqarnissaa siunertaralugu namminersorlutik oqartussani oqartussaasut akornanni qulaajaaniarluni sulisoqarmat.

8. Suliassaqarfik 34 - 35 Peqqissutsimut Nunanillu Avannarlernik Suleqateqarnermut Naalakkersuisoq

8.1 Konto pingaarneq 34.01.01 Peqqissutsimut Naalakkersuisoqarfik

N 2015-ip aammalu AI 2016-ip akornanni sooq akissarsianut aningaasartuutit qaffappat aningaasartuutillu allat apparlutik?

Akissut: Tamatumunnga pissutaavoq 2015-imut naatsorsuutit aningaasaliissutit nalinginnaasumik akissarsianut ingerlatsinernullu allanut agguataarnerannut pisarneq malillugu allaanerummata. 2015-imi naalakkersuisoqarfik atorfinnik inuttaqanngitsunik tigummisaqarsimavoq, tamannalu pissutaavoq akissarsianut atuisoqarpiarsimannginneranut. Ingerlatsinermut aningaasartuutit allat annertunerusimapput, tamatumunngalu ilaatigut pissutaavoq siunnersortinut avataaneersunut (Deloitte) peqqinnissaqarfiup aningaasaqarneranik piffissamut qaninnerusumut ungasinnerusumullu misissueqqissaartunut immikkut ittumik aningaasanik atuisoqarsimanera. Tamatuma saniatigut ministerimut biilimik nutaamik pisisoqarsimavoq.

8.2 Konto pingaarneq 34.01.03 Missingersuutinut iluarsiiissutit

Tamatuma itisilerneqarnissaa ataatsimiititaliamit kissaatigineqarpoq.

Akissut: Pinngortitaleriffiup nittartakkamini paasissutissiissutigaa 2015-imut siumut naatsorsuinerit kukkuneqarsimasut, taamaammallu kaammattuutigalugu 2016-imut siumut naatsorsuineq taarsiullugu atorineqassasoq. 2015-imut siumut naatsorsuineq killiliussanik naatsorsuisoqarnerani innuttaasut katitigaanerisigut 2016-imut ilimagisanut eqqornerusunut sanilliullugu pissarsiffikinnerusimavoq. Assigiinngissut taanna 5,2 mio. kr.-inik ajunngitsumik missingersuutitigut iluarsiiiffigalugu AIS 2017-imut ilanngunneqarpoq, taannalu AIS 2017-ip aappassaaneerneqarnissaanut missingersuutinut sunniuteqanngitsumik allannguutissatut siunnersuut aqutigalugu kontumut allanut nuunneqarumaarpoq.

8.3 Konto pingaarneq 34.11.01 Napparsimasut nunani allani katsorsarneqartarnerat, timikkut nappaatit

a) Piffissap ingerlanerani aningaasaliissutit qaffakkiartornissaat killilersimaarnarlugu Naalakkersuisut qanoq iliuuseqalersaarpat?

Akissut: Nakorsanit immikkut ilisimasalinnit suliarineqarusuttarnerit piffissap ingerlanerani amerliartulernissaat nalornisigineqarsinnaanngilaq, tamannalu innuttaasut taamak amerlanngitsigitillugit Kalaallit Nunaanni pilersissinnaanngilarput.

Tulleriissarisartoqatigiit tassunga atatillugu suliaritittarnerit nutaat kalaallinut neqeroortigineqarsinnaanersut nalilertartussaavaat. Taamatut naliliinermi napparsimasut ataasiakkaat eqqarsaatigineqarput, suliarinnittarnerillu inuunerup sivitsornissaanut inuunerinnerulernissallu angunissaanut uppersarnissaat kiisalu Kalaallit Nunaanni peqqinnissaqarfimmi aningaasaqarnikkut periarfissaqarpianninnerup ataqinissaanut ilaapput.

Aningaasartuuteqarfiulli aqunniarnera piffissap ilaani ajornartarpoq, tamatumunngalu pissutaavoq napparsimasut ataasiakkaat suliaritinnerat ukiumut millioninik arlalinnik aningaasartuuteqarnikkut peqqinnissaqarfimmut

suliakkersuutaasarmat, matumanilu assersuutigalugit ilaapput napparsimasut ilumikkut timip atortuinik suliaritittussat meeqqallu perulutut.

b) Suliassat Kalaallit Nunaanni isumagineqarsinnaanissaat Naalakkersuisunit qanoq qulakkeerneqarsinnaava?

Akissut: Napparsimasut ilaat nunani allani suliaritinnermikkut ikigisassaannigitsunik aningaasartuutaasartorujussuupput. Taamaammata ukiuni kingulliunerusuni aningaasartuuteqarfiup taassuma misilillugu atuinikinneruffiulernissaa immikkut isiginiarneqarsimavoq. Aningaasartuutilli annikillineqassappata piumasarineqarpoq napparsimasunut neqeroorutit ajornerulinnginnissaat.

Kalaallit Nunaanni immikkut ilisimasalinnit sullinneqarneq pisariaqartinneqartoq qanoq annertutiginersoq apeqqutaalluni suliaritittarnerit Danmarkimi immikkut ilisimasalinnit suleqatigalugit tiguneqarsimapput. Tamatumani assersuutigalugu kræfteriaatsit arlallit nakorsaasersorlugit suliarineqartarnerat ilaapput. Allatigullu misissueqqittarnerit angerlartinneqarsimapput, tassa napparsimasut Kalaallit Nunaanni immikkut ilisimasalinnit angalasartunit misissorneqarsimasarmata, soorlu napparsimasunik pacemakerilinnik misissuisarnerit aamma meeqqanik qaratsamikkut ajoquteqarlutik inunnguusilinnik misissuisarnerit.

Tassungalu ilaavoq napparsimasut iluarsineqarsinnaanngitsunik nappaatillit immikkut ilisimasalinnit peqqissutsikkut naliliiffiginissamik pisariaqartitsisut naliliiffiginiarlugit misissorniartugillu telemedicin atorineqaleriartuinnarmat. 2016-ip ingerlanerani Region Hovedstadimi immikkoortortaqrarfiit immikkut ilisimasaqarfusut aamma Kalaallit Nunaanni Peqqinnissaqarfiup akornanni telemedicinimik atuinermik isumannaatsumik pilersitsisoqarsimavoq. Tamatumalu inerneraa napparsimasut iluarsineqarsinnaanngitsunik nappaatillit, soorlu sklerose, aakkut nappaatillit, arlaatigut kræftimik nappaatillit il.il. Kalaallit Nunaanniiginnarlutik Danmarkimi immikkut ilisimasalinnit suliarineqarsinnaanngornerat. Telemedicinimik atuinertaaq kinguneraa qanigisaasut nakorsiarnernut iluaqutaallutik peqataasinnaalermata, taamaalillutillu tapersersuisinnaallutik kiisalu napparsimasup napparsimanerani attaveqarnikkut iluaqutaasinnaallutik.

8.4 Konto pingarneq 34.11.03 Dronning Ingridip Napparsimavissua

a) DIN-imi siniffiit inissat amerlineqarnissaat pilersaarutaava?

Akissut: Tarnikkut nappaatilinnut illussap nutaap sananissaanut pilersaarummik suliaqarnermi tarnikkut nappaatilinnut immikkoortortami siniffiit 12-iniit 14-inut amerlilaarnissaat pilersaarutaavoq. Siniffiit amerlilaarnerinut pissutaavoq tarnikkut nappaatilinnut susassaqrarfiimi pisariaqartitsisoqarnerummat, napparsimasullu immikkut assiaquteqarnissamik pisariaqartitsisut eqqarsaatigalugit eqaannerusumik sullissinissaq anguniarlugu. Amerlisaanikkutaaq tarnikkut nappaatilinnut inuusunnerusunut tulluurtunik atugassaqaalernissaq aamma anguneqassaaq.

Napparsimavissuarmi siniffiit allatut amerlinissaat pilersaarutaanngilaq. Kalaallit Nunaanni immikkut suliarisariiallit amerlissagaluarpata napparsimasunut akunnittarfinni inissat amerlanerusut aamma telemedicin aqcutigalugit aaqqiissutissat amerlinerisigut iluarsiiiffigineqarsinnaavoq.

b) Utaqqisunut tunngasumik pissutsit qanoq ippat?

Akissut: Apeqummut 3.16 c-mut akissut takoqquneqarpoq.

c) Nakorsanit telefonikkut sullinneqarneq aammalu nittartakkamik atuineq qanoq ippat aammalu taakkununga aningaasat qanoq pissarsiarineqartarpat?

Akissut: Dronning Ingridip Peqqissaavia (DIP) Immikkoortoq Sermersuumi innuttaasunik peqqinnissaqarfup sullissinerani siullertut inissisimavoq, taakkunanilu ilaapput Paamiuni, Tasiilami, Ittoqqortoormiini aamma Nuummi peqqissaaviit. Innuttaasut katitigaanerit eqqarsaatigalugu immikkoortoq Sermersooq innukkiartupiloornermigut Kalaallit Nunaanni immikkoortunit allanit allaaneruvoq.

Innuttaasunit peqqinnissakkut saaffiginnittarnerit aamma assinganik amerliartorput, taamaammallu akissuteqarnissamut pilersaarusiornissaq assut ajornakusoorluni. Innuttaasut saaffiginnissutaannik toqqaasarnert pingaarnersiuisarnerillu inunnut ataasiakkaanut nammineq attaveqarmissaq sioqqullugu aamma pilersaarusiorminaapput, taamaalisoqarneranimi nakorsat peqqissaasullu saaffiginnissutit suussuserniartarmatigik. Nuummi innuttaasunut tunngatillugu peqqinnissakkut saaffiginnissutit DIP-mi saaffiginnittarfikkut ulluunerani ammasarfikkut saaffiginnilluni pisinnaapput, soorlu kapuutissanik inniminniinerit, kinguaassiuutitigut nappaatinut quukkut misissuinerit, naartusumiit saaffiginninnerit, ajoqusersimasunut saaffiginnittarfik aqcutigalugu, taannalu ulloq unnuarlu ammasarpoq kiisalu nakorsanut oqarasuaat imaluunniit nittartagaq www.doktor.gl aqcutigalugit.

Nakorsanut oqarasuaat:

Innuttaasut Nuummiittut ulluinnarni nalunaaqutaq 8.15 aamma 8.30-ip akornanni nakorsamut akeqanngitsumik oqarasuarsinnaapput, tamatumalu kingorna nappaatinut ilisarnaatinut paasissutissiinerit nassuiaanerilu tunngavigalugit tulleriiaarlugit sullinneqartarlutik.

Oqarasuaatikkut saaffiginnissutit ulluinnarni nakorsanit 10-13-init aamma peqqissaasunit pingasunit akineqartarput, taakkualu tulleriiaarinnermini peqqissutsikkut nalilertarpaat misissuinerit aqcutigalugit, soorlu aaviinikkut aamma/imaluunniit qinguartaanikkut misissuinerit, allatut paasiniaasoqassanersoq. Oqarasuaatikkut saaffiginnissutit peqqinnissakkut allanik pissuteqartutut nalilerneqartut tunngavilersuiffigalugit, allanullu innuttaasunik sullissisunut saaffiginninnissaannik ilitersuinikkut naammassineqartarput.

Kisitsisinngorlugu naatsorsuisoqarnissaa siunertaralugu Nakorsamut Oqarasuaammut saaffiginnittartut 2014-imiit nalunaarsorneqartalersimapput. IT-milli nioqquteqartumi teknikikkut ajutoortoqamera pissutaalluni takussutissani

amigartoqarluni kukkusoqarsimavoq. Tamannalu tunngavigalugu sapaatip akunneri arfinillit toqqagassatut toqqarsimavavut, soorlu saaffiginnissutit kiffartuussivigineqartut (a) kiisalu saaffiginnissutit saaffiginnittup oqarasuaammik iliinnarfigisai (b).

	Juuli 2014		Nov. 2014		Jun 2015		Nov. 2015		Feb 2016		Juuli 2016	
	a	b	a	b	a	b	a	b	a	b	a	b
Sap. ak.												
Ataasinngorneq	112	56	136	68	136	84	181	79	179	111	142	53
Marlunngorneq	115	81	138	50	127	67	143	84	177	89	121	44
Pingasunngorneq	121	80	123	105	109	40	135	39	150	76	130	34
Sisamanngorneq	109	78	123	96	113	47	125	58	126	34	101	23
Tallimanngorneq	102	75	125	76	95	55	85	30	141	79	118	22
Katillugit	559	370	645	395	580	293	669	290	773	389	612	176

Piffissami 2014-imiit ulloq manna tikillugu sapaatip akunneranut saaffiginnissutit allanngorpiarnatik 550 aamma 700-t akornanniittarput. Saaffiginnissutit maanaanaq taamaatiinnakkat akermanik allanngorernerupput, taamaammallu kisitsisinik eqqorluartunik takussutissaqarani.

www.doktor.gl:

Nittartagaq [/www.doktor.gl](http://www.doktor.gl) maili tunngavigalugu taamatullu Nuummi innuttaasunut sullissiviuvoq. Nittartakkami siunertarineqartut pingaarnertut tassaavoq, nakorsaatit allagartaannik nutarterinernut kiisalu misiligutit akissutaasa tigungerinut kiisalu ajornartorsiutinut annertuumik killilikkanut saaffiginninnernut naleqquttoq.

Saaffiginnissutit ullut suliffiusut marluk iluanni nakorsanit akineqartarput, saaffiginnissutit tamarmik agguaqatigiissillugu minutsit pingasut atorlugit akineqartarput. Nittartakkamut saaffiginninnerit amerlassusaat tabelip tulliuuttup takutippaa:

	2004	2005	2006	2007	2008	2009	2010	2011	2012	2013	2014	2015
Januari		346	475	468	498	621	629	925	986	1167	1349	1371
Februaari		355	381	401	529	591	699	934	1019	1018	1207	1277
Marsi		333	456	417	507	671	760	1084	1093	1030	1301	1500
Aprili		353	345	371	584	610	709	922	928	1188	1272	1398
Maaji	161	349	428	416	579	578	664	983	993	1156	1320	1333
Juuni	381	341	415	415	576	634	809	886	976	1039	1263	1518
Juuli	222	263	365	345	588	615	721	795	935	1066	1233	1351
Aggusti	315	428	409	401	499	639	704	917	928	1101	1130	1298
Septembari	348	381	441	421	552	671	879	973	955	1081	1237	1386
Oktobari	314	409	395	495	611	728	869	1003	1072	1317	1356	1420
Novembari	297	424	443	502	531	975	922	1007	1006	1167	1173	1327
Decembari	285	343	377	419	494	776	846	896	883	1075	1265	1322
Katillugit		4325	4930	5071	6548	8109	9211	11325	11774	13405	15106	16501

Qaammammut agguaqatigiissillugu		360	410	422	545	675	767	943	981	1117	1258	1375
------------------------------------	--	-----	-----	-----	-----	-----	-----	-----	-----	------	------	------

Tabelip takutippaa, saaffiginninnerit amerlassusaat 2004-imi nittartakkap pilersinneqarneraniilli aamma ullumimut assut amerliartorsimasut.

Nakorsap oqarasuaataata aamma www.doktor.gl-lip aningaasalersorneqarnera
Nakorsap oqarasuaataata aamma www.doktor.gl sulissunneqarnerinut aningaasat tunngaviusumik missingersuutinit ukiumoortumik Nunap immikkoortuani Sermersuummut tunniunneqartartut peerneqarput.

Nunap immikkoortuanut Sermersuummut ataatsimut aningaasaqarnikkut qaffariaat annikissimavoq. Assersuutigalugu ineriartornermit peqqissutsimut sulianut immikkoortumi akinut akissarsianullu ineriartornerat kiisalu peqqinnissaqarfimmi nalinginnaasumik aningaasartuutit qaffakkiartornerat akuersaarneqarsimangillat.

- d) DIN upalungaarsimanissamik (SAR-imik) sungiusarnermi peqataava, taamaasimappallu tamanna kontomi pingaarnermi matumani allassimsariaqanngila?

Akissut: DIN aamma DIP Nunarput tamakkerlugu Nuummullu ajunaarnersuaqarsinnaaneranut upalungaarsimanermit ilaapput. Peqqinnissaqarfik ajunaarnersuaqarsinnaaneranut upalungaarsimanermit tassunga oqartussaasut allat suleqatigiinnerannut ilaavoq. Suleqatigiinnerup taassuma ajunaarnersuaqavissomerani sapinngisamik pitsaanerpaamik ingerlanissaa qularnaarniarlugu, pissutsini assigiinngitsuni sungiusarnermi suleqatigiinnerup misilinneqarnissaa pisariaqarpoq.

Peqqinnissaqarfiup 2013-miilli sungiusarnerit-Sarex-imik taaneqartartut, danskit illersornissaqarfiannit aqqissuunneqartut, peqataaffigisarsimavai. Piffissami 2013-mit 2015-imut "pappiaqqat atorlugit sungiusarnermik" taaneqartartut atorlugit peqqinnissaqarfik peqataasarpoo, peqqinnissaqarfiup nalinginnaasumik suliaqarnini attatiinnarsinnaasarpaa, aqutsisoqarnikkulli qaffasissuseqartumik ataveqatigiinnikkut napparsimasunullu tunngatillugu ingerlasussanik piareersaaneq aqutsinerlu sungiusarneqartarlutik.

2016-imi annertoorujussuarmik sungiusarneq (full-scale-øvelse) (Livex 2016) ingerlanneqarpoq, tassani DIN aamma DIP tamakkiisumik sungiusarnermi inuttaasut napparsimavimmut pisinneqartamerannut peqataapput, misissorneqartarput, katsorsarneqarlutik paaqqineqarlutillu. Sungiusarneq ulloq unnuarlu ataaseq ingerlavoq, tassani DIN-imi DIP-milu suliaqarnerit pilersaarusiungaangillat. Sungiusarnermi tassani, peqqinnissaqarfiup peqataaffigisaani taama ittuni siulliusup, aningaasartuutit naatsorsomeqanngillat.

Sungiusarnerit Livex 2016-ip assingatut annertussuseqartut aammattaaq siunissami peqqinnissaqarfimmit peqataaffigineqarlutik qaffasissutit assigiinngitsut ingerlanneqartassapput, tamanna peqqinnissaqarfimmi sulisut nalinginnaasumik ilinniakkatut naammassisartagaannut ilaavoq piginnaasaqartut qaffasissulimmik suliassatik isumagisinnaajumallugit. Tassalu aningaasartuutit peqqinnissaqarfiup ingerlanneqarneranut attuumassuteqartunut tunngaviusumik aningaasartuutinit

ilaapput. Sungiusarnerit taamaattut Nuup avataani sumiiffinni illoqarfinni ingerlasarput, tassani qatserisartoqarfiit, politiit peqqinnissaqarfiullu akornanni suleqatiginneq sungiusarneqartarpoq allanngutsaaliorneqartarlunilu.

8.5 Konto pingaarneq 34.11.08 Atornerluisunik katsorsaanermt pilersaarut ilinniartut inaannik sanaartorneq

- a) Konto pingaarnermt matumunnga aningaasaliissutit malunnaatilimmik amerleriarnarat Naalakkersuisut nassuiarpaat. Ukiunili missingersuusiortifinni nikingassutinut suna tunngaviunersoq paasisutissiisutigineqassasoq ataatsimiititaliamit kissaatigineqarpoq.

Akissut: ”Siunissami atornerluisunik katsorsaasarnissamik Nuna tamakkerlugu pilersaarusiortoqarnissaanik siunnersuummi” missingersuut saqqummiunneqartoq peqqissaartumik missingersuummik saqqummiunneqartumi malinnaaffigineqarpoq. Ilinniartitaanermt suliniutit aamma pilersaarutip ukiup aappaani tallimaannilu (2017 aamma 2020) sakkortuumik aallareriarnernik kiisalu kommunini sumiiffinni atornerluisunik katsorsaavinnik pilersitsinermik, taakkunannga 2016-imi ataatsip, 2017-imi marluk aamma 2018-imi ataatsip pilersinneqarneri missingersuutit allanngorarnernut annerusumik pequtaapput. Tamanna pillugu 2016-imi atornerluisunut katsorsaavinnut 1.730 tkr.-nit immikkoortinneqarput 2020-imi 11.300 tkr.-nut qaffakkiartorlutik. Tamatuma saniatigut pilersaarutip ukiuani siullermi pilersaarummi annerpaamik aningaasartut pilersaarusiorneqartoq atornerluinermt tunngatillugu immikkut paasisitsiniaanermt aningaasat immikkoortinneqarput. Ataqtigiissumik aaqquissuussamik katsorsaanerup aallartisarnerni nikeriarsinnaajunnaartoqarnissaa pinngitsoortinniarlugu namminersorlutik sullissinissamik neqerooruteqartartunit soorlu Katsorsaavik Nuuk, Katsorsaavik Qeqqata aamma Tarraq atornerluisunik katsorsaanermt pisinissamut periarfissanik allanngortitsinngingajattumik aallartisarnermut aningaasanik immikkoortitsisoqarpoq.

- b) Atornerluisunik katsorsaanermt pilersaarutip piviusunngortinneqarneranut atasumik aningaasat konto pingaarnerup 64.13.23-ip, Majoriamut tunngasup, ataani Majoriaq-centerini imaluunniit suliffissarsiuussisarfinni sulisut atornerluisunik katsorsaasarnermi qitiullutik inissisimanissaminnut piukkunnarsarneqarnerannut atatillugu atorneqartut itisiliivigineqarnissaat ataatsimiititaliamit kissaatigineqarpoq.

Akissut: Pingaarnertut katsorsaasut ilinniartinneqarnerannut, Majoriami-sullissivinni imaluunniit suliffissarsiuussisarfinni atorfinittussanut, aningaasat atorneqassapput. Naalakkersuisoqarfiit attuumassuteqartut akornanni oqaloqatigiittoqarnikuuvoq, kingornatigut Naalakkersuisunut inassutigineqarpoq, Inuussutissarsiornermt, Suliffeqarnermt Niuernermt Nunanullu allanut Naalakkersuisup aningaasaliissutit tamaasa tigummissagai sulisut piginnaaneqarnerisa ineriartortinnissaannut aamma pingaarnertut katsorsaasut pikkorissarnernut ataasiakkaat peqataanernut Allorfik akilerlugu.

8.6 Konto pingaarneq 34.12.01 Nunap immikkoortuini peqqinnissaqarfiit, nakorsanit sullinneqarneq

- a) Napparsimasunik qarasaasiakkut nalunaarsuisarnerup qaqugu inaarlugu inerisarneqarsimanissaa naatsorsuutigineqarpa?

Akissut: Pilersaarut malillugu juni 2017-imi napparsimasunik qarasaasiakkut nalunaarsuiffik naammassillugu atuutilersinneqassaaq. Kisiannili erseqqissarneqassaaq, napparsimasunik qarasaasiakkut nalunaarsuiffik – IT-imik ataqatigiissumik aqqissuussat allat pissusseqatai – allanngortitassaannngitsumik ineriartortinneri naammassineqanngisaannarput, pissutigalugu ineriartorneq pitsaanerulersitsinerlu ingerlajuaannartumik pisarmat. Napparsimasunut nalunaarsuiffik naammassillugu atuutilersinneqarnerata aallartinneqarneratalu kingorna, nutaanik aqqiinertigut nutaanillu ilanngussinertigut pitsanngorsaanerit ingerlaavartumik pissapput.

8.7 Konto pingaarneq 34.12.03 Ataatsimut aningaasartuutit, napparsimasunik angallassinertit

- a) Politiit sakkutuulluunniit suleqatiginerisigut napparsimasunik angallassigasuarnernut aningaasartuutit ikilisinneqarsinnaanerannut periarfissat Naalackersuisunit misissorneqarsimappat?

Akissut: Peqqinnissaqarfimmik aqutsisut napparsimasunik angallassinermut aningaasartuutit appartinnaannut periarfissat ukkattuarpaat.

Peqqinnissaqarfiup napparsimasunik angallassinerni Air Greenland pingaarnertut suleqatigaa. Napparsimasunik angallassinermut napparsimasunillu angallassinermut King Airip atorneqarneranut isumaqatigiissut atorneqarneratalu pitsaanerulernissaa pillugu Air Greenland ingerlaavartumik oqaloqatigineqarpoq.

Aammattaaq SAR-inut suliassanut tunngatillugu Issittumi Sakkutooqarfik politillu suleqatigineqarput, matumani ilanngullugu qulimiguulimmik S-61-imik atuineq. Issittumi Sakkutooqarfimmit oqaatigineqarpoq, napparsimasunik angallassinermut atatillugu pitsaaquteqassappat, peqqinnissaqarfik qulimiguuliutiminnik atuinissamat periarfissaqartoq. Taamaattorli oqaatigineqassaaq, Air Greenlandimit S-61-imik atuinermi nalunaaquttap akunneranut akia assigimmagu qaffasinnerullunuunniit.

2015-ip aallartinnerani Peqqinnissaqarfimmik aqutsisut Ålborgimi sakkutuut timmisartortartut sakkutooqarfiat pulaarpat Danmarkimut napparsimasunik angallassinermut atatillugu suleqatigiissinnaaneq siunertaralugu. Paasineqarsinnaavoq, sakkutuut timmisartoqarfiat maannakkut peqqinnissaqarfiup isumaqatigiissutaanut unammillersinnaassuseqartumut akitigut sullissinikkulluunniit neqerooruteqarsinnaanngitsoq.

Piffissami matumani paasinarsassallugu amigaataavoq, ukioq tamaat najugaqarfusut avataaniittunit napparsimasunik angallassinermut aningaasartuutit kiap akilissanerai. Aningaasartuutit taakkua politiit peqqinnissaqarfiulluunniit akilissanerai ersarluppoq. Maannakkut piffissami peqqinnissaqarfiup aningaasartuutit tamaasa akilertarpei. Suliaq naalackersuisoqarfittut qaffasissuseqartumik suliarineqarpoq.

- b) Inuiaqatigiit katitigaaneranni allanngoriartortoqarnissaanik aammalu utoqqaat amerliartornissaannik naatsorsuutiginninneq pissutigalugu

angalanerunissamik naatsorsuutiginninneq itisiliiffigineqassasoq
ataatsimiititaliamit kissaatigineqarpoq.

Akissut: Nunaqarfiit illoqarfiillu akornanni aamma Kalaallit Nunaanni iluani illoqarfiit akornanni kiisalu nunanut allanut angalanernut atatillugu aningaasartuutit millisinneqarnissaat angusassatut toraagaralugu telemedicinimik atuinertuutit peqqinnissaqarfik sulivoq.

Inuiaqatigiit agguataarnerisa ineriartorneranit saqqummertut tunngavigalugit annertusiartorneq taanna qanoq annertutigisumik telemedicinip nammassinnaassaneraa, piffissami matumani aalajangersarneqarsinnaanngilaq. Taamaattorli oqaatigineqassaaq, peqqinnissaqarfimmi angalanermut aningaasartuutit ukkassineq sakkortuneruleriartormat, isumalluutit amerlasuut sapinngisamik katsorsaaneqarnissaat aamma kalaallit nunaanni nunap immikkut ittuuneranut aamma ingerlasussanik piareersaaneqarnissaat aqutsinermullu unammillernartunut aningaasartuutit sangutinneqannginnissaata qularnaaneqarnissaat siunertaralugu.

8.8 Konto pingaarneq 34.12.05 Nuna tamakkerlugu nakorsaaserisoqarfik

Nakorsaatinik atuinermut tunngatillugu aningaasarsiat apeqqutaatillugit atuisunut akiliuteqartitsisalernissamut periarfissat Naalackersuisunit misissorneqarsimappat?

Akissut: Nakorsaatinik atuinermut tunngatillugu aningaasarsiat apeqqutaatillugit atuisunut akiliuteqartitsisalernissamut periarfissat Naalackersuisunit misissorneqanngillat. Naalackersuisut ullumikkut aqqissuussineq makkuninnga pitsaaquteqartoq takusinnaavaat, suliffeqarfiup siunnersuisarfiusup siusinnerusukkut misissuinermit ”Nakorsaatinut tunngasunik misissuineq” juni 2012-meersup COWI-p suliarisimasaani, tassani pitsaaqutaasut arlallit aamma takuneqarsinnaapput:

1. Maannakkut aqqissuussinerup nakorsaati tamaasa amerlasuunngornerisa akii atorlugit Amgros (danskitt nunap immikkoortuini nakorsaaserinermit kattuffiat) aqqutigalugu pisarineqarsinnaatippai. Tamanna pillugu nakorsaatinut akikillilerut anguneqarpoq, aqqissuussinermit allami amerlasuunngorlugit tunisisartumi (grossist) akisuninngorlugit pisarineqartartussaagaluarput.

2. Maannakkut aqqissuussineq sulisunut ataqatigiisumillu aqqissuussinermit tunngatillugu allaffissornikkut minnerpaamik pisariaqartitsivoq. Atuisup akiliinissaa akissarsiat apeqqutaatillugit suliarineqassappat, IT-mut ataqatigiisumik aqqissuussinerup, nakorsaatinik tunniussinermit aqutsisup ingerlaavartumik naleqqussarneqarnissaannik pisariaqartitsissaaq. Taamaalilluni akissarsiat/akileraarutinullu ataqatigiisumik aqqissuussineq ilanngutsitaasariaqassaaq, tamannalu nakorsaataarniarfinni sulisunik amerlanerusunik pisariaqartitsivoq.

3. Maannakkut aqqissuussineq inooqatigiinnut kipungasumik eqquinngilaq. Naalackersuisut nalilerpaat, atuisup akiliinissaanik tunngaveqartumik aqqissuussinermit naleqqiullugu, maannakkut aqqissuussineq aningaasartuutit sunniuteqarluarnerusoq, allaffissornikinnerulluni inooqatigiinnullu pitsaanerulluni.

8.9 Konto pingaarneq 34.14.01 Nunatsinni nakorsaaneqarfik

a) Naammagittaalliutit N 2015-imit AI 2016-imit taama annertutigisumik nikeriarnerannut suna tunngaviua?

Akissut: N 2015-imiit AN 2016-imut suliat naammagittaalliuutigineqartut malunnaatilimmik nikeriarnerannut Nunatta Nakorsaaneqarfiani atorfilittat 2015-imi tamakkiisumik inuttaqarsimannginnerat tunngaviuvoq.

- b) Allaffissornikkut suliassat tarnikkut nappaatinut inatsimmut attuumassuteqartut suunersut itisilerneqassasoq ataatsimiititaliamit kissaatigineqarpoq.

Akissut: Tarnikkut Nappaatillit Maalaarutaannik Aalajangiisartunut allattoqarfittut suliassat isumaginerisa saniatigut, Nunatsinni Nakorsaaneqarfiup aammattaq pinngitsaaliinernik nalunaarsuisussaataitanermit nalunaarutit tigusarpai tassungalu nakkutiginnittuulluni.

9. Suliassaqarfik 40 Ilinniartitaanermit, Kultureqarnermut Ilisimatusarnermut Ilageeqarnermullu Naalakkersuisoq

9.1 Konto pingaarneq 40.01.01 Ilinniartitaanermit, Kultureqarnermut, Ilisimatusarnermut Ilageeqarnermullu Naalakkersuisoqarfik

- a) Pisortat soq taama amerlatiginersut paasissutissiissutigineqassasoq ataatsimiititaliamit kissaatigineqarpoq.

Akissut: Pissutsinut pissutaavoq, Naalakkersuisoqarfiup suliassaqarfiata iluani arlalinnik immikkoortunik atorfeqarmat, isumaqatigiisummi pisortatut atorfittut immikkoortinneqartut (pingaartumik ilinniartitsinermi pisortat) Taamaattorli taakkua sulisunik aqutsineq isumaginngilaat. Naalakkersuisoqarfimmut, Ilinniartut Ineqarfiisa Allaffiat Nuummiittoq ilanngullugu (KAF, konto pingaarneq 40.02.01) aaqqissuussaanikkut naalakkersuisoqarfimmut atasut, pisortaaqatigiinnut tunngatillugu ukuupput, persortat sulisunut akisussaassut naalakkersuisoqarfimmi pisortaq immikkoortortamilu pisortat pingasut. Atorfiit allat pisortatut inissisimasut pisinnaasatigut periarfissatigut atorunnaarsikkiartorneqassapput, atorfillit atorfimminnit soraaraangata soraassappataluunniit.

9.2 Konto pingaarneq 40.01.08 Ilinniartitaanermit tunngasuni immikkoortumut pilersaarut

Aningaasaliissutit ikilinerannut pissutaasutut missingersuutinut ilanngussami taaneqartut saniatigut suut tunngaviunersut paasissutissiissutigineqassasoq ataatsimiititaliamit kissaatigineqarpoq, missingersuutinummi ilanngussami pissutaasutut taaneqartut aningaasaliissutit tamakkiisumik ikilissutaannut matussusiisorinannimmata.

Akissut: Pissutaasut aalajangersimasut oqaatigineqarsinnaanngillat. Ilinniartitaanermit suliassaqarfimmut tunngasuni aningaasanut inatsisissap suliarineqarnerani sammisami suliniutit atorunnaarsinnerinut, nutaanik suliniutinut aamma sipaarniutigeqqusaasunut tunngatillugu ataatsimut killiliussap tulleriaaneri allanngortinneqarput. Konto pingaarneq manna suliniutinut nutaanut aningaasalersuinermit aningaasanut inatsisissap suliarineqarnerani atorneqangaatsiarpoq, kisianni suleriaatsimi "nunat marluk akornanni nunap aningaasaasa isumannaarnerinut konto", katersuiffittut imaluunniit ilanngaattissat ilanngaatigereerlugit nikingasutit aningaasalersornerinut aamma kontuni pingaarni ataasiakkaani aningaasartuutit qaffannerinut aningaasartuutillu millinerinut.

Qulaani pineqartut pissutigalugit, taamaattumik aningaasaliissutip allannguutaa aningaasartuutitut qaffariaatinut eqqorluartunut arlalinnut naleqqiunneqarsinnaanngilaq.

9.3 Konto pingaarneq 40.02.01 Ilinniartut Ineqarfiisa Allaffeqarfiat

Nuummi Nuussuarmilu ilinniartunut ineqarfiit pillugit qup. 381-imi suliasami kisitsisinut nassuiaatit itisilernerqarnissaat ataatsimiititaliamit kissaatigineqarpoq. Akissut: ukiuni siusinnerusuni attartortitatigut piginnaasat tamakkerlugit sulianut takussutisiamut ilanngupput, matumani ilanngullugit sivisuumik attartornerit aamma INI-imi immikkut ittumik attartornerit. Taakkua ukiuni siusinnerusuni konto pingaarneq 40.01.08-kkut Ilinniarnermi KAF-imut Immikkoortumut programmi, soorluttaaq Kalaallit Nunaanni ilinniartut ineqarfiini ingerlatsinerit allat pingaarutilimmik annertussuseqartumik aningaasalersorneqartut.

Suliasami kisitsisit maanna aqqinneqarput, tamatuma takutippaa Nuummi ilinniartut ineqarfiinik ingerlatsineq, pisortat ilinniartunut ineqarfiutaattut iluseqartillugu, konto pingaarnermillu matumanga aningasalersorneqavissoq. Taamaalilluni suliasami kisitsisit maanna aningaasalersuisumut nikinganeqanngillat.

9.4 Kontu pingaarneq 40.02.03 Aningaaserivinnit taarsigassarsiaritit

Piffissap ingerlanerani aningaasaliissutaasartut suliasamilu kisitsisit ineriartorsimanerisa ataqatigiinnerat itisiliiffigineqassasoq ataatsimiititaliamit kissaatigineqarpoq.

Akissut: Konto pingaarneq manna assut malussarippoq ingammik taarsersugassanut taarsinngitsuukkanut aamma Namminersorlutik Oqartussat tapiissutaannut taarsigassarsiat akilersornerinut, taamaattumillu oqaluttuarisaanikkut ukiumiit ukiumut siumut oqaatiginissaa nalunartorujussuuvoq. Taamaattumik suliasanut kisitsisit matussuserpaat tunniuttakkat assigiissaakkat ineriartornerat naatsorsuutigineqartoq konto pingaarnermit aningaasalersorneqarput, kisianni suliasanut kisitsisit taakkua aamma kontumi atuineq akornanni ineriartorneq toqqaannartumik attuumassuteqartittariaqanngilaq.

9.5 Hovedkonto 40.02.05 Ilinniarnermut atatillugu taarsigassarsianut akilersuutit

UPA 2016/114-ip (Ilinniagaqarnersiutit pillugit Inatsisartut inatsisaata allanngortinneqarneranik Inatsisartut inatsisissaattut nr. xx af xx xx 2016-imeersussatut siunnersuut) akuerineqarnera kontomi pingaarnermi matumani aningaasaliissutinut qanoq sunniuteqarpa?

Akissut: Inatsisip 2017-imi aningaasaliissutit sunniiviginngilai, inatsimmi ikaarsaariarnermi aalajangersakkat ikimmata, inatsit nutaaq tunuliaqutaralugu akilersuineq aallartissaaq.

9.6 Konto pingaarneq 40.02.06 Ilinniarnermut tapiissutit meeqqanullu tapit aamma Konto pingaarneq 42.02.07 Immikkut ikiorsiissutit, angalanermut aningaasartuutit il. il. suliffeqarfiit

- a) Suliassami kisitsisinut nassuiaatit ataatsimiititaliamit ima paasineqarput; kontoni pingaarnerni taakkunani suliassami kisitsisit assigiinnngissutaat ilinniartunut danskit ilinniarnersiutaannik ilinniagaqarnersiutisisartunut taamaallaat tunngasuusut? Naalakkersuisut oqaaseqaateqarnissaat qinnutigineqarpoq.

Akissut: Ataatsimiititaliap paasinninnera eqqortuuvoq.

- b) Ilinniarfimmut ataatsimut tapiissutit ataanni Saviminilerinermik Ilinniarfimmut 2017-ip 2018-illu akornanni tapiissutit ikileriarnerat sumik pissuteqarpa?

Akissut: 2015-imit naatsorsuutini kisitsisit paasineqartut kiisalu ilinniartunut inissanut pissutsit nalilerneqarnerat pissutigalugit tapiissutissatut naatsorsuutigineqartoq appariarpoq.

9.7 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

- a) "Efterskoli pillugu malitassaq" naapertorlugu atuarfinnik sisamanik pilersitsinissaq aningaasanut inatsisissatut siunnersuummut nassuiaatini qupp. 107-mi taaneqarpoq. Taakku sumi inissisimasussatut Naalakkersuisunit eqqarsaatigineqarpat?

Akissut: Maannakkut kommunini tallimaasuni tamani illoqarfimmi ataatsimi ilinniarnertuunngorniarfeqartuni imaluunniit qitiusumik ilinniarnertuunngorniarfeqartuni efterskolimik inissiinissaq kissaatigineqarpoq, efterskolip ingerlallaqqiffiusumillu ataqatigiissumik aqqissuussamik ilinniarnertuunngorniarfeqartuni akornanni 11. Klassip ingerlareerneraniilli, ilanngutsitsinissaq qularnaarniarlugu.

- b) Efterskolini marlunni atuartut inooqataanikkut atuagarsornikkullu unammilligassaat pillugit Naalakkersuisut qanoq misilittagaqarpat?

Akissut: Misilittakkat takutippaat, kalaallit efterskoliini atuartut ilai meeqqat atuarfianniit piginnaasakiffiusunik naammassisanik nassataqartartut. Kalaallit efterskoliini atuartut amerlanersaat ilaqutariinnit isertitakitsuneersuupput peqatigitillugulu atuartut ilai inuttut misigisanik oqimaatsunik nassataqarput, ilinniagassaminnut inuttullu ineriartornerminnut aamma akornuteqarani periarfissanut akornutaasinnaasunik. Tamatuma saniatigut efterskolini atuartorpassuit takornartat oqaasiinut oqaatsitigut pisinnaasakipput.

Naalakkersuisut naliliipput, atuartut oqimaatsunik misigisaqarsimasut pisussaaffiusumik allaanerusumillu ataatsimoornermik angerlarsimaffimmi sungiusimasaannit allaanerusumik efterskolinik aqqissuusseqqinnerup tapersersueqataaffigisinnaagai, kiisalu perorsaanermik ikorfartuutaasumik, tassani atuartut ilinniagassatigut inissisimaffiat aallaaviusaaq. Kisianni aamma Naalakkersuisut naliliipput, Kalaallit Nunaanni efterskolit suliniarnertik meeqqat atuarfiannut allanillu ilinniartitsineranut ataqatigiissumik aqqissuussanut pitsaanerujussuarmik ataqatigiissaarisinnaanerant pisariaqartoq. Tassanga pissuteqartumik Naalakkersuisut isumaliutigaat, efterskolit pillugit inatsisip allannguutissattut siunnersuummik saqqummiussiniarlutik, Kalaallit Nunaanni efterskolinik pisortat pilersitsisinnaanerannut ingerlatsisinnaanerannullu periarfissiusumik.

- c) Maniitsumi efterskolimi meeqqanut immikkut pisariaqartitsisunut ilinniartitsinermut tapiissutit 2017-imi 0 kr.-inngorlugit ikilineqarsimapput. Tamatumani atuartut atuarniarnermikkut allanniarnermikkullu ajornartorsiutillit pineqartut ataatsimiititaliap naatsorsuutigaa. Tamatuma kingorna ilinniartitsineq taanna qanoq aningaasalersorneqassava?

Akissut: Naalakkersuisut paasisimavaat, suliniut taanna sullinniakkanut killilinnut tunngatillugu pisimansoq taamaallaat killeqartumik uppersarneqarsinnaasoq. Efterskolit marluusut atuartoqangaatsiarput atuarniarnermikkut allanniarnermikkullu ajornartorsiutilinnik, taamaammat aningaasaliissutit allanngortinneqanngillat, kisianni atuarniarnermikkut allanniarnermikkullu ajornartorsiutillit gruppianut killilimmut suliniarnermut maanna immikkut "atormissaannut aalajangikkanik" soqanngilaq, taarsiulluguli tunngaviummik aningaasaliissutinut ilaapput.

- d) Villads Villadsenip Efterskoliani aammalu Maniitsumi Efterskolimi atuartut qassit 2016-imi aallartissimanersut aammalu qassit 2017-imi aallartittussatut naatsorsuutigineqarnersut paasissutissiissutigineqassasoq ataatsimiititaliamit kissaatigineqarpoq.

Akissut: Ukiut tamaasa Efterskolimi Villads Villadsenimi atuartut 80 missingi aamma Maniitsumi efterskolimi atuartut 70 missingi aallartittarput. Ukioq manna EVV-imi atuartut 80-it aamma Maniitsumi Efterskolimi 70-sit aallartipput. Ukiuumut tullermut amerlassutit aamma taakkua tiguneqarnissaat naatsorsuutigineqarput. Aamma takusinnaavat efterskolit pillugit § 37 naapertorlugu apeqqut nr. 187, 11-08-2015-meersumut akissuteqaat. http://inatsisartut.gl/documents/para3637/2015/svar/187_solcelleanlaeg_najn_aki_ssut.pdf

- e) 2015-imi aammalu 2016-imi atuartut efterskolimi aallartittut/taamaatiinnartut procentinngorlugu qanoq amerlatiginersut paasissutissiissutigineqassasoq ataatsimiititaliamit kissaatigineqarpoq.

Akissut: Ukiunut atuarfiusunut 14/15-mut aamma 15/16-mut kisitsisit ilanngunneqarput. Pissusissamisoortumik peqquteqarluta 2016-inernisanut taamaatittut procentiutiginnilavut imaluunniit naammassisut procentiutiginnilavut. Iluamik pinissaq pillugu oqaatigineqassaaq, efterskolit ukioq atuarfiusoq tamakkerlugu atuartussanik tiguisinnaapput, taamatullu atuartut tigusaasimagaluartut atuarnerup aallartinnerani takkunneq ajorput.

	14/15	15/16
Villads Villadsen		
Taamaatitsiinnarpoq	22	32
Naammassinnittut	66	54
Ukioq tamaat aallartittarpoq.	88	86
Ukiup atuarfiusup aallartinnerani aallartittarpoq.	79	81
Taamaatittut procentii	25%	37%
Naammassinnittartut	75%	63%

procentinngorlugit:

Maniitsoq

Taamaatitsiinnarpoq	29	24
Naammassinnittut	50	50
Ukioq tamaat aallartittarpoq.	79	74
Ukiup atuarfiusup aallartinnerani aallartittarpoq.	68	71
Taamaatittut procentiat	37%	32%
Naammassinnittartut procentinngorlugit:	63%	68%

- f) Atuarfinni maluusuni ilinniartitsisussaqarniarneq sulisussaqarniarnerlu qanoq innersoq aammalu ilinniartitsisut sulisullu taarseraannerat pillugu pissutsit qanoq innersut paasissutissiissutigineqassasoq ataatsimiititaliamit kissaatigineqarpoq.

Akissut: Efterskolip Villads Villadsenip atuarfiup pisortaanut tullersortaaup oqaatigaa, ukioq manna ilinniartitsisut atorfinnut atorfiit akuerisat 10,5-usut (ukioq kingulleq qulingiluallutik) maannakkut atorfinnut 7,5 matusissutaavoq. Piffissami matumani ilinniartitsisut pingasut amigaataapput. Taassuma saniatigut suli arfineq marlunnik sulisoqarpoq matumani ilanngullugit allaffik, igaffik eqqiaanermilu sulisut. Taakkaa tamakkeqqapput. Aammattaaq efterskoli nutaamik pisortassarsiorpoq aamma atuarfiup pisortaata tullersortissaanik pissarsiorpoq. Aammattaaq EVV-imi atuarfiup pisortaanut tullersortaaup oqaatigaa, efterskolip pilersinneqarneraniilli sulisut taarseraatingaatsiarsimasut.

Maniitsumi efterskolimi atuarfiup pisortaanut tullersortaagallartup oqaatigaa, ilinniartitsisutut atorfinnut akuerisaasunut arfineq pingasunik peqarlutik, taakkunannga arfinillit inuttaqarput. Qaammat tulleq pisortaq nutaaq atuarfiullu pisortaanut tullersorti atorfinitsinneqarpata, ilinniartitsisut atorfillit tamakkersimalissapput. Tamatuma saniatigut suli sulisut qulingiluat atorfeqarput matumani ilanngullugit ilaatigut allaffik, igaffik eqqiaanermilu sulisut. Maniitsumi efterskolimi atuarfiup pisortaanut tullersortaagallartup taamatut oqaatigaa, pilersinneqarneraniilli sulisut taarseraatingaatsiarsimasut.

- g) Atuarfinni ataasiakkaani siulersuisunut ilaasortat qanoq toqqagaasarnersut, tassungalu ilanngullugu ilaasortat najukkanit qitiusumilluunniit toqqarneqartarnersoq paasissutissiissutigineqassasoq ataatsimiititaliamit kissaatigineqarpoq.

Akissut: Siulersuisunut ilaasortat efterskolit peqatigiiffiisa ukiumoortumit ataatsimeersuarnerini qinigaapput. Tamannalu imatut paasisariaqanngilaq, siulersuisunut ilaasortat illoqarfimmeersut kisimik siulersuisunut qinigaasartut.

- h) Siulersuisunut ilaasortassat tamakkerlugit ilaasortarineqarnersut paasissutissiissutigineqassasoq ataatsimiititaliamit kissaatigineqarpoq.

Akissut: Efterskoli Villads Villadsen aamma Maniitsumi efterskoli nalunaarput, siulersuisut tamakkersimasut.

- i) Angajoqqaat akiliutissaminnik akiliinngitsoortarnerat efterskolit aningaasaqarnerannut toqqaannartumik eqquisarneraq paasissutissiissutigineqassasoq ataatsimiititaliamit kissaatigineqarpoq Angajoqqaat akiliinngitsoortarnerat atuarfiit atuartunut neqe-roorutaannut sunniteqartarneraq paasissutissiissutigineqassasoq ataatsimiititaliamit kissaatigineqarpoq. Efterskolini tamani ukiuni marlunni kingullerni angajoqqaat aki-liinngitsoorutigisimasinnaasaasa annertussusiat paasissutissiissutigineqassasoq a-taatsimiititaliamit kissaatigineqarpoq.

Akissut: Efterskolinut namminersortunut angajoqqaat akiliutaasa akilinngitsuukkat kinguneraat, efterskolit atuarfiup ingerlannissaanut minnerusumik isertitaqarmata, taamaalillunilu atuarfiit atuartunut neqeroorutaat sunniivigalugu. Namminersorlutik suliffeqarfiit pineqarmata, pissutsini taakkunani Namminersorlutik Oqartussat atuuffeqanngillat.

Efterskolip Villads Villadsenip oqaatigaa, angajoqqaat akiliutaannut akiligassat akilinngisat 2009-mi pilersitsinermiilli ataatsimut katinneranni 405.744 kr.-inik amerlassuseqartut. Ukiumut atuarfiusumut 2015/2016-mut angajoqqaat akiliutaannut akiligassat akilinngisat 54.572 kr.-iniupput.

Maniitsumi efterskolip oqaatigaa, angajoqqaat akiliutaannit akiligassat akilinngitsuukkat makkuusut.:

Ukioq	akiligassat akilinngisat
2011.	55.147,00
2012	153.126,00
2013	54.857,00
2014	41.068,00
2015	66.367,00
2016 (ukiup affaa)	4.474,00

- j) Angajoqqaat akiliisinnerqartarunnaarnissaat nunatta karsianut qanoq akeqassava?

Akissut: Angajoqqaanut tamanut efterskolimiinneq akeerutissappat, Kalaallit Nunaanni efterskolimi atuartunut 1,3 mio. kr.-init missiliorlugit akeqassaaq. Taakkunannga 350.000 kr.-init missaanniittut ilaqutariinnut inoqutigiinnut ukiumut 500.000 sinnerlugit isertitalinnut tapiissutinut qaffaanerussapput.

DK-imi efterskolimi atuartut ukiumut 8 mio. kr.-init missaanni akeqarput. Taakkunannga 4,5 mio. kr.-init missaanniittut ilaqutariinnut inoqutigiinnut ukiumut 500.000 sinnerlugit isertitalinnut tapiissutinut qaffaanerussapput.

Oqaatigineqassaaq, DK-imi efterskolernermut angajoqqaat akiliutaat qaffasinnerujussuummat. Naalakkersuisut AIS2017-ip aappassaaneernissaanut pilersaarput. angajoqqaat akiliutaannut oqaasertaliussani allannguutissamik saqqummiussiniarlutik, ilaqutariit isertitakitsut meeqqamik DK-imi efterskoleriartinnissaanut qinnuteqarnissaat pilernarnerusunngortinniarlugu,

tamanna meeqqanut ataasiakkaanut ilinniagassatigut inuttullu eqqortumik neqeroorutitut nalilerneqarpat.

- k) Kontomi matumani aningaasaliissutit ½ mio. kr.-inik amerlineqarsimasut aammalu taakku tassaasut Villads Villadsenip Efterskolianut tunngaviusumik tapiissutitut ilassutit ataatsimiititaliamit paasineqarpoq. Tamanna ataatsimiititaliamit ima paasineqassava efterskolit marluusut ingerlaannarnissaannut aningaasaliussat maanna naammalersut?

Akissut: Aap. Naalakkersuisut naliliipput, Kalaallit Nunaanni pingaarnersutit efterskolit kissaatigineqartut ingerlatsisinnajumalluni tapiissutinik tigusaqartartut, kisiannili suliffeqarfittut namminersortut inissisimanertik pissutigalugu, naatsorsuutitut, isumaqatigiissutitut, atorfinitsitsinernut assigisaannullu tunngatillugu sunniutikitsut. Taamaattumik Kalaallit Nunaanni efterskolini atuartunut tunngatillugu, Namminersorlutik Oqartussanit ingerlanneqarunik, pitsaanerusumik ingerlatsinneqarsinnaanerit naatsorsuutigineqarsinnaavoq. Naalakkersuisut naliliipput aningaasaliissutitut allannguutissatut siunnersuutikkut, atuarfiit marluusut eqaannerusumik ingerlanneqarunik maanna naammattunik aningaasaqartut.

9.8 Konto pingaarneq 40.10.10 Namminersorlutik Oqartussat atuarfiutaat

- a) Nuummi paarnaarussiviup nutaap atulernerani konto pingaarnermut matumunnga qanoq sunniuteqassava?

Akissut: Piffissami matumani Nuummi paarnaarussiviup nutaap atulernerani ilimagineqarpoq, konto pingaarnermi matumani ukiunut missingersuusiorfiusunut sunniuteqarnaviangitsoq.

- b) Atuartut Nuummum nuukkusunngitsut qanoq pineqassappat? Nuummum nuunnigitsut qanoq periarfissaqassappat?

Akissut: Aningaasaliinermi sammeneqarput ilaatigut Herstedvesterimi paarnaarussat atuartinneqarneri. Paarnaarussivik nutaq ammariarpat taakkunanga amerlanerit Nuummum nuunnissaat naatsorsuutigineqarpoq. Atuartitsineq Herstedvesterimi il. il. paarnaarussanut sinneruttunut ingerlaqqissaq.

9.9 Konto pingaarneq 40.10.12 Efterskolit

N 2015-ip AI 2016-illu akornanni qaffariarnermut sanilliullugu aningaasaliissutit suliasami kisitsisinut qanoq ataqatigiissuseqarpat?

Akissut: Paasineqarsinnaavoq, suliasanut kisitsit naliliinermut naleqqiullugu qaffasippallaarunartumik inissitaasoq. Taamaattumik Naalakkersuisut AIS2017-inip aappassaaneernerit suliasanut kisitsit allanngortinneqarnissaat pillugu siunnersuummik saqqummiussiniarput.

9.10 Konto pingaarneq 40.12.35 Avannaani ilinniarnertuunngorniarfik aamma 40.12.36 Oeqqani Ilinniarnertuunngorniarfik

- a) Nuummi atuarfiup Gymnasiumimik taanagu Gymnasial Skolemik taaneqarneranut suna tunuliaqutaava?

Akissut: Ilinniarniit tamarmik immikkut pisortatigoortumik ateraat.

- b) Qeqqani Ilinniarnertuunngorniarfimmu sanilliullugu Avannaani Ilinniarnertuunngor-niarfimmi ilinniartitsisut aningaasarsiaannut nalunaaquttat akunneri atorpeqartut katillugit 20.000-it missaannik ikinnerusut peqatigisaanillu akissarsianut aningaasartuutit 2 mio. kr.-it missaannik amerlanerusut ataatsimiititaliamit paasineqarpoq. Tamanna qanoq ataqatigiippa?

Akissut: Ilinniartitsisut akissarsiaannut tiimit ilinniartitsisut atorfillit tiiminut atugaannut taamaallaat attuumassuteqarput, kisianni akissarsianut aningaasartuutit ilinniartitsisut akissarsiaannut tiiminut aamma suliffeqarfimmi tiiminut atorpeqartunut tamanut attuumassuteqarput, matumani ilanngullugit ilaatigut ilinniartut najugaqarfianni sulisut. Avannaani Ilinniarnertuunngorniarfiup ilinniartunut ineqarfiutai katillutik Nuummi ilinniartut ineqarfiinit annertunerujussuupput, tamannalu Avannaani Ilinniarnertuunngorniarfimmi akissarsianut aningaasartuutit amerlanerunerannut annermik pissutaavoq.

- c) Atuarfimmu aningaasaliissutissat qanoq naatsorsorneqartarpat?

Akissut: Atuarfimmu aningaasaliissutissat siunnersuutigineqartoq ilaatigut oqaluttuarisaanermik tunngaveqarpoq, ukiumut sapaatip akunnikuutaartumik sammisaqartut allanngornerannut naleqqiussilluni pisariaqartillugu aaqqiivigineqartarpoq. Tassunga innersuunneqarpoq ilinniarnertuunngorniarfiit ilaatigut atuartunut ilinniartut ineqarfiinik amerlasuunik atuingaatsiarmata, tassunga aningaasartuutit annertunerulissappat, taamaattumik aningaasaliissutitut tulluarsarlugu ilanngunneqarnissaa qinnutigineqarpoq. Tassalu "najoqqutassiamik /naatsorsueriaatsimut ilusiliussamik", ilinniarnertuunngorniarfimmu ataasiakkaanut aningaasaliissuteqarnernut siunnersuummut aalajangersaasumik peqanngilaq.

- d) Avannaani Ilinniarnertuunngorniarfimmu ilanggaaseereerluni aningaasartuutit naat-sorsorneranni kukkusoqarsimava? Ilanggaaseereerluni aningaasartuutit 37.440-natik 37.340-ssanngillat?

Akissut: Kisitsisit naatsorsueriaatsimut tunngatillugu eqqunnginnerat eqqorpoq. Tamanna iluarsineqarumaarpoq AI2017 katiterneqaleriarpat.

- e) Naatsorsuusiormermik suliassat Aningaasaqarnermut Sulisoqarnermullu Aqutsisoqarfimmu nuunneqarnerat atuarfiit aningaasaqarnerannik aqunneqarnerannillu nakkutilliinermu siuarsaataasimasutut Naalakkersuisunit isigineqarpa?

Akissut: Naalakkersuisut naliliipput, naatsorsuuserinermi suliassat ataatsimut eqikkarnerannut isumalluutit nuunneqarnerat suliassanik naatsorsuutitigut suliassatigut aqutsinernut arlaqartunik atorfinni pikkorinnerulersitsisimavoq, kisianni, ukiunut kingullernut pingasunut sisamanut allaffissormikkut sipaarniutinut ataqatigiissillugu, ilinniarfeqarfinni ataasiakkaani soraarniuteqarnerit, nappasimanerit assigisaallu akornutaaneritut malussarinnarnerulersimavoq, suliassanik aaqqiissuteqarniarneq siammakkanut tunngatillugu suliassanik atuarfinni suliassanut avatangiisini uungaannaq isiginerummat.

- f) IT-mik suliaqartunik pisariaqartinneqartunik atuarfiit sulisussaqaqtinniarneqarnerat qanoq ippa?

Akissut: Tamanna aningaasaliissutit iluanni matuneqartarpoq, aamma tulleriaarineq ilinniarnertuunngorniarlu pillugu inatsimmi oqaasertani killiliussat malillugit rektorinit ataasiakkaanit suliarineqartarpoq.

9.11 Konto pingaarneq 40.40.01 Ilinniartitaanermut Aqutsisoqarfik

- a) "Aningaasartuutit allat" amerleriarnerat sumik tunngaveqarpa?

Akissut: Taanna sulisut atorfillit suliassallu avataanit pisiarinerisa akomanni atuinermut qanoq ittuunissaannut naatsorsuutigineqartunut missingiineruvoq. Assersuutigalugu atuartitsinerup ingerlanerata digitalisererneranut suliniuteqarnerulerneq. Atueriaaseq eqqorluartoq allaasinnaavoq, tassa aqutsisoqarfiup anguniagai qanoq sunniuteqarluarnerpaamik anguneqassanersut aqutsisoqarfimmi pisortat nalilersortuarmatigit.

Aqutsisoqarfiup AIS 17-imut paasissutissai tunniunneqarmata, inaarutaasumik ilusissaa inissinneqarmat, "akissarsiat" aamma "aningaasartuutit allat" akomanni agguataarinerup allanngartinnissaanut tunngavissaqassanersoq Naalakkersuisut misissomiarpaat.

- b) Ingerlatat oqaatsinik pikkorissarfiusumasumi ingerlanneqartartut sumi isumagineqar-tarpat?

Akissut: Taakkua siunnersuutigineqarput Tech College Greenlandimit isumagineqassasut.

- c) Ilinniusiorfiup ilinniusiaasa nunatsinni atuarfinni pisariaqartitsinermut naleqqussartuarneqarnissaat Naalakkersuisunit qanoq qulakkeerneqartarpa?

Akissut: Apeqqut 3.8-ip akissutaanut innersuussisoqarpoq. Oqaloqatigiinnermut ingerlaavartumut, ilinniartitaanermut aqutsisoqarfimmit kommuninillu pilersinneqartumut, atuartitsinermi atortut naleqqussameri ineriartortinneqarnerilu ilaapput.

9.12 Konto pingaarneq 40.90.13 Siunnersuineq kiisalu tarnikkut inooqatigiinnikkullu nuna tamakkerlugu ilinniartunik siunnersuisarfik

- a) Aningaasanik atuinerup sunniutai uuttortarneqarsimappat?

Akissut: Suliassanut kisitsisit naatsorsorneqarput. Taakkua amerlassutsimut tunngavissutigut peqqissaarussinermi kisitsisinut naammassineqartunut toqqaannartumik ataqatigiississallugit ajornakusoorpoq. Naliliineq suliniuteqarnerup atuunnerata pitsaassusaanik naliliinermik annerusumik tunngavigineqarpoq. Matumunnga aamma atavoq, ingerlanerit ataasiakkaat inuunerinut pitsaasumik sunniuteqarnerut nalilerneqarmat, naak ilinniarnepup naammassinissaanut iluatsitsinngikkaluartut. Tamanna meeraanermi itinerusumik ajoquserneqarsimanermik kingunerlutsitsineq tarnip pissusaanik ilisimasalimmit katsorsarneqartarpoq, tamanna ataasiakkaanut ilisimasaqartumut peqqissartinnermut katsorsartinnerlu akuttunngitsumik periarfissaanngikkaluarpog.

b) Aningaasaliissutinit pissarsiat iluaqutillu suut Naalackersuisunit takussutissinneqarsinnaappat?

Akissut: Apeqquut a-mut akissut takuuk

c) Aningaasaliissutit atuisunut qanoq iluaqutissarsiffiullutillu pitsaanngequteqarpat?

Akissut: Apeqquut a-mut akissut takujuk.

d) Ilinniartitaanermi siunnersuinerup ilitsersuinerullu nukittorsaavigineqarnissaannut Naalackersuisut qanoq pilersaaruteqarpat?

Akissut: Sullissiviup siunnersuinermut ilitsersuinerullu digitalimik atortut atorneqarnerunissaat nangillugu sulissutiginiarpaa, ukiut kingullit marluk takutimmassuk sulisussarsiorneq sulisunillu tigumminniinnarniarneq ajornarnerulersimammat, ingammik Nuup avataani.

Tassunga ilaapput ilinniagassamik toqqaanermut tamannalu pillugu ilitsersuinermut tunngatillugu ilinniarfeqarfinnut Majoriamilu sullissivinnut iluaqutaasussamik nittartakkamut ilusiliussamik nutaarluinnarmik ineriartortitsinermik suliaqarnermik ingerlatsisoqarmat.

9.13 Konto pingaarneq 40.91.07 Center for Arktisk Teknologi

Center for Arktisk Teknologip aammalu Pinngortitalerineramik Ilisimatusarfiup (tak. konto pingaarneq 40.92.19) akornanni suleqatigiinnermik pilersitsisinnaaneq Naalackersuisunit isumalliutigineqarsimava? Konto pingaarneq 40.92.19 takuuk.

Akissut: Pinngortitalerineramik ilisimatusarnermut ilinniartitsinerut qiterisaqarfik piffissami matumani annermik aningasanut inatsisip teknikikkut ilusilernerani illuutunik ingerlatsinermut qulakkeerinnittussaammat, naleqqutissaaq Artekimik, Ilisimatusarfimmik Pinngortitaleriffimillu suleqateqarpat. Ilinniarfeqarfiit taakkua ingerlaavartumik naliliinissaaq namminneq aalajangissavaat suleqatitut attaveqarfigisat malissanerlugit pisariaqarnersoq, tamanna ilisimatusarfiit pillugit inatsisikkut Ilisimatusarfiup nammineq nalilertussaammagu aamma Artek malitassatigut DTU-p ataani inissisimammat.

Konto pingaarneq 40.91.16, Kalaallit Nunaanni Niuernermik Ilinniarfik, Nuuk, nassuiaatit

Akissarsianut aningaasartuutit (19.296) aningaasartuutillu allat (14.368) suliassami kisitsisinut qup. 413-imiittunut qanoq ataqatigiippat?

Akissut: Akissarsiat aningaasartuutillu allat aamma suliassanut kisitsisit toqqaannartumik imminnut ataqatigiinnngillat.

9.15 Konto pingaarneq 40.91.20 Perorsaanermik Ilinniarfik

a) N 2015-imut sanilliullugu sap. ak. klassinut atorneqartunut aammalu agguaqatigiissillugu atuaqatigiit amerlassusiannut suliassanut kisitsisit appasinnerunerannut kiisalu ilinniartumut ataatsimut aningaasartuutit qaffakkiartuinnarnerannut suna tunngaviua? (tak. qup. 415)

Akissut: 2015-imi naatsorsuutitut naleqqiullugu AIS 2017-imi suliassanut kisitsisit appasinnerunerat pissuteqarpoq, 2015-imi SPS-mik NQP-imi holdit

marluk (najugaq qimannagu perorsaasunnigorniarneq) Ilulissani Sisimiunilu naammassimmata. Ukioq taanna holdi nutaaq aallartippoq, taannalu aamma kisitsisunut N 2015-imeersunut ilannguppoq. AI2017-imi ilinniartumut ataatsimut aningaasartuutit qaffariartornerat Sisimiuni ininut nutaanut attuumassuteqarpoq, taamatut Ilulissani SPS-ip allilerneqarnera, 2017-imi atulersussaq ilinniartup ataatsip aningaasartuutigineqarneranut qaffariarnermut ilapittuutaavoq.

b) AI 2016-imi perorsaasutut naammassisut 13-iinnaanerannut suna tunngaviua?

Akissut: Kukkusoaqarsimavoq, Nuummi najugaq qimannagu perorsaasunnigorniarnermi naammassisussatut naatsorsuutigineqartut kisitsisinut ilanngunneqarsimanngimmata. Taamaattumik kisitsit eqqortoq piffissami matumani naammassisussatut naatsorsuutigineqartut 20-upput. Kisitsit eqqortoq AI2017-ip ataatsimoortinnerani iluarsartuullugu ilanngunneqassaaq.

9.16 Konto pingaarneq 40.91.21-imut, Inuussutissalerinermik Ilinniarfik, INUILI

Nunatta kujatani missingersuutit pillugit isumasioqatigiinnerminut atatillugu Narsamiillatsiarnermini ataatsimiititaliap INUILI Neqi A/S-ilu sivikitsumik takuniarsinnaasimavai.

a) Tassunga atatillugu INUILI-mi nateq ajornartorsiutaasimasoq ataatsimiititaliap malu-giniarpaa. Tassunga atatillugu naqqup iluarsaanneqarnera taassumalu qanoq aningaasalersorneqarsimanera pillugit paasitinneqarnissani ataatsimiititaliap kissaatigaa.

Akissut: Naternik iluarsaassineq ukiup tulliani suliarineqassaaq, asaanerani feeriarneq aallartippat, aningaasalersuineq sanaartugassanut pilersaarutikkut 030.50.110 INUILI Allilerneqarnera; Narsaq, aqqutigalugu pissaaq.

b) Laboratoriaqartoq ataatsimiititaliamit aamma maluginiarneqarpoq. Laboratoriap taassuma qanoq pitsaanerpaamik atorluarneqalersaamera paasissutissiissutigineqassasoq ataatsimiititaliamit kissaatigineqarpoq.

Akissut: Inuili atuarfiullu siulersuisui atuineq qanoq pitsaanerpaamik pisinnaanersoq ingerlaavartumik nalilersuippat. Allaaviatigut tamanna pissaaq, ilinniarnert misissuiffimmi atortunik pisariaqartitsisut Narsami inissinnerisigut, kisianni soorlu aalisarnermik inuussutissarsiuteqartut ilarpassui maannamut tassunga qularisaqarput. Taamaattumik Inuilip, inuussutissarsiortut Naalackersuisullu akornanni pisoq tamanna pillugu oqaloqatigiinnerit ingerlanneqarput.

c) Quppernermi 417-imi suliassami kisitsisinut takussutissiami savaatilinniinnerit sap. ak. holdit 45-t nalunaarneqarsimappat. Tamatuma itisilerneqarnissaa ataatsimiititaliamit kissaatigineqarpoq.

Akissut: Tassaavoq savaatilinggorniarluni ilinniarnermut 2017-imi Inuilip ataani sapaatip akunneranut holdinut kisitsit naatsorsuutigineqartoq.

- d) Tassunga atatillugu Upernaviarsummi ingerlatsinerup nakkutilliinerullu qanoq ingerlanerat paasissutissiisutigineqassasoq ataatsimiititaliamit kissaatigineqarpoq.

Akissut: Naalakkersuisut suli pilersaarutigaat, savaatilinnigorniarluni ilinniarnermut illuutit attuumassuteqartut pingaarnerit ilai iluarsaanneqassasut. Upernaviarసుup ingerlanneqarneranut nakkutigineranullu ajornartorsiutinut pingaarnernut paasissutissanik, illuutit qanoq issusiinut attuumassuteqanngitsunik, Naalakkersuisut tigusaqanngillat.

9.17 Hovedkonto 40.91.23 Campus Kujalleq og 40.91.25 Brancheskolen for Sundhedsuddannelser samt 40.91.27 Tech College Greenland
9.17 Konto pingaarneq 40.91.23 Campus Kujalleq aamma 40.91.25 Peqqinnissakkut Ilinniartitaanernut Qitiusumik Ilinniarfik kiisalu 40.91.27 Teknikikkut Ilinniarfik
Atuarfinni ataasiakkaani isertitassatut missingikkat ineriartorsimannerannut suna tunngaviua?

Akissut: 2015-imut naatsorsuutinit kisitsit naatsorsuutigisanut tunngasunik nalimmassaanermut ilaatigut tunngavoq, ilaatigullu atuarfiit ataasiakkaat 2017-imi pikkorissartitsinermut aningaasartuutinut naatsorsuutigisaminnut utertiffiginninnerannik tunngaveqarluni.

9.18 Konto pingaarneq 40.92.12 Ph.d.-mik ilinniagaqartutut ilisimatusarnermik ilinniarneq

Ilinniarnermut atatillugu ilisimatusarnikkut angusat uppernarsarneqarnissaat, toqqortarine-qarnissaat ingerlateqqinneqarnissaallu qanoq qulakkeerneqartarpa?
Akissut: Ph.d.-tut ilinniarnermi uppernarsaasiineq annertoq pisarpoq aamma ilisimatuussutsikkut allaaserisanik, ilisimatuussutsikkut allaaserisanik paasinarsakkanik aamma allaaserisaq annertuumik paasissutissiutiginiarneqartarput. Taassuma saniatigut allaaserisat, nuna tamakkerlugu nunanilu tamalaani saqqummersinneqartartumi, Inussummi ilanngunneqakulapput kiisalu Ilisimatusarfimmi ilinniartunut ilinniagaannut atatillugu atuagassanngortinneqartarput. Aammattaaq ilisimatusarnermut siunnersuisoqatigiit paasissutissat nutaanersaat Pd. D.-tut allaaserisaneersut pisortanut paasititsissutigisassagaat siunnersuutigineqarnikuuvoq, pissutigalugu allaaserisat Ilisimatusarnermut siunnersuisoqatigiit arlaannaannulluunniit attuumassuteqanngitsumeersuummata.

9.19 Konto pingaarneq 40.92.13 Ilisimatusarfik

- a) Aningaasaliissutit agguataarneqarnerannut suliassami kisisinut takussutissiiami qup. 437-mi N 2015-ip nalaani takuneqarsinnaavoq ilinniartitsisut sivikitsumik pikkorissarnerat, AD-tut aamma Masteritut ilinniagaqarneq kiisalu inuiaqatigiilerinermik, aningaasaqarnermik tusagassiornermillu ilisimatusarfik 0 kr.-imik nalunaarneqarsimasut. 2016-imi aningaasanut inatsimmi allassimavoq aningaasaliissuteqartoqartoq. Tamatumunnga suna pissutaava?

Akissut: 2015-imut naatsorsuutit kisitsisaat sussaqaartitsisoqarsimannginneranik pissuteqarput, susassaqaartitsisoqarsimanngilaq pissutigalugu Kommunit suliarnittussamik, akiliisarnissamut ilusissaq pikkorissarnernilu taartissanut aningaasartuutissat ataqatigiissillugit pilerigisaminnik nassaanngimmata. Tamatuma kingorna tuniniaanerup piunasaqarnermut naleqquttuunissaa

sulissutigineqarpoq, tamannalu aamma Ilinniartitaanermut Aqutsisoqarfiup kommunillu, kiisalu naalackersuisoqarfiup Ilisimatusarfiullu nalinginnaasumik oqaloqatigiinnerannut ilannguppoq.

- b) Takussutissiami pineqartumi missingersuutiniq iluarsineq -665.000-inngortinne-qarsimavoq, missingersuutiniq ilanngussami qupperneq 431-mi allassimalluni konto pingaarneq 2017-imit 150.000 kr.-inik appaavigineqartoq? Pissutsit taamaannerat sumik pissuteqarpa?

Akissut: Kisitsisit taakku marluk toqqaannartumik atassuteqanngillat. Uani 2016-mit sipaarutissaq ingerlateqqiinnerneqarsimasoq pineqarpoq. Missingersuutiniq iluarsineq AI2017-ip katiterneqarnerani suliassami kisitsisini agguarneqassaaq.

- c) Ilisimatusarfimmi taamaatiinnartartunik kingullermik misissuinerup inernerata assileneqarnera ataatsimiititaliamit qinnutigineqarpoq.

Akissut: Ilisimatusarfimmi ilinniakkaminnik naammassisartut procentinngortinneri Tabel 1-imi takuneqarsinnaapput Tabel 1. Ilisimatusarfimmi ilinniakkaminnik naammassisartut procentinngortinnerata ilinniartut ukiumi X-imi ilinniakkaminnik naammassinnissimasut amerlassusaat takutippaa. Paasissutissat ukiunit kingulleersut ilimanaatilinnit naatsorsugaapput. Kandidatit ilinniartut ikinneri isumaqarput ilinniakkaminnik naammassisartut procentinngortinneri ukiumit ukiumut annertuumik nikerarsinnaasut.

Ilisimatusarfiup maanna ilinniartut uniinnartarnerannut patsisit tamakkiisumik takussutissaqartinngilaat.

- d) Tabel 1: Ilisimatusarfimmi ilinniakkaminnik naammassisartut procentinngortinneri; 2016-imi naatsorsukkat

Ilisimatusarfik	2010	2011	2012	2013	2014	2015
Bacheloritut	56,8%	49,7%	50,6%	49,0%	52,3 %	50,9%
Kandidatitut	76,9%	66,7 %	88,9%	68,6 %	89,2 %	83,7%

9.20 Konto pingaarneq 40.92.14 Ajoqissanik organistinillu ilinniartitsineq

- a) Akissarsianut aningaasartuutit takutinneqartut ineriartorsimanerannut suna tunngaviua?

Akissut: Nassuiaat kontot suussusaanutatuinermi nassaarineqassaaq. Ajoqissanik organistinillu ilinniartitsinermi sulisunik aalajangersimasunik ukiuni kingullerni arfinilinni peqarsimangilaq. Taamaattoq akissarsiat tunniunneqarnerini ilinniartut atuarfiini sullissinernut assigiinngitsunut kontup suunera (katinnera) 1198 (akissarsiat) naatsorsuutitut nalunaarsuineranut innersuunneqarpoq. Maanna tunniuttakkat taamaattut tamarmik kontup suunera 1240 (siunnersortit) naapertorlugu tunniunneqartarnissaat kissaatigineqarpoq. Naatsorsuutitut nalunaarsuisarneq pillugu kissaateqarnerup malitsigisaanik 40.92.14-imi akissarsarsianut aningaasartuutit aaqqiiffigineqartarnerat atorunnaarpoq.

- b) Ajoqissatut organistitullu ilinniartut ilinniarnersiuteqartitaanerat pillugu ataatsi-miititaliaq paasissutisseqqullugu Naalackersuisut qinnuigineqarput.

Akissut: Ajoqissanik organistinillu ilinniartitsinermi ilinniartut ilinniarnersiuteqartinneqanngillat. Ilinniakkat taakku marluk pikkorissamertut isigineqarput, taakku pingasuullutik tamarmik qaammatit pingasunik sivilisussuseqartut, taakkunanilu peqataasussaannermut moduli marluullutik. Ajoqissanik ilinniartitsinermi peqataasussaannermut moduli ingerlaneranni saniatigut ataasiakkaanik suliakkiisoqassaaq. Ilinniarnersiummut taarsiullugu ajoqitut organistitullu ilinniartunut ullormusiat, akiliutinut taartit aningaasartuutinillu utertitsisarneq pillugit Biskopip kaajallaasitaa nr. 3, 10. april 2011-meersoq malillugu pissarsitinneqartassapput.

9.21 Konto pingaarneq 40.92.19 Pinngortitalerineramik Ilisimatusarfik

Pinngortitalerineramik Ilisimatusarfiup aammalu Center for Arktisk Teknologip (tak. konto pingaarneq 40.90.07) akornanni suleqatigiinnermik pilersitsisinnaaneq Naalackersuisunit isumalliutigineqarsimava? Konto pingaarneq 40.91.07 takuuk.

Akissut: Konto pingaarneq 40.91.07-mut apeqqummut akissut takuuk.

9.22 Konto pingaarneq 40.94.11 Nunatta Atuagaateqarfia

Aningaasanut inatsisissatut siunnersuutip kalaallisuuani suliassanut kisitsisit ataanni (qup. 443) oqaaseq "Taarsigassarsisitsineq" atorneqarpoq. Tamanna ima paatsoorneqarsinnaammat ataatsimiititaliamit malugeqquneqassaaq; Nunatta Atuagaateqarfia aningaasalersuinikkut taarsigassarsisitsisarnermik ingerlataqartoq.

Akissut: Naalackersuisut ataatsimiititaliap oqaaseqaataannut isumaqataapput tamannalu pillugu qujaffigalugit. Siunnersuutip kalaallisuuani qup. 515-imi suliassanut kisitsisit ataanni Oqaaseq "Taarsigassarsisitsineq" atorneqarsimasoq "Atuakkat atukkiunneqartut"-mik taarserneqassaaq.

9.23 Konto pingaarneq 40.94.13 Timersornermut tapiissutit

- a) Najukkani peqatigiiffiit namminneq piumassutsiminnik ingerlatsisunik ingerlanneqartarput, ulluinnarnili ingerlataminnut aningaasanik amigaateqarajullutik illoqarfinni anginerusunisut isorliunerusuni aningaasaliiffigitinnikkut tapiiffigineqarnissamut periarfissaqarajunngilaq. Najukkani peqatigiiffiit aningaasaliissutit ilaannik pissarsitinneqarnissaat qanoq qulakkeerneqarsinnaava?

Akissut: GIF-ip aningaasaliisutit tapiissutit tunniuttagaanut aalajangersimasunut piviusunngortitsisarnermut akulerunnaveersarneq tunngavigineqarpoq. Taamaammat najukkani peqatigiiffiit amerlanerusunik tunineqassappata, tamanna Naalackersuisut GIF-ilu akornanni siunissami angusaqarnissaaq pillugu isumaqatigiissusiomeranni ilanngunneqassaaq.

- b) Sulinermi isertitassaraluarnit annaasanut 250.000 kr.-it immikkoortinneqarput. Island Gamesimi aaqqissuussat aaqqissuussinermi ilaatinneqarpat?

AKISSUT: Naamik.

- c) Aningaasat maleruagassat naapertorlugit atorneqarsimanerisa uppernarsarneqarnissaa qanoq qulakkeerneqartarpa?

Akissut: Aningaasanik atuinerit kukkunersiuisumit avataaneersumit kukkunersiorneqartarput, naatsorsuutillu kukkunersiukkat Naalakkersuisoqarfimmut nassiunneqartarput, Naalakkersuisoqarfiup naatsorsuutit misissortarpari pisariaqassappallu apeqquteqartarluni.

9.24 Konto pingaarneq 40.94.14 Nuna tamakkerlugu meeqqanut inuusuttunullu suliniaqatigiiffinnut tapiissutit

- a) Sorlaap pisortat aningaasaataannik atonerluineranik suliaq naammassiva? Kalaallillu Nunaanni Spejderit tapiissutinik pissarsinissamut pisussaaffimminnik unioqqutitsi nerminni aningaasanik utertitsissasut Namminersorlutik Oqartussat isumaqarpat? Naalakkersuisut akerlianik allatut isumaqassappata tamanna pillugu naatsumik nassuiaat ataatsimiititaliamit qinnutigineqarpoq.

Akissut: Sorlak pillugu suliaq maannarpiaq suli naammassineqanngilaq. Aningaasaqarnermut ataatsimiititaliap oqariartuutaattut Kalaallit Nunaanni Spejderit Kattuffiat tapiissutinik tigusaqartarnerminni piumasaqaatinik unioqqutitsisimanersut Naalakkersuisut naluaat, Naalakkersuisullu Aningaasaqarnermut ataatsimiititaliamut tamanna apeqqut pillugu itisileeqqusipput erseqqissaaqqusillutillu.

- b) Avalammut pinngitsoorani ilaasortaasariaqarunnaarneq Avalammut qanoq ajornar-torsiuteqalersitsiva? Kattuffik ilaasortaqaassuseq malillugu tapiissutinik pisarpa?

Akissut: Ilinniartut ilinniariarnerminni ingerlaannartumik Avalammut ilaasortanngortinneqartarnikuunngillat. Tapiissut siunnersuutigineqartoq ilaasortanit aalajangersarneqanngilaq, pissutsit taamaattut tapiissutip siunnersuutigineqartup annertussusaanut sunneeqataasimagaluarpuunniit.

9.25 Konto pingaarneq 40.94.17 Kalaallit Nunaata Radioa - KNR

- a) Aallakaatitassiap naammassillugu suliarineqareersimasup KNR2 aqqtigalugu aallakaatinnera qanoq akeqarpa?

Akissut: Teknikkikkut aningaasartuutit Aningaasarsiat ilanngullugit akissummi tunngavigineqarput. Tamanna tunngavigalugu aningaasartuutit akunnermut 200 kr.-nit missaanniinnissaat naatsorsuutigineqarpoq.

- b) Siornatut missingersuutinut ilanngussami allassimavoq KNR inunnik sullissinermi naammassisassat pillugit isumaqatigiissuteqarfigineqassasoq Imaappa tamanna suli pisimangitsoq?

Akissut: Innuttaasunik kiffartuussinermik isumaqatigiissut atsiorneqarpoq, kisianni piffissami tassani Aningaasanut Inatsit suli naammassineqanngillat naqitsinnissaannullu nassiunneqaratik il. II.

- c) KNR-imik ingerlatsinerup pitsanngortinneqarnissaanut Naalakkersuisut qanoq pilersaaruteqarpat?

Akissut: Naalakkersuisut radio tv-lu pillugit inatsit naapertorlugu KNR-ip ingerlatsineranut akuliuttussaataitaanngillat. Naalakkersuisut Innuttaasunik

kiffartuussinermik isumaqatigiissummi KNR-ilu suliniutinik arlalinnik isumaqatigiissuteqarput, najukkami aallakaatitassianik amerlanerusunik pisiortortussaataaneq ilanngullugu.

Naaggataatigut Naalakkersuisut KNR-ip teknikkikkut atortorissaarutaanik nutarterinissamut aningaasaliissutissarsiorlutik sulissuteqarput, atortorissaarutit aallakaatitassiornermut ajornartorsiorfitsipput, aamma nalilersuisuarmut avataaneersumit nutaanngilivallaarujussuarsimasutut nalilerneqarput.

- d) Siornamut sanilliullugu Kalaallit Nunaanni aallakaatitassiortunit allanit KNR-ip radiukkut tv-kkullu aallakaatittagai annertuumik allannguuteqartinneqarsimapput. Takukkit suliassami kisitsisit qup. 451-imiittut. Tamatumunnga suna pissutaava?

Akissut: 2016-imut suliassanut kisitsisit nikerarput pissutigalugu piffissami tassani Innuttaasunik kiffartuussinermik isumaqatigiissutip siuliata kisitsisai atorneqarsimammata, AIS17 aappassaaneerinninnermut atatillugu maannamut suliassanut kisitsisit allanngortinnissaannut qinnuteqartoqarnissaa naatsorsuutigineqarpoq.

- e) P1 98 mhz-ip atorneqarnissaa pilersaaruteqarfigineqarpa?

Akissut: Imarisaanik, P1-iusumik, allannguinissaq pilersaartutigineqanngilaq.

9.26 Konto pingaarneq 40.94.18 Katuaq

- a) Piffissami kingullemi aqqissuussinert suut Katuap Nuummi sinerissallu sinnerini ingerlassimavai?

Akissut: Katuaq ukiumut amerlasuunik aqqissuisarpoq, angalalluni aliikkusersuiartornerit ilanngullugit. Sinerissami angalatitsinerit tapiissuteqartarnissamik aqqissuussanit aningaasaliisartunillu aningaasaliilluni tapiissuteqartarnerit apequtaallutik pisarput. Ukioq kingulleq Katuap illoqarfiit 15-it tikippai, tamanna piffissami sivisuumi aatsaat taamak annertutigaaq. Ukiumoortumik nalunaarussiaq 2015-imeersoq ilanngunneqassaaq, tassani Katuap illoqarfiit tikitat amerlassusaat allattalernikuuat.

2016-imi sinerissami aqqissuussat:

Anguigaq: Nuuk aamma Ilulissat

Punjab: Nuuk aamma Sisimiut

Inuit Feet: Nuuk aamma Sisimiut

Michael Patrick Kelly: Ilulissat, Sisimiut, Nuuk

Rasmus Lyberth: Maniitsoq aamma Sisimiut

The Jerry Cans: Ilulissat aamma Nuuk

Brønden: Nuuk aamma Sisimiut

Nivé & The Deer Children: Nuuk, Qaqortoq, Alluitsup Paa, Nanortalik (sap. ak. 38)

Greenland Spirit: Tasiilaq

Katuap ukioq manna illoqarfiit arfineq marluk tikinniarpai taakkulu illoqarfiit katillugit 13-eriarlugit tikissallugit. Illoqarfiit ilai tikeraarneqarnerusarput.

Rasmus Lyberth aamma Nivé Nielsen peqatigalugit angalatitsinerit illoqarfinnut arlalinnut tikittussanngorlugit pilersaarutigineqaralarput, kisianni aningaasaliisartunit tapiissutinik amigartorneq pissutigalugu angalanerit sivikillineqartariaqarsimapput.

Katuaq ukiuni kingullerni sineriammi saqquminerunissamut sulissuteqarnikuuvoq. Tamanna piviusunngortinnissaanut pissutsit arlallit apeqqutaapput: pilersaarutit aamma aliikkusersuilluni angalatitsinernut aningaasartuut matussusernissaannut aningaasaliisartunit aningaasaliissutit, illoqarfiit ataasiakkaat angalatitsinernut pilersaarutinut tikinneqarnissamut soqutiginninnerat, nipilersoqatigiit, isiginnaartitsiviit assigisaalluunniit assigiinngitsut ataasiakkaat illoqarfinnut aalajangersimasunut tikitassanut kissaataat.

b) Katuap aaqqissuussaasa sapinngisamik annertunerpaamik nunatsinnut tamanut anngunnissaat Naalakkersuisunit qanoq qulakkeerneqalersarpa? Akissut: Kultureqarnermut Naalakkersuisoq ukiuni kingullerni ukiumoortumik ataatsimiinnermi oqaaseqartarnermini aliikkusersuiniarluni angalasarnissat amerlinissaannut kissaateqarnini immikkut oqaatigisarpa. Taamaattumik nalinginnaasumik tapiissutissanut aaqqissuussanit, Naalakkeruisunit allaffissornikkut isumagineqartunit, angalatitsisarnerit pingaartinneqassapput.

9.27 Konto pingaarneq 40.94.20 Arctic Winter Games aamma Island Games
Island Gamesimut 0 kr.-inik immikkoortitsisoqarsimaneranut suna tunngaviua?
Akissut: ASL16 suliarineqarneranut atatillugu 40.94.20 Arctic Winter Games aamma Island Games 100.000 kr.-nik ikilineqassaaq, aningaasat amerlassusaat Namminersorlutik Oqartussat Island Games-imi peqataaneranut siornatigut immikkoortinneqarsimasut amerlaqatigisaanik. Naalakkersuisut siunissami peqataasoqassagalarpat Naalakkersuisut missingersuutaat nalinginnaasoq atorlugu aningaasalersuisassapput.

9.28 Konto pingaarneq 40.94.26 Kanalini digitaliusuni pisisinnaatitaanermut akiliutissat

DR 1-ip, DR 2-p aamma DR ULTRA-p saniatigut kanalit digitaliusut neqeroortigineqartartut amerlineqarnissaat Naalakkersuisut pilersaarutigaat?
Akissut: Naamik.

9.29 Konto pingaarneq 40.94.27 Oqaasileriffik

a) Konto pingaarnermut aningaasaliissutit amerlinissaat Naalakkersuisunit pilersaarutigineqarpa?

Akissut: Naamik, maanna aningaasanut Inatsisissatut siunnersuummiiunngitsoq.

b) Ilisimatusarnermik uppernarsaasersuinermillu suliassaqarfimmut misissuinernullu allanut ukioq kingulleq aningaasaliissutit qanoq angusaqarfiuppat?

Akissut: Takussutissaq ilanngussatut kakkiussaq takuuk.

c) Nunap aqqi pillugit Oqaasileriffimmi sulianik danskit naalakkersuisoqarfiannut nunap immallu assinginik suliaqartumut ingerlatitseqqittoqartarpa? Kikkut suliaq tamanna ataqatigiissarpaat?

Akissut: Oqaasileriffiup pilersinneqanngikkallerneraniilli Kalaallit Nunaanni nunat aqqisa atortinneqarnerat pillugu Danmarkimi nunat immallu assinginiq isumaginnittut (siomatigut Kort og Matrikelstyrelsen, massakkut Geodatastyrelsen) suleqatigineqartuaannarsimapput. Massakkut suleqatigineq imaappoq Geodatastyrelsiq Kalaallit Nunaata nutaamik assiliorneranut atatillugu nunat aqqisa inissitsiternissaanni Oqaasileriffiup suliai qitiusumik inissisimallutik. Tassani nunat aqqi katersat atortinneqarnissaat kisimik pineqanngillat, nunap assiliornerani Oqaasileriffimmiit aamma nunat aqqisa killingisa elektroniskimik titartarneqarnissaat isumagineqartussaavoq akisussaaffigineqarlunilu, taamaattumik Asiaq ilanngullugu aamma qanimut suleqatigineqartarpoq.

9.30 Konto pingaarneq 40.94.28 Nunatsinni tusagassiutinut naqitanut tapiissutit aamma 40.94.29 Nunatsinni tusagassiutinut naqitanut ingerlatsinernut tapiissutit

Pissarsisut aammalu aningaasat sumut atorneqarsimanerannut nalunaarsorsimaffimmik nassinneqarnissaq ataatsimiititaliamit kissaatigineqarpoq.

Akissut: 2016-imi pilersaarutinut tapiissutinik aningaasaliiffigineqarnissamut piimasaqaatinut naammassinnittumik qinnuteqartoqanngilaq. Taamaakkaluartoq qinnuteqartut arlallit pilersaarummut qinnuteqarnerminni uppernarsaatiniq amerlanerusunik tunniussaqaarsimasuuppata tapiissutisisimasinnaagaluarput.

Aalajangersimasunut atuinernut atatillugu ingerlatsinissamut tapiissuteqarnermi "aningaasaliissutit malinnaavigineqarsinnaanngillat", pissutigalugu tiguisususanut taperneqarnissamut piimasaqaatinut naammassinnittunut tapiissutitut nalinginnaasutut tunniunneqartarmata.

9.31 Konto pingaarneq 40.95.01 Eqqumiitsuliornermut kulturimullu tapiissutit allat

- a) Tapiissutinik qinnuteqartunut pissarsisunullu takussutissiamik pissarsisut qanoq tapiiffigineqarsimanerisa nalunaarneqarsimaneraniq imalimmik nassinneqarnissaq a-taatsimiititaliamit kissaatigineqarpoq.

Akissutit: Qinnuteqartut pillugit tamakkiisumik takussutissiaq ilanngussatut ilanngunneqarsimasoq takuuk.

- b) Meeqqat qimussimik sukkaniunnerannut tapiissuteqarnissaq Naalakkersuisunit isumaliutigineqarsimava?

Akissut: Naamik.

- c) Atuakkanik kalaallisuunik saqummiinissamut qassit qinnuteqarsimappat qassillu tapiissutinik tunineqarsimappat?

Akissut: Naalakkersuisut apeqqut 2016-imi atuutilertussatut paasivaat. Qinnuteqartut 21-nit 17-it aprili 15-ianni 2016-imit katillugu 1.542.165,00 kr.-inik tapiissutisisimapput.

- d) Atuakkanik kalaallisuunik saqummiisarneq siuarsarniarlugu suliniuteqarnissaq Naalakkersuisunit pilersaarutigineqarpa?

Akissut: Naalakkersuisut aningaasaateqarfimmik immikkuullarissumik atuakkanik kalaallisoortunut atugassanik immikkoortitaqarnikkut

tamatigoortumik pingaarnersuiusarput. – Periarfissap saniatigut atuakkanik saqqummersitsiniarnermut 'Kultureqarnermut Aningaasaliissutinit Tapiissutit' aqputigalugit aamma Kulturimik sulialinnut aningaasaliissutitut tapiissutissanik qinnuteqartoqarsinnaavoq.

9.32 Konto pingaarneq 40.95.05 Nunatta Isiginnaartitsisarfia

2015-imi 2016-imilu aaqquissuussinerit suut Nunatta Isiginnaartitsiviata Nuummi sinerissallu sinnerani ingerlassimavai?

Akissut: 2015-imi aamma 2016-imi aamma 12. september aqqaneq aappaat ilanngullu susasaqartitsinerit tamakkiisumik takussutissiartaa ilanngussatut ilanngunneqarsimavoq.

9.33 Konto pingaarneq 40.97.03 Kalaallit Nunaanni ilagiit

a) Atorfiit amerlassusiligaanerannut sanilliullugu atorfiit qassit inuttalerneqarsimappat?

Akissut: Naalackersuisut apeqqut palasinut atorfinnut tunngasutut paasivaat. Palasinut atorfiit atorfinnit akuerisaasunit 27-usunit 21-it septembarip 13-ianni 2016-imi inuttaqarput.

Apeqqummi atorfiit allat pineqarsimappata ataatsimiititaliaq sorliit pineqarneranik ersarissaanissaa kaamattorneqarpoq? Kalaallit Nunaanni ilagiit maannarpiaq 224-nik aalajangersimasunik sulisoqarpoq (qaammatikkaartumik akissarsiallit aamma ullut 14-ikaarlugit akissarsiallit). Taassuma saniatigut inuit 77-it ilagiinni taartaasutut nalunaarsorsimapput. Ilagiinni sulisunut atorfinitsiteriaatsit assigiinngitsut katillugit 13-iupput.

b) Atorfiit amerlassusiligaanerannut sanilliullugu atorfiit qassit inuttalerneqarsimappat?

Akissut: Palasitut atorfiit inuttaqanngitsut arfinillit nunami sumiiffimmut atorfimmilu siunertarisamut attuumassuteqarput: Kujataani provstitut atorfik, Upernavimmi palasitut atorfik (maanna sulisussarsiuunneqaqqittoq), Nanortalimmi palasitut atorfik (maanna sulisussarsiuunneqaqqittoq), Ittoqqortoormiini palasitut atorfik, 2. Sisimiuni Palasi aamma aqutsinermut/angalanermut palasi.

10. Suliassaqarfik 50 - 51 Aalisarnermut, Piniarnermut Nunalerinermullu Naalackersuisoq

10.1 Konto pingaarneq 50.01.01 Aalisarnermut, Piniarnermut Nunalerinermullu Naalackersuisoqarfik, allaffissorneq

N 2015-ip kingorna akissarsianut aningaasartuutit amerleriarsimanerannut suna tunngaviua, suliassamimi kisitsisit allannguuteqanngimmata?

Akissut: N 2015-ip kingorna akissarsianut aningaasartuutit amerleriarsimaneranut tunngaviusoq pissutsinut makkununnga tunngaveqarsinnaavoq

- AI 2016-imut atatillugu Inatsisartut Ikerinnarsiortunik aalisarnermut ingerlatsinerup nukittorsarneqarnissaanut aningaasaliissut ilaneqarnissaanut aalajangersimapput.

- Taassuma saniatigut Naalakkersuisut januaarip aallaqqaataani 2016-imi Aalisartut piniartullu siunnersortinit sullinneqarnerat isumagisassanngorlugu angerlaanniarlugu aalajangerput, tamannalu pissusissamisoortumik APNN-imi 2016-imit akissarsianut aningaasartuutitik amerleriatitsivoq.

2015-imut suliassanut kisitsisit piviusunngortitani kukkuneq naammattoorneqarsimavoq, tassani sulisunut atuinerit eqqortut, AIS2017-imi allassimasutut 48-uunatik, 46-uullutik.

10.2 Konto pingaarneq 50.01.17 Aalisarneq pillugu EU-mik isumaqatigiissut
Tuluit EU-mit aninerat konto pingaarnermut matumunnga qanoq kinguneqartussatut naatsorsuutigineqarpa?

Akissut: Kontomut pingaarnermut matumanut Brexit tunngavigalugu kingunerisassat pillugit ilisimanngisat annertupput.

Aalisarnermi suleqatigiinnissamik Kalaallit Nunaat EU-lu 2016-mit 2020-mut isumaqatigiissuteqarput. Isumaqatigiissutikkut Kalaallit Nunaata EU-mut pisassiissutit assigiinngitsut Kalaallit Nunaata aningaasanik pissarsissutigisartagaanik tunniuttarpei. Maannakkut isumaqatigiissummi Kalaallit Nunaat 89 mio. euronik pissarsivoq, taakku pisassiissutinut akiliutinut, umiarsuaatillit akiliutaannut immikkoortumilu missingersuutinut tapiissutinut agguataagaapput. Isumaqatigiissut qanoq Brexit-imit sunnerneqarsinnaanersoq suli ilisimaneqanngilaq.

10.3 Konto pingaarneq 50.01.20 Aalisarneq piniarnerlu

Missingersuutit naatsorsuutillu uteqqiattumik assigiinngissuteqarnerat suliassami kisitsisit naleqqussarneqarnissaannik tunngavissiiva?

Akissut: Naamik, piffissami matumaniunngitsoq. Tamanna aalajangersakkat naapertorlugit arfernut angisuunut qamutilinnik qaartartulinnik inatsisitigut atuisussaatitaanermut akiliinissamut naammattunik aningaasaateqartussaannermit missingersuusiortoqartuaannarneranik pissuteqarpoq. Taassuma saniatigut kontomit tassangaanniit piniarnermut aalisarnermullu tunngasunik, soorlu piniarnermi ileqqorissaarnissaq il. II., nalinginnaasumik paasititsiniaasoqassaaq.

10.4 Konto pingaarneq 50.06.50 Aalisarnermut aningaasaliissutinut immikkoortitat

- a) Piffinni nunap pissusii immikkut ittut aalisariutinik isaterinissamut aningaasaliussat atorneqarnissaannut aporfusinnaappat?

Akissut: Aalisariutinik isaterinissamut nunap immikkut pissusiisa aporfusinnaanerat assortorneqarsinnaanngilaq.

- b) Ukiuni kingullerni kisitsisit eqqarsaatigigaanni ukioq manna aningaasanik atorneqanngitsoortunik immikkoortitsisoqarnissaa Naalakkersuisunit ilimagineqarpa?

Akissut: Naalakkersuisup ilimaginngilaa ukioq manna aningaasanik immikkoortitsisoqassasoq.

10.5 Konto pingaarneq 51.03.02 Nunalerinermik inuussutissarsiuqartunut aningaasalersuinikkut tapersiisarneq

- a) Savanut piaqqiortunut/savaaqqanut arnavissanut aningaasaliisoqartariaqarneranik Nunalerineq pillugu Ataatsimiititaliarsuup naliliinera Naalackersuisunit qanoq isumaqarfigineqarpa? Tamanna qanoq malitseqartinneqarsimava?

Akissut: Naalackersuisut Nunalerineq pillugu Ataatsimiititaliarsuaq isumaqatigaat taamaammallu 2016-imi savaaqqanut arnavissanut ukiumut tapiissutit 300.000-init 600.000 kr.-inut marloriaatinngortissimallugit.

- b) Savanik tunisassiornerup annertusarneqarnissaa pillugu Naalackersuisut qanoq anguniagaqarpat?

Akissut: Naalackersuisut politikkiat tassaavoq savaaqqanik tunisassiorneq annertusarneqassasoq. Tamanna pissaaq aaqqissuussamik sulinikkut, savaaqqat annerusumik pissarsissutaanerisigut piaqqiortussanillu amerlisaanikkut. Tamanna anguniarlugu savat inaat taakkulu naqqi nutarsarlugit sulisoqarpoq kiisalu nerukkaatissat amerlisarniarlugit narsaatit allilerneqarlutik.

- c) Savaatillit amerlisimappat, tassami N 2015-imut sanilliullugu aningaasaliissutit amerlineqarsimammata?

Akissut: Ullumikkut savaateqarfiit ingerlasut 37-iupput soorlu 2015-imi aamma taamaassimasut. 2016-imi nutaaq aallartissaaq taamaalillutillu katillugit 38-iussallutik.

10.6 Konto pingaarneq 51.03.03 Ineriartortitsinermut aningaasatigut tapersiissutit, nunalerineq

- a) Nunalerinermut siunnersuisoqatigiinni nunalerinermik ilinniarsimasumik sulisoqarpa?

Akissut: Nunalerinermut Siunnersorteqarfimmit paasissutissanik pisoqarpoq, taakkulu ima nalunaarput:

Siunnersorti aqutsisuusoq nunalerinermik ukiunik 20-nik misilittagalik uumasuuteqarnermullu nunalerinermik teknikeritut 1990-imi ilinniarsimalluni (Vejlby Landbrugsteknikerskole).

Naatitsinermi Landbrugsteknolog (Odense), ukiunik sisamanik misilittagalik.

Gartner ukiunik sisamanik misilittagalik (Gjennestad gartnerskole, Norge).

Taakku saniatigut aningaasaqarnermut siunnersorti piffissap ilaannaani sulisartoq atorfinitsinneqarsimavoq.

SPS-ip allaffiani HK-tut ilinniarsimasumik aalaakkaanngitsumik allatseqartoqartarpoq.

- b) Nunalerinermi imminut napatittumik inuussutissarsiorsinnaaneq siuarsarniarlugu Naalackersuisut sunik suliniuteqarpat?

Akissut: Naalackersuisut imminnut attuumassuteqanngitsunik marlunnik misissueqqissaarnernik suliaqarsimapput, tassani inuussutissarsiummi tamarmiusumi kiisalu suliaqartut ataasiakkaat aningaasaqarnerat qulaajarniarneqassalluni. Nunalerineq ataatsimiititaliap inassuteqaatai nalunaarutinilu eqqaaneqartuni misissueqqissaarnerit tunuliaqutaralugit nunalerinerup iluani nungusaataanngitsumik sulineq siuarsarniarlugu

assigiinngitsunik sulisoqarpoq. Naalakkersuisut Savaatillit Peqatigiit Suleqatigiissut (SPS) inerisaanermik suliniutit atuutsilersinniarlugit naammassisaqarnissamut isumaqatigiissuteqarfigai ukiut tamaasa nutartertartussamik.

Inuussutissarsiummi piginnaasat inerisarnissaannut kissaatit malitsigisaannik, matumanilu nunalerinermi inuussutissarsiummi, Nunalerinermut Siunnersorteqarfik pilersinneqarsimavoq. Siunnersuisarfimmut ilaapput Upernaviarsummi naatitsivik misileraavillu. Siunnersuisarfiup siunertaraa nunalerinermik inuussutissarsiutip siunnersuinikkut ineriartortitsinikkullu tunngaviusumik piginnaanernik inerisaanissaq. Nunalerinermut Siunnersorteqarfimmut naammassinninnissamik isumaqatigiissut SPS-imut isumaqatigiissusiorfigineqarpoq tassani anguniarneqarluni Siunnersuisarfiup sulinerata inuussutissarsiummi kattuffiit isumasioqatigisarlugit ingerlannissaa.

Siunnersuineq annerusumik ukununnga sammitinneqarpoq:

Savaatillit piginnaasaasa patajaallisarnissaat

Inuussutissarsiummik ingerlatsiniarnermi atortussanik pissarsiniarnernut aserfallatsaaliinerillu pillugit ilinniakkanik inerisaaneq.

Namminersorluni ingerlatsinermi inuussutissarsiummillu ingerlatsinermut tunngasunik allaffissornermut tunngasunik suliassat suliarineri.

Nunalerinermut Siunnersorteqarfik pillugu anguniagaq tassaavoq nunalerinermi siunnersuinerup isumaginissaa inerisaanermi misileraanermilu sulineri nunalerinermik inuussutissarsiummik inerisaanermut tunngasut suliaralugit.

Nunalerinermut Siunnersorteqarfiup ukiuni aggersuni anguniagaasa ilaat makkuupput:

Nunalerinermut Siunnersorteqarfiup savaatillit nersussuaatillillu sanngiinnerit ingerlatsineranni patajaannerusumik aqutsinerup suli ukkatarinissaa

Nunalerinermut Siunnersorteqarfiup savaatillit nersussuaatillillu nukittunerit sanngiinnerillu isumannaallisarnerisa immikkut suli ukkatarissagai

Nunalerinermut Siunnersorteqarfik kalaallit naatitanik tunisassiorneranni inerisaasumik suliniuteqassasoq inuussutissarsiummilu suliaqartut misilittagaannik siaruarternissaq.

Nunalerinermut Siunnersorteqarfik savaaqqat piaqqiortunit, nersussuaaqqat kiisalu tuttuutilinnit tutturnik tunisisarnerup annertusarnissaa siunertaralugu aalajangersimasumik siunnersuisarnissaminik suliaqassasoq

Nunalerinermut Siunnersorteqarfiup suliassai nunalerinermik inuussutissarsiornermik sulialinnut suliassaqrifiit allaffissornerillu iluini siunnersuineq Ilisimasanik katersineq, ilisimasanik ingerlatitseqqinnee, ataasiakkaanut siunnersuineq kiisalu ilisimasanik katersineq inerisaanermillu suliaqarneq. Ataasiakkaanik siunnersuineq tassaasinnaavoq ingerlatsinermi aningaasartuutunik annikillisaanissamut tunngasut, matumanilu nukissiutunik ataavartunik atuinerup annertusarnera.

10.7 Konto pingarneq 51.07.40 Taarsigassarsiarititat ernialersugaanngitsut akilersuutitaqanngitsullu

- a) ESU-mik aqqissuussinerup atorunnaarsinneqarnissaa imaluunniit ESU aqqutigalugu taarsigassarsiat isumakkeerinnissutigineqarnissaat Naalakkersuisunit pilersaarutigineqarpa?

Akissut: ESU-mik aqqissuussinerit atorunnaarnissaat maanna pilersaarutaanngilaq. Maanna akiitsut pillugit aaqqiissutissamik ujarlertoqarpoq tassanilu periarfissat ilagaat akiitsunik isumakkeerinnineq.

- b) Aqqissuussineq kinguaariit nIKinnerannut atatillugu qanoq annertutigisumik atorneqartarpa?

Akissut: Kinguaariit paarlaanneranni tunisisoq pisorlu isumaqatigiikkunik akiitsunik paarlaassisoqartarpoq ESU-mit attartukkanik ernialersukkanik aamma ernialersugaanngitsunik akilersugassaannngitsunillu.

Savaateqarfinnik tuisinermi kinguaariit nIKinneranni/ tigusinermi akiitsunik paarlaassisarneq nalinginnaasoq atorneqartarpoq.

10.8 Konto pingaarneq 51.07.42 Taarsigassarsiat erniallit aamma 51.07.43 Taarsigassarsianut ernialinnut akilersuutit

- a) Taarsigassarsiallit, taarsigassarsinissamik suliasat, taarsigassarsisut ernianut akiliutaasa akiitsunut akilersuutit, taarsigassarsiat erniallit aammalu piffissaq eqqorlugu akiliinissamut tapiissutit qanoq amerlatiginerannut takussutissiaq ataatsimiititaliamit kissaatigineqarpoq.

Akissut:

- taarsigassarsisut amerlassusaat, Taarsigassarsisut 327-it
- taarsigassarsisunut suliat, RA-mik taarsigassarsisut 497-it aamma RB-mik taarsigassarsisut 922-t = katillugit 1419
- taarsigassarsisup ernianut akiliutai (inerner 51.07.43) akiitsunullu akiliutit (inerner 51.07.44)
Terminimut akiliutigisartakkat: 8.333.863 taakkunanga erniat kr. 2.031.178,63
- taarsigassarsianut ernialinnut akiliutigineqartut amerlassusaat 2015-imi taarsigassat amerlassusaat = 206 Taarsigassat = 42.8217 kr. 10.362.181
- piffissaq eqqorlugu akiliuteqarnissamut tapiissutit. 2015-imi tunniunneqartut = 104.243

- b) Isertitat aningaasartuutillu ilanngaaseereerluni aningaasartuutinit tunuliaqutaasut qanoq amerlatigippat?

Akissut: Konto pingaarneq 51.07.42 taarsigassarsisitsinermut kontovoq aningaasaliissutillu taamaalillutik aningaasartuutaallutik, taamaalilluni ilanngaaseereerluni aningaasartuutinit isertitaqarfiunatik.

Konto pingaarneq 51.07.43 isertitanut konto taamaalilluni ilanngaaseereerluni isertitanit aningaasartuutitaqarani.

10.9 Konto pingaarneq 51.07.44 Ernianit isertitat

Taarsigassarsiat akiligassaminnullu kinguaattooqqasut qanoq amerlatiginerannut takussutissiaq ataatsimiititaliamit kissaatigineqarpoq.

Akissut: Attartugassarsisut nutaat 327-iupput.
71-it akiitsoqartutut nalunaarsorneqarsimapput.
Akiitsut katillugit 27.857.738 kr.-iupput.

10.10 Konto pingaarneq 51.07.50 Savaatillit nioqqutissanik pisiortornerminni taarsigassarsiaannut qularnaveeqqutinik akiliineq

Qularnaveeqqutit tunniussat aammalu qularnaveeqqutinik akiliinerit pillugit kisitsisitigut takussutissiaq ataatsimiititaliamit kissaatigineqarpoq?

Akissut: Naalackersuisut nerukkaatissanik naggorissaatinillu pisinermi nunalerisut tamaasa qularnaveeqqusertarpaat.

2012-ip kingorna ukiumut qularnaveeqqusiinerit tunniunneqartartut ataani allaqqasuni takuneqarsinnaapput:

2012	kr. 905.878	taarsigassarsisut 6
2013	- 424.067	taarsigassarsisut 6
2014	- 246.477	taarsigassarsisut 5
2015	- 653.782	taarsigassarsisut 7

11. Suliassaqarfik 62-64 – Inuussutissarsiornermut, Suliffeqarnermut, Niuernermut Nunanullu Allanut Naalackersuisoq

11.1 Konto pingaarneq 64.01.01 Inuussutissarsiornermut, Suliffeqarnermut Niuernermullu Naalackersuisoqarfik

Pisortat soq taama amerlatigippat?

Akissut: Aningaasanut inatsimmut ilanngussani 64.01.01-imi takuneqarsinnaavoq naalackersuisoqarfimmi sulisunut 33-nut sisamat pisortasut, naalackersuisoqarfimmi pisortaq ataaseq immikkoortortanilu pisortat pingasut: ataaseq inuussutissarsiornermut niuernermullu, ataaseq suliffeqarnermut ataaserlu aningaasaqarnermut, allaffissornermut misissueqqissaarnernullu. Naalackersuisoqarfiup ataaniipput suliffeqarfiit ingerlatsiviillu arlallit, soorlu Atuisartoqarnermut Unammilleqatigiinnermullu Aqutsisoqarfik, Visit Greenland, Greenland Business, KNI A/S, Neqi A/S, Great Greenland A/S il.il.

11.2 Konto pingaarneq 64.01.04 Piginnaasanik ineriartortitsiviusumik pikkorissarnerit

a) Peqqinnissaqarfimmut tunngasuni pikkorissartitsinerit immikkut aqqissuussat konto pingaarnermut matumunnga ilaappat?

Akissut: Aap, Peqqissaanermik Ilinniarfik qitiusumik ilinniarfiit allat assigalugit ilinniarsimanningsunik piginnaangorsaataasunik pikkorissaasarpoq. Pingaartumik utoqqarnut paarsinermut isumaginninnermullu pikkorissaasoqartarpoq. 2016-imi 1.8 mio. kr.-inik tapiisoqarsimavoq.

b) Peqqinnissaqarfimmut tunngasuni pikkorissartitsinerit immikkut aqqissuussat konto pingaarnermut matumunnga ilaappat?

Akissut: Utoqqarnik isumassuineri 2016-imi pikkorissartoqarpoq, suliffimmik misiliinermik kinguneqartumik. Pikkorissarneq iluatsittutut taaneqarsinnaavoq, pikkorissartut 90 %-ii suliffimmik misileereernerminni suliffittaarmata.

11.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

- a) Narsami Nanortalimmilu kalaalimineerniarfiit sooq atorunnaarsinneqarpat?

Akissut: Kalaalimineerniarfiit kommunit suliassaraat – taamaalilluni apeqqut Kommune Kujallermit akineqartariaqarpoq.

- b) Taarsiullugu taakku qanoq atorneqarpat?

Akissut: Kalaalimineerniarfiit kommunit suliassaraat – taamaalilluni apeqqut Kommune Kujallermit akineqartariaqarpoq.

- c) Taakkuninnga atuneq qanoq siuarsaavigineqarpa?

Akissut: Kontomi pingaarnermi uani kommunit aningaasanik pingaarnersiuisinnaapput kommunini kalaalimineerniarfiit siuarsarnerannut atungassanik.

11.4 Konto pingaarneq 64.10.06 Taarsigassarsianut qularnaveeqqusiissutit akilernerqarneri

Suliassami kisitsisit nikerarnerat sumut ersiutaava?

Akissut: Konto pingaarneq inatsisitigut pituttuisumik tapiissutaapput qularnaveeqqusiinermut atorneqartartut. Kisitsisit nikerarnerisa ukiut tamaasa qularnaveeqqusiinerit amerlassusaannik takutitsisuuvoq, ukiunullu ataasiakkaanut qularnaveeqqusiinerit qassiussanersut siumut takorlooruminaattarpoq.

11.5 Konto pingaarneq 64.10.12 Nioqqutissanik pilersuineq

Piffissamut nutaamut 1. januar 2017-imi aallartittussamut kiffartuussinissamik isumaqatigiissutissaq Naalakkersuisunit qulakkeerneqareerpa?

Akissut: KNI kiffartuussinissamik isumaqatiginninniarfigineqarpoq tassani kiffartuussinissamik isumaqatigiissut ukiup naavallaannginnerani akuersissutigineqarnissaa anguniarneqarluni.

11.6 Konto pingaarneq 64.10.17 Nunami inuussutissarsiutinut takornariartitsinermullu tapiissutit

- a) Suliassamut kisitsisini iliuuseqarfigalugit sulissutigineqartussat 2017-imit 0-inngortinneqarnerannut suna tunngaviua, taarsiullugulu qanoq iliortoqassava?

Akissut: Takornariaqarnerup siuarsarnissaa pillugu iliuuseqarfigalugit sulissutigineqartussanut aningaasat pingaarnersiulluni inissitsiteqqinneqarsimapput – ilaatigut Vest Norden Travel Mart-imut qaaqquisuunermut.

- b) Neqi A/S-imut kiffartuussinissamut isumaqatigiissummut aningaasaliissutit ikilineqarsimanerannut suna tunngaviua?

Akissut: Maanna kiffartuussinissamik Neqi-mut isumaqatigiissut atorunnaarsikkiartuaarneqassasoq. Taamaattoqassappalli toqoraaviup kalaallit savaaraataannik suliaqarnerulertariqarpoq ass. savaaqqanik iluitsunik aggugassanik avataanit pilersuinikkut. Tamanna ingerlatseqatigiiffiup

aningaasatigut imminut akilersinnaasumik pisinnaassappat savaaqanik avataanit eqqussuinermi akitsuuserneqartanninnissaannik periarfissaqartariaqarpoq. Tassunga tunngasumik periusissamut Naalakkersuisunut siunnersuummik saqqummiussisoqarnissaa isumaliutersuutaavoq, taamaattoqassappat Neqi A/S-iinnarmut tunngatinneqarsinnaassannngimmat taamaattoq aamma suliffeqarfinnut allanut neqinik agguisarfilinnut tunngatinneqassammat, soorlu Brugsen aamma Pisiffik.

- c) Aalisakkanik suliffissuarnut akigitinneqartut assinginik innaallagissamut akiliisalermissaminnut assersuutigalugu Neqi A/S aamma Great Greenland qanoq periarfissaqarpat?

Akissut: Nukissiorfiit tunisinissamut pilersuinissamullu piumasaqaataat malillugit aalisakkeriviit innaallagissamut akiliutigisartagaannut assinginik Neqi A/S aamma Great Greenland pissarsisinnaanngillat. Naalakkersuisut akinik nutaanik periarfissat suli isumaliutigaat.

- d) Nukiit nunatsinniittut atornissaat Naalakkersuisunit pilersaarutigineqarpa?

Akissut: Apeqqutip taassuma isumaa paasiuminaatsinneqarpoq. Taamaattoq tikkuarneqassaaq kalaallit tunisassiaat Naalakkersuisunit pingaartinneqartorujussuullutik ukkatarineqarmata tamakkununngalu tunngasut pillugit maanna misissueqqissaamerit arlallit ingerlanneqarpoq.

11.7 Konto pingaarnaq 64.10.25 Suliniutit angisuut

- a) Suliniutip maanna killiffia naatsumik nassuiaatigeqqullugu Naalakkersuisut qinnuigineqarput.

Akissut: Paasissutissiissutigineqarsinnaavoq Kalaallit Nunaata Namminersorlutik Oqartussat Alcoa-llu akornanni Paaseqatigiinnissamik Isumaqatigiissummut ilaliussamik nr. 2-mik atsioqatigeqqammermata. Ilaliussamit maanna Alcoa isumaqatigiissutigineqarpoq suliniummit erngup nukinganut tunngasunik paasissutissat aningaasaleerusussinnaasunut tunniussinnaagaat. Erngup nukissiornermut periarfissat aningaasaleerusussinnaasunut qaammatini ukiunilu aggersuni nittarsaanneqassapput.

- b) Suliniutit angisuut allat suut suliniutigineqarpat?

Akissut: Suliniutinut angisuunut pilersitsiniarneq eqqarsaatigalugu nunanit tamalaanit suliffeqarfiit Kalaallit Nunaanni aningaasaliinissamut paasiniaallutik ingerlaavartumik attaveqartoqartarpoq. Erngup nukissiorneq oqaatigineqareersutut siunissami suliffissuaqarfinnut nittarsaanneqartussaavoq.

- c) Matumani aningaasaliissutit soq aalajangiusimaneqarpat?

Akissut: Aningaasaliissutit Alcoamik isumaqatigiissuteqarallartoqarnerani attanneqassapput tassunga suliassanut attuumassuteqartunut aningaasanik sillimmateqarnissaq siunertaralugu. Alcoamik isumaqatigiissut atorunnaarsinneqassaaq aningaasaliisussamik allamik suliamik tiguserusuttoqarpat.

- d) Matumani aningasaliissutit ukiuni kingullerni tallimani qanoq pissarsissutigineqarpat?

Akissut: Aningaasaliissutit taakku aqqutigalugit Namminersorlutik Oqartussat Alcoamik isumaqatigiissuteqarnermut tunngasunik pisussaaffinnik naammassinninniartut. Paasissutissanik amerlasuunik katersisoqarsimavoq taakkulu aningaasaleerusussinnaasunut saqqummiunneqarlutillu nalilersortinneqarsinnaapput.

- e) Konto pingaernerup matuma atorunnaarsinneqarnissaa pilersaarutaava?

Akissut: Naamik.

11.8 Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit

- a) Ataasiinnarmik isaaveqarluni sullissinermi akuersissutit suut pineqarpat?

Akissut: Sikumik imermillu avammut nioqqutissiornissamut akuersissutinut tunngapput, pinngoqqaatitigut isumalluutitut misissueqqaarnissamut atuinnissamullu akuersissutit kiisalu takornarianut tunngasunik sullissinissamut akuersissutit.

- b) Ataasiinnarmik isaaveqarluni sullissinermi suliat qanoq ittut suliarineqarsimappat aammalu suliamik ingerlatsineq nalinginnaasumik qanoq sivilutigisarsimava kiisalu suliat sukkasuumik suliarineqarnissaat anguneqarsinnaaqullugu sulisussat naammattut atugassiissutigineqarsimappat?

Akissut: Sikunik imermillu avammut nioqquteqarnissamut akuersissutit, pinngoqqaatitigut isumalluutitut kiisalu takornarianut tunngasunik sullissinissamut akuersissutinut tunngapput. Suliamit suliamut assigiinnatik sulianik sullissineq sivilussuseqartarpoq – suliallu ataasiakkaat apeqqutaalluinnartarlutik. 2016-imi sukisaarsaarluni aalisarnissamut siullernut akuersissutit saqqummiunneqarput tassungalu uiggiullugit taakkununga akuersissutit suliarineqalerlutik. Maanna sulianik sullissisussat naammattuusut Naalakkersuisut isumaqarput taamaattoq suliassaqrarfiit naapertorlugit ingerlaavartumik naliliisoqartassaaq.

- c) Suliniutinut sunut aningaasat atorineqarsimappat?

Akissut: Aningaasat siumut pilersaarusiornernut, inuussutissarsiutaasinnaasunik misissueqqissaarnernut nittarsaassinernullu suliaraqarnermut missingersuutinut ilaliussat naapertorlugit atorineqarsimappat.

- d) Qeqertarsuarmi suliniut taamaatinneqarsimava?

Akissut: Naamik – taamaattoq annertunerusumik nioqqutissiortoqarsimangilaq. Naalakkersuisut naatsorsuutigaat ingerlatseqatigiiffiup niuernermit pilersaarutaanik nalimmassaanissamut akuersissuteqartumit qinnuteqaat qaammatip tulliaata ingerlanerani nalilersuisoqassasoq.

- e) Takornariat ornittagaannut aningasaliissutit konto pingaarneq una aqqutigalugu tunniunneqartannginnerannut suna tunngaviua?

Akissut: Konto pingaarneq una aqqutigalugu – ingerlatsinermut aningaasaliissutaasut – takornariat ornittagassaannut siumut pilersaarusiornernut

suliaqarnissamat kiisalu taakku sananeqarnissaannut avataanit aningaasaliinissat siunertaralugit nunanit allanit aningaasaateqarfimmut aningaasaleerususinnaasunut nittarsaassinernut atorneqartussatut illikartinneqarput. Takornariat ornittagaannut Konto pingaarnikkut 85.50.20-ikkut aningaasaliissutit sanaartornissamat aningaasaliissutaapput takornariat ornittagaannik ataasiakkaanik sanaartornermut atungassat. Ilulissap Kangerluanut sullissivissaq siullertut maanna aallartinneqarpoq.

11.9 Konto pingaarneq 64.13.19 Nuttarnersitsiniarluni aningaasaliissutit

a) Suliassami kisitsit 2015-imiilli allanngorsimanerannut suna tunngaviua? Akissut: Allanngorarnernut kisitsisit qinnuteqartut aningaasaliissutillu amerlassusaat apequtaapput. Kisitsisit allanngorarnerinut pissutsit assigiinnigitsut pequtaapput. Nunaqarfimmiit illoqarfimmut qaninnermut angalaniarneq 1.000,00 kr.-neqarsinnaavoq Ittoqqortoormiiniit illoqarfimmut angalaneq ilaqutariinnut pequtinik assartuineq ilanngullugu 70.000 kr.-eqarsinnaalluni. Kisitsisit nikerarnerat taamaalilluni ukiumit ukiumut nikerartassaaq. Ulapaarfiup nalaani imaluunniit ataavartumik sulisussanik kitaani sinerissami tamarmi aalisakkerivinni suliffinni inuttaqanngitsut inuttalerniarlugit Royal Greenland 2016-imi suliassaqarfimmi suleqatigineqarluarpoq.

b) Aaqqissuussinerup atornissaanik qassit qinnuteqarsimappat aammalu nuunnerit qassit konto una aqutigalugu pisimappat? Akissut: 1. september tikillugu inuit 39-t nuunnerminnut atatillugu aningaasanik tapiiffigineqarsimapput ilaqutaalu ilanngullugit inuit 61-it nuttarnersitsiniarluni aningaasaliissutit atorlugit nuussimallutik. 2016-imi aningaasaliissutit 60 %-eraat. 2016-imi aningaasaliissutit tamakkerlugit atorneqarnissaat naatsorsuutigineqarpoq.

c) Nuttarnernerup malunnaatilimmik annertunerulernissaa siunertaralugu aaqqissuussinerup aaqqissuuteqqinneqarnissaanut Naalackersuisut qanoq periarfissaqarsoraat? Akissut: Aaqqissuussineq atorneqaleraluttuinnarpoq, pingaartumik aalisakkerinerup iluani tassani ulapaarfiup nalaani najugaqarfimmit qanigisanit sulisussanik tikisitsisoqartaruni tamannalu ajornaraangat nuna tamakkerlugu sulisussanik tikisitsisoqartarluni. Aningaasaliissutilli 1.122 mio.kr.-inut killeqarput. Inatsimmik ingerlaavartumik nutarterisoqartarpoq kingullermillu inatsimmik 2015-imi nutarterisoqarpoq. Naalackersuisut inuussutissarsiutinik ingerlatsisunit innuttaasunilluunniit aaqqissuussinermik missingersuutinilluunniit allannguerussullutik kissaateqarunnartut eqqumaffigaat.

d) Missingersuutinut ilanngussami immikkoortoq kingulleq aningaasartuutinut allanut tunngasoq itisilerneqassasoq ataatsimiititaliamit kissaatigineqarpoq. Akissut: 2016-imi juunimi juulimilu KNR-imi takoqqusaarutinik takutitsisoqarpoq tassungalugu atatillugu ilusilersuinermit KNR-imullu akiliutinut tunngasunik avataanit siunnersortimik pisariaqartitsisoqarsimalluni.

11.10 Konto pingaarneq 64.13.21 Piginnaanngorsaaqqinneq

a) Sooq suliassami kisitsisit 500-niit 350-inut ikileriarpat, naak aningaasaliissutit allannguuteqanngitsut?

Akissut: Aaqqissuussinermut kommunit piginnaanngorsaqqiinermut atungassanik immikkoortitaat qassinik sulisoqarnissaanut apeqqutaasarpoq. 1. september 2016-imi inuit 305-it 2016-ip ingerlanerani piginnaanngorsaqqinnermik ingerlataqariinngikkunik ingerlataqarput. Maannakkutut isikkoqarallartillugu 2016-imi piginnaanngorsaqqittut 500-it missaanniinmissaat naatsorsuutaavoq.

b) Aaqqissuusseqqinnissat konto pingaarnermut matumunnga qanoq sunniuteqartussatut naatsorsuutigineqarpat?

Akissut: Konto pingaarneq annerusumik tatineqarnerulissaaq siusinaartumik soraarnerussutisianut inatsisip nutarternerata kingorna, tassanngalu konto piginnaanngorsaqqinnermut suliniutit imaluunniit ukiunut aggersunut sulisinnaassutsimut naleqqussagaasumik suliffeqarneq pillugu suliniutit eqqorneqassallutik.

Tabel 2 – Ingerlataqartussat amerlassusissaannut naatsorsuutit kiisalu sulisinnaassutsimut naleqqussagaasumik suliffeqarnermut piareersartut amerlassusaat

Ukioq	2016	2017	2018	2019	2020
Tapiissutit (kr.)	205.000	2.300.000	4.500.000	6.300.000	7.577.000
Ingerlatat amerlassusaat	0	6	12	16	20
Sulisinnaassutsimut naleqqussagaasumik suliffeqarnermut inuit ingerlataqartut	0	61	120	168	203

2020-p kingorna aningaasaliissutit ingerlateqqinnissaannut pisariaqartitsisoqassagunarpoq piginnaasat naapertorlugit sulinissamut piareersamissamut pisariaqartitsisut amerlassusaat apeqqutaalluni. Aningaasat kommunini sulusunik akissarsiaqartitsinernut piginnaanngorsaqqiinernullu annerusumik atorineqassapput.

c) Konto pingaarnermi matumani aningaasaliissuteqarnermi siunertamut tunngatillugu kommuninit suut isumagineqartarpat?

Akissut: Kommunit aaqqissuussamut 50 %-imik akiliisarput piginnaanngorsaqqiinermut, suliffeqarfinnut pulaarnernut, piginnaanngorsaqqinneqartussanut iliuusissatut pilersaarusiomeri kommunit tamaasa sularisarlugit aningaasanillu atukkat namminersorlutik oqartussanit utertittarlugit.

d) Piginnaanngorsaqqinnissamik siunertaq konto pingaarnermut matumunnga aningasaliissutit amerlinerisigut siuarsarneqarsinnaava?

Akissut: Nalunaarusiortoqarnissaa sulissutigineqarpoq taamaalilluni aaqqissuussamik aqutsineq pisariinnerullunilu paasinarnerulemiassamat.

Taamaalillutik kommunit amerlanernik piginnaangorsaqquittussanik aallartitsinissaminut piffissaqarnerulissapput.

- e) Kommunimik avitsisinnaaneq konto pingaarnermut matumunnga qanoq sunniuteqarsinnaasutut naatsorsuutigineqarsinnaava?

Akissut: Sunniuteqartoqarnissaa naatsorsuutigineqanngilaq tassami piginnaangorsaqqinnermik suliat sumiiffimmiit sumiiffimmut allanngorartaramik kommuni apeqquataatinnagu.

11.11 Konto pingaarneq 64.13.23 Majoriaq

- a) Naalackersuisut isumaqarluinnarpat Majoriamik aaqquissuussineq ataavartuussasoq?

Akissut: Aap Majoriaq attanneqartussatut aaqquissuussaavoq. UKA 2015-imi Inatsisartut inatsisaat nr. 28 9. december 2015-imeersoq suliffissanut, ilitersuisarnermut pikkorissaqqinnernullu qitiusumik ingerlatsiviit pillugit inatsit tassaavoq Majoriamik pilersitsinermi tunngaviusoq.

- b) Suliniutissat suut pilersaarutigineqarsimappat aammalu Majoriamik pilersitsinermi siunertaaqqaartup anguneqarnissaanut suliniutissat taakku nutaat iluatsitsiviusumik ingerlanneqarnissaannut suut piumasaqaataappat?

Akissut :Suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersumut nassuiaatini ima allaqqavoq: "Siunnersuut Naalackersuisut suliffissaaleqinerup annikinnerulersinniarnernani anguniagaannut ilaavoq, ataatsimoortumik imaluunniit ataasiusumik kalaallit suliffeqarnermi ingerlatsiviannik pilersitsinikkut, tassanilu ingerlatsineq piginnaaneqarfiusumik naammattumillu atortussaartumik aaqquissuussaattillugu. Siunnersuut una isumannaarissaaq "matumut ataatsimut politikkimik", suliffissanut, ilitersuisarnermut pikkorissaqqinnernillu ingerlatsisarnerni, taamalu suliffissaaleqisut aamma inuusuttut suli suliffeqarnermut pulasimangitsut pilersaarusiunneqarsinnaaqqullugit, qanoq aaqquissuussisoqarneratigut iluatsitsiviusumik ingerlaqqissinnaanersut, piffissallu ingerlanerani suliffeqarnermut utseqqillutik, ikiorneqarlutillu nunatsinni suliffissanut nassaassaasunut." Taakku saniatigut Majoriami annertuumik pikkorissaasoqassaaq - atuagarsornikkut allatigullu. Pikkorissaanermi siunertaavoq sapinngisamik amerlanerpaat ilinniaqqinnissamat piareersarneqarnissaat. Inatsimmut nassuiaatini aamma allaqqavoq "Nuna tamakkerlugu anginerusunik assigiissaagaanusunillu ingerlatsivinnik pilersitsinikkut, kommunini suliffeqarnermi suliassanik ataatsimut ingerlatsineq eqqarsaatigalugu, ataatsimut misilittakkat tunuliaqutaralugit pilersitsisoqarsinnaavoq assigiissaakkanik naammassisaqarfionerusunillu suleriaatsinik, immikkut fagitigut ilisimasallit ilisimasaasa tamanit pitsaanerusumik nukittunerusumillu iluaqutissarsivigineqarsinnaasumik."

- c) Konto pingaarnermi matumani aningaasaliissutit appartikkiartuaarneqarnissaasa iluatsitsiviunissaanut suut piumasaqaataappat?

Akissut: Kontomut pingaarnermut 64.13.23 Majoriaq-mut aningaasaliinerit ikilissappata suliffissarsiortunut ilitersuinissamut, piginnaanngorsaqqiinnissamut ikiuinissamullu pisariaqartitsinerup annikillinissaa malillugu ikilisikkiartuaarneqassapput. Taamaattoq paasinarsivoq; "2015-imi meeqqat atuarfiannit naammassisut 70 %-iisa missaat meeqqat atuarfiat qimappaat ataatsimik arlariinnilluunniit inuusuttut ilinniarfiinut ilinnialernissamut amigartunik allagartaminni karaktereqarlutik." (nalunaarusiamit naalisakkamit "Tungaviusumik atuarneq uiarteriffiusoq"-mit issuagaq). Meeqqat atuarfiini soraarummeerlutik atuartut piumasaqaatit naammassisinnaanngikkunikkit Majoriami pikkorissarnissaat pisariaqartuassaaq. Taamaattoq ersarissarneqassaaq Majoriaq atuagarsornermut pikkorissarnerinnaanaviannngimmat. Majoriaq siullertut tassaavoq innuttaasup siunnersortittarfia siunnersorneqarnerlu taanna iliuusissatut pilersaarusiornermik kinguneqassaaq, tassanilu ilaatinneqassallutik pikkorissarneq, ilinniarneq imaluunniit suliffissarsiorneq.

- d) Atuarfimmu aningaasartuutitut sanilliullugu Majoriamut aningaasaliissutit procentinngorlugit maanna qanoq annertutigippat?

Akissut: Majoriamut aningaasaliissutit AI2015-imi 49.539.000 kr.-iusimapput kommunillu meeqqat atuarfiinut aningaasartuutaat 2015-imi 741.798.000 kr.-iusimallutik.

Kommunit meeqqat atuarfiinut atuinerat 100 %-iusimappat taava Majoriamut aningaasaliissutit assersuutigissagaanni AI2015-imi 6,6 %-it missaanniissimapput.

- e) Ilinniartitsisut qanoq amerlatigisut, ukioq naallugu sulisorisanut naatsorsorlugu, Majoriaq-centerini atornerqarpat aammalu ilinniartitsisut taakku ilaat procentinngorlugu qanoq amerlatigisut atuarfimmi ilinniartitsisutut ilinniagaqarsimappat?

Akissut: Majoriami inuit katillugit 62-it atuartitsisuupput. Taakkunannga 45 %-ii (inuit 28-it) ilinniartitsisutut ilinniarsimapput, 17 %-ii (inuit aqqanillit) perorsaanermik allamik ilinniagaqarsimallutik, soorlu Perorsaanermik Tungaviusumik Ilinniarneq, faglæreritut pikkorissarnerit assigisaallu. Sinneri allamik ilinniakkamik tunuliaqteqarput.

Taakkunani 62-ini centerini aqutsisut tallimat aamma ilinniartitseqataasarput. Taamaalillutik inuit 57-it centerini aqutsisuunngitsut ilinniartitsisarput.

- f) Majoriaq-centerini ataasiakkaani pisortat qassit atuarfimmi ilinniartitsisutut ilinniagaqarsimappat taamatulluunniit qaffasissusilimmik ilinniagaqarsimallutik?

Akissut: Centerini aqutsisut marluk meeqqat atuarfianni ilinniartitsisutut ilinniarsimapput. Tassa centerini aqutsisut 12 %-eraat (17-iusunut). Centerini aqutsisut sisamat BA-mik qaffasinnermilluunniit ilinniagaqartuupput. Tassa centerini aqutsisut 24 %-eraat (17-iusunut).

- g) Majoriaq-centerini ilinniartitsisutut sulisussat sulisussallu allat qanoq amerlassusiligaappat amerlassusiliinermullu sanilliullugu aalajangersimasumik atorfeqartitat qassiuppat?

Akissut: Majoriami sulisut katillugit atorfillit ilanngukkaanni inuit 184-iupput. Taakku tassaapput centerini aqutsisut, ilinniartitsisut, siunnersuisut, sulianik sullissisut, pedelit eqqiaasullu.

Maanna atorfillit amerlassusaat sulisussanut naapertuupput, tassami suliamik kivitsiniarnermi sulisussat amerlassusissaat ikinnerpaaffilerneqarsimanngimmata. Tamanna erseqqarinnerusumik oqaaseqarfigineqarsinnaalissaaq Majoriaq piffissami sivilunerusumi ingerlareerpat, taassumami kingorna maanna sulisut suliamik isumaginninniarnerminni amerlassusaat naammannersut aalajangiiffigineqartussaassaaq.

Suliffeqarnermut tunngasunik aningaasalersuineq – siornatigut suliffissarsiuussisarfiusimasut – ataatsimut tapiissutinit tigusaapput Inuussutissarsiornermut, Suliffeqarnermut Niuernermullu Naalackersuisoqarfiup 2014-imi misissueqqissaarnera tunuliaqutaralugu takutitsivoq suliffissarsiorfinni sulianik sullissisut amerlineqartariartut. Tamannali qularnaatsumik oqaatigiuminaappoq tassami suleriaatsit pitsanngorsarneri, atortut amerlasuut ineriartortinneri, suleqatigiit imminnut ikioqatigiittarnerat il.il. Piareersarfiit suliffissarsiuussisarfiillu ataatsimoortinneqarneranni naatsorsuutaavoq sulisut ataasiakkaat suliaat oqilisarneqassasut, taamaalilluni sulisut ikinnerit suliassanik kivitsiniarneranni naammattutut ilersinnaammat.

- h) Missingersuutinit ilanngussami allassimavoq Majoriaq-centerit suliassaat pingaarnerpaaq tassaasoq innuttaasut ataasiakkaat ilitsersormissaat piginnaasaannillu qaffasaanissaq, taamaaliornikkut ullumikkut siunissamilu inuussutissarsiornermi sulisinnaasut patajaatsut, piumassusillit, piukkunnartut sungiussiasullu pigineqalernissaat qulakkeerneqarsinnaaqqullugu. Majoriaq-centerini ataasiakkaani sulisorisanut tunngatillugu suliassaq taannarpiaq kimit isumagineqarpa? Ilitsersuisunik tunngaviusumik ilinniartitaaneq matumani atorneqarpa?

Akissut: Suliffeqartitsinermit Periusissiami Suliniut nr. 2-mi aqutsisoqatigiit inassutaannit, tassani Piareersarfiit suliffissarsiuussisarfiillu ataatsimoortinnissaat sammineqartumi, Inuussutissarsiornermut, Suliffeqarnermut Niuernermullu Naalackersuisoqarfiup misissorlugu aallartippaa Majoriami sulianik sullissisunut suliffissarsiuussinermit ilinniartimmik pilersitsinissamut tunngasut. Ilinniakkap taaguutigissavaa "Suliffinnut siunnersortitut ilinniarneq". Ilinniarnissamut aqqissuussamut missingiut siulleq septembarip naanerani naammassineqarsimanissaa naatsorsuutaavoq. Taakku saniatigut ilinniartitaanerullu 2018-imi aallartinnissaatut naatsorsuutigineqartumi isumaliutersuutigineqarpoq Namminersorlutik Oqartussanit aamma Nuna Tamakkerlugu Siunnersuisarfiimmit susassaartunillu allanit aallartitaqartunit pikkorissaasartussanik pilersitsisoqassasoq taakku piumasarineqartut naapertorlugit pikkorissaasarlutik kommunit illoqarfiilluunniit tamanna kissaatigissagaluarpatigit.

Nuna Tamakkerlugu Siunnersuisarfik Ilitsersuisartunut tunngaviusumik ilinniartimmik siunnersuisartunik ingerlaavartumik pikkorissaasarpoq imaluunniit siunnersuisartunut Ilitsersuisartunut tunngaviusumik ilinniareernikut

ingerlariaqqiffiannik pikkorissaasarluni. Tamanna nangitsineruvoq Majoriaq pilinngikkallarmat Piareersarfinni suliffissarsiuussisarfinnilu siunnersuisartunut pikkorissaasarnermit.

- i) Kiffartuussinissamut isumaqatigiissutit ukioq kingulleq aningaasanut inatsisissatut siunnersuummik suliarinninnermut atatillugu Aningaasaqarnermut Akileraartarnermullu Ataatsimiititaliamit tiguneqartut allannguuteqartinneqarsimappat?

Akissut: 2017-imut kiffartuussinissamut isumaqatigiissutit maanna suliarineqarput naammassippatalu 2016-ip naajartornerani nassiunneqarumaarlutik.

- j) Majoriaq-centerit suliassat arlallit missingersuutitut ilanngussami nassuiaatigineqarput. Suliassat taakku siusinnerusukkut kikkunniit isumagineqartarsimappat?

Akissut: Suliassat missingersuutitut ilanngussanut nassuiarneqartut Majoriaq pilersinneqannginnerani Piareersarfiusimapput Suliffissarsiuussisarfiusimallutillu. Centerit nutaat maanna nunatsinni innuttanik tamakkiisumik isiginnilluni sullissilerput taamaalillunilu inuit ataasiakkaat ingerlariaqqinnissaannut ataqatigiissumik ineriartornissaanut pilersaarusiornissamut qulakkeerinnittuullutik.

- k) Inuit ataasiakkaat najukkani Majoriaq-centerini 2015-imi 2016-imilu aallartittut qassiuppat inuillu ataasiakkaat taakku qanoq ingerlaqqissimappat?

Akissut: Atuagarsortut atuagarsunngitsullu aggustimi aallartikkajupput. AEU-ppat, FA-juppat imaluunniit sannavimmi ingerlatsineruppat assigisaaluunniit. Ingerlatsinerit qaammatit quliugajupput innuttaasulli ilaat ima ikiortariaqartartigaat atuagarsornertaanik aallartitsitsinnginneranni atuagarsornerunngitsunik ingerlatseqqaartariaqartarlutik.

Ataani takuneqarsinnaapput 1. januar 2015-imit maannamut (14. sept. 2016) qassit aallartissimanersut, unitsitsisimanersut imaluunniit unitsitsigallarsimanersut, naammassisut tiguneqartullu.

Oqaatigineqassaaq uteqqiasunik peqarsinnaammat maannamut qassiunerinik suli kisitsisaatigineqanngitsunik:

Siornatigut tiguneqartut : 2.019 Naammassinnittut – 1176

Ingerlatsisut - 880

Uuma naammassinnginnerani apeqqutinik akiuinermi qulaajarneqarsinnaasimangilaq qassit sulinermit ilinniaqqinnermilluunniit nangitsisimanersut. Qassit ingerlaqqissimanersut pillugit paasisutissat kingorna nassiunneqassapput.

- l) Tassunga atatillugu uteqqiatioqartarpa?

Akissut: Aap uteqqiatioqarpoq taakkulu apeqqummut k)-mi akissutini takuneqarsinnaapput. Innuttaasut piareersarneqaaqqaartariaqarput assersuutigalugu sulinermit sungiusarnermi (nalinginnaasumik qaammatini marlunni pingasuniluunniit) innuttaasut ingerlariaqqinnginnerminni, taamaaleriarlutik atuagarsornerunngitsumik aamma ingerlatseqqaarlutik aattaat

ilaatigut atuagarsornertalimmik pikkorissaataasumik aallartitsisinnaasarput. Taamaalilluni innuttaasoq Majoriap iluani ukiup ataatsip ingerlanerinnaani assigiinngitsut pingasut angullugit ingerlassimasinnaasarpai. Taakku ingerlatat ilaat unitsiinnarneqartarput tulluarnerusumik aallartitsinissamut neqeroortoqarsinnaagaangat iliuusissatut pilersaarummi piffissap ingerlanerani innuttaasup pisariaqartitaa allangussagaluarpat.

- m) Qaffassarnerni atuagarsornertaqanngitsuni suut ingerlanneqartarpat qaffassarnernillu taakkuninnga qassit aallartitsisarlutillu naammassinnittarpat? Qaffassarnernik taakkuninnga ingerlatsisimasut qassit aaqquissuussineq piviusumik iluaqutissarsiffigisarpaat?

Akissut: Atuagarsornerunngitsut tassaasinnaapput:

- Majoriami sannavimmiinneq, soorlu Piorsaavik, "Sapinngilanga – Pisinnaavunga" aamma "Pilersitsivik Asimi". Neqeroorutit assersuutigalugu sannavimmi, igaffimmi aamma/imaluunniit (amernik) mersortarfimmi suliffissanik pilersitsinissamut.
- Suliffimmi sungiusarnej. Naleqqussaaneermik tunngaveqarluni inuusuttunik piginnaanngorsaaneq, tassa Piareersarfimmi atuarnissamut sulilernissamulluunniit piareersimatilerniarlugit.
- Inuusuttunut atuagarsornikkut sanngiinnerusunut neqeroorutit. Suliffeqalernissat imaluunniit atuagarsornikkut piginnaanngorsarneqarnissamut ikorfartuinissaq siunnerfigalugit immikkut ittumik atuartitsisoqarnissamik immikkut neqeroorutit.

Inuusuttut atuagarsornerunngitsumik pikkorissartussat 250-it tiguneqarnissaat siunertaavoq.

- n) Inuit ataasiakkaat qassit sulinerminni ingerlaqqinnissamut ilitersorneqarnissamik aammalu iliuusissatut pilersaarusiornissamik neqeroorfigineqarsimappat?

Akissut: Sulinermi ingerlariaqqinnissamut inuit ataasiakkaat neqeroorfigineqartartut qassiunersut uuttoruminaapput tassami siunnersuinerit inummiit inummut assigiinngittartorujussuummata. Innuttaasut ilaat Majoriami saaffiginnittarfimmi allaffimmi sulisumik taamaallaat oqaloqateqarnissamik pisariaqartitsisarput ilaalu siunnersuisartunik arlaleriarlutik ataatsimeeqateqaaqarlutik innuttaasoq sumut ingerlariaqqikkusunnerluni qulariunnaarsinnaallugu. Taamaalilluni siunnersuinerit tamarmik nalunaarsorneqartanngillat taamaammalu ajornakusuuginnanngikkuni ajornarluni inuit qassit sulinermi ingerlariaqqinnissamut siunnersortissimanersut kisitsisilernissaat. Majoriaq 2017-ip aallartinnerani tamakkiisumik atuutilerpat iliuusissatut siunnersuinerit tamarmik nalunaarsorneqartalernissaat uukkatarineqassaaq.

- o) Inuit ataasiakkaat qassit sulinerminni ingerlaqqinnissamut ilitersorneqarnissamik aammalu iliuusissatut pilersaarusiornissamik neqeroorfigineqarnertik akuerisimavaat?

Akissut: Apeqqut n-mut akissut takuuk.)

p) Inuit ataasiakkat qassit ilinniagaqarnissamut- imaluunniit sulinissamut piginnaangorsaataasumik piareersarnerit ingerlassimavaat?

Akissut: 1. januar 2015-ip kingorna Majoriap ataani ilinniaqqinnissamut sulilernissamulluunniit piareersaataasumik pikkorissartinneqartut 1176-it naammassinnissimapput. Uteqqiasoqarsinnaanera maluginiaruk. Apeqqutitut akissutinik suliarinninnerup naammassinninnginnerani qassit uteqqiasuunersut qulaajarneqarsimasinnaasimangilaq. Apeqqut I-mut akissut takuuk.)

q) Inunnit ataasiakkaanit taakkunannga qassit tassunga atatillugu ilinnialernissamut akueritissimappat suliffittaarsimallutilluunniit?

Akissut: Inuit qassit Piareersarfik/Majoriaq-mi ingerlatseriarlutik ilinniarnermut ingerlaqqittut kisitsisaatigut tassaagallarput 2013-imeersut. AEU-mit imaluunniit FA-mit ingerlatsereerlutik inuusuttut ilinniaqqittut amerlassusaat pillugit tulluuttuni sammeneqarput. Nalunaarusiaaqqamit "Tunngaviusumik atuarneq uiarteriffiusoq"-mit tigulaarineq:

"2013-imi FA-mik naammassinnissimasut, naammassinninnermiit ukiut pingasut qaangiunnerani 85 %-iisa missaat, inuusuttut ilinniarfiannut ingerlaqqissimapput. Atuartut 2013-imi AEU-mik naammassinnissimasut, ukiut pingasut qaangiunnerani 40%-ii sinnilaarlugit inuusuttut ilinniarfianni aallartissimapput. Atuartut AEU-mik atuarsimasut ikinnerusut inuusuttut ilinniarfiinut ingerlaqqittarnerannut peqqutaasut assigiinngitsunik nassuarneqarsinnaapput. Piareersarfinni sulisut AEU-mi atuarsimasut inuusutissarsiutitigut ilinniarfinni brancheskolinilu kingusinaartarnerinut praktikkerfissaaleqisarneq pingaarnertut nassuiaatigaat."

r) Atuarfimmi atuartunik angajullernik ilitsersuinerimi suliasat sorpiaat atuarfimmik suleqateqarlutik Majoriaq-centerit ingerlattarpaat?

Akissut: Majoriap suliasai meeqqat atuarfiini atuartunut annernut siunnersuisarneq naapertorlugu Kalaallit Nunaanni ilinniartitaanermut inuusutissarsiutinillu siunnersuisarneq pillugu Inatsisartut inatsisaat nr. 4, 29. november 2013-meersumi allaqqapput. Tassani allaqqavoq;

§ 19. Inuusuttunut 18-it tikillugit ukioqartunut ilitsersuisarneq pillugu kommunini atuarfeqarfiit, kommuninilu ilitsersuisarfiit ingerlaavartumik suleqatigiittarnissaat kommunalbestyrelsit qulakkiissavaat.

Imm. 2. Imm. 1-imi suleqatigiittoqarnissaanik oqariartuummut uiggiutitut, najukkami siunnersuisarfik kommunip atuarfiinut, meeqqat atuarfiinut namminersortunut, efterskolinut kiisalu folkehøjskolinut ilinniarfinnullu ikaarsaariarnermi siunnersuisarnikkut piareersaatinik ingerlanneqarnissaanullu suleqataasassapput.

Imm. 3. Atuartut naammassisut pillugit meeqqat atuarfiisa iliuusissatut pilersaarutaat suliarineqarnikut assilinerannik kommunini ilitsersuisarfiit tigusaqarnissaat atortullu ilitsersuinerimi atugassat pisariaqartut, tassunga ilanngullugit atuartut ataasiakkaat atuarnermik naammassinermut uppersaataat karakterillu pillugit paasissutissat, kommunalbestyrelsit qulakkiissavaat.

Imm. 4. Atuartunut atuarnermik naammassinnittunut iliuusissatut pilersaarutit meeqqat atuarfianni suliarineqartut assilinerannik ilinniarnertuunngorniarfiit,

inuussutissarsiutinut ilinniarfiit imaluunniit qitiusumik ilinniarfiit tigusaqarnissaat kommunalbestyrelsit qulakkiissavaat.

- s) Suliassat taaneqartut qulingiluat Majoriaq-centerinit suliarineqartussat Majoriaq-centerit arlalinnit isumagissallugit annertuallaarnersut Naalackersuisunit isumaliutigineqarsimava?

Akissut: Naalackersuisut suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersumik akuersisoqannginnerani sulisut nunatta sinneraneersut suleqatigalugit siunissami suliassat pillugit qulaajaasoqarpoq suliassallu pillugit aaqqissuussinissaq pillugu nassuiaasiortoqarluni. Aamma inatsimmut nassuiaatini allaqqavoq tamanna 2016-imi atuutsilerneqassasoq. Suliaq taamaalilluni peqqissaarulluinnarlugu aaqqissuussaavoq soorluttaaqtuutsilernissaanut ikaarsaariarfiusumik ukiumik piffissaliisoqarluni.

Taamaalilluni Majoriami suliassat angivallaartut Naalackersuisut nalilinnigilaat.

- t) Suliatigut pikkorissarnerit aammalu ilinniagaqarnissamut- imaluunniit sulinissamut piginnaanngorsaataasumik piareersarnerit nunatsinni tunngaviusumik ilinniarfippassuanngortunit pitsaanerusumik ingerlanneqarsinnaappat?

Akissut: "Suliatigut pikkorissarnerit" tassaappata AMA-mi imaluunniit PKU-mi suliassaasut taava amerlanerpaat nunatsinni qitiusumik atuarfinni ingerlanneqartarput. PKU-mik pikkorissarnerit ataasiakkaat najukkami Majoriaq suleqatigalugu ingerlanneqartarput, kisianni qitiusumik ilinniarfiit pikkorissarnernut akisussaasuupput.

Majoriamut taartaasutut nunatsinni qitiusumik ilinniarfiit ilaanni ataasiakkaani piginnaasanik qaffassaataasunik pikkorissaasoqartarpoq ilinniartoq fagimi ataatsimi marlunniluunniit naammattumik piginnaaneqanngippat.

- u) Majoriaq-centerit sorliit suliassaq naammaginartumik isumagisarpaat? Suliassat iluatsitsiffiusumik isumaginissaannut piumasaqaatinik suliartoqarsimava?

Akissut: Inuussutissarsiornermut, Suliffeqarnermut Niuernermullu Naalackersuisoqarfiup ukiut tamaasa Majoriaq-centerit arlallit nakkutilliivigiartortarpai. Suliassat ilaat naammaginangitsumik

suliarineqartartut paasineqarpat Majoriaq Centerimi aqutsisoq taassumalu qullersaa attavigineqartarput. Taamatut saaffiginnittoqarnerani suliamik naammaginangitsumik sooq suliartoqarsimanera tassungalu tunngaviusumik nassuiaammik piumasoqartarpoq kiisalu suliamik naammaginartumik suliarinninniarluni kommuni qanoq pilersaaruteqarnerasoq apeqqutigineqarluni.

Siorna aningaasanut inatsimmut siunnersuummik suliaqarnermut atatillugu Aningaasaqarnermut Akileraartarnermullu Ataatsimiititaliap kiffartuussinissamut isumaqatigiissutit tigusaani atuarneqarsinnaapput suliamik iluatsilluartumik ingerlatsiniaraanni suut tunngaviussanersut pillugit allattorsimaffii.

- v) Suliffeqarnermi ineriartorneq siuarsarniarlugu akeqanngitsumik nuna tamakkerlugu sullissineq aammalu najukkami, nunap immikkoortuani nunalu tamakkerlugu inuussutissarsiuteqarnermi suliffeqarnikkut iliuusissanik ujartuineq nunap immikkoortuini nunaluunniit tamakkerlugu ingerlatsivinnit qulliunerusunit isumagineqarunik pitsaanerussannginnerpa?

Akissut: Naalakkersuisut una naliliinerinngilaat, tassalu suliffissarsiuussisarfinnik ineriartortitsinermi nuna tamakkerlugu akeqanngitsumik sullissineq kiisalu najukkami, nunap immikkoortuani nunalu tamakkerlugu inuussutissarsiuteqartunik ornigulluni suliniuteqarneq nunami immikkoortumi nunamiluunniit tamarmut sullissivinnit pitsaanerusumik ingerlanneqarsinnaasut. Suliffeqarnikkut iliuusissanik allannguisoqassanersoq Naalakkersuisut ingerlaavartumik nalilersortarpaat.

- w) w) Atuarfimmi ilutsilluartumik siusissukkut iliuuseqarneq aammalu ilinniartitaanikkut isumaginninnikkullu siusissukkut iliuuseqarnermik tapertaqartinneqartoq, Majoriamit isumagissallugu nukissaarunneqarfiginarsorinarartoq, inuusuttut ilinniagaqalernissamut sulilernissamullu piareersimanerannut pitsaasumik sunniuteqarsinnaasoq Naalakkersuisunit takorloorneqarsinnaava. Siunertamut aningaasaliissutit amerliartuinnartut amerlisimasullu tunngavigalugit Piareersarfiit/Majoriap sunniutaasa takussaasut annertuumillu pisariaqartinneqartut utaqqqeqqikkuminaatsutut ataatsimiititaliamit isigineqarput? Piareersarfiit taaguutaata Majoriamik taarserneqarnera ajornartorsiummut tassunga iluaqutaasinnaagunangilaq, taaguummilli allanngortitsineq suliassap naammassineqarsinnaanngissusianut ersiutaannaasinnaavoq.

Akissut: Naalakkersuisut kommunit ilinniarfiillu suleqatigalugit, ilaatigut matumani Ilinniarfissuaq, meeqqat atuarfianni siusinaartumik ilinniarnissamut iliuuseqarnermut isumaginninnikkullu iliuuseqarnissamut suliarnik annertuumik ingerlataqarput, taamaaliornikkut inuusuttut ilinniarnissamut sulilernissamulluunniit pitsaasumik sunnerneqarsinnaassallutik.

Suliassaq Majoriamit artorsaatigineqarnavianngitsoq Naalakkersuisut isumaqarput.

Erseqqissarneqassaaq Majoriami inuusuttunut meeqqat atuarfiannit anisunut pikkorissaanermik sulineq ilinniartunut meeqqat atuarfianniit anisunut toqqaannartumik qaffasissusaanik sunniuteqartanngimmat. Inuusuttoqarallartillugu meeqqat atuarfianniit anisartut atuagarsornikkut inuttulluunniit ilinniaqqinnissamut ingerlariaqqinnissamut inerilluarsimannigitsunik Majoriap ataani pikkorissaasarnert pisariaqartinneqartuassapput.

Suliffissanut, Ilitsersuisarnernut Pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 9. december 2015-imeersumi UKA 2015-imi akuersissutigineqartumi atuarneqarsinnaasutut Piareersarfiit taaguutaat allanngortinneqarput Majoriaq-mut. Apeqqut b-mut akissut takuuk.)

a) Suliniut taanna sumut killippa?

Akissut: Suliffinnut nittartagaq suligl atuuilerpoq maannakkumullu sulisussarsiornerit 97-it maanna takuneqarsinnaapput.

Suliffeqarfiit avataanit sulisussarsiornissamut qinnuteqaataat kommunit aatsaat suliarinnaavaat suliffeqarfik suligl-imi sulisussarsiorsimappat. Taama periuseqarneq 1. maj 2016-imi atuuilersimavoq suliffeqarfinniillu aamma kommuniniit taama aaqqiineq iluarisimaarneqartorujussuuvoq.

Majoriaq 1. januar 2017 tikillugu suliffeqanngitsut tamaasa CV-vi suligl-imut allattornissaannut piffissalernerqarsimavoq. Majoriaq nalunaarpoq suliaq kingusinnerpaamik 1. januar 2017-imi naammassisinnaallugu.

b) Nunatsinni sulisussat nunap immikkoortui akimorlugit atorneqartarnissaannik siunertaq "suliffissanut isertarfik" aqutigalugu eqquutsinneqarpa?

Akissut: suligl-imi sulisussarsiornerit avataanit pisariaqartitsinermik annikillisitsisimanersoq sulig misissorneqanngilaq. Naalakkersuisut ukiup naajartornerani suliffeqarfiit kommunillu suligl-imik misilittagaannik sukumiisumik misissuiniarput.

c) Sulisussarsiorluni allagarsiussat Namminersorlutik Oqartussat, kommunit namminersorlutillu inuussutissarsiutillit akornanni qanoq agguataarsimappat?

Akissut: Suliffeqarfiit suunersut suligl-imi allattorsimapput. Sulisussarsiornerit 14. september 2016-imi 97-iusimapput. Oqaatigineqassaaq 97-ini taakkunani sulisussarsiornerit ilaanni suliaqarfinnik assingusunik ilaqarsinnaammata taamaalillutillu arlaleriarlutik saqqummiunneqarlutik.

Namminersorlutik Oqartussat tassani suliffeqarfiit aqutigalugit arlalinnik suligl-imi sulisussarsiorpoq, kommunit sulisussarsiornerat pillugu teknikkikkut aaqqiissutissamik ujarlertoqarpoq, taamaalilluni kommuni sulisussarsiorlutik allagartaliussaata ingerlaannartumik suligl-imut nuunneqartarniassammata. September 2016-imi suliffeqarfiit namminersortut suligl-imi sulisussarsiornerit 60 %-iisa missaraat, 14.

12. Suliassaqarfik 66 - 67 Aningaasaqarnermut Aatsitassanullu Naalakkersuisoq

12.1 Konto pingaarneq 66.01.01 Aatsitassanik Aqutsisoqarfik – Allaffissorneq

a) Qinnuteqaatit qassit tiguneqarsimappat suliassallu qassit maanna suliarineqarpat?

Akissut: Apeqqut 2016-imut tunngasuusutut paasineqarpoq.

14. september 2016 tikillugu makku qinnuteqarfigineqarsimapput:

Aatsitassarsiorneq

Annikitsumik aatsitassarsiornissamut akuersissutit 12

Misissueqqaarnissamut akuersissutit 2

Ujaasinissamut akuersissutit 2
Piiaanissamut akuersissutit 0

Uuliasiorneq

Misissueqqaarnissamut akuersissutit 0
Misissuinissamut atuinissamullu akuersissutit 1

14. september 2016-imi aatsitassarsiornermut annikitsumik aatsitassarsiorinissamut qinnuteqaatit tallimaapput misissueqqaarnissamullu akuersissut ataaseq suliarineqarluni, uuliasiornermilu misissuinissamut atuinissamullu akuersissut ataaseq suliarineqarluni.

b) Misissueqqaarnerit qassit isumalluarnartut Naalakkersuisunit isigineqarpat aammalu qassit akuerineqartussatut naatsorsuutigineqarpat? Akissut: Misissueqqaarnerit tassaapput sumiiffinni sumi misissueqqaarnissamut qinnuteqarfigineqarsinnaasut suussusersiniarnerini ingerlatseqatigiiffinnut ikiuutaasussat. Misissueqqaarnerit pineqarmata soorlu assersuutigalugu qillerisoqarsinnaanani Naalakkersuisut misissueqqaarnernut ataasiakkaanut immikkut naatsorsuuteqanngillat. Aatsitassanut uuliamulluunniit tunngasuni.

2016-imi misissueqqaarnissamut akuersissutit marluk akuersissutigineqarnissaat naatsorsuutaavoq uuliasiarinissamullu misissueqqaarnissamut akuersissutinik nutaanik tunniussisoqarani.

c) Aatsitassat pillugit periusissaq kingulleq qanga suliarineqarpa? Akissut: "Kalaallit Nunaanni uuliasiornermi aatsitassarsiornermilu periusissiaq 2014-2018" 2013-ip ingerlanerani suliarineqarpoq februar 2014-imilu tamanut saqqummersinneqarluni.

12.2 Konto pingaarneq 67.01.01 Aatsitassanut Ikummatissanullu Naalakkersuisoqarfik

a) Aningaasartuutit allat suuppat? Akissut: Aningaasartuutit allat missingersuutitut nassuiaatiniittut ulluinnarni ingerlatsinermit matussusiissutaapput, immikkoortullu marluk pingaarnerit tassaallutik sulinermit atatillugu angalanerit avataaniillu siunnersortinik atuinerit.

b) Kajumissutsimik ujarassiortut qassit akuersissummik tunineqarsimappat? Akissut: 1. september 2016-imi annikitsumik aatsitassarsiorinissamut akuersissutillit ingerlatsisut 50-iupput taakkunannga 19-it kisermaassisusnaanatik 31-illu kisermaassisusallutik ingerlatsillutik.

12.3 Konto pingaarneq 67.01.03 Geologimut pilerisaarinerimullu suliniutit

a) Aningaasartuutit allat suuppat? Akissut: "Aningaasartuutit allat" tassaasorineqarput "Suliassami kisitsiserit nikerarneri"-niittut.

Tassani missingersuutitut ilaatinneqartut tassaagajupput assersuutigalugu annikitsumik aatsitassarsiorinissamut tunngasunik isumasioqatigiinnernut

anigaasartuutit, ujaqqanik pinnerasaasiornermut tunngasunik saqqummersitsinerit (nittarsaassinerunngitsut), ujarassiuunut software-nik immikkut ittunik pisinerit, ujarassiornermut tunngasunik paasissutissanik katersivinnik inerisaanerit, kalaallit katersugaasiviannut atuakkanik pisinerit, kalaallit katersugaasiviinut ujarassiornermut tunngasunik saqqummersitsisunut takusaanerit, ujarassiornermut tunngasunik oqalugiarnernut anigaasartuutit il.il.

- b) Ujarassiorit, Kangerlussuarmi, Narsarsuarmi Maniitsumilu qillerilluni qallukkanik toqhortaasivinnut sisamaasunut kiisalu nittarsaanermi ataatsimeersuamernilu aatsitassanut tunngasuni nittarsaanermut anigaasartuuteqarnissaq qanoq amerlatigisunik anigaasaliiffiqineqarsimappat?

Akissut: Ujarassiorit ingerlannissaanut ukiumut missingersuutit 300.000 kr.-it missaanniittarput.

Qillerilluni qaqitanut toqqorsivinnut anigaasartuutit 2016-imi immikkut annertusimapput, tassami Maniitsumi qillerilluni qaqitanut toqqorsivik NunaMinerals-ip akilersuiunnaarneranut atatillugu pilersinneqarsimammat tassani qulakkearniarneqarluni qillerilluni qaqitat toqqorsivimmu akilersuisoqarunnaarpat iginneqannginnissaat. Maniitsumi qillerilluni qaqitanut toqqorsivik maanna matusimalerpoq qillerillunilu qaqitanut toqqorsivimmu Kangerlussuarmiittumut nuunneqarsimalerluni. Qillerilluni qaqitanut toqqorsivinnut anigaasartuutit 1,3 mio. kr.-iussagatinneqarput, tassunga ilaallutik containerit 13-it Maniitsumit Kangerlussuarmut assartorneri kiisalu Kangerlussuarmi atortunik annertusaanerit. Kangerlussuarmi Narsarsuarmilu qillerilluni qaqitanut toqqorsivinnut 2017-imi anigaasartuutissat 750.000 kr.-it missaanniissangatinneqarput.

2016-imi aamma 2017-imi nittarsaassinissamut anigaasartuutit ukiumut 1,4 mio. kr.-iunissaat naatsorsuutaavoq.

13. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq

13.1 Konto pingaarneq 70.01.07 Sanaartornermi oqartussaassuseq

Nummi qanoq akulikitsigisumik nakkutilliisoqartarpa amigartumillu nakkutilliisoqartarsimava?

Akissut: Nummi nakkutilliinerit annertussusaat allanngorarpoq ilaatigullu sanaartornermut oqartussat maalaarutigineqarsimasunik aalajangiisarnerisa amerlassusaat aammalu pissutsit allat soorlu suliassaqarfimmi tassani qanoq suliassaqartiginersoq aalajangiisuusarluni. Nakkutilliineq ingerlanneqartarportaaq misilittakkanik ilisimasanillu katersinissaq eqqarsaatigalugu tamanna iluaqutaasussatut nalilerneqartillugu, soorlu sanaartoriaaseq nutaaq atorneqalersillugu imalluunniit annertuumik ikuallattoqarsimatillugu. Nakkutilliinerit taamaattut agguaqatigiissillugu ukiumut 3-6-eriarluni ingerlanneqartarput ilaatigullu sanaartukkat amigaatillit naammattoorneqartarlutik maalaarutilli amerlanertigut ingerlatseriaatsinik kukkusimanernik aallaaveqarnerusarput.

13.2 Konto pingaarneq 70.10.03 Sillimmasiinerit

a) AIS 2017-imi aningaasartuutit allat isertitallu sumut tunngappat?

Akissut: 1.1.2017-imi Namminersorlutik Oqartussat Sulinermi ajutoortarnernut, Auto, Erhvervs- og produktansvar, Professionelt ansvar, Ajutoornermi, Angalanermi kiisalu assartuinermi namminneerlutik sillimmasersimalersimassapput. Pineqartut taakku tassaapput piffissap ilaanni ajoqusernerit annertussusaanut sanilliullugit sillimmasersimanermut akiliutit annertunerusarsimapput. Immikkoortortaqrarfiit ataasiakkaat maannamut sillimmasiisarfinnut akiliutigineqarsimasunik akileeqquneqassapput. Kontomi uani isertitat tassaapput akileeqqusissutit taakku ingerlatseqatigiiffiit namminersortitat Bygnings All Risks sillimasiinissamut akiliutissaat kiisalu isumaqatigiissitsiniartartup aningaasarsiassai. Kontomi tassani aningaasartuutit allat tassaapput isumaqatigiissitsiniartartumut aningaasartuutit, ajoqusernerit allaffissorluni suliarineqarmeri, selvriskop annertussusaa, aqusernaveersaartitsiniarnermik suliniutit, ajoqusertoqartillugu sillimaniarnissamullu pilersaarutininik suliaqarnermi aningaasartutit, kisitsisitigut paasissutissanik katersineq, tusarliunneqartussanik suliaqarneq ilinniartitsinerlu.

b) Piumasaqaatit suut aallaavigalugit sillimmasiinermi nammineq akiliutissat 250.000 kr.-inut annertussusilerneqarpat?

Akissut: Sillimmatit neqeroortuginerini selvriskop annertussusissaa eqqarsaatigalugu akiliutigineqartussamut sanilliullugu sorleq akilersinnaanerpaanersoq nalilerneqartarpoq, selvriskiko annikilliarthoraangat akiliutigineqartartussa q annertusiartortarmat.

13.3 Konto pingaarneq 72.02.03 Boligstøtte pillugu aqutsinermit pilersaarusiornermullu aningaasartuutit

Aningaasaliissutinit qanoq amerlatigisut suliassanut assigiinngitsunut missingersuutinit ilanngussami taaneqartunut atorneqarsimanerannik takutsisumik suliassami kisitsinut takussutissiaq suliarneqarsinnaava?

Akissut: Aningaasartuutit allat eqqarsaatigalugit ukiuni ataasiakkaani suliata apeqqutaasarpur 5.303.000 kr.-illu pineqartut 2017-imi ima agguarlugit atorneqassanganneqarput:

Tamakkiisumik iliuusissanik suliaqarneq (aaqqissuuseqqinnerit il.il.): 2.500.000 kr.

Inigisanut nammineq pigisanut peqatigiiffiit: 100.000 kr.

INI-mik, kommuninik il.il. ataatsimeeqateqarmissani angalanernut.: 100.000 kr.

Siunnersortinut avataaneersunut il.il.: 2.000.000 kr.

Periusissatut pilersaarusiorneq il.il.: 303.000 kr.

IPK (ingerlanngilaq): 300.000 kr.

13.4 Konto pingaarneq 72.06.51 Inissianik tunisineq - ilanngaaseereerluni tunniussineq

a) Konto pingaarnermut atatillugu iluarsaanermut inisseeqqittarnermullu pilersaarummi suliaqartoqarsimava?

Akissut: Iluarsartuussinissanut inisseeqqinnissamullu pilersaarutinut kontomi uani aningaasanik illikartitsinissaq pisariaqanngilaq, akigitinneqartoq

aallaavigalugu illup pitsaassusaa takuneqarsinnaammat. Taamatuttaaq init attartortumuinnaq (najugaqaannartussamut) aammalu inissiat ineqanngitsut tunineqartarput, inisseeqqinnissarlu pisariaqarneq ajorluni.

b) Namminersorlutik Oqartussat inissiaataasa assigiinngitsut qanga kingullermik iluarsaanneqarsimanerannut takussutissiaq pigineqarpa?

Akissut: Naamik, Namminersorlutik Oqartussat inissiaataasa qanga kingullermik iluarsartuunneqarsimani tamakkiisumik nalunaarsugaatigineqanngillat.

Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Namminersorlutik Oqartussat inissiaataasa assigiinngitsut qanga kingullermik iluarsaanneqarsimanerannut takussutissiaq pigineqarpa?

Akissut: Naamik, Naalakkersuisut misissueqqissaarnermik taamaattumik ingerlatsinikuunngillat.

13.6 Konto pingaarneq 72.20.02 Kalaallit Nunaanni tv-kkut radiukkullu aallakaatitanik siammartarineq

a) KNR 2 pillugu siunissamut pilersaarusiortoqarsimava?

Svar: KNR2 innuttaasut ugartortagaat naapertorlugu TV-ikut toqqaanartumik KNR 1-ikkullu aallakaatitsiviusartut nalinginnaasut nalaanni aallakaatinneqarsinnaanngitsunik aallakaatitsinernut atorneqallattaavoq. Tassani timersornikkut aallakaatit pineqarnerupput soorlu timersuutini assigiinngitsuni nuna tamakkerlugu pissartanngorniunnerit. Pingaartumik Arctic Winter Games-ip nalaanni inuutaasut KNR2 aqqutigalugu isiginnaarsinnaasarsimapput, taamaasiornikkullu unammiaarnerit annertuumik aallakaatitsiviusarsinnaasimallutik.

Tamatuma saniatigut nunat tamalaat peqataaffigisaanik unammersuarnerit kulturikkulluunniit aqqissuussinerit toqqaanartumik aallakaatinneqartarput, taamaasiornikkullu isiginnaartut toqqaanartumik isiginnaarsinnaanissaminnut periarfissinneqartarlutik SMS aqqutigalugu unammisitsinernut taamaasillutik peqataasinnaasarlutik - tamanna periarfissinneqarsimatillugu.

Inatsisartut ataatsimiinneri nalinginnaasumik salliutinneqartarput, taakku inatsisartut ataatsimiittarfianit toqqaanartumik aqqissuuteqqaarnagillu tamakkiisumik aallakaatinneqartarmata. Tamatuma saniatigut isiginnaartut nalaartartullu tamarmik ataatsimiinnerit oqaatsit sorliit atorlugit tusarnaarusunnerlugit teksttv aqqutigalugu periarfissinneqartarput.

KNR-ip ukiuni kingullerni marlunni kommunit neqeroorfigisarsimagaluarpai kommunalbestyrelsinit ataatsimiinnerit toqqaanartumik aallakaatinneqarsinnaasut KNR2 aqqutigalugu, ajorluartumillu Kommuneqarfik Sermersooq periarfissamik taassuminnga kisimi atuerusussimavoq. KNR2-li periarfissaq taana sulii periarfissartinneqarluni neqeroorutigineqarpoq.

KNR-ip tusilartunut ullumikkut aallakaatitanik nalinginnaasunik malinnaasinnaanngitsunut atorneqarsinnaanera KNR-imit 2

isumaliutersuutigineqarpoq, pineqartut taamaallaat Qanoruup unnummerusukkut aallakaateqqinnerani qalunaatut naqinnernik nutserneqarsimasunik atuarlutik kisimi malinnaasinnaammata. KNR2 tusilartunut ussersorluni nutserisulerlugu aallakaatitsisinnaavoq aallakaatitallu toqqaanartut eqqarsaatigalugit tamakku Kalaallisut/danskisut nutserlugit naqitanngorlugit suliarineqartarsinnaapput kingusinnerulaartukkut aallakaatinneqartarsinnaasunik. Taamatulli aaqqissuussisoqassappat siunertamut tassunga immikkut/annertunerusumik aningaasaliisoqartariaqassaaq.

- b) FM-ikkut aallakaatitsineq innuttaasut 99 %-iisa missaasa tusarnaarsinnaagaat Naalakkersuisut paasissutissivissutigaat. 1 %-it tusarnaarsinnaanngitsut kikkuppat?

Svar: Illoqarfinni nunaqarfinnilu tamani FM-aallakaatitsissut aqcutigalugu naalaartoqarsinnaavoq. FM-ikkut aallakaatitsissutinik naalaarsinnaanngitsut tassaapput innuttaasut illoqarfiit nunaqarfiillu avataanni najugaqartut savaatiliunerusut. FM-ikkut aallakaatitat innuttaasut 99%-iinit amerlanernut naalaarneqarsinnasarpud 100%-iunatik. Imanngilarli pineqartut KNR nalaarsinnaanngikkaat. Savaatillit DVB-T signali V_SAT-itik atorlugit KNR naalaarsinnaavaat fjernsyn aqcutigalugu. Savaatillillu ilaasa mellembælgimut attavillit Simiutaq aqcutigalugu aallakaatitat naalaarsinnaavaat.

13.7 Konto pingaarneq 72.20.03 Nalunaarasuartaateqarnermi maalaaruteqartarfik

Nalunaarasuartaateqarnermi maalaaruteqartarfiup ingerlanneqarneranut nalunaarasuartaateqarnermik ingerlatsisut kisimik akiliisarpud?

Akissut: Aap, taamaattorli naatsorsuutigineqarpiq malaaruteqarnermi annikitsumik akiliuteqartitsisalnissaq maalaaruteqartumit akilerneqartartussamik. Maalaaruteqarnermi akiliutigineqartussap annertussusissaa Nalunaarasuartaateqarneq pillugu Maalaaruteqartarfiup sulinera pillugu Namminersorlutik Oqartussat nalunaarutaat nr. 12, 4. november 2013-imeersoq § 3-mi atuarneqarsinnaavoq, tassani akiliutissap annertussusissaa allanngorarluni apeqqutaalluni akiliuteqartussaq suliffeqarfiunersoq inuinaanersorluunniit.

Maalaaruteqartup akitsuut 6.500 koruunisoq akilertussaavaa. Maalaaruteqartoq inuinaappat, aammalu maalaarut maalaaruteqartuinnarmut tunngasuuppat, akitsuut 150 koruuninut appartinneqassaaq.

13.8 Konto pingaarneq 72.20.05 Ilaasunik angallassinermut tapiissutit

- a) Suliassaqarfik nukittorsarniarlugu aningaasaliissutit amerlinagit aalajangiusimaneqarnerannut suna tunngavivua?

Akissut: Sullissinissamat isumaqatigiissutissat tusarniutigineqarnerinut atatillugu isumaqatiginninniarnissami piginnaatitsissummut tunngatillugu Ataatsimiititaliap tamakkiisumik suliarinninnera innersuussutigineqarpoq. Pingaarnertut innersuussutigineqarpoq Aningaasaqarnermut Akileraartarnermullu Ataatsimiititaliap Naalakkersuisunut allagaa 28. april 2016-imeersoq, tassanimi allassimammat aningaasaliissutissat annertussusaata eqqartorneqarnissaa Ataatsimiititaliamit tunngavissaqartinneqanngitsaq.

b) Aningaasaliissutit ilaat nunatta kujataanut tunngassusillit ikilineqarnerannut suna tunngaviua?

Akissut: Sullissinissamik isumaqatigiissutit nutaat allaavigalugit kontomi pingaarnermi matumani pisussat pillugit kisitsisit nutaamik allaaserineqassapput, taakkulu aappasaanerinninnissamut atatillugu suliarineqassallutik.

c) Air Greenlandimik piginnittuunermut Naalackersuisut qanoq anguniagaqarpt?

Akissut: Naalackersuisut Air Greenlandimik piginneqataassutaanut tunngatillugu ingerlatseqatigiiffik allanittaaq marlunnit piginneqataaffigineqarpoq tassalu SAS-imit aamma qallunaat naalagaaffianit.

Air Greenlandimik piginneqataasutit piginnittunut pingasuusunut ima agguarneqarsimapput,

Naalackersuisut, 37,5 %

Qallunaat Naalagaaffiat 25 %

SAS 37,5 %

Aktiaaterlutik piginneqataasut piginnittut isumaqatigiissutaat 2002-imi piginnittunit akuerineqarsimasoq naapertorlugu sulisarput.

Tamatuma saniatigut Air Greenlandimut piginneqataasutit pillugit § 37 nr. 2016-179,-imut akissutit innersuussutigineqarput.

13.9 Konto pingaarneq 72.20.10 Usinik assartuineq

a) Post Danmarkip Post Nordimit tiguneqarnera nunatsinni akinut qanoq kinguneqarpa?

Akissut: Tigusinermut pineqartumut tunngasut TELE-POST-ip akigititaanut sunniuteqassanganneqanngilaq. Allakkat Kalaallit Nunaanni Danmarkimilu nassiunneqartartut ikiliartornerisa kingunerisaanik Kalaallit Nunaanni akigitinneqartunut piffissap ingerlanerani sunniuteqaratarsinnaavoq.

b) Ingerlaarfiit assigiinngitsut konto pingaarneq una aqqutigalugu sullinneqartut qanoq akeqarpat?

Akissut: Nunaqarfinnut isorliunerusunullu nioqqutissanik pilersuineq pillugu Royal Arctic Line tamakkiisumik kiffartuussinissamik isumaqatigiissuteqarfigineqarpoq. Taamaattorli pilersuineranut tunngatillugu pissutsit ataasiakkaat erseqqissaaffigineqarsinnaanngillat.

c) Umiarsuit nunaqarfiliartaatissat sumut killippat?

Akissut: Ivalo Arctica, Qeqertarsuup Tunuani Aasiaat aallaavigalugu assartuisartussaq 2016-imi sapaatit akunnerisa 39-ianni Kalaallit Nunaanut aallassaaq tamatumalu kinguninngua angalalissalluni.

Minik Arctica Aalborgimi piareersarneqarpoq Qaqortoq aallaavigalugu Kujataanni oktoberip qiteqqunnerani/naanerani angalalissaaq.

Umiarsuit nunaqarfinnut assartuisartussat kingulliit marluk taamaatinneqarput umiarsualiorfiup tunniussinissamut aporfilersuina pissutigalugu. Taamaattumik umiarsuit pioreersut atorlugit assartuineq ingerlanneqarallassaaq.

Malik Arctica (nunaqarfinnut assartuutaanngitsoq) umiarsualiorfimmik isumaqatiginninniassutigineqarpoq. Pissutsit ajunngitsumik ingerlassappata Malik Arctica decembarip qiteqqunnerani tiguneqarsinnaassaaq.

d) Konto pingaarnermi matumani aningaasanik atunngitsuukkanik katersuisoqarpa?

AKISSUT: Naamik.

13.10 Konto pingaarneq 72.26.02 Mittarfeqarfiit

a) Suliaqarfiit Mittarfeqarfiit aningaasartuutigisartagaannik apparsaaqataasinnaasut nassaariniarlugit suliaqartoqartoq Naalakkersuisut paasissutissiissutigaat. Suliaq tamanna sumut killippa?

Svar: Mittarfeqarfiit periusissiaq Nalinga Inatsisartunut 2015-imim upernaakkut tunniuppa, tamatumalu kingorna Inatsisartut allannguutissanik kissaateqarsimannngillat.

Nalinga periusissami pingaarnertut suliniuteqarfissat 6-it aallaavigineqarput:

Akunnittarfiit tuniniarneqassapput

Inissiaatigineqartut tunniunneqassapput

Pilersuineramik suliat allanut tunniunneqassapput

Saffiorfiit/Værksteder pisariaqartitsineq naapertorlugu pitsanngorsarneqassapput

Sulisut pisortallu ineriartorneri piginnaanngorsaanikkut anguneqassaput

Massakut killiffik aallaavigalugu naatsorsuutigineqarpoq Kangerlussuarmi inissiaatigineqartut aqunneqarneri INI A/S.imut 1/1-2017 aallamerfigalugu tunniunneqarsinnaanissaat. saffiorfinni naleqqussarneri aallarereerput. Pisortanut pisortallu tullersortaannut piginnaanngorsaanerit siulliullugit ingerlanneqareerput suliniutissamilu tassani sulisut tullinnguullutik. Akunnittarfiit akissut c)-imi sammineqassapput. Pilersuinermut sullissinerit suli Mittarfeqarfinniit akisussaaffigineqarlutik tigummineqarput tunniunneqarsinnaanissaanullu tunngatillugu suliap immikkuullarissumik ingerlanneqarnera aalajangiiffigineqarneralu apeqqutaassapput.

b) Mittarfiit, heliportit, helistopit il.il. ingerlanneqarnerat qanoq akeqarpa?

Akissut: Isertitat pillugit paasissutissanik Ataatsimiititaliaq nassinneqassaaq, tassanilu suliassaqarfiit ataasiakkaat nalunaarsorneqarsimassapput. Tamakkiisumik isiginninnissaq eqqarsaatigalugu 12,9 mio. kr.-it Mittarfeqarfinnit ukiut tamaasa Namminersorlutik Oqartussanut ingerlatsinerimut tapiivallaarsimanertut tunniunneqartartut ilanngunneqartariaqarput.

c) Kangerlussuarmi Narsarsuamilu akunnittarfiit tunniunneqarnissaat, tunineqarnissaat attartortinneqarnissaalluunniit qaqugu pisussatut naatsorsuutigineqarpa?

Akissut: Mittarfeqarfiit piffissami sivitsortumi arlaleriarlutik Hotel Kangerlussuaq aamma Hotel Narsarsuaq tuniniartarsimagaluarpai. 2002-mi, 2007-imi kingullermillu 2013-imi, ajoraluartumillu iluatsinngitsumik. tamatuma kingunerisaanik akunnittarfiit ingerlatsinikkut angusarisartagai pitsanngorsarniarlugit Mittarfeqarfiit suliaqalerpoq, taamaasiornikkut pisisinnaajunnartunut kajuminnarnerulersitsiniarluni tunineqarnissai eqqarsaatigalugit. Mittarfeqarfiit akunnittarfinnut suli aningaasaliissuteqartarput, attartornermut isumaqatigiissuteqarsinnaaneq assingusumilluunniit

aaqqiissuteqarsinnaanissamut soqutiginarnerulersitsiniarluni. Akunnittarfinnik ingerlatsiunnaarnissaq nalinga Periusissamut tamakkiisumik naapertuuppoq, taamaasiornikkut Mittarfeqarfiit Kalaallit Nunaanni mittarfinnik ingerlatsineq ineriartortitsinerlu tamakkiisumik aallunneqarsinnaaqullugit, piffissaq sulisunut piffissaajannartoq nukinnillu atuivallaartartoq atorunnaarlugu.

d) Mittarfinnik nutaanik sanaartornerup nassatarisaanik Mittarfeqarfiit isertitai pillugit qanoq naatsorsuutiginnittoqarpa?

Akissut: Mittarfittaassani nutaani pingasuni angalasarnissat ilusissaat suli inissinneqarsimanngimmata massakkuugallartoq misissueqqissaarnernut angusanik saqqummiisoqarsinnaanngilaq. Ukiup tulliata naajartulernani akigititanut akiliinermullu kaajallaasitamik nutaamik MIT-ip tamakkiisumik aningaasarsiorneranut tunngaviliisussamik atuutsilersitsisoqarnissaa naatsorsuutigineqarpoq, taannalu nunatsinni attavilersuutinik ineriartortitsineq ilutigalugu Mittarfiit tamakkiisumik sularisartagaannut sunniuteqartussaassaaq.

e) Akunnittarfiit il.il. ilanngunnagit Mittarfeqarfiit mittarfinnuinnaq aningaasartuutaat qanoq amerlatigippat?

Akissut: Mittarfiit, qulimiguulinnut mittarfiit qulimiguulinnullu mittarfeqqat ataasiakkaat Mittarfeqarfinnillu ingerlanneqartut ukiuni 2013-2015 isertitarisimasaat ingerlatsinerminnullu aningaasartuutigisimasaanut takussutissiaq Ataatsimiititaliamut nassiunneqassaaq. Tassunga tunngatillugu maluginiaqquneqarpoq akunnittarfiit ingerlatsinerminni amigartoorutaat 10 mio. kr. missaaniittut qitiusumik allaffeqarfimmi ataatsimut aningaasartuutit aqutigalugit aningaasartuutitaqarmata.

14. Suliassaqarfik 73 – 77 Pinnngortitamut, Avatangiisinut Nukissiuuteqarnermullu Naalakkersuisoq

14.1 Konto pingaarneq 73.01.01 Pinnngortitanut, Avatangiisinut Nukissiuuteqarnermullu Naalakkersuisoqarfik

a) Upalungaarsimanissamik suli at eqqarsaatigalugit soqutigisat akkerliissinnaanerat ilanngullugu eqqarsaatigineqarsimava?

Akissut: Naamik soqutigisat akkerliissinnaanerat aarlerinartoqarpassinngilaq . Upalungaarsimanermut tunngasuni pineqarput qatserinermut qaartiterutinullu tunngasuni inatsisit, najoqqutassiorneq, nakkutilliineq, akuersissutit, ilinniartitaaneq paasissutissiisarnerlu, kiisalu Upalungaarsimanermut Ataatsimiititaliarsuarmut allattaaneq. Avatangiisinut nalinginnaasunut tunngatillugu sinerissap qanittuani uuliakoorsinnaanissamut upalungaarsimanissap pilersinnissaanut attannissaanullu tunngatillugu ilaatigut aningaasaliisoqarsimavoq.

14.2 Konto pingaarneq 73.94.02 Nukissiorfiit

a) Nukissiorfinnut tapiissutit 2011-mili unitsikkartuaarneqarnerat pilersuinerlut akinullu qanoq sunniuteqassava?

Akissut: Ingerlatsinermut tapiissutit atorunnaarsikkiartorneri aallaaviatigut akit qaffannerinik kinguneqassaaq. Taamatut kinguneqarsinnaanera illuatungilerniarlugu innaallagissamut imermullu akigitinneqartartut naammaginarlut inissisimanissaat Nukissiorfinnit sulissutigineqarpoq. Tamanna periarfissaqarpoq Nukissiorfiit naammassisinnaasanut

anigaasartuutigisartakkani ingerlaavartumik sulissutigisarmagu, kiassarermillu isertitaqarnerunermut uuliap akiata qaffariarsimanera pisoqataasimavoq. Pilersuisussaataitanermut sinaakkusiussat iluanni naammassisinnaasanut anigaasartuutit siunissami annikitsuutinneqarnissaat Nukissiorfinnit sulissutiginiarneqarpoq.

14.3 Konto pingaarnaq 73.94.03 Nukissiorfiit aqqusinermi qaammaqquteqarneq

a) Qaammaqqutit sarfanik sipaarutit atorneqarnissaat pillugu qanoq iliuuseqartoqarpa?

Akissut: Aqqusinermi qullit Nukissiorfinnit kommuni suleqatigalugu taarserneqaraangata aallaaviatigut qullit LED-qullernik sarfanik sipaarutaasinnaasanik taarserneqartarput. LED-qullit aqqusinermi qullernit maannamut atorneqartunit innaallagissamik atuinikinnerupput.

b) Aqqusinermi qaammaqquteqarermik suliassap kommuninut suli nuunneqarsimannginneranut suna pissutaava?

Akissut: Aqqusinermi qaammaqqutit akisussaaffigineqarnerisa Nukissiorfinnit kommuninut tunniunneqarnissaa Avatangiisinut, Pinnngortitamut Nukissiuuteqarermullu Naalackersuisoqarfimmit sulissutigineqarpoq. Akisussaaffiup qanorpiaq tunniunneqarnissaa ilaatigut nalilersorneqarpoq. Akisussaaffimmik tunniussinissaq 2017-ip ukiuata affaani siullermi pisinnaanissaa naatsorsuutigineqarpoq.

14.4 Konto pingaarnaq 73.94.04 Nukissiorfiit, erniat aamma 73.94.05 Nukissiorfiit, akilersuutit

a) Nukissiorfiit akilersuutinut ernianullu akiliuttat Nukissiorfiit ingerlanneqarnerannut qanoq sunniuteqarpat?

Akissut: Akilersuutit Nukissiorfiit ingerlatsineranut toqqaanartumik sunniuteqarneq ajorput, akiliisinnaassuserli naatsorsuutitigut sunnerneqartarpoq. Akiliisinnaassuseq naatsorsuutitigut sunnerneqaleraangat Nukissiorfiit tigusisinnaatitaanini atortariaqartarpaa.

14.5 Konto pingaarnaq 73.95.02 Emgup nukinganik misissueqqaarnerit aamma 73.95.04 Nukissiuutit ataavartussat, nukissiuutitigut pitsanngorsaarnerit aamma silap pissaa eqqarsaatigalugit ineriartortitsinissamut suliniutit

a) Nukissiuutinik ataavartunik allanik ataatsimut isigalugu assersuutigalugulu nunaqarfinni pilersitsinissaq eqqarsaatigalugu Naalackersuisut qanoq pilersaaruteqarpat?

Akissut: Naalackersuisut nukissiuuteqarnemi immikkoortunut pilersaarummik massakut suliaqarput tassuunalu ilaatigut allaaserineqassaaq innaallagissamik atuinitsinni nukissiuutinik ataavartunit qanoq annertunerusumik atuisinnaanerluta. Nukissiuuteqarnemi immikkoortunut pilersaarut ilimagineqarpoq 2017-mi piariissasoq. Nukissiorfiit suliniummik misiligummik Igalikumi aallartitsererput, tassani seqineq anorilu atorlugit nukissiuutit nukissamik toqqorsivimmiittuutigineqartumik dieselilu atorlugu nukissiuutit ataatsimoortillugit atorneqarsinnaaneri misiligarneqassalluni. Misiligutitut suliniummi misilittagaalersut nunaqarfinni tamani nukissiuutit mingutsitsinngitsut atorlugit aaqqiissuteqarniarnerni atorneqarsinnaassapput.

b) Erngup nukinganik maanna misissuinerit piffissamilu aggersumi misissuinissat killiffiat paasissutissiissutigeqquneqarpoq.

Akissut: Qasigianguani Aasiannilu takkulu nunaqarfittaanni innaallagissamik ataavartumik pilersuisinnaaneq Naalakkersuisunit misissorneqaleruttorpoq. Misissuinerit annertupput, teknikkikut inuiaqatigiillu aningaasaqarnerat aallaavigalugit misissuisoqarmat. Misissuinerit ingerlapput 2017-illi ingerlanerani naammassineqarnissaat naatsorsuutigineqarluni. Tasiilami erngup nukinga atorlugu nukissiuutip allilerneqarsinnaanera Naalakkersuisunitaaq misissorneqarpoq. Misissuinerit takku 2016-ip naanerani naammassineqarnissaat naatsorsuutigineqarpoq. Tamatuma saniatigut Maniitsup eqqaani erngup nukinga atorlugu nukissiorfiliorsinnaasut marluk Nukissiorfinit misissuiffigineqarnerat aallartinneqarpoq. Kiisalu najugaqarfinni mikinerusuni tallimani: Qeqertarsuatsiaat, Qassiarsuk aamma Atammik 2015-imi kiisalu Arsuk aamma Ittoqqortoormiit 2016-imi erngup nuking atorlugu nukissiorfiusinnaasut aallarniutaasumik sumiiffissiniarneqarput.

c) Suliassaqarfimmut aningaasanik naammattunik immikkoortitsisoqarsimasoq Naalakkersuisut isumaqarpat?

Akissut: Naalakkersuisut isumaqarput suliassaqarfimmut tassunga massakkuugallartoq naammattunik aningaasaliisoqarsimasoq. Kalaallit Nunaannili nukissiuutit mingutsitsinngitsut annertunerusunik atorneqarneqarnissaat kissaatigineqassappat misissuinissanut aningasat amerlanerusut atorneqartariaqassapput. Ingerlataqarfimmut pilersaarut aqqutigalugu Kalaallit Nunaanni nukissiuutit mingutsitsinngitsut atonerulemissanut aningaasartuutissat pisariaqartinneqartut annertussusissat ersersinneqassaaq.

d) Erngup nukinganik nukissiorfiit imermik naammattumik pilersorneqarnissaat Naalakkersuisunit qanoq qulakkeerniarneqarpa?

Akissut: Suliamut tassunga tunngatillugu Avatangiisinut, Pinngortitamut Nukissiuuteqarnermullu Naalakkersuisoqarfik Asiaq-llu suleqatigiipput. Asiaq imermik uuttortaasarfinnik arlalinnik ingerlataqarpoq., taakkulu aqqutigalugit piffinni aalajangersimasuni sialuk qaniillu nakkaasartut annertussusaat aammalu sermip aaneratigut erngup pilersinneqartartup annertussusaat pillugit paasissutissat katersorneqartarput. Erngup nukinga atorlugu nukissiorfiliortiternissanut pilersaarusionermeri, pilersitsinerni allilerinernilu paasissutissanik katersisarnissaq ilaatinneqartarpoq. Imermik uuttortaasarfinit paasissutissat piffissami sivirusumi katersorneqartarput ilaatigut allilerinissani nammatumik imissaqarnissaq qulakkeerniarlugu. Naammattumik imissaqarnissaq qulakkeerniarlugu periseq atorneqartartoq alla tassaavoq imeqarfinni pioreersuni supisiornikkut imermik annertunerusumik katersinikkut innaallagissiorsinnaaneq.

e) Konto pingaarup uuma konto pingaernerullu 73.95.04-p, Nukissiuutit ataavartussat, nukissiuutitigut pitsannorsaanerit aamma silap pissaa eqqarsaatigalugit ineriartortitsinissamut suliniutit, ataatsimoortinneqarnissaat pitsaaquteqassava?

Akissut: Konto marluusut ataatsimuulersissinnaanerit massakkuugallartoq pilersaarutigineqanngilaq kontot marluk pineqartut tamarmik immikkut siunertanut aalajangersimasunut atugassaammata (erngup nukinga atorlugu nukissiorfiliornissanut misissueqqaarnerit aamma nukissiuutsit ataavartunut, nukissiuutsinik pitsannorsaanissamut pinngortitamullu tunngatillugu suliniutit).

14.6 Konto pingaameq 73.95.03 Nukissiornermut kisitsisitigut paasissutissat aamma mingutsitsisunik aniatitsinermut naatsorsuutit

a) Suliassat sumut killippat?

Akissut: Nukissiornermut kisitsisitigut paasissutissat Naatsorsueqqissaartarfik suleqatigalugu ukiut tamaasa suliarineqartarpoq. Nukissiornermut 2015-imi kisitsisitigut paasissutissat suliarineqaleruttarpoq naatsorsuutigineqarlunilu 2016-ip naajartulerani tamanut saqqummiunneqarsinnaassasoq (qularnanngitsumik decembarimi Naatsorsueqqissaartarfiup nittartagaa takuguk). Mingutsitsisunik aniatitsinermut naatsorsuutit ingerlaavartumittaaq suliarineqartarput angusallu Naatsorsueqqissaartarfiup nittartagaa aqutigalugu saqqummiunneqartarlutik (<http://www.stat.gl/dialog/main.asp?lang=da&sc=EN&version=201602>).

b) Nukissiornermi kisitsisitigut paasissutissat aammalu mingutsitsisunik aniatitsinermut naatsorsuutit suna aqutigalugu tamanut takusassarineqarpat?

Akissut: Ukiut siuliini nukissiornermi kisitsisitigut paasissutissat Naatsorsueqqissaartarfiup nittartagaanni nukissiuutit ataanni pissarsiarineqarsinnaapput:

<http://www.stat.gl/dialog/topmain.asp?lang=da&subject=Energi&sc=EN>.

Kalaallit Nunaanni 2015-imi nukissiornermi kisitsisitigut paasissutissat Naatsorsueqqissaartarfiup nittartagaatigut tamanut naammasseriarpata takusassanngortinneqassapput qularnanngitsumik 2016-ip naajartulernerani. Nittartakkani tassanittaaq mingutsitsisunik aniatitsinermut naatsorsuutit takuneqarsinnaapput avatangiisit kisitsisitigut paasissutissaassiviullu ataanni:

http://bank.stat.gl/pxweb/da/Greenland/Greenland__EN__EN30/ENX1EM1.px/?rxid=f8e88a74-ec32-4587-a164-a695b6e29170

14.7 Konto pingaameq 73.95.04 Nukissiuutit ataavartussat nukissiuutitigut pitsannorsaanerit aamma silap pissusaa eqqarsaatigalugit ineriartortitsinissamut suliniutit

a) Aningaasat suliniutit seqnermut, anorimut imermullu tunngasunut atorneqarnerat suliassami kisitsisitigut takuneqarsinnaanissaat ataatsimiititaliamit ujartorneqarpoq.

Akissut: Seqerngup qinngorneri atorlugit, erngup nukinga atorlugu imaalunniit anorisaatit atorlugit nukissiuutsinut suliniutit makku VEK-aningaasaliissutit aqutigalugit 2016 aningaasaliiffigineqartussaallutillu aningaasaliiffigineqarput: i) Seqerngup qinngornerinik katersuissutit Qeqqata Kommuniani (kr. 100.000), ii) suliniut brændselscellerinit tunngasoq (kr. 80.000) kiisalu iii) qaqqap saqqaani seqerngup qinngornerinik katersuissutit Qeqqata Kommuniani (kr. 200.000). Avatangiisinut, Pinngortitamut Nukissiuutseqarnermullu

Naalackersuisoqarfiup suliniutit pillugit nalunaarusiamik 2017-imi januarimi tigusaqassaaq.

- b) Konto pingaarnermi matumani aningaasaliissutit amerlineqarnissaat Naalackersuisunit isumaliutigineqarsimava?

Akissut: Nukissiuutseqarnermi immikkoortunut pilersaarummi suliarineqaleruttortumi nunatsinni inoqarfiit akimorlugit nukissiuutsinik ataavartunik siunertaqartumik atuilersinnaanissamut pisariaqartitsinerup annertussusaa saqqummiunneqassaaq.

14.8 Konto pingaarneq 73.95.06 Alapernaarsuineq suliniuteqarnerillu, silap pissusaanut nukissiorfinnullu suliassaqarfik

- a) Aningaasat atorneqarnerannut suliassami kisitsisit ataatsimiititaliamit ujjartorneqarput.

Akissut: Nunalerinermik inuussutissarsiuteqartut silap allanngoriartorneranut naleqqussartariaqarnerat pillugu nalunaarusiassaq Aalisarnermut, Piniarnermut Nunalerinermullu Naalackersuisoqarfik suleqatigalugu suliarineqartussaqn 2016-imi aningaasaliiffigineqarpoq.

- b) Silap pissusaanut tunngasumik aningaasaateqarfiit atorneqarnissaannut Naalackersuisut qanoq iliuuseqartarpat, taamaassimappallu atorneqarnerat qanoq annertutigaa?

Akissut: Aningaasaateqarfinit assigiinngitsunit aningaasaliiffigisariaqarnissaq Naalackersuisunit eqqumaffigineqarpoq. Assersuutigalugu silap pissusaa pillugu paasissutissanik katersisarnissamut Avatangiisinut, Pinnngortitamut Nukissiuutseqarnermullu Naalackersuisoqarfiup Danmarks Meteorologiske Institut suleqatigalugu suliniutaa DANCEA-mit 2015-imi tapiiffigineqarpoq. Aningaasaliissutigineqartut 400.000 kr.-iusut kingunerisaanik siunissami silap kissakkiartornerata kingunerisaanik naleqqussarluni suliqaarnissanut Kalaallit Nunaat tamakkerlugu paasissutissanik eqqarsaatigalugit Naalackersuisut tunngavissaqarlualerput. EU-mi suliniutit aqutigalugit tapiiffigineqarsinnaanissamut periarfissat Naalackersuisunit arajutsisimaneqanngillat.

14.9 Konto pingaarneq 77.01.02 Aatsitassanik Suliassaqarfinnut Avatangiisinut Aqutsisoqarfik

Aatsitassat pillugit Inatsisartut inatsisaata allanngortinneqarneranik Inatsisartut inatsisissaatut siunnersuutissaq konto pingaarnermut matumunnga qanoq kinguneqassava?

Akissut: Inatsisissatut siunnersuummi naammassineqarluni saqqummiunneqartumi aatsitassanut tunngatillugu Avatangiisinut Aqutsisoqarfeqalersinnaanermut tunngatillugu allannguutissamik siunnersuuteqartoqanngilaq.

Aatsitassanut tunngatillugu Avatangiisinut Aqutsisoqarfiup ilimagaa Aatsitassanut oqartussat eqqarsaatigalugu kattuffiit ataasiakkaat alannguutissatut siunnersuummi ilaatinneqartut inatsisissatulli siunnersuutivimmi peerneqarsimasut pineqarsimassasut.

Allannguisoqanngilaq taamaasilluni kontimut pingaarnermut uunga tunngatillugu sunniuteqarnaviarani.

14.10 Konto pingaarneq 77.01.05 Qaartiterutit, qatserisartoqarneq sillimaniarnerlu

Suliassaqarfimmik nakkutilliinerup nunaqarfinni illersoneqarsinnaasumik ingerlanneqarnissaa Naalakkersuisunit qanoq qulakkeerneqartarpa?

Akissut: Upalungaarsimanermi pisortat upalungaarsimanermilu nakkutilliisut nunaqarfinnut nakkutilliineq isumagisaraat. Akuttunngitsumik nakkutilliiartortarnerit aammalu upalungaarsimanermi pisortat upalungaarsimanermilu nakkutilliisut nuna tamakkerlugu ataatsimeeqatigisarnerisigut nunaqarfinni nakkutilliinernut tunngasut ilisimasaqarfignersarpaat. Upalungaarsimanermi pisortat upalungaarsimanermilu atorlugit ukiumut arfinileriarluni Naalakkersuisut nakkutilliiartortitsisarput. Nunaqarfinnut akuttunngitsumik nakkutilliiartortarnerit eqqarsaatigalugit Naalakkersuisut namminneerlutik nakkutilliiartorneq ajorput.

14.11 Konto pingaarneq 77.03.03 Ilulissat Kangia, Ilua Timaalu –Nunarsuarmit kingornuttagaata nakkutigineqarnera

Aningaasaliinermi siunertarineqartumut sanilliullugu suliassap isumagineqarnera qanoq ingerlava?

Akissut: Ilulissat Kangiani Nunarsuarmit kingornuttagaata nakkutigineqarnera aningaasaliissutigineqartuni siunertarineqartut naapertorlugit ingerlanneqarpoq.

14.12 Konto pingaarneq 77.05.01 Eqqakkanut tunngasut, ingerlatsineq

a) Aningaasartuutit R 2015-imi sooq taama ikitsigisimappat?

Akissut: Avatangiisinut, Pinngortitamut Nukissiuuteqarnermullu Naalakkersuisoqarfimmi 2015-imi atorfiit inuttanngitsut arlaliusimapput atorfinitsitsigallarnerillu arlallit ingerlanneqarsimallutik. Tamatuma kingunerisaanik eqqagassalerinermut tunngatillugu ineriartortitsinissamut suliniutit pisariqartinneqartunik sulisussaqartinneqarsimanngillat.

b) Sineriammi ikuallaaveqarneq pillugu Naalakkersuisut qanoq pilersaaruteqarpat aammalu avatangiisit peqqinnissarlu eqqarsaatigalugit illersoneqarsinnaasumik eqqagassalerineq qitiutinneqarpa?

Akissut: Naalakkersuisut eqqagassalerinermut tunngatillugu pilersaarutaani ikuallaaveqarnermut tunngatillugu anguniagassat allaaserineqarsimapput, ilaatigut makkuusut:

- Dioxin-inik saviminissanillu manngertunik mingutsitsilluni aniatitsinerit saliissutit annertuut atorlugit 2024-imi salinneqartalersimassapput
- Nunaqarfinni eqqagassat ikuallajasut avatangiisit eqqarsaatigalugit illersoneqarsinnaasumik 2020-imit isumagineqartalernissaat pilersaarusiorneqassaaq.

Eqqagassanik passusisarnermut tunngatillugu pilersaarut eqqagassalerinermullu pilersaarut eqqagassanik ikuallaaveqarnerit pitsanngorsarnissaanut aammalu avatingiisinut peqqissutsimullu iluaqutaasussamik eqqagassalerisarnerit anguniagassinneqarput.

- c) Eqqakkanik immikkoortitsisarnissaq pillugu Naalakkersuisut qanoq pilersaaruteqarpat?

Akissut: Eqqagassanut iliuusissatut pilersaarummi anguniagassat pingajuanni eqqagassanik tigooraaviit eqqagassanillu ulorianartunik immikkoortiterisarnit sammineqarput. Illoqarfinni tamani eqqagassanik tigooraaveqalernissamut atortussanik pisiortornissamut kommunit aningaasatigut tapiiffigineqarput. Qaasuitsup Kommuniani Kommune Kujallermilu nunaqarfiit kisimik eqqagassanut tigooraaveqanngillat. Konto pingaarneq 77.05.08 Avatangiisinut atortunut tapiissutit ukiuni aggersuni aningaasanut inatsit aqquitalugu attatiinnarneqassappata eqqagassanut ulorianartunut tunngatillugu tigooraavinnik pilersitsinissanut eqqagassanik allanik immikkoortiterisarnissanut kommunit tapiiffigineqarnissamik qinnuteqarsinnaassapput.

14.13 Konto pingaarneq 77.05.02 Pinngortitaleriffik

- a) Ilisimatusarnermik suliniutit suut ingerlanneqarsimappat?

Akissut: Ilisimatusarluni suliniutit arlalissuit Pinngortitaleriffimmit ukiut tamaasa ingerlanneqartarput. Ilisimasarluni ingerlatat Pinngortitaleriffiup ukiumoortumik nalunaarusiaani naatsumik allaaserineqartarput (<http://www.natur.gl/publikationer-og-formidling/aarsberetninger/>) avammullu tusarliinerit ilisimatuussutsikkut uppersaatitalerlugit saqqummiunneqartarput, tassunga tunngatillugu saqqummersitat nalunaarsuiffiat takuguk (2015-imi saqqummersitat 163-it). Pinngortitaleriffik avataanit aningaasaliiffigineqartunik ilisimatusarnernik ingerlatsisarportaaq. 2015-imi suliniutit taamaattut 77-iupput 47 mio. kr. miss. nalillit.

- b) Ilaatigut inuiaqatigiinnut pisussaaffiit pingaernerutinneqarnissaannik missingersuutinut ilanngussami allassimasoq Naalakkersuisut qanorpiaq isumaqartippaat?

Akissut: Pinngortitaleriffik ilisimatusarnikkut immikkut suliffeqarfiuvoq avatangiisit pinngortitarlu eqqarsaatigalugit unammilligassanik inuiaqatigiinnut pingaarutilinnik ilisimatusarnit atorneqartut atorlugit ilisimatusarlunilu nakkutilliisartoq.

- c) Pingaarnersiunerit qanoq ittut ingerlanneqarsimappat suliniutillu suut aallartinneqarsimppat?

Akissut: Pinngortitaleriffiup ukiuni ataasiakkaanni suliassai Pinngortitaleriffiup siulersuisuinit aalajangersarneqartarput tamatumalu saniatigut ukiuni tallimani tullinnguuttuni periusissat iliuusissallu pingaarnersiulluni tulleriarinertallit suliarineqartarput. www.natur.gl

- d) Aalisarneq nunatsinni inuussutissarsiutit suli pingaarnersaraat. Aalisarnerup iluani uumassusilinnik Pinngortitaleriffiup nakkutilliinermik suliaqarnera pitsanngorsarniarlugu, nukittorsarniarlugu annertusarniarlugu Naalakkersuisut qanoq iliuuseqarpat?

Akissut: Nunatta Kangiani avaleraasartooqqassuseq misissuiffigisinaajumallugu Pinngortitaleriffimmut aningaasaliissutit amerlineqarnikuupput, angusallu nunatsinni annertuumik iluaqutigineqalerput Kalaallit Nunaata nunat tamalaat peqataaffigisaanik isumaginniartarnerini

uppernarsaatitut atorneqarsinnaasut. 2014-imili sipaarniuteqarnerit kingunerisaanik saattussanik nunamilu uumasunik miluumasunik nakkutilliisarnerit annikillileriffigineqarsimapput.

- e) Amerlanerusunik aningaasaliissuteqarnikkut Kalaallit Nunaata imartaanik atorluaanermik pitsanngoriaataassasoq Naalakkersuisut naliliippat?

Akissut: Amerlanerusunik aningaasaliissutit atorfissaqartinneqarput soorlu nunatta kitaani sinerissap qanittuani saarullegassutsip qaleraleqassutsillu eqqarsaatigalugit siunnersuisarnerit tunngavissaqarluarluni ingerlanneqartalernissaanut atugassatut kiisalu pisuussutit ikerinnarsiortut nutaat siunnersuiffigisarnissaanut (ammassaat, ammassassuit, saarullernat).

- f) 200 sømilit iluini aalisakkat sorliit pitsaanerusumik iluaqutiginiarneqarsinnaappat?

Akissut: Ammassat, ammassassuit, saarullernat avaleraasartuullu

- g) "Paamiut" aamma "Sanna"-p attartortinnerini isertitat qanoq amerlatigippat aammalu Pinngortitaleriffiup umiarsuarnik misissuutininik pisariaqartitsinera umiarsuit taakku marluk matussuserpaat?

Akissut: Paamiut canadamiut/kalaallit ataatsimut qaleraliutaasa misissuiffigineqarnissaannut ukiut tamaasa canadamiunit attartorneqartarpoq 3,2 mio.kr missaanillu akilerneqartarluni. Sanna suliniutinut assiginngitsunut tunngatillugu attartorneqartarpoq. 2015-imi suliniutinut assiginngitsunut 6-inut attartorneqarnera 1.715.000 kr.-inik isertitsissutaavoq. Umiarsuit marluusut Pinngortitaleriffiup pisariaqartitai tamakkerlugit qanittoq tikillugu naammassisinnaasarsimavaat, aalisakkanillu ikerinnarsiortunik nakkutillineq isumagineqarsinnaananim Paamiut ikerinnarsiortunik aalisariutitut atorneqarsinnaanngimmat. Paamiut 1971-imeersuuvoq taarseqarnissaalu eqqarsaatigalugu qanittumi aaqqiissuteqartoqartariaqarluni. Periarfissat massakkut malersorneqartoq siulersuisunillu ukiut arlalialinnguit matuma siorna aalajangersarneqartoq tassaavoq danskit ilisimatusaatsitut umiarsuaanik nutaamik ukiup affaani attartorsinnaanissaq. Taamaasiornikkut siusinnerusukkut suliarisarsimasat naammassineqarsinnaalissapput, taamaattorli pisussutit ikerinnarsiortut eqqarsaatigalugit nakkutilliisarnissanut ullut atortariaqakkat eqqarsaatigalugit angallat ataaseq naammannaviarani. Periarfissaq alla tassaavoq kilisaammik avataasiutimik nutaamik atornikumilluunniit ikerinnarsiortunik natersiortunillu aalisarsinnaasumik pisisinnaaneq.

- h) Ilisimatusartussanik ilinniartitsinemik aammalu ilisimatusartut attaveqatigiilemnessaanik pingaartitsineq taaneqartoq sumut killippa?

Akissut: Pinngortitaleriffimmi ilisimatusarluni ilinniarnertit allallut (ph.d.-imik ingerlatsilluni) aqutigalugit piginnaasanik ineriartortitsisoqartuarpoq. Pinngortitaleriffiup 1995-imi aallartinneraniilli ilinniartut 19-it ph.d. aqutigalugu ilinniarsimapput, taakkunanngalu 11-t suli pinngortitaleriffimmut attuumassuteqarput. Pinngortitaleriffimmi AC-t atorfillit agguaqatigiissillugu ukiut 9-t sinnerlugit sulereersimapput, TAP-inullu tunngatillugu ukiut 6,5-iullutik, taamaammallu pinngortitaleriffimmi sulisut siviisumik tassani suliffeqartuupput. Ilisimatuut nunani tamalaani sorpassuarnik attaveqarfeqarput.

- i) Suliassami kisitsinut takussutissiami ataatsimiinnerni allattugaatit saqqummersinneqanngitsut taaneqarput. Taakku qanoq paasineqassappat?

Akissut: Ataatsimiinnerni uppersaataatissat ilisimatuussutsikkut uppersaataapput nunani tamalaani suleqatigiissitat kommissionillu sulinerannut atatillugu saqqummiunneqartartut. Tamakkuuppullu "atuagassiat qasersut"-nik taaneqartartut, tamakkulu nalilersugassanngorlugit saqqummersitassanngorlugillu saqqummertartunut nassiunneqarneq ajorput, nunanili tamalaani komiteni suliat suliarineqarfianni pitsaassutsimikkut qulakkeerneqartartut.

- j) "Paamiut"-tut ittut umiarsuit misissuutit qanoq akeqarpat?

Akissut: Umiarsuassaq nutaaq ilisimatusarnermut atorneqartussaq Danmarkip pilersaarutigisaa 400 mio. kr.-nit missaannik akeqartussaavoq. Paamiup taartissaa nutaaq aalisariutaasinnaasoq, ikerinnarmiittunillu aalisarsinnaasussaq 200-250 mio. kr.-nit missaannik akeqartussaassaaq, umiarsuarlu atornikoq ilisimatusarnermut atugassanngorlugi allanngortitigaq minnerpaamik 100 mio. kr.-nit missaannik akeqartussaassalluni.

- k) "Sanna" qanoq akeqarsimava?

Akissut: Sanna 2011-12-imi 53 mio. kr.-inik akeqarpoq.

- l) Umiarsuit misissuutit taakkua marluk ingerlanneqarnerat qanoq akeqarpa?

Akissut: 2016-imi Pinngortitaleriffiup Paamiut ingerlanneranut missingersuutai (ingerlannera inuttanullu akissarsiat) 14.555.000 kr.-iupput, Sanna-mullu 7.610.000 kr.-iullutik. 2016-imi angallatinut marlunnut avataaneersunik 5.088.00 kr.-inik isertitsisoqarnissaa missingersuutaavoq.

14.14 Konto pingaarnaq 77.05.03 Avatangiisit uuliaarluinernik akiuinermut atortunik pisinermut tapiissutit

- a) Illoqarfinni taaneqartuni 12-imi uuliaarluertoqarsinnaaneranut atortut sulisullu naammattut Naalakkersuisunit isigineqarpat?

Akissut: Kalaallit Nunaanni uuliamut upalungaarsimatitsineq pingaartumik umiarsualiviit eqqaanni aamma sinerissamat qanittuaqqami uuliamik mingutsitsinerit isumagineqarnissaannut atorneqassaaq. 3 sœmilimik killeqarfiup iluani mingutsitsisoqalissagaluarpat naalagaaffimmit tamanna akisussaaffigineqaannassaaq, takuuk inatsisit atuuttut.

- b) Heavy fuelimik uuliaarluerneq qanoq passunneqartarpa?

Akissut: Imaani fuel oliamik avatangiisitigut mingutsitsisoqassagaluarpat kalaallit uuliamut upalungaarsimasui naammannaviangillat. Taamut pisoqassappat avataaniit ikiorneqarnissaaq pisariaqassaaq. Mingutsitsineq annertunerusutut nalilerneqassagaluarpat uuliamik mingutsitsinerup suliarinissaanut akisussaaffik naalagaaffimmit suli isumagineqartussaassaaq, takuuk inatsisit atuuttut.

- c) Taaguut heavy fuel kalaallisut naapertuunnerusumik nutserneqarsinnaava, oqaasermi "heavy" annertussutsimut angissutsimulluunniit nalinginnaasumik atorneqarneq ajormat?

Akissut: Oqaaseq "heavy fuel" ikummatissanut assigiinngitsunut arlalinnut nalinginnaasumik atorneqartuuvoq. Oqaatsimik eqqornerusumik nassaassalluni ajornakusoorpoq.

- d) Uuliaarluernermmi akiuinnermut atortut pigineqartut umiarsuit angisuut ajutoortillugit atorneqarsinnaappat imaluunniit naammanngillat?

Akissut: Kalaallit Nunaanni uuliamut upalungaarsimatitsineq pingaartumik umiarsualiiviit eqqaanni aamma sinerissamut qanittuaqqami uuliamik mingutsitsinerit isumagineqarnissaannut atorneqassaaq. Umiarsuarni angisuuni ajutoortoqassagaluarpat kalaallit uuliamut upalungaarsimasui ilimanarpoq naammannaviannngitsut, avataaniillu ikiorneqarnissaq pisariartussaassaaq. Umiarsuup angisuup mingutsitsinera annertuutut nalilerneqarpat uuliamik mingutsitsinerup sularinissaanut akisussaaffik naalagaaffiup suli akisussaaffigisussaavaa, takuuk inatsisit atuuttut.

14.15 Konto pingaarneq 77.05.07 Avatangiisit innarlitsaaliorneqarnerat

Aningaasat suliniutinut taaneqartunut qanoq agguataarneqarpat?

Akissut: 2015-imi kommunit eqqagassanut pilersaarusiornissaasa aallartinnissaa konto pingaarneq manna aqputigalugu tapiiffigineqarpoq. 2015-imi aningaasat affaasa missaat siunertamut tassunga atorneqarput. Taakkua affaat assersuutigalugu imaani avatangiisinut, poortuutissaqartitsinermut, Ivittuut pillugit isumaqatiginninniarnernut, imermik mingulimmik aniatitsinermut il.il. naalakkersuisoqarfiup sulinissaanut atatillugu siunnersorteqarnermut atorneqarput.

14.16 Konto pingaarneq 77.05.08 Avatangiisinut atortunut tapiissutit

Aningaasaliissutit suliniuteqarfinnut suliniutinullu allanut sorlernut atorneqarpat?

Akissut: Konto pingaarneq, 77.05.08 Avatangiisinut atortunut tapiissutit, aqputigalugu aningaasanik tunniussinermi suliniuteqarfiit uku sisamaasut pingaartinneqarput: Eqqagassanik ulorianartunik suliaqarnissamut sanaartukkat, eqqarneqartunut nakkutigisassanut inissat, anartarfilerinerit ikuallaaveqarnerillu.

2016-imi ikuallaaveqarfiit sivilunerusumik atorsinnaanissaannut avatangiisinullu illersuinerunissamut, eqqagassanik immikkoortiterisarnissamut, Qaanaami immikkut ittumik suliniuteqarnissamut aningaasanik atugassanik neriorsuisoqarsimavoq, anartarfeqarnermullu aaqqiissutissanik nassaartoqarnissaanut aningaasanik immikkoortitsisoqarsimalluni.

15. Suliassaqarfik 80-89 Ineqarnermut, Sanaartornermut Attaveqarnermullu Naalakkersuisoq

15.1 Konto pingaarneq 82.20.02 Pisariillisaaneq-suliniut, ERP

Suliffeqarfik sorleq pilersuisussatut toqqarneqarsimava aammalu suliniut pilersaarut malillugu ingerlava?

Akissut: ERP-imut pilersaarummut tunngatillugu Fujitsu A/S-imik isumaqatigiissusiortoqarpoq. ERP-imik atuilernissamut pilersaarut malillugu atortoq 1. januar 2018-imi Kommuneqarfik Sermersuumit aamma Namminersorlutik Oqartussanit atorneqalersussaavoq. Kommunini allani 1. januar 2019-mit atorneqalissasoq naatsorsuutaavoq. Pissarsiniarneq pilersaarut malillugu aallartereersimavoq.

15.2 Konto pingaarneq 83.30.12 Utoqqaat angerlarsimaffii

- a) Puigortunngortunut angerlarsimaffimmik pilersitsinissaq Naalakkersuisunit isumaliutigineqarsimava?

Akissut: Paaqqinnittarfiit pisoqaanerit taamaattunillu pilersitsinerit kommuninit tamakkiisumik akisussaaffigineqarput. Naalakkersuisut utoqqarnut angerlarsimaffinnik nutaanik pilersitsisoqarnissaani sanaartornermut aningaasartuutit 50 procentiinik tapiissuteqarsinnaapput.

Kontumi pingaarnermi puigortunngortunut immikkoortortanik pilersitsinissamut aningaasanik immikkoortitsisoqarsimavoq, taamaattunilli piviusunngortitsisoqassappat kommunit tapiissutinik qinneqarnissaat pisariaqarpoq.

Siunissami pisortat inissianik sanaartortitsineranni inissiat ilusaasa tamatigoortuunissaat Naalakkersuisut assut pingaartippaat, inissiat taamaalillutik piffissap ingerlanerani nuttararnernut allanngorarfiogisunut naleqquttuuniassammata. Taamatut tunngaveqarneq assersuutigalugu inissialiortiternerni nutaani, ilinniartullu ineqarfiinik nutaanerusunik siunissamilu atugassanik pilersaarusiortnermi aamma atuuppoq.

- b) Utoqqarnut inissianik pilersitsinissaq Naalakkersuisunit isumaliutigineqarsimava?

Akissut: Konto pingaarneq manna aqutugalugu utoqqarnut angerlarsimaffiit pilersinnissaannut taamaallaat tapiissuteqartoqarsinnaavoq, utoqqarnut inissianuunngitsoq.

15.3 Konto pingaarneq 84.40.10 Kommunini atuarfiit

- a) Qup. 581-582-imi takussutissiat immersorneqarsimannginnerat missingersuutit B-t suliarineqarsimannginnerannik taamaallaat pissuteqarpa?

Akissut: Meeqqat atuarfiinik sanaartorneq tunngaviatigut kommuninut tunniunneqareerpoq, akisussaaffilli suli tunniunneqarsimanani. Kommunini meeqqanut atuarfiit iluarsaannissaasa sananeqarnissaasalu kommuninut tunniunnessaannut tunngaviit pillugit ataqatigiissaarisuni isumaqatigiissusiortoqarsimavoq. Sanaartortitsinernut akuersissutaareersunut, illuutigineqareersunilu tassangaannartumik iluarsaanissanut tunngatillugu kontumi matumani qaqugu aningaasanik peqartoqalernissaa inaarutaasumik tunniussisoqarnissaanut apeqqutaassaaq. Tamanna aamma ataqatigiissaarisartoqatigiinnit naalakkersuinikkut akuersissutigineqareerpoq. Inaarutaasumik tunniussivinnek pitinnagu suliassanik pingaarnersiunerimik sulineq kommunit suleqatigalugit pivooq, tassanilu siunissami pilersaarutit piffissalernissaat ajornarpoq. Suliap aappasaaneerqarnissaanut

nalilersueqqittoqassaaq, tassanilu suliat ulloq manna tikillugu anguneqartut takutinneqassapput.

- b) Sanaartukkat naammassineqarnissaasa kingusinaarunneqartarnerannut suut pissutaanerusarpat?

Akissut: Akisussaaffiit agguataarnissaat pillugit kommuninik eqqartueqateqarnerit kinguaattoortarnermut amerlanertigut pissutaasarput, pingaartumik pilersaarut akisuallaalersoq kommuninit aamma Namminersorlutik Oqartussanit missingersuusiorneqarsimanngitsoq pineqartillugu. Pilersaarutunik nutaanik aallartitsisoqassatillugu akisussaaffiup tassungalu aningaasat atorneqartussat tunniunniisaani paasilluaqqaarlugit tunniussisoqartarnissaa pillugu 2016-imi kommuninut isumaqatigiissusiortoqarpoq.

15.4 Konto pingaarneq 84.40.14 Kulturimut timersornermullu atugassanik sanaartorneq

- a) Aningaasaliissutigineqartunik annertussusiliinertik Naalackersuisunit qanoq ingerlappaat?

Akissut: Sanaartortitassanut ataatsimut killiliussat iluanni pingaarnersiunerit aallaavigalugit aningaasat aalajangiunneqarput.

- b) Naalackersuisut isumaqarpat aningaasaliissutit pisariaqartitsinivimmut ersersitsi-suusut?

Akissut: Naalackersuisut kinguaattoorutit qanoq annertutiginersut ilisimasaqarfiginngilaat, tamannalu nuna tamakkerlugu qanoq ittoqarneranik misissuinikkut maanna paasiniaasoqalerpoq. Naalackersuisut massakkut ilimagaat kinguaattoorfusut iluarniarlugit ukiut arlallit atortariaqassasut. Tamatumani aamma apeqqutaassaaq kommunini timersortarfissuit suliffeqarfiillu nammineq ingerlatat iluarsaanniarnernanni qanoq kommunit sulinerlut tapeeqataassanersut.

15.5 Konto pingaarneq 84.40.15 Ilinniartut inaannik sanaartorneq

- a) Illoqarfinni sorlerni sanaartornissaq naatsorsuutigineqarpa?

Qaqortumi Nuummilu ilinniartut ineqarfiinik amigaateqartoqarnerpaajunera ilisimaneqarmat illoqarfinni taakkunani ilinniartut ineqarfiinik sanaartornissaq siullertut pingaartinneqarpoq.

- b) Ilaqutariinnut inissiat ilinniartut inaattut atorneqartarunnaarpat?

Akissut: Ilinniartut ineqarfiinik sanaartortoqarneranut pitsaassutsimut aalajangersakkat malillugit ilinniartut ineqarfii eqaatsumik suliaapput, taamaalillutik ilinniartunit kisermaanit, aappariinnit meerartaqanngitsunit kiisalu ilaqutariinnit meerartalinnit atorneqarsinnaassammata.

- c) Ilinniartut inaat qanoq amerlatigisut ilaqutariinnut iniuppat?

Akissut: Ataatsimiititaliamit "ilaqutariinnut inissiat" qanoq paasineqarnera Naalackersuisunit nassuiaqquneqarpoq apeqqutigineqartoq akineqarsinnaassappat.

d) Ilinniartut inaannik pisariaqartitsineq sumi annertunerpaava?

Akissut: Apeqqummut a-mut akissut takuuk.

e) kvm-imut akit assigiinngissutaat qanoq annertutigisinnaasarpap?

Akissut: Illoqarfimmiit illoqarfimmut m2-imut 0-5.000 kr.-inut allanngorarfiuvoq. Tamatumunnga pissutaasut atortunut akigitinneqartunik, assartuinermik, neqeroortoqarnerani unammillernermik, illoqarfimmi suliasat amerlanerannik amigaataanerannilluunniit tunngavilersorneqarsinnaapput. Akilu pilersaarutip qanoq sukkatigisumik suliarineqarneranik soorunami sunnerneqarsinnaavoq, tamannami atuisussap pisariaqartitaanik naggataatigut aallaaveqartarmat. Ilinniartut ineqarfiinik sanaartortoqarsimappat matumani ilinniarnert suut pineqarnerisut, sanaartugassat ikilisimanersut ilinniartoqarneralu apeqqutaassapput.

15.6 Konto pingaarneq 84.40.17 Meeqqanik inuusuttunillu paaqqinnittarfiit

a) Illoqarfinni sorlorni sanaartornissaq naatsorsuutigineqarpa?

Akissut: Kommunit kissaatigineqartut takkuttut tunngavigalugit Napasoq, Atammik, Qaqortoq, Aasiaat aamma Ilulissat sanaartorfiunissaat ilimanarpoq. Namminersorlutilli Oqartussat aningaasaleeqataanissanik piviusunngortitsissappata sanaartorneqartussanut kissaateqarfiusunut uppersaatissanik arlalinnik suli amigaateqarput.

b) Sanaartugassat aalajangersimasut ilanngunneqarsimannginnerannut suna tunngaviua?

Akissut: Apeqqut a-mut akissutigineqartoq takuuk. Uppersaatissat tamakkiisut aatsaat pigineqaleraangata pilersaarutinut inaarummik akuersissuteqartoqarlunilu aningaasaliissuteqartoqartarpoq.

c) Kommunit kissaataannik tigusaqartoqarsimava?

Akissut: Aap.

d) Ulluunerani paaqqinniffinni inissat nunatta karsianit tamarmik akilernerneqassagaluarpata qanoq akeqassava?

Akissut: Ulluunerani paaqqinnittarfiit sanaartorfiunissaannut kontumut apeqquteqartoqarunarmat sanaartortitsinissamut aningaasartuutit apeqqutigineqarunarpup. Ukiuni kingulliunerusuni ulluunerani paaqqinnittarfinnik Namminersorlutik Oqartussat 50 %-imik aningaasaliiffigeqataaffigisaanik killeqartumik sanaartortoqarsimavoq. Taamaammatt tamakku Namminersorlutik Oqartussat kisimiillutik akilertussaasuuppatigik inuiaqatigiit aningaasaqarnerannut akeqarnerusussaanaviannikkaluarpoq, kisiannili Namminersorlutik Oqartussanut 50 %-imik akisunerusussanngortussaassagaluarluni. Atualinnginnermi atualernissamut piareersarfimmut tunngatillugu sanaartornissamut aningaasat tamarmiusut ukiumiit ukiumut allanngorarfiusinnaappup.

Tamannalu nangillugu erseqqissarneqassaaq atualinnginnermi atualernissamut piareersarfiusunut meeqqallu atuarfiannut sanaartortoqarmissaanut,

iluarsaasoqarnissaanut aserfallatsaaliuisoqarnissaanullu akisussaaffik aningaasaqarnerlu tamakkerlugu (100%) tunniunneqarnissaa pillugu tunngaviatigut aalajangiisoqareersimammat, tamatumalu piviusunngortinnissaanut qanorlu aningaasalersuisoqarnissaanut periusissaq suli misissoqqissaarneqarmat.

15.7 Konto pingaarneq 85.50.20 Takornariartitsinermi sanaartorneq

- a) Ilulissat kangiani sullissiviup ukiumi ingerlatsiviusumi siullermi ukiumut akiliuteqarluni pulaartunik 17.000-nik takuniarneqartarnissaa naatsorsuutaasoq, tamatumalu kingorna amerliartornissaat naatsorsuutigineqartoq Naalackersuisut paasissutissiissutigaat. Ingerlatsinermut aserfallatsaaliinermullu pisortat tapiissutissaat suminngaanniit pissarsiarineqassanersut paasissutissiissutigineqassasoq ataatsimiititaliamit kissaatigineqarpoq?

Akissut: Takornarianut sullissivinnik pilersitsiortornissaq Naalackersuisut nuna tamakkerlugu takornariaqarnermut periusissaanni "Qanoq iliortoqartariaqarpa?"-mi iliuusissanut pingaarnerpaanut ilaavoq. Takornarianut sullissivinnik pilersitsisoqarnissaanni tamatuma pisortanit namminersortuniillu ilaannakortumik aningaasalersornissaa pingaaruteqarlunnarpoq - takuuk Ilulissap kangiani takornarianut sullissivissamut periusissaq. Aallaqqaammut ingerlatsinerup qulakkeernissaanut kiffartuussinissamik isumaqatigiissut pisariaqartinneqartussaavoq, anguniagarli tassaavoq sullissiviit imminnut akilersinnaanissaat.

Naalackersuisut 2016-imut aningaasanut inatsisissatut siunnersuutaanni ukiumullu missingersuusiorfiusunut takornarianut sullissivinnut pilersaarutit, pilersaarusiornissat sanaartornissallu suliarinissaannut aningaasanik immikkoortitsisoqarsimavoq. Periusissaqarfiusumi anguniagaavoq ukiumut ataasiarluni pilersaarummik suliaqartoqartassasoq, taamaaliornikkut pilersaarutitik arlalinnik piffissani assigiinngitsuni piareersimasoqartassammat.

2019-imiit 2020-mut tapiissutinik pisariaqartitsisoqassagaluarpat tamanna konto 64.10.17. aqutigalugu aningaasalersorneqassaaq.

- b) Takornarianik sullissiviit ataatsimut pilerisaarutiginnissaat soq pilersaarutaanersoq paasissutissiissutigineqassasoq ataatsimiititaliamit kissaatigineqarpoq?

Akissut: Nuna tamakkerlugu takornariaqarnermut periusissami sullissivinni tallimaasuni, takornarianut najukkanilu innuttaasunut sullisivittut isaaffittullu atornerisa saniatigut, Kalaallit Nunaanni pinngortitaq, oqaluttuarisaaneq misigisassallu ataatsimut oqaluttuarisarnissaat ilaapput. Sullissiviit tallimaasut avammut Kalaallit Nunaata takornarianut tamanut ornigassaqqissutut pilerisaarutiginnissaanik suliaqassapput.

Sullissiviit ataasiakkaat taamaalillutik Kalaallit Nunaata oqaluttuassartaata ilaanik oqaluttuarsinnaassapput, taamaalillunilu takornariaq Kalaallit Nunaannukaqqinnissamik pilerisulissammat, siullermillu tikeraarnermut sanilliullugu nunap immikkoortuini allani immikkoorutilinnik misigisaqarnissaa periarfissillugu.

Pilerisaarisoqarnissaanut piffissami aggersumi suliniuteqarnissami ataatsimut pilerisaarisoqarnissaa pingaaruteqartut isigineqarportaaq, tassanilu anguniagaavoq sanaartortitsinissamut aningaasartuutaasussat pingaarnermik aningaasaateqarfiit assigisaallu aqutigalugit akilerneqassasut. Namminersorlutik Oqartussallu pilerisaarisoqarnissaanut atortussanik tamanik suliaqarlutik aallartissimapput, taakkunanilu sullissiviit tallimaasut oqaluttussartaat oqaluttuaralugit. Kiisalu ingerlatsinerup tungaatigut tulluurtut nalilerneqarpoq ingerlatsinerup tungaatigut aningaasaqarnerup allanngujaannerunissaa, tamatumani annertuumik ingerlataqarnikkut iluaqutit sullisivinnut tikeraartukinnerusunut iluaqutissanngortittarlugit.

c) Nunap immikkoortuini takornarianik sullissiviit pilersinneqarneranni kikkut peqataasussat naatsorsuutigineqarpat?

Akissut: Takornarianut sullissivinnik pilersitsinermi pingaaruteqarluinnartut isigineqarpoq sullissiviit ilaannakortumik pisortanit namminersortuniillu aningaasalersorneqassasut. Aningaasalersueriaatsimi Ilulissani Takornarianut Sullissivimmi atorneqartumi Real Dania sanaartornermut aningaasartuutit amerlanerpaartaannik akiliuteqarsimavoq, ilaallu Namminersorlutik Oqartussanit kommuniiniillu assigiimmik akilerneqarlutik. Sullissivissanut pilersinneqartussanut tunngatillugu pilerisaarineramik aallartitsisoqartariaqassaaq, tassanilu siunertarinqassaaq aningaasaateqarfiit, peqatigiiffiit allatullu aningaasaliisinnaasut pilersaarummut peqataarusulernissaannik pilersulersinnissaat Kalaallit Nunaanni pisortanik suleqatigiinnissamik isumaqatigiissusiornissaat siunertaralugu.

d) Takornarianik sullissiviit nunanit tamalaaneersunit tikinneqartartunut piunasaqaatinik eqquutsitsinissaat naatsorsuutigineqarpat?

Akissut: Kalaallit Nunaanni takornariaqarneq ajunngitsumik ineriartorfiuvoq, 2015-inillu ingerlanerani Namminersorlutik Oqartussat takornariaqarnermut 2016-2020-mut Nuna Tamakkerlugu Immikkoortunut Pilersaarummik akuersissuteqarsimapput, taamaalillutillu suliniutinik arlalinnik takornariaqarnerup ineriartorfiujuarnissaanik qulakkeerinnittunik aallartitsisimallutik. Kalaallinut inuiaqatigiinnut iluaqutaalluinnarsinnaasumik takornariatitsisarnerup nukittuup, sullissilluarsinnaasup imminullu napatissiinnasup angunissaa siunertaavoq.

Namminersorlutik Oqartussat takornariatitsisarnerup nukittorsaaffiginissaani sulinermut ilaasumik isumaavoq Kalaallit Nunaat tamakkerlugu takornarianut sullissivinnik arlalinnik ineriartortitsisoqarnissaa, taakkunungalu siulleq Ilulissani atorneqangajalerpoq. Kalaallit Nunaanni najukkani periarfissat immikkuullarissullu nukittorsaaffigineri paasititsiniutiginerilu aqutigalugit takornariaqarnerup ineriartortitsiffiunissaa sullisivinni nutaani pilersinneqassaaq. Sullissiviit taamaalillutik nunarsuaq tamakkerlugu takornariatitsisarnermut ineriartorfiusumut attaveqaqateqarnerunissamik pilerisaarinermillu Kalaallit Nunaat tamakkerlugu iluaqusissavaat.

Takornarianut sullissiviit Kalaallit Nunaannut takomarissat amerlanerusut tikeraartarnissaannut iluaqutaassapput, takomarissallu sumiiffinni ataasiakkaani

sivisunerusumik najuuttarnissaat qulakkeerlugu, taamaalillunilu kaaviiartitat amerlaningortillugit. Takornarianut sullissiviit sumiiffinni takornariaqarnikkut iluanaarutit inuiaqatigiinnut siaruartinnissaannut iluaqutaanissaat naatsorsuutaavoq.

Kalaallit Nunaanni takornariaqarnermut sullissiviit ineriartortinneranni takornariaqarnerup najukkallu nukittorsaaffiginissaani makku pingaaruteqarput:

- Takornarianut sullissiviit misigisassanik pitsaalluinnartunik nioqquteqassapput
- Takornarianut sullissiviit sumiiffinnut ataasiakkaanut ersarissumik oqaluttuassapput, takornarissallu 'pinngitsoornani takoqqittariaqarpoq'-mik eqqarsartilerlugit.
- Takornarianut sullissiviit takornarianut tamakkiisumik pilersaarusiernerit kiisalu tikitassat ataatsimut suleqatigiinnerat tunngavigalugit atasinnaasumik takornarissanik ineriartortitsiffiussapput.

Saqqummersitsiviusartuni ataasiakkaani sullissinerit ineriartortitsiffiunerat immikkut ilisimasallit nunatsinneersut allamiullu suleqatigalugit pissapput, taamaaliormilulu nunani tamalaani atugassarititat assigalugit paasititsiniaasernerit misigisassaqtitsisarnerillu qulakkeerneqassapput.

- e) Takornarianik sullissiviit pisortatigoortumik nunat tamalaat akomanni akuerisaasunik sullisseriaatsinik atugaqarnissaannut piumasaqaateqarfigineqassappat?

Akissut: Naamik - Takornarianut Sullissiviit aallaavigisassaanni pingaarnerit pingasut pineqarput:

1. Takornarianut, takornariartitsisartuNut najukkanilu innuttaasunut KATERSUUFFIUNISSAA ATAATSIMOORFIUNISSAALU.

2. PAASITITSINIAASARFIK nutaaliaasoq, tassani sumiiffiup pingaarnertut oqaluttuassartaa misigisassartaalu ilisaritinneqarlutik - nunarput tamakkerlugu oqaluttussartaanut ilaasumik.

3. ILISIMATUSARFIMMIK ILINNIARFIMMILLU pilersitsinissaq, taakkunani najugaqartut nunarsuarmioqatigullu ilinniartinneqarlutik.

- f) Takornarianik sullissivinni sulisussanik pikkorissanissaq ilanngullugu pilersaarusanut ilaappat?

Akissut: Aap - takornariartitsisarnerup massakkut aallartittup ajunngitsumik ineriartorfiunerata ingerlaannarnissaani pingaaruteqarpoq inunnik inuussutissarsiummi tassani sulisussanik pisariaqartinneqartunik ilinniartitsiuarnissaq.

Taamaaliortoqarneranilu Campus Kujallermi takornariaqarnermut ilinniartitsisoqartarnera pingaartinneqalereerpoq, tassanilu serviceøkonomitut ilinniarneq, issittumi takornariartitsisartutut ilinniarneq aamma misigisassaqtitsisartutut ilinniarneq neqeroorutaapput. Visit Greenlandimik

inuussutissarsiuteqartunillu qanimut oqaloqateqarnerit Kalaallit Nunaanni ilinniarnissamut periarfissanik ineriartortitsiffiulluassapput.

15.8 Konto pingaarneq 86.60.01 Peqqinnissaqarfik
DIN-imi siniffiit inissat amerlineqarnissaat pilersaarutaava?
Akissut: Apeqqut 8.4 a-mut akissutigineqartoq takuuk.

15.9 Konto pingaarneq 87.11.09 Assartuussineq pillugu Isumalioqatigiissitaq - misissueqqaarnerit

a) Kalaallit Airportip pilersinneqarnera Assartuineq pillugu Isumalioqatigiissitap isumaliutissiissutaanut naapertuuppa?

Akissut: Assartuineq pillugu Isumalioqatigiissitap isumaliutissiissutaani nunatsinni ataatsimut attaveqaatit ineriartortitsiffiunissaannut innersuussutinut arlalinnut najoqqutassat ilaapput. Taasani ilaatigut Qaqortumi, Ilulissani Nuummilu suluusalinnut mittarfissat suliarineqarput. UKA2015-imi nunatsinni suluusalinnut mittarfinni attaveqaatit ineriartortitsiffiunissaannut ataatsimut pilersaarut pillugu Inatsisartut aalajangiinerisigut sinerissami inissiilluni suluusalinnut mittarfissanut pingasuusunut taakkununnga sanaartornissaq Kalaallit Airports A/S-imut tunniunneqarpoq.

b) Kalaallit Airportip pilersinneqarnera konto pingaarnermut matumunnga qanoq kinguneqassava?

Akissut: Kontumi pingaarnermi uani pilersaarutinut assartuineq pillugu isumalioqatigiissitap isumaliutissiissutaani suliarineqartunut aningaasanik immikkoortitsisoqarsimavoq. Nunatsinni attaveqaatit tamarmiusut, pingaartumillu tamatumani ataqatigiittoqarnera pineqarlutik. UKA2015/18-imi aamma UKA2015/167-imi aalajangiunneqartut kingunerannik ukiuni 2016, 2017, 2018 aamma 2019-imi ukiumut 15 mio. kr.-inik aalajangiinernut taakkununnga tunngatillugu misissueqqaarnissanut pingaarnersiuisoqarsimavoq, tamatumani Qaqortumi, Ilulissani Nuummilu suluusalinnut mittarfiit saniasigut Ittoqqoortoormiini Tasiilamilu suluusalinnut mittarfissat kiisalu sinerissap ilaani mittarfissat arlallit sanaartornissaat pineqarlutik. Kontumi pingaarnermi matumani atorneqarsinnaasut taamaalillutik mittarfiliortiternissanut pingasuusunut Kalaallit Airports A/S-imut tunniunneqartunut sanilliullugit amerlanerulerput.

c) Konto pingaarnermi matumani aningaasaliissutit siunertanut sorphianut siorna atorneqarpat?

Akissut: Kontumi pingaarnermi uani aningaasaliissutaasartut siusinnerusukkut siunissamilu pilersaarutit misissuiffigeqqaarnerinut assartuineq pillugu isumalioqatigiissitami suliarineqarsimasunut atorneqassapput. Taamaalillunilu konto pilersaarutinut misissueqqaarnernut nunatsinni attaveqaatinik pitsanngoriaataasinnaasunut atorneqassaaq, taakkununnga ilaallutik tapiissutit suujunnaarsinneri periarfissaqarnerusunillu piviusunngortitsinerit - soorlu umiarsualivinnut, silaannakkut angallannernut suluusalinnullu mittarfeqarnermut tunngasut.

15.10 Konto pingaarneq 87.72.22 Nunaqarfinni isorliunerusunilu inissialiortiternermut pilersaarut

a) Nunaqarfinni isorliunerusunilu sorlerna 2016-imi sanaartortoqarpa?

Akissut: 2016-imi Aningaasaliissutit 1. januaarimiit aallartittumik kommunitun tunniunneqarput, taakkunungalu ilaapput kommuniti sanaartorneqartunut, illunut sunut tamanut atorneqarsinnaasunut aamma illunut nammineq sanaqataaffigisanut aningaasaliissutinut pingaarnersiunerit. 2016-imi upernaakkut KANUKOKA-mik isumaqatigiissuteqareernikkut ISAN-ip 2016-imit aningaasaliissutinik pingaarnertigut aqutsineq tiggummarilerpaa, matumanilu kommunit namminneerlutik aningaasaliissutinik pingaarnersiuisarnerat aallaavigalugu. Kommunit amerlanersaasa illut nammineq sanaqataaffigisat pingaartinnerusimavaat, massakkullu qinnuteqartoq ataasiinnavik piumasaqaatinik naammassinnissimavoq. Tassungalu ilaavoq ukiup naanissannut tunniussassanik kommunit illunut nammineq sanaqataaffiusussanut 4-nut inniminniisoqarsimammat, 2016/2017-imi ukiaanerani sananeqartussanik. Ukiup naannginnerani taakkuninnga inniminniisoqarsinnaavoq.

- b) Sanaartukkani taakkunani seqerngup qinngorneranik nukissiuutit atorneqarnissaat isumaliutigineqarsimava?

Akissut: Illunut taamaattunut ulloq manna tikillugu seqerngup qinngorneranik nukkiorteqalernissaq neqeroorutaasimangilaq (Illorput 2100). Tassunga ilanngullugu oqaatigineqassaaq pilersaarut, 998.36.106 Illorput 2100-mik ineriartortitsineq misileraanerlu, allatut nukissiorfiliorsinnaanermik ingerlatsinermullu sipaarnuteqartoqarsinnaaneranik imaqarmat.

- c) Sanaartukkani taakkunani SIKU-blokkat atorneqarsinnaanerat isumaliutigineqarsimava?

Akissut: b-mut akissummi nassuiarneqartutut uani Illorput 2100 pineqarpoq. SIKU-blokinik atuisarneq taamaattunut atorneqarsinnaanera suli isummorsorfigineqanngilaq. Illunut nammineq sanaqataaffigisanut SIKU-blokinik atuisoqarnianera pineqarsimappat taamaattunik ineriartortitsisoqarnissaa pisariaqassaaq.

15.11 Konto pingaarneq 87.73.10 Umiarsualiviit

- a) Kangerlussuarmi nutaamik umiarsualiviliornissamik pilersaarutit qanoq ingerlappat aammalu siunertamut aningaasat qanoq amerlatigisut immikkoortinneqartussatut naatsorsuutigineqarpat?

Akissut: Kangerlussuarmi takornarissanut ilaasortaassuarnut pitsaanerusumik umiarsualiveqalernissaanut misissueqqaarnernik pitsaanerusunik Naalakkersuisut Qeqqata Kommunia suleqatigalugu aallartitsisimapput. Misissueqqaarnerni pilersaarutit atorsinnaanerunissaa siunertarineqarpoq, soorlu sanaartornissami aningaasaliissutaasinnaasut qanoq amerlatiginissaat eqqarsaatigalugu.

- b) Kangerlussuarmi nutaamik umiarsualiviliornissamik pilersaarutit qanoq ingerlappat aammalu siunertamut aningaasat qanoq amerlatigisut immikkoortinneqartussatut naatsorsuutigineqarpat?

Akissut: Apeqqut 15.11 a-mut akissut takuuk.

15.12 Konto pingaarneq 89.71.40 Nukissiorfiit. sanaartornermut taarsigassarsiaritit

- a) Qorlortorsuami erngup nukinganik nukissiorfiup imermik pilersorneqarnera annertusarniarlugu sulinermit savaateqarnermik

inuussutissarsiuteqarneq qanoq sunnerneqassanersoq Naalakkersuisunit misissorneqarsimava?

Akissut: Savaateqarnermi erngup nukinganik nukissiorfeqalernissami periarfissat amerlisinnaaneritut aamma sulisorineqartunut sunniutitut misissuititsisoqarsimavoq, VVM-ilu pillugu misissuinerit (kapitali 7.12) kiisalu nuna tamakkerlugu pilersaarummut malitassanut (kapitali 6.1.1) nassuiaammut atatillugu nalilersuisoqarsimalluni.

b) Qorlortorsuami erngup nukinganik nukissiorfiup suliarineqarneranut aningaasani naammattunik immikkoortitsinissaq Naalakkersuisunit qulakkeerneqarsimava, taamaaliornikkut siumut naatsorsuutiginnisamik aningaasaleeqqittariaqarnerit pinngitsoortinniarlugit?

Akissut: Qorlortorsuarmut pilersaarummut sanaartornermut aningasaliissutaasut saniasigut sanaartortitsineq immi Narsami Qaqortumi innaallagissap aqqaanik sakkortusaanissamut aamma aningaasaliinernik ilaqarput. Aningaasaliissutit sapinngisamik missingiinernik pissarsiarineqarsinnaasunik tunngaveqarput. 2016-imi ukiakkut suliariumannittussarsiuussisoqareerpat aatsaat sanaartortoqarnissaanut isumaqatigiissutissami aningaasat qasserpiaassanersut paasinarsiumaarput.

c) Tasiilami erngup nukinganik nukissiorfiup allilernerqarnissaanut pilersaarutitut atatillugu Tasiilami aalisakkerinermik ingerlatsinerup annertuseriarsinnaanera Naalakkersuisunit ilanngullugu eqqarsaatigineqarsimava?

Akissut: Tasiilami erngup nukinganik nukissiorfiup allinissaanut periarfissanut tunngatillugu misissuinerit aallartinneqartuni siunertaavoq Tasiilami massakkut pisariaqartinneqartut angunissaat. Kinguneratigut imermik atugassanngortitsinerit atuinerullu ineriartortitsiffiunera allisaasoqatittoqarnerani atorineqarsinnaassapput.

d) Qorlortorsuarmi erngup nukinganik nukissiorfiup imermik pilersorneqarnerata amigarnera nukissiorfik sananeqarmalli pisinnaasoq ilisimaneqarpa, sunarpiarlugu pequtaava imermik maanna amigaateqalersimaneq?

Akissut: Qorlortorsuarmi erngup nukinganik nukissiorfiliortoqarnerani innaallagissamik atuinerusoqalersinnaaneratigut, inuit amerlassusaatigut allanngortoqarsinnaaneratigut kiisalu sialoqapilussinnaaneratigut sialoorusinnaaneratigullu pisinnaasut arlallit takorloorneqarsimapput. Tamakkulu pissutigerpiallugit taamanikkut imeqarfiusumut allanik ikkussuisoqarnissaa pillugu periarfissanik arlariinnik nassuiaasoqareersimagaluarpoq. Imeqarfik nakkaasumiillu "Qooroq Kangilleq"-miit kuuk imermik pilersuinerpaajupput annerusumillu pilersuisoqarnissaanut tulluernerpaajullutik, aamma nunataa sialoqarnissamik pisariaqartitsinngimmat, sermilli aannissaanik pisariaqartitsilluni. Imermik amigaateqalernerit sialoqarpiarsimanginnera Qaqortumullu innaallagissamik annerusumik tunioraaneq pissutaapput, soorlu innaallagissamik kiassaammik tuniniaaneq.

- e) Qorlortorsuarmi annertusaaniarneq nukissiuutit ataavartut allat atorlugit suliarineqarsinnaanissaa eqqarsaatersuutigineqarpa misissorneqarluniluunniit?

Akissut: Qorlortorsuarmik allisaanikkut inuiaqatigiit aningaasaqarnerisigut kingunissanut naliliinermi paasinarsivoq aningaasaliinerit inuiaqatigiit aningaasaqarniarnerannut akilersinnaassasut, tamatumalu kingorna allisaasoqarnissaanut pilersaarusiorneq ingerlaannarsimalluni. Taamaalisooqarnerani Kujataani nukissiuutinik allanik pilersuisooqarsinnaaneranut aningaasaliinissanut erseqqinnerusumik misissuisooqarsimanngilaq.

Nukissiorfeqarnermut pilersaarutissami Kalaallit Nunaat tamakkerlugu nukissiuutinik ataavartunik atuisooqarnerulernissaanut isummersortoqarlunilu pilersaaruteqartoqarpoq, tamatumani lu siunertaavoq nukiit ataavartunik nukissiornerneersut 2030-mi Nukissiorfiit pilersuinerata minnerpaamik 90 %-erissagaat. Nukissiuuteqarneq pillugu pilersaarut erngup nukinganik nukissiornerit saniatigut ataavartunik nukissiuutit allat atornissaannut isummersuutinik imaqarpoq.

15.13 Konto pingaarneq 89.72.11 Nammineq inissianik tapiissutitalimmik sanaartorneq

- a) 20/20/60-imik aaqqissuussinerup allannortinnissaa Naalakkersuisunit pilersaarutigineqarpa?


Akissut: Naalakkersuisut 20-20-60-imik aaqqissuussinerup ingerlanneqaannarnissaannik kissaateqarput, aaqqissuussinerlu allannortinneqarniarpat Inatsisartuni aatsaat isumaqatiginninniartoqareernikkut tamanna pisinnaavoq.

15.14 Konto pingaarneq 89.72.12 Inissialiassat taartissanillu inissialiortiterneq

Ataatsimiititaliap Kommune Kujallermut tikeraarnerani paasissutissiissutigineqarpoq blokkit inissiat assigiit isaterneranni aki piffissap sivikitsup iluani 2 mio. kr.-init 6 mio. kr.-inut qaffassimasoq. Suliffeqarfiit sanaartortut sanasullu amigaataanerannik ajornartorsiut qanoq annertutigaa, tamannalu sanaartornermi akinut qanoq sunniuteqarpa?

Akissut: Isaterisooqarnissaani sulianut taamaattunut siusinnerusukkut neqeroorutaasunut sanilliullugu suliariumannittussarsiuussinermi annermik neqeroortoqarsimanera ilumoorpoq. Tamatumunnga pissutaasunut ilaapput pilersaarutinit siusinnerusukkut suliarineqartunut sanilliullugu atortulersuutit allannortiterneranut tunngatillugu pilersaarummi suliassat amerlanerusimanerat, entreprenørinillu arlaatigut amigaateqartoqarsimanera. Neqeroorutit qaffasippallaartut pissutaallutik suliassaq 2017-ip qiteqqunneranut taamaatiinneqarallarpog, ilaatigut suliassaqarpallaalernissaa pinngitsoortinniarlugu ilaatigullu suliassaqartitsineq assigiinnerusumik agguaassinnaajumallugu. Peqatigitillugu neriuutaavoq nutaamik suliariumannittussarsiuusnikkut akikinneq anguneqarsinnaajumaartoq.

Inussiarnersumik inuulluaqqusillunga



Randi V. Evaldsen